

2031

9-89

Mr. W. J.

12

12

may 27

11597

90-427

12

12

12004

1629

3778-42

ՍՐԲՈՅ ՀՕՐՆ ՄԵՐՈՅ

891-99

Գ Ր Ի Գ Ո Ր Ի

7-89

ՆԵՐԵԿԵՅ ԳՆԵՒՅ ԳՆԵԿԵՆԻ

պ

ՄԱՏԵԱՆ ՈՂԲԵՐԳՈՒԹԵԱՆ



պեկ

ՏՊԱ ՏՊԱԳՐԵԼԻ

Ի ՀԱՅԲԱՊԵՏՈՒԹԵԱՆ ՍՐԲՈՅ ԷԶՄԻԱՃՆԻ Տ. Տ.

ՆԵՐՍԷՍԻ ՍՐԲԱԶՆԱԿԱՏԱՐ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՅ

1008
35964

Ի ՊԱՏՐԵԱՐՔՈՒԹԵԱՆ ՍՐԲՈՅ ԵՐՈՒՍԱԳԷՄԻ

ՏԵԱՌՆ ԿԻՐԱԿՈՍԻ ՍՐԲԱԶՆՆ
ԱՐՔԵՊԻՍԿՈՊՈՍԻ

պեկ

ԵՒ

Ի ՊԱՏՐԵԱՐՔՈՒԹԵԱՆ ԿՈՍՏԱՆԴՆՈՒՊՈԼԻՍԻ


ՏԵԱՌՆ ՅԱԿՈԲԱՅ ԱԶԳԱՍԷՐ ՍՐԲԱԶՆՆ՝ ԱՐՔԵՊԻՍԿՈՊՈՍԻ

Ի ԿՈՍՏԱՆԴՆՈՒՊՈԼԻՍ

ՅՕՐԹԱԳԻՒՂ

Ի ՏՊԱՐԱՆԻ ՊՕԼՈՍԻ ԱՐԱՊԵԱՆ ԱՊՈՒՉԵԽՅԻՈՅ

1850 — ՌՄՂԹ




Ազդ մամբ անեղնս՝ արեւոյն Գրիգորի,
 Մատենան հոգեւ շահ՝ բազմաց ընծայի:



ԳՐԻԳՈՐԻ

ՆԱՐԵԿԵՅ Վ ԼՆԻՅ Վ ԼՆԵԿԸՆԻ

ՄԱՏԵԱՆ ՈՂԲԵՐԳՈՒԹԵԱՆ



ԼՆ ԼՈՒԶՅԻՆ

Ի ԽՈՐՈՅ ՍՐՏԻՅ

ԽՕՍԻ ԸՆԴ ԱՍՏՈՒԾՈՅ

Ա. ՁԱՅՆ հառաչանաց հեծութեան սրտի՛ ողբոց
 աղաղակի քեզ վերընծայեմ, տեսողդ գաղտնեաց. և մա-
 տուցեալ եղեալ ՚ի հուր թախծութեան անձին տոչորման՝
 զպտուղ ըղձից ճենձերոյ սասանեալ մտացս, բուրխաաւ-
 կամացս առաքել առ քեզ: Եւ հոտտեսցիս հայեսցիս,
 դթած, քան ՚ի պատարագն բողբոսպտուղ մատուցեալ
 ծխոյն բարդութեան: Ի՛նկալ զսակաւամասնեայ բանիցս
 յօղուած քեզ ՚ի հաճութիւն, և մի ՚ի բարկութիւն. ելցէ
 ՚ի խորոց աստի զգայութեանց խորհրդակիր սենեկիս՝ վաղ-
 վաղակի ժամանել առ քեզ՝ կամաւորական նուէր բանա-
 կան զոհիս, ողջակիզեալ զօրութեամբ ճարպոյ՝ որ յիսն է
 պարարտութիւն: Եւ ՚ի դնելս իմ ընդ քեզ դատ խառնեալ
 աղերսիւ, հզօր, մի իբրև զհամբարձումն ձեռաց ամբա-
 ըշտեալն Յակոբու, ըստ բողոքելոյն Եսայեայ, և զանիրա-
 լութիւնն Բաբելոնի՝ տաղակալի քեզ երևեսցի. զոր առակ

Եօթանասներորդի երկրորդի Սաղմոսին ազդէ . այլ իբր ըզբուրեալ խունկն հաճոյական ՚ի խորանին Սերովայ, զոր Դաւիթն կանգնեալ նորոգեաց տապանակին հանգստեան ՚ի գերութենէն դարձելոյ, որ ՚ի վերստին դիւտ կորուսեալս հոգւոյ առակի, ընդունելի կամաց քոց լիցի:

Բ. ՚Բայց քանզի ձայնդ ահաւոր դատաստանիդ հատուցման՝ ուժգինս հնչեցեալ ՚ի ձորն վրէժխնդրուէ, կրկինս ինձ երկնէ մարտից յարուցմունս, այժմէն գուշակեալ շարժմունս յուզմանց ներհակականաց, որ յիմումս անձին ցուցանի, խառնութիւնս ամբոխից, հարեալք ընդ միմեանս զէն առ սուսեր՝ խորհրդոցն հոյլք, չարեացն ընդ բարիան, և գերեալ զիս ՚ի մահ ըստ հին դիպուածոյն՝ որ նախ քան զնորհին ժամանել առ իս . զոր ընտրեալն առաքելականացն դասուց Պօղոս՝ առօրինակեալ զՄովսէս, զԲրիստոսի փրկութիւն յաղթող ցուցանէ: Ս ասն զի թէ մերձ է օր տն, որպէս գիր ասէ, ՚ի հովիտն անձուկ ասպարիսին Յովսափաթու և հեղեղատին Սեդրոնի, փոքր հանդիսարանացն իրաւանց ժամադրութեց, որ կենցաղականաւ այսր յաւիտենիւ զհանդերձելոցն ինձ կերպարանեն, ապա ևս յաւետմերձեցաւ ՚ի վերայ իմ՝ արքայութիւնն աստուծոյ մարմին եղելոյ, մեծապէս գտեալ զիս առիթ վսասուց՝ բազմաց տոկոսեաց՝ զաննզան մասանց յանդիմանողաց ճշմարտապատմից, քան զձեռին նորին վերակացումն անդ ուրեմն երբեմն ՚ի հարուածս Եդովմայեցւոց և Փղշտացւոց, և այլոց բարբարոս ազգաց: Քանզի այն ընտրութիւն ամօք չափեցաւ, իսկ պատուհաս իմումս պարտուց առանց աւարտման ունի զսահմանս Մհ, դուք և որոգայթ անձողարելի, ըստ մարգարէին և առակողին . տազնապաւ մեծաւ առ դուրս ինձ հասեալ՝ զամօթն մշտնջենաւոր աստէն գծագրել: Օ որ միայն քո է հրաշագործել պտուղս դեղոց ՚ի հնարս կենաց ամենալարան տարակուսանաց հոգւոց վտանգից, քաւիչ ամենայնի՝ գովեալ ՚ի փառս անձառս անսահմանելի բարձրութեան, յաւիտեանս յաւիտենից:

ԲՆՆ . Բ

ՉԵՐՍՏԻՆ ՅԱԿԵԼՈՒՄԻ ԿՐԿԻՆ ԷԵԾՈՒԹԵԱՆ ԿՈՐԻՆ ԷՍՊՈՂԻ
ԱՌ ԿՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ

ԽՕՍԲ ԸՆԴ ԱՍՏՈՒԾՈՅ

Ա. Եւ արդ քանզի առ բարձրեալն աստուած յօղաւորական շրթամբք կարդաս, որ դործովք միայն գրաւի և ոչ ստեղծաբանութիւն կաշառի, որ յԵզիպտոս միշտ ունիս զսրտիդ դարձն, զի՛նչ օրինակ առ այս քեզ նմանագոյն և յարմարական աստանօր եղից՝ անձն իմ պարտաւոր, պատժակիցս կործանեցելոյն Սողոմայ, ըմբերանեալ զատախազս Նինուէի, անարի բարբարոսս քան զտիկինն հարաւային, վատթարագոյնս քան զՔանան, յամառեցեալս քան զԱմաղէկ, անբժշկականս քաղաք դրօշելոց, նշմար մնացեալ ապստամբութեան հինն Խարայէլի, յիշատակարան պահեալ ուխտազանցուէն Յուդայ, կշտամբեալս զեր քան զԾուր, տարամբժեալս քան զԾայդան, խորդաբարոյս քան զԳալիլեա, աններելիս քան զանհաւանն Վափառնաում, պարսաւեցեալս իբր զՔորազին, բամբասեցեալս ընդ Բեթսայիթայ, անպարկեշտ ծաղկեցեալ ալիքս Եփրեմի, աղու աղանիս միշտ յիմարութեամբ՝ այլ ոչ հանդարտութեամբ, ՚ի կորեանց առիւծուց անձնական օձս եղեռնային, կերպս ձուոց քարբից լցեալ ժանտութեամբ, պատկերս վերջին հարուածոցն Երուսաղէմի, ըստ բանին տէրունի՝ և տեսանողացն ձայնի, տաղաւարս մերժեալ՝ հասեալ ՚ի կործանումն, խորտակեալ դրացս վտահարան, և կրկին ծրդեալ շինուածս խօսուն, թողեալ ժառանգութիւնս յարմարական, մոռացեալ տունս աստուածակերտ, ըստ բանից նախագրեցելոցն՝ Մովսէսի, Դաւթայ և Երեմիայի, յարկս բանական՝ ունողս բորոտութեան, հարուածեալ խրատու քերամանն, օրինիւ կազդուրեալ, օծեալ կաւովն՝ ողորական հե-

զուժքն , անձարակ գտեալ յերա հնարից , քակտեալ վերստին ձեռամբ շինողին , արտաքս ընկեցեալ իրաւացի հատուցմամբ հրամանաւ հզօրին ՚ի տեղի անսուբբ , հերքեալ տարագրեալ խտրոցաւ մեծաւ՝ ամենայնիւ առանց խնայելոյ , ծածկեալ դրամս յերկրի չարեօք , ըստ աւանդակորոյս Ժխտողին՝ որ Աւետարանին ցուցանիս :

Բ . Լ . Ե Դ ու աստուած , աստուածդ հոգւոց և ամենայն մարմնոց՝ ըստ դաւանելոյ աստուածաշնորհին , երկայնամիտ և բազումողորմ՝ ըստ սրբոյն Յովնանու ձայնին , շնորհեա կատարել ՚ի քոյդ հաճութիւն օրհնեալդ կամաց՝ զսկզբնաւորեալ մատեան մաղթանաց՝ այսր ողբերգութեանս Լուրնդ լայով սերմանել բանիս ՚ի նախընթաց չուս աստիճանաց օթեանացս պատրաստութեան , ՚ի կատարածն ժամանելոյ հաւաքման հնձոցն , դարձայց բերկրեցեալ լլուծք քաւութեան՝ պտղոյն երանութեան որայիցն բարութեանս : Սի տացես ինձ արդանդ սրտի անորդի՝ իբր Խարայէլի , և ստինս աչաց ցամաքեալս՝ ով ամենագութիւն Լուր բանական մաղթողի՝ հզօր և ողորմած , նախ քան երկնի , և երկին երկրի , և նա ցորենոյ և գինւոյ և ձիթոյ , և նոքա Խարայէլի Լուր երկնաւորացն աղերս որ առ քեզ՝ հոգւոյս աղղեսցէ , քան թէ տարերաց ապականացուաց : Վու ստեղծիչ՝ և ես կաւ , բաց տարակուսելոյս ՚ի մուտս մաղթանաց այսր հեծութե՝ կամս քաղցրութե՝ զօրանալ աստէն . զի մի ՚ի բնալ վերնայինն երկնի՝ անընտիր գտեալ կրթութեան վայելման լուսոյ , իբր զնիւթ մոմոյ ալառեցայց ջնջեալ ՚ի միջոյ : Ողի զրկելոյս , ըստ մաղթանաց գոչման ասողին , և ոյժ թալկացելոյս , և կեանք մաշելոյս՝ մտացս խղճիւ , այլ ոչ տաժանմամբ կրից՝ աշխատութեամբ զքեզ խնդրելոյ , առ զաւանդ մաղթանացս , և տուր զողորմութիւն քո շնորհացդ . ընկալ զվոքբս ՚ի տկարէս , և շնորհեա զմեծդ առ ՚ի հզօրեդ . զօրացո զբանս զղջման , առաքեալ ՚ի մեզ հոգի ՚ի բարձանց՝ աստուածաշունչ պատգամօքս ՚ի սմա եղելոցս : Վարդեաւ բարերար՝ զառակն Եսայեայ , լուսաւորեալ առ ճմարտու-

Թիւնն, մատուցանելով մահու արժանոյս՝ ընդ պղնձոյս զոյի
անարգս ձայնի՝ զոսկի քո շնորհի, ընդ անզարդութեան եր-
կաթոյս սևութեան գունոյս՝ պղինձ պճնելի, ցոյցք առա-
քինութե, հրաշեկ լիբանանու: Ինդէք կարծրացուցանես
զօրտ եղկելոյս՝ շերկնչեկ ՚ի քէն, անձառ և ահաւոր: Մի
եղէց անպտուղ ՚ի փոքր վաստակոյս՝ իբր ապաջան սերմա-
նող անբերրի երկրի: Մի լիցի ինձ երկնեւ և ոչ ծնանել,
ողբալ և ոչ արտասուել, խորհել և ոչ հառաչել, ամպիւ և
ոչ անձրևել, ընթանալ և ոչ հատանել, ինձ ձայնել և քեզ ոչ
լսել, պաղատիւ և անտես մնալ, կողկողել և ոչ ողորմել, ա-
ղաչել և ոչ ինչ օգտել, զոհել և ոչ ճենձերել, զքեզ տե-
սանել և դատարկ ելանել: Եւր ինձ նախ քան զկարողար
իմ առ քեզ՝ միայնդ հզօր: մի զանվճար տանջանացն տոյժս՝
ընդ թուով աւուրց մեղօք կեցելոյս չարագործիս ինձ հա-
տուցանել: Կեցօ զիս գթած, լուր ինձ ողորմած, մարդա-
սիրեա ներող, խնայեա երկայնամիտ, պաշտպանեա ապա-
ւէն, բարերարեա հզօր, ազատեա ամենակալ, կենա-
գործեա նորոգող, վերականգնեա ահաւոր, լուսաւորեա
երկնային, բժշկեա հնարաւոր, քաւեա անքննին, պար-
զեատրեա առատ, շնորհազարդեա աննախանձ, հաշտեա
անախտակիր, ընկալ անոխակալ, սրբեա ՚ի պարտուց օրհ-
նեալ: Եթէ յառեցից զաչօ իմ, նայեցեալ ՚ի հայեցուածս
երկուց վտանգից յաւուր թշուառութեան, զքոյդ տեսից
փրկութիւն՝ յոյս և խնամակալ. եթէ նկատեալ զիտեցից
՚ի վեր յամենագրաւ ուղին սոսկալի, հրեշտակ քո խաղա-
ղութեան քաղցրութեամբ ինձ պատահեցէ: Յոյց ինձ տօր
՚ի յելիցն աւուր շնչոյս արձակման՝ մտքութեան ոգի լու-
սով ամբարձեալ ՚ի յերկնաւորացն երջանկաց՝ պարգևօք սի-
բոյ քոյ եկեալ հասեալ: Ի յարդարոցն կատարելոց՝ կարեաց
ինձ կցորդ ժամանեցուցես. զանակնկալն բարի՝ չարիս ՚ի
յուտահատութեանն աւուր շնորհեցես: Քաւ լիցի քեզ
բարեբանեալ, որ փրկութիւնդ ես ամենայնի, եթէ ախ-
տացեալս քո ոչխարի՝ գազան զժնդակ տացես ուղեկից:

մեղօք մեռելոյս՝ անախտ կեանք , կործանելոյս պարտեզք՝
փրկութիւնն :

Գ . Արդեօք մոռացելն զբարերարելո՞ւ ակնկալութիւն .
անտեսեսցեն զգլթասիրելո՞ւ խնամող . այլայլեսցեն զմարդա-
սիրելո՞ւ անսիրտիս . նհանջեսցես զկենդործելո՞ւ անվախ-
ձանն . թողուցնու զողորմութիւնո՞ւ երջանիկ պտուղ : Աղա-
ւաղեսցեն զքաղցրուէն բարեշնորհ ծաղիկդ . անպատուես-
ցեն զնիւթ պանծանաց քումդ ճոխութեան . յեղանակես-
ցեն զփառս հերոց քումդ բարձրութեան . ոչ պահեսցես
զվայելահան զարդ պայծառութեան քումդ պսակիս Աթե-
ողորմածացն է երանութի , իսկ դու բնաւ իսկ այբայութի
լցեալ փափաքմամբ , ոչ զբողոն պարզեցես փրկութի .
ոչ մատուցանիցես դեղ վիրացս , ոչ սպեղանիս խոցուածոյս ,
ոչ դարման տկարութեանս . ոչ ծագեսցես լոյս ՚ի խաւարի՝
յուսացելոյս ՚ի քո զօրութիւնո՞ւ կենաց պարզեղ տիեզե-
րաց , որ միայնդ ունիս փառս ինքնութեամբ իսկութեամբ
և յարակայ մշտնջենաւորութեամբ , վկայեալ ՚ի բնաւից ,
օրհնեալ և փառաւորեալ յերիս յաւիտեանս , և անդր քան
զպայման սահմանի իմանալեացն յաւիտենից . ամէն :

ԲԱՆ . Գ

ԱԵՐՍՏԻՆ ՅԱՆԵԼՈՒՄԸ ԿՐԿԻՆ ՀԵՃՈՒԹԵԱՆ ԿՈՐԻՆ ՀՍՊՈՒԼԻ
ԱՌ ԿՈՅՆ ԵՂԵՐՍ ՄԵՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍ-Բ ԸՆԴ ԱՍՏՈՒԾՈՅ

Ա . Տե՛ր իմ տէր տուիչ պարզեաց , ինքնաբուն բարի ,
ամենից տիրող հաւաստարապէս , միայն արարիչ զբնաւս յու-
շէից , փառաւորեալ , անքննին , ահեղ , ահարկու , սոսկալի ,
հզօր , սատրիկ , անտանելի , անմերձենալի , անլմբռնելի ,
անիմանալի , անձառելի , անտեսանելի , անզննելի , անշօշա-

փեղի , անորոնելի , անսկիզբն , անժամանակ , անշամանդազ
 գիտութիւն , աներկեւան տեսութիւն , ճշմարիտ էականու
 թիւն , բարձր և խոնարհ , օրհնաբանեալ զոյուրի , անստուեր
 ծագումն , ամենափայլ ճառագայթ , խոստովանեալ լոյս ,
 անտարակոյս վստահութիւն , անտարտամ հանդիստ , անյեղլի
 կնիք , անսահմանելի տեսիլ , վկայեալ անուն , ճաշակ քաղց
 րութեան , բաժակ բերկրութեան , հաստիչ հողւոց հաց ,
 օտար մթութեանց սէր , աներկբայ խոստումն , ծածկոյդ
 ցանկալի , զգեստ անկապուտ , օթոց բաղձալի , զարդ փա
 ռաց , ձեռքնկալու մեծ , ապաւէն գովեալ , աննուագելի
 շնորհ , անպակասելի դանձ , անապական անձրև , արփիացրն
 ցուղ ցող , ամենատեղաց զեղ , ձրի բժշկութիւն , կրկնաձիր
 առողջութիւն , վեհազոյն խրախոյս , անպատիր կոչումն ,
 համօրէն աւետիս , ստրկամեծար թագաւոր , աղքատսաւր
 պաշտպան , մշտահարուստ տուիչ , անխափան զխմեցումն ,
 աննահանջելի հրաման , անհամառօտ յոյս , երկաք տեսողու
 թիւն , անզղջական տուր , ամենաբաշխ սջ , արդարակշիռ
 ձեռն , անաչառատես ակն . մխիթարութեան ձայն , տիրա
 նաց լուր , բերկրութեան բերումն , անուն կենդանի , նա
 խախնամող մատն , անգայթակղելի ելք , անխարդախ ըն
 թացք , կենդանարար կամք , աննենգելի խրատ , աննախանձ
 պատիւ , լայնական հնալք , անձկական պայման , անգտա
 նելի հետք , աներեոյթ շաւիղ , անչափագիր պատկեր , որքա
 նութիւն անսահման , աննմանական տիպ , անզուգական
 գութ , ողորմութիւն բազմագեղ , խոնարհութիւն տօնելի ,
 համբոյր փրկական , Վ և ս քան զայս ազգմունք վայելչա
 կանք՝ աստուածութեանդ նուիրելիք . օրհնեալ , գովեալ ,
 բարեբանեալ , քարոզեալ , աւետարանեալ , հռչակեալ , հրն
 չեցեալ , պատմեալ , անխաբելի կամօք աղաչեալ , և որ ինչ
 առ մեզ բերին առ ՚ի քէն հոսմունք քաղցրութեան , զոր հան
 դերձելոցն ճառից լուսաբանեն կերպաւորութիւնք . որով
 զուարթ ցուցանիս ՚ի փրկութիւնն իմ , երանութիւն , իրբ ՚ի
 պարարտութենէ իմեքէ . ասորժ տենչանօք լցեալ . զի ոչ

խմելն ինչ ննտոխապատուատ փառատրիս երգով, այլ զի պատճառ իմն առցես զփոքրս աղերս՝ մեծիդ փրկանաց:

Բ. Լ. քանզի առ ամենայն հասակ տնկեցեալ յերկրի սզգ բանականաց՝ այս պատուէր նկարագրական նորոգ մատենի ողբոց նուագի, որ զամենեցունց ունի զկրից պատահմանց նշաւակեալ յիւրում պատկերի, իբր կցորդ մեծ գիտակական կարեաց համայնից, առ բոլոր դումարս բազմահոյով տինգերակոյտ քրիստոնէից, առ նախնի ժամն ժամանողաց, և առ երկրորդ կոչեցեալ չափու արբունն, առ որ ՚ի կատարած աւուրն կալեալ՝ սակաւածեուն ծերութեամբն, առ պարտաւորս և արգարս, առ ինքնարգոյ բարձրայօնն և սրխալեալ անձնագատ գտեալն, առ բարխն և եղեռնագործրս, առ նկուես և առ արիս, առ ստրուկս և ներքոյանկեալս, առ սեպուհս և գերաշխարհիկս, միջակայնոց և պայազատաց, շինականաց և տոհմականաց, արուսց և իդաց, հրամայողաց և հնազանդելոց, գերելոց և նուաստից, վեհից և փոքունց, պատուականաց և ռամկաց, ձխալարժից և սուկականաց, քաղաքականաց և գեղջկաց, արքայից գոռզութեանց ՚ի սանձս ահաւորին ըմբռնեցելոց, միայնացելոց՝ վերնականացն խօսակցաց, մաքրականաց տիրանուէր զգաստութեանց, քահանայական երջանկակրօն ընտրութեանց, այցելութեանց բարեզգեստից դիտողութեանց, աթոռակալութեանց նախագահից սրբանուէր տեսողութեց. որոց ոմանց աղերս աղաչանաց, և ոմանց խրատ բարեաց առ դէմս աղօթից այսու մատենիւ մատակարարեցի, ձեռնարկեալ հոգւոյդ զօրութեամբ՝ կարգել ինձ մտղթանս բազմադիմիս, և ամենեցուն սոցին ինդրուածս՝ գթութեան մեծիդ յանդիման լինել սովաւ հանապազ:

Գ. Լ. արասցես զսոյն ընթերցողացն ՚ի սիրտս յստակս՝ բժշկութիւն հոգւոց և մաքրութիւն յանցանաց, թողութի պարտաւոյ և արձակուրդ մեղաց կատանաց: Եղիցի բըղխտմն արտասուաց սովաւ վարժելոցն, և պարգևեալ տացի ՚ի ձեռն սորին ապաշաւ ըղձից: Շնորհեսցի տէր և ինձ ընդ

նոսին առ ՚ի քէն զղջումն կամաց , և նոցա խմովս ձայնիւ
 շունչս բարեհամբոյրս . նուիրեսցի վասն իմ այսու մատենիւ
 պաղատանք նոցին , և բանիւս այսու հեծութիւնք նոցին
 ընդ իմ խնկեսցին : Նոգ համբոյր ճաշակման այսր ողբեր-
 գութե , շնորհ լուսոյ քոյ մտեալ բնակեսցէ : Աթէ ելցեն
 ինձ բարեպարիշտք ընծայիլ սովաւ , ընկալ կենդանեօքն
 վասն քո , գթած , և զիս ընդ նոսին . եթէ ախտս ինչ սրբա-
 նուէրս կաթուածոց աչաց սովմբ բերիցի , եղիցի ՚ի քէն
 խնամակալ և յիս անձրեւեալ . եթէ գրեսցի և ՚ի փրկութի
 կարգեսցի հաղորդելցն յայս կիրս կենաց , արասցես կամաւ
 քո օրհնեալ և ինձ համարեալ : Աթէ հեծութիս անձա-
 հաճոյս ՚ի ձեռն այսր բանի ՚ի գաղտնեաց ուրուք յառաջ
 եկեսցէ , օգտեցայց քե բարձրեալ և ես ընդ նմին . եթէ
 ձեռն մարուր՝ խնկով հանդերձեալ առ քեզ համբարձցի ,
 հասցէ միասցի ընդ իմս ձայնի և աղաչողացն աղերս յա-
 ռաջ մատուցեալ : Աթէ պաղատանս բաղմաղիմիս ընդ իմս
 երկնեսցի , լիցի և ինձ քե և վասն սորին կրկին նուիրեալ .
 եթէ յարդեսցի այս անձին բանի պատարագ՝ քեզ ՚ի հա-
 ճութիւն , նախայլոցն ընդ իս քե ընծայեսցի : Աթէ ՚ի տըխ-
 րանաց ինչ ձանձրութե որ նուաղեսցի , կանգնեսցի վերատին
 հաստարանաւ այս հառաչանաց՝ ՚ի քեզ յուսայեալ . եթէ
 համբարտակն վտահալութեան մեղօք յատակի , այսու ար-
 ձանօք պատկանեսցելովք աջով քո պաշտպան՝ դարձեալ
 կառուսցի : Աթէ յուսոյն ձգարան սուսերբն յանցանաց
 հատեալ կտրեսցի , կցեսցի դարձեալ միւսանգամ կամօք
 ամենակալիդ բարեօք պատուաստեալ . եթէ վտանգ մահու
 անձնական ցաւոյ զոք պաշարեսցէ , դտցէ փրկութի սովաւ
 առ ՚ի յոյս կենաց՝ յաղօթելն առ քեզ կեցուցի : եթէ տաղ-
 նապաւ որ տարակուսի ՚ի սիրտ խոցլայի , քաղցրութե քո՝
 սովաւ ապրեալ ողջացցի : Աթէ անբաւելի կորստեամբ
 պարտեաց՝ յանդունդս որ խորոց իցէ ընկուզեալ , եկեսցէ
 ՚ի լոյս կարթիւ այս հնարից՝ քե պատասպարեալ . եթէ թըմբ-
 րութեամբ խաբից խաւարին գործոց իցէ որ վնասեալ , զօ-

բասցի անդրէն վասն քո՝ միայն ապաւէն՝ ՚ի քեզ ապաստան եղեալ: Եթէ պահպանակն վստահուէ զանձն ուրուք Լքցէ, ընկալցի այսու միջնորդիւ ձեռն քո զնա՝ ամիոփեալ ՚ի նոյն հաստատութեան. եթէ ամայի ՚ի զգուշութենէ պահողացն որ դեգերեացի, սպասեսցէ սովիմբ առ ՚ի նոյն դարձ նորու գողիս: Եթէ սարսուռ դիւային ջերման՝ զողութեամբ ինչ զոք խռովեսցէ, սթափեսցի ՚ի սոյն յայս նշան խոստովանեալ և երկրպագեալ խաչիդ խորհրդոյ. եթէ անօրէնութեան միրիկ խորտակիչ հողմոյ յանկարծ բախեսցէ զհաստուածս մարմնոյ շինուածոյ մարդոյ յերկրային ծովուս, հանգարտեսցի անդրէն զեկաւ այս թևոյ ՚ի քեզ պատկանեալ:

Գ. Եւ արասցես լինել զեղ կենաց առ հնարս ցաւոց հոգւոց և մարմնոց քոց ստեղծուածոց՝ զայս կարգեալ սահման ողբոց մատենի սկզբնեցելոյ յանուն քո՝ բարձրեալ: Օ սկսեալս իմ դու կատարեա. եղիցի հոգի քո խառնեալ ՚ի սա. շունչ զօրութեան մեծիդ միասցի ՚ի քո ինձ շնորհեալ ստեղծաբանութիւնս. զի դու տաս զօրութիւն վճատեալ սրտից, և ընդունիս փառս յամենեցունց. ամէն:

ԲԱՆ . Դ

ՎԵՐՍՏԻՆ ՅԱԻԵԼՈՒՄԺ ԿՐԿԻՆ ԷԵԾՈՒԹԵԱՆ ՆՈՐԻՆ ԷՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ
ԽՕՍԲ ԸՆԴ ԱՍՏՈՒԾՈՅ

Ա. Եթէ քանզի սկիզբն կալայ խօսել ընդ քեզ՝ որ ՚ի ձեռն ունիս զշունչ կենդանութե հոգւոյս բազմամեղի, յիրաւի սարսեալ զողացեալ տագնապաւ մեծաւ յաւե՛տ երկնչիմ. վասն զի ահաւոր և անտանելի և ՚ի սահմանէ բունի փախչելի յիշատակ անձողոպրելի անաչառդ քո տունի՝ ՚ի կրտսամբումն իմ պարտաւորի՝ արարիչ երկնի և երկրի: Աա զի

և չիք իսկ բժշկուածի բազմալտանդ սաստկութեան վերացս
անողջանալի, խայթմանց խածուածոց մահաբերին բերանոյ
ժանեաց՝ որտողին զանձն իմ ՚ի կորուստ: Սանաւանդ զի
ոչ գոյ պատասխանի, ըստ առակողին, յաւուր պատերազմի,
և ոչ բանիւ իրաւանալի, և ոչ վերարկուաւ պատասպարելի,
և ոչ դիմակօք կեղծաւորելի. ոչ առ երեսս բանիւք մատչե-
լի, և ոչ կերպարանօք երբէք խաբելի, ոչ յօդուածովք բա-
նից ստելի, ոչ արագմամբ ոտից փախչելի, ոչ թիկանց դար-
ձուցանելի, ոչ դիմաց ընդ երկիր մածուցանելի, ոչ բերանով
ընդ հող հաստելի, ոչ ՚ի խորս երկրի զօղելի: Վանզի մերկ
են քեզ ծածկեալքն, և հրապարակեալ են աներևոյթքն .
արդարութիւն իմ նուազեալ և խպառ ունայնացեալ . մե-
ղանքն յայտնեցեալ և յաւետ առաւելելալ . չարիքն իմ
մնացական, և ես կորստական . իրաւանցն կշիռ պակասեալ
և անիրաւութիւն իսկոյն զօրացեալ . բարեացն բերք հալեալ,
և սխալմունքն արձանացեալ . աննղն կորուսեալ, և դա-
տակնիքն այժմէն գտեալ . մահուն մուրհակ դժեալ և ա-
ւետեացն կտակ եղծեալ: Վարերարն տխրեցեալ, և բանսար-
կուն ուրախացեալ . հրեշտակաց գունդն թաղծեալ, և սա-
տանայ խնձղիւք պարեալ . վերնական զօրքն ողբացեալ, և
ստորնայինքն բերկրեցեալ . սպանողին մթերք լցեալ, և պա-
հողին գանձն կապտեալ . օտարին կողմն կանգնեալ, և ստա-
ցողին պարզ և մատնեալ . հաստողին ձիր մոռացեալ, և կո-
րուսչին հաղբքն պահեալ . երախտիք փրկչին հենգնեալ, և
բելիար զուարթացեալ . կենացն աղբիւր փակեալ, և դոռո-
զին ժանդ ժանդիս ժամանեալ:

Բ. Եւ արդ ոչ ապաքէն ըղձալի էր, ըստ գրոյն կանխուե-
նախաձայնելոյ, ոչ ստեղծանիլն երբէք յարգանդի և ոչ նը-
կարիլն ՚ի յորովայնի, ոչ ՚ի ծնունդ յառաջագայիլ և ոչ ՚ի
լոյս կենաց հասանիլ, ոչ ՚ի թիւս մարդկան գրիլ և ոչ ՚ի հա-
սակ աճման ամբառնալ, ոչ ՚ի պատկեր գեղոյ զարդա-
րիլ և ոչ բանիւ հանդերձաւորիլ, քան ընդ այսպիսեաց
սաստկագունից և սարսափելեաց ըմբռնիլ պարտուց, զոր և

ոչ վիմաց կարծրութիւն բերէ , թող թէ մարմնոյ լուծականութիւն :

Գ . Եւ արդ տուր բարեգութ՝ աղաչեմ զքեզ , տուր ինձ ողորմութիւն , որ զայստիկ դու ինքնին բեզէն քոյովդ բանիւ մեզ սահմանեցեր ասելով , թէ տուք զայդ նուէր յանուն իրկութեան ձերոյ աստուծոյ , և սուրբ եղերուք . զի զողորմութիւն կամիմ , և ոչ զպատարագ : Ահա բարձրացիր վերստին խնկեալ այսր յիշատակաւ , որ ունիս զամենայն , և ի քէն է ամենայն , և բեզ փառք յամենեցունց . ամէն :

ԲԱՆ . Ե

ՎԵՐՍՏԻՆ ՅԱԵԵԼՈՒՍԾ ԿՐԿԻՆ ԷԵԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍ-Ք ԸՆԴ ԱՍՏՈՒԾՈՅ

Ա . Եւ արդ ես երկրածինս մարդ՝ կենցաղականաւ անկայուն գոյիւ զբաղեալ , և յիմարութք պատրողականաւ գինեաւս յիմարեալ , որ ամենայնիւ ստեմ , և ոչ միով իւրք ճշմարտեմ : Քանզի որովք դիմօք վերագրեցելովք նշանակօք աղարտեցելովք՝ յանդգնեցայ լինել յանդիման բում դատաստանիդ , ով իրաւագատ ահաւոր , անձառ , անպատում , հզօր աստուած բողբոց : Քանզի դասեալ աստտին ի սոյն զապերախտութիւն մեղուցեալ անձինս առ բումդ երախտիս , ցուցից զիրաւունս քո միշտ զօրացեալ և զանիրաւութիւնս իմ յաւետ պարտաւորեալ : Ար արարեր զիս ի քո պատկեր պանծալի՝ ի ձեռն վնհիդ տպաւորութեան , զուկարս օժանդակելով :

Բ . Օ արդարեցեր բանիւ , փայլեցուցեր փշմամբ , մտօք ճոխացուցեր , իմասաիւք աճեցուցեր , հանձարով հաստատեցեր , ի շնչականայն որոշեցեր , հոգւով իմանալեալ

խառնեցեր, իշխանականին դոյլւ պճ'նեցեր, ծնար հայրաբար, սնուցեր դայեկապէս, տածեր ստացողապէս, տնկեցեր զամբարխոստ ՚ի քումդ գաւթի, ջրովն կենաց ոռոգեցեր, աւազանին ցօղով մաքրեցեր, կենացն վտակաւ արմատացուցեր, հացիւդ երկնայնով ջամբեցեր, աստուածային արեամբդ արբուցեր, սնհպիցն և անհասանելեացն ընտանեցուցեր, զչա երկրեդէն ՚ի քեզ համարձակեցեր, լուսովդ փառաց վերածածկեցեր, զհողանիւթ մատունս անմաքուր ձեռացս ՚ի քեզ մատուցեր, զմոխիրս անարգ մահացու ՚իր զնշոյլ լուսոյ յապրեցեր, զհայր քո հօր ահաւոր օրհնեալ մարդատիրապէս և անարժանիս իմոյ անձին կնքեցեր: Աջ կիզեր զբերանս լցեալ նանրութեամբ՝ ՚ի ժառանգակիցն կարդալ զքեզ, ոչ կշտամբեցեր զյանդգնեալս ՚ի քո կցորդութիւն, ոչ ստուերացուցեր զտեսիլ աչացս ՚ի քումդ ակնարկութիւն, ոչ արդեւնաւ կապանաց ընդ մահապարտացն տարադրեցեր, ոչ խորտակեցեր զգաստակ բազկիս՝ որ անմաքրապէս առ քեզ համբառնայր, ոչ մանրեցեր զոստ իմոց մատանցս ՚ի շօշափելն զբանդ կենաց, ոչ պատեցին զինն մտախուդք ՚ի ձօնելն զքեզ՝ ահաւոր, ոչ վշրեցեր զպարսատամանցս յըմբոշխնելն զքեզ՝ անասհմանելի, ոչ գնացեր բարկութիւն խոտորնակ՝ խոտորնակի ընդ քեզ հետեողս, իբր ընդ վրիպեալ տունն Նարայելի, ոչ խայտառակեցեր ՚ի հարսնաբանիդ զանարժանս քումդ պարերդութեան, ոչ ՚ի գձուձ հանդերձին տեսիլ զանօրինեալս յանդիմանեցեր, ոչ կապանօք ձեռացս և ոտիցս յարտաքին խաւարն հալածեցեր:

Գ. Օ այս ամենայն մատունս բարեաց և զնբերելոյդ երկայնմտութիւն ընկալեալ ՚ի քէն՝ բարերար, օրհնեալ և յամենայնի միշտ երկայնամիտ, փոխադրեցի վնասակարս պարտեաց՝ անթիւս և բազմօրինակ անօրէնութիւնս, մարմնականաց և անձնականաց՝ ամենակիր բազմածուփ խորհրդոց յուզմանց երկրաքարշութեանց: Օ այստիկ քեզ, աստուած իմ և տեր, ընդ այսբանեաց բարեաց փոխարեբեցի. զայս քեզ ինձէն հատուցի չարիս, ըստ մովստան

յանդիմանութեանն առակի , մոռացեալ զիմաստութիւնն և
 սիրոցս յիմարութեան : Օ այսց բարեաց երախտեաց կա-
 ճառս՝ ընդունայնութեան գնացիւք՝ չարաչար ունայնա-
 ցուցի . զայս լուսաւորութիւնն շնորհաց անձառից ՚ի բարձ-
 րելոյդ խնամոց բարդեցեալ՝ մրկեալն խելագարութեան
 ցնկեցիւ : Եւ թէպէտ բազում անգամ ծանուցար կարկառ-
 մամբ ձեռինքո այցելութեան ձգել զիս առ քեզ , ոչ հա-
 ւանեցայ ըստ մարգարէին որ զՆարայէլէ ամբաստանուէր .
 և թէպէտ խոստացայ դաշնաւորեցի քեզ հաճոյանալ , և ոչ
 ընդ այսմ սահմանաւ ուխտիւ փակեցայ , այլ դարձեալ ըզ-
 նոյն նիւթեցի չարիս , անդստին յոճն առաջին մատեայ ,
 փշոյն մեղաց հերկեցի զանդաստան սրտիս յորումնն ար-
 դիւնատրութիւնն : Եւ իս ելաննն առածք աստուածարեալ
 սուրբ մարգարէիցն . քանզի մնացեր յինէն խաղողոյ , և ես
 ընդ այնորիկ փուշ շառաւիղեցի . դարձայ յանխորժ դառ-
 նութիւնն պողոյ՝ այգիս օտարացեալ . բուռն հարի զան-
 հասարատ հողմոյ , որովք միշտ տատանեալ այսր անդր տա-
 բաբերիմ . ըստ ձայնի երանելոյն Յոբայ ընդ ճանապարհ իմն
 անդարձ գնացի . ՚ի վերայ աւազոյ շինուածս յիմարութեան
 կառուցիւ : Այնատարր հետովք խաբեցայ կենացն անձ-
 կալեաց հասանել . փակեցի ինձէն զելիցն ուղևորութիւնն .
 բացի կամաւ զկորստեան խորխորատն : Իցի զպատուհան
 լոբեացս իմոց առ բանիդ կենաց ընդունելութիւն . կա-
 փուցի զաչաց հոգւոյս հայեցուած առ ՚ի զկենացն դեղ
 նկատել : Այ ընդոստեայ ՚ի թմբրութեանց լքմանէ մտացս
 ՚ի պատգամ փողոյդ ահաւորութեան . ոչ զգաստացայ ՚ի
 բողոք գուժի հրափորձական աւուրն ընտրութեան . ոչ
 երբէք զարթեայ ՚ի նիրհմանէ քնոյն մահացուի , որ ՚ի կո-
 րուստն կարապետէ : Այ ետու հանգիստ քոյ հոգւոյդ ՚ի
 մարմնեղէնս տաղաւարի . ոչ ընդ բնութիւնն շնչոյս խառնե-
 ցի զմասն շնորհաց քումդ պարզելի . իմոյս ձեռօք կոչեցի
 կորուստ , ըստ առակողին , զհոգիս կենդանի մահացու-
 ցանել :

Գ. Եւ զի՞նչ է ինձ սակաւս եւ նուազագոյնս յօդել սահմանս կսկծելիս չափաբերականս, մինչ անցեալ է ըստ քանակութիւն եւ վրիպեալ ըստ բժշկութիւնս Լորդ քո է ընձեռել կեանս հոգւով մեռելոյս, եւ անոխակալութեամբ մատչել առ այցելութիւն դատապարտելոյս որդի աստուծոյ կենդանւոյ . քեզ փառք յամենայնի . ամէն:

ԲԱՆ . Գ.

ՎԵՐՍՏԻՆ ՅԱՒԵԼՈՒՅԾ ԿՐԿԻՆ ԷԵԾՈՒԹԵԱՆ ՆՈՐԻՆ ԼՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԲ ԸՆԴ ԱՍՏՈՒԾՈՅ

Ա. ԵՍԿ արդ զի՞նչ բարւոք դոյ առ այս, կամ ո՞ր զուտ ինձ առ սոյն սահման ընթացից ձայնիս հեծութեան՝ լքանել, եւ ոչ զամբարեալ շարաւ մահացու վիրիս՝ խարանաւ բանիս արտաքս հեղքել, եւ կամ զծանրութիւն սրտիս մթերեալ ցաւոյս հոգեկան խիթոյս, իբր տաղտկացուցանողական հնարաւորութիւն, մատնամուխ զզուանօք փսխել:

Բ. Եւ քանզի ոչ գտայ արժանի պարծելոյ ՚ի փառս ընդ սրբոցն դաս, որոց լի են բերանք նոցա ծաղու, եւ չբժունէք իւրեանց ցնձութեամբ, ըստ առակողին եւ սաղմոսողին, ՚ի կարգն երկրորդ դիմեցից՝ զնմանիսն իմ յիշատակել համայն աստանօր . թէպէտ առ իմում թերութեան բարուց անբարեաց՝ եւ նոքա յաղթականք իցեն, իբր ապաշաւեալն քան զանապաշխարն: Տօնելի եղև Մանասէ առ իմոց պարտուցս առաւելութիւն . պատուեցաւ եւ փարիսեցին առ դժնէիս ամբարշտութիւն . զովեցաւ անառակ որդին առ անդարձիս ուխտազանցութիւն . յիշատակեցաւ կեղծաւորութիւն որդւոյն Ամասեայ առ անշնորհութիւն սպախաւորիս . օրհնութանեալ եղև աւաղակն, որ դատախազն է

անհաւատից . պատուեցաւ և կինն պոռնիկ՝ սկզբնամայրն
 ապաշաւողաց: Ոչ պակաս քան զՓարաւոն զստեղծուած
 սրտիս իմ խատացուցի . ըստ օրինակի խառութեան մրկկաց
 ծովու ծփեցայ . ոչ այնքան սարսեցի և պատկառեցի ՚ի
 սաստկութենէ . բուժիչ հրամանի , որքան ալիք ծովուն յե-
 դերացնու ՚նդ թիւս չափուց կշռութեան առ իմս գործոց՝
 և աւագոյն կոյտ սահմանեցաւ . պակասեաց անբաւիցն
 շիղջք առ համբարս իմոցս անօրէնութեանց:

Գ. Օ ի թէպէտ և յոյժ բազում են մանուկն ՚ի յա-
 փունս ջրոյն համահաւաքեալք , այլ ուրոյնք և առանձնա-
 կանք ՚ի ծննդոց աճելութենէ . իսկ մեղանք իմոյս յանցա-
 նաց՝ անթիւք . զորս անհնար է առնուլ ՚ի միտս : Ոմն և
 ծնունդք իւր , ոմն և շառաւիղք իւր , ոմն և բիծք իւր ,
 ոմն և արկածք իւր , ոմն և փուշք իւր , ոմն և արմատք
 իւր , ոմն և հաստուածք իւր , ոմն և պտուղք իւր , ոմն և
 նշխարք իւր , ոմն և ճիւղք իւր , ոմն և ոստք իւր , ոմն և
 արմկունք իւր , ոմն և ճիրանք իւր , ոմն և մատուկք իւր ,
 ոմն և խրտմունք իւր , ոմն և զօրութիւնք իւր , ոմն և
 ազգմունք իւր , ոմն և նշմարանք իւր , ոմն և տիպք իւր ,
 ոմն և մնացուածք իւր , ոմն և ստուերք իւր , ոմն և մթու-
 թիւնք իւր , ոմն և յարձակմունք իւր , ոմն և հնալք իւր ,
 ոմն և պատիրք իւր , ոմն և գիտմունք իւր , ոմն և գիմեց-
 մունք իւր , ոմն և չափք իւր , ոմն և խորք իւր , ոմն և
 դարշութիւնք իւր , ոմն և կայծակունք իւր , ոմն և կկրք
 իւր , ոմն և մթերք իւր , ոմն և գանձք իւր , ոմն և ցնցուղք
 իւր , ոմն և աղբերք իւր , ոմն և գիւտք իւր , ոմն և շանթք
 իւր , ոմն և հրդեհմունք իւր , ոմն և պատկառանք իւր ,
 ոմն և վիհք իւր , ոմն և անդունդք իւր , ոմն և բորբոք-
 մունք իւր , ոմն և աղջութիւնք իւր , ոմն և ամպրոպք իւր ,
 ոմն և կայրակք իւր , ոմն և հոսմունք իւր , ոմն և հեղեղք
 իւր , ոմն և սառնամանիք իւր , ոմն և դրունք իւր , ոմն և
 շաւիղք իւր . Հնոցն և տապ իւր , հրատոն և գորրշիք իւր ,
 հարցն ճարպին և ճենճերմունք իւր , օշինդրն և դառ-

նութիւն իւր , կործանիչն և հնազանդեալք իւր , բռնաւորն և յերուզակք իւր , գոռողն և սպառազէնք իւր , աւազակապետն և գումարտակք իւր , գազանն և կորիւնք իւր , խածանողն և ծակոտուածք իւր , սպականագործն և նմանիք իւր :

Դ . Արդ այսոքիկ պետք են գլխաւորութեանց սպականողաց ոգւոց համայնից , դասեալք ընդ ինքեամբք նուաճութիւնք մասանց՝ իւրաքանչիւրոք ՚ի սոցանէ բիւրք բիւրուց և հազարք հազարաց . իսկ զհամայնիցս թիւ նա միայն զօրէ իմանալ , որ զառ ՚ի մէնջ չէութիւն գրեալ իբր զէութի գործոց տեսանէ : Աւարդ եթէ որ զանձն ոչ խաբեսցէ , և առ երեսս ոչ կերպարանեսցի , և կեղծաւորաբար ոչ անհաւատեսցէ , և մարդ զինքն ծանիցէ , և հասարակաց բնութեամբ վարեսցի , և երկրածին զանձն դիտեսցէ , և ՚ի չափու իւրում կանոնին կացցէ , իմացի ծանիցէ զնախաթիւ մասունս արկածիցդ վերագրելոց , թէ ոչ ընդունայն ինչ գրեցի և կամ զբնաւ իսկութիւնն սահմանեցի , որ ՚ի մերս բնութեան պտուտկի ազգի ազգի վրիպականութիւն . այլ ՚ի բիւրուցն արգասեաց չարեաց չափ մի երևեցուցի , զի նորօք և զայլն իմաստասիրեսցիք , թէպէտ և ոչ բաւանդակապէս :

49055

ԲԱՆ . Է :

ՎԼԻՍՏԻՆ ՅԱԻԷԼՈՒՍԻՃ . ԿՐԿԻՆ ՀԵՃՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՑ
ԽՕՍԻ ԸՆԴ ԱՍՏԻՃՈՅ

Ա . Այլ զի մի զվրկութեանն վտահութիւն խաղաղ կտրեցից , և ապազէն եղեալ մատնեցայց այսքանեաց աներևութից ընդդիմամարտից , որք ոչ այլ ինչ են՝ քան թէ ընտանիք թշնամիք ինքնածին բուսեալք զոր վերագրեալքդ :

սահմանեցին՝ զորքանութիւն պատկերին ձևոյ եդեալ ա-
հարկուս , ցուցից առ սին բազմաբոյլ բռնութեան մարտ-
կացդ՝ զօրեղ ակոյեհանս աստուածականս՝ ամենայաղթողս
և անպարտելիս , թէ և կսկծելիս կիրս և դժուարակութ
պտուղս ծառոց անհասանելեաց , և անկոխ ճանապարհաց
երկ.ք և տաժանմունք : Վանզի զայն ամենայն գունդս
չարութե բանսարկուին զօրաց՝ սակաւ մի արոսօսր կաթ-
ուածոց աչաց , իբր զՃՃԼա զեռունս բազմոտանիս խնայ-
թից երկրի տկար խլրտմանց՝ անկեալ ՚ի վերայ ծորումն
ձիթոյ կամ դոյղն դեղ ինչ սատակչական , ցամաքեցուցա-
նէ . և դոյղն մի հառաչումն սրտի հեծութեան ելեալ ՚ի
յողւոյ , իբր շնչումն հարաւային ջերմութեան խառնեալ
յարևու , զսառնամանեաց սաստկութիւն հալէ . քանզի
ըստ միումդ նմանութեան հեշտածինք են , և ըստ միւսումդ
դիմադրութեան դիւրամեոք :

Բ . Ղ ես ոչ երբէք կասեցից դատել զդատապարտ-
եալս՝ բանից կսկծմամբ , պարտել զպարտաւորեալս՝ իբր
զվնասակար անփրկանաւոր անհամոզելի . վասն զի զոմանս
սատակեալ ՚ի յիմոց նեղչացն , ոմանց զբութիւն տամ
կենդանանալ առ հողւոյս կորուստ : Տունկս դառնոստեան ,
որ զգարչութիւն անառակ վարուց ծաղկեցի . բարունակս
ապականաբեր և մահողկուզեան , որ զկոյստեան գինին
երկնեցի . քանանու զաւակս՝ և ոչ Յուդայի , ըստ ասից
մեծին Գանիելի . որդիս դեհենին , և ոչ արքայութեան .
ժառանգս դժոխոց , և ոչ փառացն փափաքելեաց . նիւթս
տանջանացն , և ոչ հանդստեան : Ղ պերախոս առ երախ-
տաւորդ , ապաշնորհս առ բազմապարգեղ , միշտ մեղուց-
եալս առ երկայնամիտդ , դառնացուցիչս քաղցրութեան
բարերարիդ , ծառայս չար և վատ , ըստ տէրունեան յան-
դիմանութեանն , իմաստունս զչարիս գործել ըստ Եսայեայ
նախասացութեանն , ժիրս առ ժանդագործութիւնս զազ-
րութեանս փոյթս առ ՚ի բարկացուցանել զտէրն , մշտա-
չարժս առ դիւտս սատանայականս , հանապազորդեան փշտս

ստացողին, թոյլ առ բարեացն թուիչս, ծոյլս առ երանու-
թիւնն ընտրութեան, դանդաղս առ դիտմունս խոստացե-
լոցն, անարիս առ կարիս պիտանեացն և օգտակարացն,
պաշտօնեայս տիրադրութեանստամուսաց:

Գ. 1) այ անձինս մեղաւորի, զի զարարիչն իմ բարկա-
ցուցի. վայ որդւոյս կորստեան, որ զկենդանութեանն ձիր
մտացայ. վայ պարտապանիս անհամար բիւրուց քանքա-
լաց՝ որ ոչ դոյ հատուցանել. վայ բեռնակրիս ծանրութե
մեղաց դժնէից, որ չունիմ դառնալ առ հանգստարարն.
վայ փնասակարիս տէրունեան պարտուցն, որ չիք հնար յան-
դիման լինել հզօրին. վայ եղէ դնախալի կիզանողականս
նիւթոյ, որ տողորելոց եմ ՚ի գեհենին. վայ ինձ առ այս յի-
շատակ, զի նետք բարկութեանն աստուծոյ այլեցելովք են
գործեալ. վայ յիմարութեանս, որ ոչ մտառեցի զճած կե-
ցելոցն յայտնութեան հանդէս. վայ ամբարշտիս, զի միշտ
անդադար ոստայնս չարեաց կկեցի. վայ զմարմինս պարա-
րողի կերակուր որդանցն անմահից, կտտողացն թունաւո-
րաց զիսիդ համբերեցից. վայ ինձ առ արբումն մահուն
բաժակի, որպէս զյաւիտենականն տուժեցայց. վայ ինձ առ
երս անարժան հոգւոյս յեղկելի մարմնոյս, իբր դատաւորին
ճշմարտի յանդիմանեցայց. վայ ինձ առ նուազութի իւզոյն
լապտերաց, զի անարժարձելի է աղօտանալն. վայ ինձ առ
ճեպ տաղնապի ահին սրակուցման, յորժամ առադատին
մուտն փակեցի. վայ ինձ առ ձայնին ահաւորութիւն դո-
ղացուցչաց և սարսափելեացն բանից՝ երկնաւոր թագա-
ւորին վճռաւ կնքելոյն, թէ ոչ գիտեմ զքեզ:

ՎԵՐՍՏԻՆ ՅԱԿԵԼՈՒՄԻ ԿՐԿԻՆ ՀԵՃՈՒԹԵԱՆ ՆՈՐԻՆ ՀՍՊՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ՖԱՆԻ

Ի ԽՈՐՈՑ ՍՐՏԻՑ

ԽՕՍ-Բ ԸՆԴ ԱՍՏՈՒՃՈՅ

Ա . Երբ արդ զինչ գործեսցես անձն իմ կորուսեալ ,
կամ ուր թաքիցես , կամ զիտրդ ապրեսցիս , կամ որպէս
ելցես ի մեղաց բանդէ : Քանզի բազում են պարտիքդ և
անթիւ հատուցմունքն , սաստիկ կշտամբանքն և անկախ-
ձան նախատիւնքն . անողորմ են հրեշտակքն և անկաշառ
դատաւորն , հզօր ատենան և անաչառ բեմն , քստմնելի
սպառնալիքն և անողորմ հատուցմունքն , ահարկու հրա-
մանն և մերկապարանոց յանդիմանութիւնքն . հրեղէն են
դեռքն և անանցանելի են յլտակքն , թանձրամած խաւարն
և արտաքոյ այցելութեան մառախուղն . ապականութեան
է դուբն և մշտնջենաւոր է տագնապն , ամենադբաւ տար-
տարտն և անզերծ սառնամանիքն : Եւ արդ արդարեւ քեզ
են զանձեալ դառնիքս սյտքիկ դժնդակք և տարժանելի
օթեանք անբմբերելեացդ պատուհասից , ոլ անարժան
անձն իմ մեղաւոր , չարագործ , պոռնիկ , բազմաբիծ , և
սահման անդաստանի բնաւին անմաքրութեան : Ահա զար-
դիւնս գործոց ձեռաց քոց ժառանգեսցես՝ թիւրեալդ ի
յուղղութեանց և զառածեալդ ի մաքրութեանց , տա-
րագրեալդ յարդարութեանց և ի կարգաց պարկեշտուէց ,
ունայնդ ի լիութեանց հոգեպարզ և հարստութեանց , նա-
խանձարկու բարերարին և ամենակալ թագաւորին :

Բ . Եւ քանզի կառուցեր քեզ անել արգելան և ան-
փախելի որոգայթ , խոստովանեալ քեզէն զանբժշկականդ
քո վէր և զանօրինակդ հարուած , վկայելով զանձինդ ըզ-
պարտականդ մահու զանբուժելիդ բեկութիւն , ոլ չարդ
ի բարեաց , ոլ դառնութիւնդ ի քաղցրութեանց , ոլ

խառարդ 'ի լուսազարմից , ով կապտեալդ 'ի պճ'նելոց , ով
 դարովեալդ 'ի դովելոց , ով անբարիշտդ 'ի բարեպաշտից , ով
 շնչականդ 'ի բանականաց , ով անմիտդ 'ի մտաւորաց , ով
 անհանձարդ յիմաստնոց , ով անմարութդ յրնարելոց , ով մա-
 հացուդ 'ի կենդանեաց , ով խոհերականդ 'ի սրբոց , ով արբ-
 շիւղ 'ի պարկեշտից , ով կեղծաւորդ յարդարոց , ով անպի-
 տանդ 'ի պիտանեաց , ով անարդդ 'ի փառաւորաց , ով նը-
 ուազդ յառաւելուէց , ով գերիդ 'ի գերագունից , ով նուա-
 ատագոյնդ 'ի վեհից , ով աղքատդ յրնչեղաց , ով անարժանդ
 'ի փրկութեանց , ով տնանկդ 'ի բարձրութեց և 'ի հոգեոր
 հարստութեանց , և հատուածեալդ յօրհնելոց :

ԲՆՆ . Թ

ՉԼԵՍՏԻՆ ՅԱԵԼԼՈՒՅԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍՊՈՂԻ
 ԱՌՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԲ ԸՆԴ ԱՍՏՈՒԾՈՅ

Ա . Եւ արդ զինչ արժանաւոր ըստ քեզ բանբասանս
 շարադրեցից 'ի կտակ մաղթանաց մատենի այսր ողբեր-
 գութեան , ով անձն իմ թշուառ , ամենապատկառ և առ
 պատասխանիս բանից անբարբառ , անպիտան աստուծոյ և
 սրբոցն մասնակցութեան : Օ ի եթէ զիճ մի ծովուց 'ի
 յորակութիւն գեղոյ հեղեղեցից , և զդաշտս սուպարիսօբ
 բազմօբ սահմանեալ 'ի տարածումն լայնութե քարոտնի
 չափեցից , և զպուրակս յորունց անտառաց շամբից եղե-
 գանց 'ի հատուածս գոյութեան գրչաց կազմեցից , և ոչ
 զթիւ մի 'ի բարդելոցն անօրէնութեանց զօրեցից ընդ գրով
 սահմանի գրաւել : Աս' զի թէ զմայրս Լիբանանու 'ի մի
 լուծ կչոոց զօրեցից , և կամ զլեառն արարատեան 'ի կէտ
 ամբարձման նժարի միոյ արդարութեան միջնորդ կայու-

ցից, ոչ հաւասարէ այնր հարթութեամբ համազուգակցել
 Բ. Օ առս ամբարձուղէ՛ջ՝ ստուերաստեղն՝ տերևալից՝
 ունայն ՚ի պտղոց, նմանակից յաւէտ հարազատ այնր թը-
 զնևոյ՝ զոր տէրն գօսացոյց. քանզի սաղարթօք վարսից,
 այս է՝ արտաքին դիմօք բարեշուք կերպից՝ իբր պսակաւ
 իմիք պաճուճեալ, բացականայն գոս բաղձալի. իսկ եթէ
 մերձեցի անկողն խուզել զինդրելին, գտցէ՛ զքեզ ունայն
 ՚ի բարեաց և գարշելի ՚ի գեղեցկութեանց, ծաղր տեսողաց
 և նշաւակութիւնք նախատողաց: Օ ի եթէ ապաժաման
 յանզգոյշ ժամուն հերապանձ տունկն պտղակորոյս անկեն-
 դան, որ դոյզն պատկերն է անպատրաստից, եկն ընդ ա-
 նիծիւք, և կամ երկիր ոռոգեալ ցօղով, և ոչ բաղմապատիկ
 զաւանդս արգասեաց երկրագործութեան տածողացն մա-
 տուցանէ՛ լքեալ մոռանի, իսկ դու՛ ով անձն իմ եղկելի,
 սահման բանաւոր և տունկ կենդանի՝ և ոչ ՚ի ժամու իւրում
 պտղաւոր, իբր ոչ զնոյն կրեսցես պատիժ նախնում առա-
 կիդ: Վ ասն զի զհամայնն ընկալար ՚ի քեզ անպակաս յա-
 ռաւելութեանց, սկզբնաւորեալ ՚ի մարդն առաջին և մինչև
 ՚ի սպառումն ծննդոց նորին, զբերս գործոց նանրութեանց
 և զգիւտս նորոգս՝ ատելիս և անախորժելիս հաստողին
 զքեզ աստուծոյ:

Գ. Լ. վասն զի եղի զքեզ նպատակ հանդէպ երեսաց
 տեսութե մտացս՝ անձն իմ անպիտան, վիմօք ձգելոց ար-
 ձանաց բանից, իբր զանընդել գազան վայրենի՝ անողոր-
 մաբար զքեզ քարկոծել: Վր թէպէտ և ոչ պատահիմ ան-
 ուանիլ արդար, սակայն յառաջնումն պատասխանեոջ՝ իբր
 ընդ ոտիս ումեմն՝ ընդ անձին յօժարամիտ կամօք ոգորիմ,
 բստ իմաստութեն բանի. և զյոյզս մտաց խորհրդոցս գաղտ-
 նեաց իբր զգլխաւորեալ յանգաւորութիւն չարութեան
 գործոց խոստովանեալ, քեզ տարածեցից՝ աստուած իմ և
 տէր: Օ ի որով չափով չափեցից զանձինս սողտանք, ՚ի
 քոցդ աննուազ գթութեանց այսրէն չափեցայց՝ ընկալեալ
 զչնորհդ յաճախագոյնս ընդ մեծագունիցս պարտեաց: Լ. Ե.

որքան վիրացն հարուածք անբժշկականք և անհնարաւորք ճարակեսցին, այնքանեօք չափովք կրկին առ սին և իմաստք արուեստից բարձրեալ բժշկիդ բարեհռչակեալ լուսաւորեսցին . և ՚ի պարտուցն առաւելութիւն, նոյնքան փոխաւորիդ սուստատրութիւն բարեբանեալ միշտ պսակեսցի, ըստ խնկաւորդ քում առակի: Օ ի քո է փրկութիւն, և ՚ի քէն է քաւութիւն, և աջովքո նորոգութիւն, և մատամքքո զօրեղութիւն, և ՚ի հրամանաց քոց արդարութիւն, և յորրմութեանց քոց ազատութիւն, և յերեսաց քոց լուսաւորութիւն, և ՚ի դիմաց քոց զուարճութի, և հոգւովդ քո բարութի, և օժմամբ իւղոյ քոյ սխիւթութիւն, և ցօղով շնորհի քոյ՝ զուարթութիւն . և դու տաս մխիթարութիւն, և մոռացուցանես զվհատութի, և բառնաս զխաւար վշտաց, և զհեծութիւն ողբոց ՚ի ծաղը փոխես: Լու քեզ վայել է օրհնութիւն գովութեամբ հանդերձ յերկինս, և յազգս հարցն և ՚ի ծնունդս նոցա, և յաւիտենից յաւիտեանս . ամէն:

ԲԱՆ • Ժ

ՎԵՐՍՏԻՆ ՅԱԲԵԼՈՒՅԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ
ԱՆ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍԻ ԸՆԴ ԱՍՏՈՒԾՈՅ

Ա. Եւ արդ քանզի միապէս մատնէ կորստեան և զողջումնն ուժգնապէս և մեղանչելն մոլեղնաբար . զի թէ և օտարացեղ իմն են ՚ի միմեանց այլայլութիք նմանութեցն, սակայն զկերպարանս երկաքանչիւրոցն առ միմեանս եղեալ, զմի և զնոյն վհատութեան ծնունդս արտադրեն: Օ ի մինն զհզօրին ձեռն իբր ապիկար թերահաւատ, իսկ միւսն ըստ նմանութե քառոտանեաց պաճարեզինաց յանդգայս եղեալ,

դյուսոյն առասան խզէ . վասն որոյ ընդ առաջնումն միշտ փաղաքշեալ՝ հանապազ խնդայ սատանայ, իսկ երկրորդաւն՝ ըստ նմանութեան լափլիզող դժոխորոյն գազանի՝ իբր կերակրով արեամբ պարարի:

Բ. Եւ արդ իբր զգանեալ բազմահարուածեան հեծանաւ և յափն մահու ժամանեալ, դոյզն ինչ դարձումն շնչոյ ընկալեալ և յոգի կենդանի եկեալ կազդուրեցայց, պատապարեցայց, կանդնեցայց, յարեայց յանկենդանականս կորստենէ, օժանդակեալ Քրիստոսի ձեռամբն՝ որ զթածն է յամենայնի . ՚ի բարերար յերկնաւոր հօրէն՝ փրկութեան և բժշկութե պտուղ ընձեռեալ ինձ մեղուցելոյս, ախտացելոյս և մահացելոյս: Եւ սկզբնաւոր ողբերգութեան այսր պղերսանաց՝ զհաւատոցն շինուած կառուցից . քանզի և ոմն ՚ի նախնեացն սորիմբք գինեալ, փոխեցաւ իսկոյն յանմահականն միձակ վերին. զապաշխարուէն դեղ ընկալեալ, ապաշաւանաց թոշակաւն զգրաւականն անեղծութեանս աստէն ժառանգեաց, ՚ի վեր քան զորոց առաքեալ ընդ նմինցուցանէ, որք զհանգէսն մրցանակին յերկրի կատարեալ, ապագայիցն և երկնաւորսցն յուսոյ հաւատացին, և անտեսիցն ճոխութեամբ փարթամացան: Իսկ զխրախոյս տէրունի պաշտելի բանին յիշեալ առ սմին, զի ամենայն ինչ հնարաւոր է այնմ որ հաւատայն, է զի և զչափն ընտրականացն բարեմասնութեան աստուծոյ հաճելեացն գննեալ աստանոր, զայս պատկեր բանի ընկալաք նախնի գահերէց առ ՚ի սրբութեանցն մուտ սովիմբ հանդերձել. առանց որոյ և ոչ տէրն փառաց զիւրսն առ մեզ հրաշագործեաց զօրութիս, եթէ ոչ նախ լծակից խնդրեաց բարերարութեանն իւրոյ զհաւատսն մեր. ուստի և կեանս ընձեռել զօրէ ինքնիշխանս բաւականութեւ ստընթեր գողով աստուծոյ. քանզի հաւատքս կեցուցին դքեզ, օրհնաբանեալն նոյ բերան վկայեաց: Քանզի արդարև սեռն տեսութիւն և կատարեալ իմաստութիւն և առ աստուած ընտանութիւն և բարձրելոյն ձանձութիւն՝ հաւատոց մասն՝ երջանիկ և ընտրեալ անուն,

որ յարածգեալ մնայ անլթար և անփակելի , պատուակից
 գորով սիրոյ և յուսոյ : Օ ի եթէ փոքու սերմանի գոյի
 հատի մանանխոյ չափոյ նուաստի հաւատք զլերանց մե-
 ծութիւն փոխէ զօրեղապէս ՚ի սիրոս ծովու , ապա յիրաւի
 ընկալաք զոյն սկզբնաշաւիղ առաջնորդ կենաց՝ աներկմիտ
 պաշտօն առ իձ , որ զապառնիսն և զճածկեալսն առանց
 երկբայութեան ՚ի հոգւոյն աչս տեսանէ , Երրորդութեանն
 փառատրելի անուամբն պատուեալս հաւատք՝ ընդ սիրոյն
 դասեալ և յուսոյ : Օ ի թէ և զերիսն հատուածս առանձ-
 նաւորականս ՚ի մի և ՚ի նոյն խորհուրդ գիտեսցես , յաւէտ
 մեծացիս նորօք ՚ի յիձ . քանզի թէ հաւատաս ՚ի նա ,
 և սիրես . որով և յուսաս աներևութից պարգևաց նորին :
 Մնա փառք յաւիտեանս . ամէն :

ԲԱՆ . ԺԱ

ՎԵՐՍՏԻՆ ՅԵՒԵՂԼՈՒՅԺ ԿՐԿԻՆ ԼԵՃՈՒԹԵԱՆ ՆՈՐԻՆ ԼՍԿՈՂԻ

ԱՌ ՆՈՅՆ ԵՂԵՐՍ ՄԵՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԻ ԸՆԴ ԱՍՏՈՒԾՈՅ

Ա՛՛՛՛ Երբ ևս յետինս դաւանողաց՝ ունայն ՚ի
 բարեաց , նայեցեալ խորհրդով մտացս ՚ի սկզբնաւորն իմ
 եղելուի ՚ի ձեռն ձեռին ստացողին իմոյ յանկից յուսով հա-
 ւատամ Յօի Քոի առնել զօր կամի : Քանզի հաւատացի ,
 վասն որոյ և խօսեցայ խրատեալ Պօղոսիւ , ուսեալ ՚ի Դաւ-
 թայ , թէ և արդ կենդանի մաղթանք նոցա այց ինձ արաս-
 ցէ . որպէս հաւատովք ճանաչել զիս , և զգօրութի յարուն
 նորա , ըստ առաքելոյ , և զհաղորդութի չարչարանաց նորա ,
 և որ զկնի բերին ասացեալքն : Ազորդ է սմինն յոյժ նմանա-
 տիպ՝ հաւատայն իսկապէս և ՚ի նորոգս այս փոխադրու-
 թիւն , որ ՚ի մեղացն ՚ի քաւութիւն , և ՚ի չարագործութի

յարդարութիւն, և յանմաքրութենէ ՚ի սրբութի, և յան-
 քաւելեացս պարտեաց մահու յանցանաց՝ յանդատա-
 պարտն երանութիւն, և ՚ի ծառայական կապանացս յերկ-
 նաւորն ազատութիւն: Վանդի զիայրդ ոչ արդեօք չքնադ
 քան զքան՝ և ՚ի մթութենէ երկեանութե խաւարի զտեալ՝
 և աստուծոյ օժանդակեալ և օգնեալ սիրտ մեղաւորի, որ
 ընդ մարմնապէս ծիծաղելն՝ առ նմին հեծէ չոգեպէս:
 Ար թէպէտ և յամբարձմանէ բարձրութեան դերագու-
 նիցն կայից՝ ստորասուզեալ ծանրութեամբ յանդնդային
 վհին խորխորատ գբոյն կործանման, նորագիւտ մեղօքն ան-
 ջրելեօք, ունի և նշխար նշուից՝ փրկութեան կենաց հը-
 պաւոր, իբր կայծակն լուսոյ պահեցեալ ՚ի միտս և յոգի,
 որպէս զհուրն նշանաւոր և զարմանաւոր թանձրամած՝
 հրաշիւք մակարդեալ վեհին հրամանի ՚ի յատակս ներքինս
 նիրհեալ ջրհորոյն: Աւստի և մեղուցելոյն խապառ թաղծելոյ,
 և ակնկալութիւն բարւոյն բարձելոյ, և համարձակութիւն
 շնորհին լքելոյ, յուսալ վերստին անդրէն միւսանդամ նա-
 խապարդելիցն փառազարդութեանց դարձեալ հասանել .
 քանզի և յաստուածուստ անդուստ հանդերձի և այս՝ ներ-
 դործիլ առ սոյնս . վասն զի սա զտուողին զօրութիւն ամե-
 նահնար աւետարանէ: Հոր խունկ հաճութեան մեծապէս
 հոտոտի աստուած, քան յամենայն բուրումն անուշից, և
 քան ՚ի խառնեալն երբեմն աղացմամբ ՚ի սպաս խորանին,
 որ է կերպարան անձանց խոնարհից զիջեալ բեկութեամբ՝
 առ ՚ի միութիւն նոյն նմանութեան: Ըստ որում հարցեալ
 փրկչին ամենից՝ ցոմանս ախտացեալս տեսանելեօք, հա-
 ւատայք ասելով առ այդ թէ կարող եմ առնել ձեզ զայդ,
 ոչ պարզեաց աչաց նոցա լոյս, եթէ ոչ նախ զհաւատոցն
 գրաւ ընկալաւ: Վանզի զի՛նչ քան զմեռելութիւն քա-
 ոօրեայն դիոյ առ կենդանութիւն մեզ անյուսագոյն, առ որ
 կանանցն ժամանելոյ ՚ի յոտս արարչին հաւատոցն հանդեր-
 ձանօք, անյապաղաբար զփառացն աստուծոյ տեսին զհան-
 դէս՝ ՚ի յեղբօրն կենդանութիւն:

Բ. Իսկ աստտօրն անկապուտ շնորհին մնացելոյ զկնի մե-
 զանայն՝ հզօրագոյն են վկայք: Նախ Ենովք, զկնի Ահա-
 բոն, յետ նոցա Դաւիթ, գարձեալ և Պետրոս. ընդ որս և
 փոքրն Եղիազար, որ ՚ի մեծէն աստուծոյ ողորմեալ՝ մեծա-
 գունիէն վկայեցաւ: Աւելորդ է առ այս և բանն առակի
 անառակ որդւոյն. Թողում զպոռնիկն՝ որ ՚ի տեառնէ գո-
 վեցաւ, և զմաքսաւորն՝ որ ՚ի բարեգործէն յիշատակեցաւ,
 և զաւազակն երջանիկ՝ որ յարձակումն վերջին շնչոյն հա-
 ւատովքն պատկեցաւ, և զոր անքաւելին են պարտիք՝ զհա-
 ղորդեալքն սպանման մահու արարչին. առ որս և գլխա-
 ւորն ընտրելոց Պօղոս, որ երբեմն նախնին էր անօրինաց:
 Յորոց ոմանք ծանօթութեամբ օրինին գլորեալք անդրէն
 կանգնեցան բիւրապատկեան գերազանցութիւն քան զնա-
 խակրօնիցն առաւելութիւն: Իսկ որ նախ քան զօրինակին
 տուչութիւն՝ զաւանդն պահեալ հայրենի մերձաւորագոյն
 գոլ պատուիրանի սկզբնաւորն զաւանուէ, որ և զնախնւոյն
 պարտիս ինքեան վարկուցեալ, զնորայն իւրովքն տուժեաց
 կրից տաժանմամբ, ոչ քաւեցաւ միայն ծածկեալ ՚ի յերկ-
 րի, այլ շարչարեւեաւն մարմնով՝ բանականաց բնութեան
 կենաց կարապետ՝ յաղթող զօրապէս բռնութեան մահու
 փոխեցաւ: Իսկ ոմանք ՚ի բուսոյ տհաս հասակին չարութն
 յերկարածգեալ, ՚ի կատարեալ տիս ժամանակին ոչ ՚ի
 բարձրուէն կայից հոսեցան, քան թէ ՚ի ստորնականաց թըշ-
 ուառուէց դժնէից կենացս ՚ի կամարն երկնից համբարձան:
 Աւ թէ այն ժամանեաց կանխաւ՝ զօրացեալ ՚ի չարեացն
 դարձ, որ մինչև յոսկեղէն նիւթ յեղանակեալ հողոյս գոյ-
 ութեան, և պատկերն արքունի ՚ի պատիւ կերպիս մերոյ
 նկարեալ արքունականն քանդակուածով, անկորուստ և ան-
 փոխադիր և յաղթող դաւաճանութիւն զմերս ենթադրեալ
 բնութիւն, ապա առաւել յուսալի է այժմ մերկսպարանոց
 լուսաւորութիւն անքօղ և անլերարկու՝ տերամբ քրիստոսի-
 ուխտեալ. որով և միշտ հաստատեալ պահի ՚ի մեզ բանն
 տէրունի, ըստ մարդ արեւին ձայնի, ուխտ խաղաղութեան և

կնիք հաստատութեան առ հաշտարարն միջնորդ՝ երկնային անմահ կենդանի և մշտնջենաւոր բարեխօս: Ապա ուրեմն ըստ այսու կանոնի ճշմարտագունի, և անխօսադբերի սահմանի, և արարչաւանդ պայմանի, համբուրեմ՝ հաւատոց շրթամըք զպատկեր բանիս, և ահն ունիմ փառացն Հորհի. քանզի արդարև յարդարացուցանելն զմեզ աստուծոյ՝ ոչ որ զօրէ դատապարտ առնել, ըստ առաքելական բանին սահմանի:

Գ. Այս անստուերագիր վտահութի ապաստան, կամ կործանեալ՝ կանգուն, թշուառացեալ՝ յաղթող, վրիպեալ՝ ՚ի դարձն կենդանական, ամենաթշուառ չարագործս՝ ՚ի յոյսն, մահու մատնեցեալ՝ ՚ի կեանսն, ընդ ապականութեամբ վաճառեալ՝ ՚ի ձիրն, դժոխային դործովք զրաւեալ՝ ՚ի լոյսն, ստորնասէր անասնակենցաղս՝ յերկինս, կրկին գայթակղեալ՝ ՚ի վերստին փրկութիւնն, մեղօք կապեցեալ՝ ՚ի հանդստեանն խոստումն, անբժշկական վիրօք վարանեալ՝ ՚ի դեղն անմահացուցիչ, ստամբակեալս վայրագութեամբ՝ ՚ի սանձան հանդարտութեան, սրացեալս վարատական՝ ՚ի կոչումն, ապառում դժնդակս՝ ՚ի հեզութիւնն, ընդդիմաբան լուտացողս՝ ՚ի ներումնն: Ի Բրիտոս Յիսուս և ՚ի Հայր նորին հօր և ահաւոր, յանուն և ՚ի կամս բարերարութեան Հոգւոյն ճշմարտի. օրհնաբանեալ իսկութեանն և մի աստուածութեանն՝ զօրութիւն և արքայութիւն, մեծութիւն և փառք յաւիտեանս. ամէն:

վուն յորդուծի, և գլխոց լեւանց վերադրէ: Այլ շնչեացէ
 օդ քո քաղցրութեան իբր առ Նոյին, և որ զլեբրինս հալէ
 զօրութիւն, ցամաքեցուցանել զչիղջս ջրակոյտս բազմակո-
 հակս՝ և երկրակործան խնոցս պարտեաց և լեռնակարկառ
 բարձրութեան մեղացս ամբարձելոց: Այլ համառօտեալ
 զբան քո հզօր՝ ամենակար հնարաւորութեամբ հակիրճ
 հատուցմամբ, արասցես ահա ելլ քաւութեան, ըստ մար-
 դարէին, առ երկարաձիգս անօրէնութիւն. և ներելով իմս
 յամառութեան, ով երկայնամիտ ողորմած օրհնեալ, թող-
 ցես միանգամայն, բարեգործեցես իսկապէս, հատցես
 բոլորովին զանվճարելի պարտուցս զարժանահատոյց տո-
 կոսեացս տոյժս տարժանակիրս: Այլ զի և չիք իսկ առ քեզ
 ցասումն սրտի, և կամ բորբոքումն բարկութեան, որպէս ոչ
 կրին նենգութիւնք և կամ նշմարանք մթութեան. քանզի
 կեանք են ՚ի կամաց քոց և լոյս, և ոչ արարեր զմահ և ոչ
 խնդաս ընդ կորուստ մարդոյ ըստ Դաւթի և Սողոմոնի:

Դ. Այլ թէ մարդկան կարգեցեր զայս կէտ սահմանի մեծի
 պայմանի՝ ՚ի բարեվիճակդ քո կանոնաց՝ ոչ փոխատրել անդ-
 րէն չարի չար, այլ եօթանասնիցս եօթն թողուլ անդուստ
 ՚ի յաւուր զիւրաքանչիւր մեղանաց զպարտս. և այդ բան առ
 մեզ, որ միշտ ՚ի բնութե ունիմք բնաւորաբար ուղեբձեալ
 զբիծս չարեաց անհամար բիւրուց նորոգ յայանելոց, որք
 օրինաւորին երևին յանդաստան սահմանի ամենաբոյս փշա-
 ծին բնուէս, ըստ անսուտ քո վկայութե, որ թէ միտք մար-
 դոյ ՚ի խնամս չարի են արձանացեալ ՚ի մանկութի: Ս ՚ի որ
 զկատարեալ մաքրութիւն ունէր աւետարանիչն կենացդ բանի
 Յովհաննէս, և զինքն ընդ հասարակաց բնութե լծակցեալ,
 հաստատեաց զճշմարտութի քո առ իմս ստութի յոյժ ար-
 դարացեալ. թէ ասեմք, ասէ, մեզս ինչ մեք չունել, սուտ
 առնեմք զնա: Այլ արդ կատարել է բան քո խնկեալ, և ՚ի դը-
 լուխ ելեալ անպակաս ՚ի ստուգութե առ իմս մոլորութի և դժըն-
 դակ անիրաւութի: Ա՛ ս որոյ խնայեա յիս ողորմութե քաղցրութե
 ճաշակաց աղբիւր, միայն օրհնեալդ յամ յաւիտենից. ամէն:

ԲՆՆ · ԺՅ.

ՎԵՐՍՏԻՆ ՅԱՒԵԼՈՒՅԹ ԿՐԿԻՆ ՀԵՏՈՒԹԵԱՆ ՆՈՐԻՆ ՀՍԿՈՂԻ
ԱՌՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԻ ԸՆԻ ԱՍՏՈՒԾՈՅ

Ա. Ե. Ի արդ դու միայն աստուած երկնաւոր՝ բարձրեալ, բարեգործ . քո է զօրութիւն, քո ներողութիւն, քո բժշկութիւն, քո առատութի, քո են պարգևք, քո միայնոյ են ձիրք ձրի, քո քաւութիւն, քո պաշտպանութիւն, քո հնարք անիմանալիք, քո արուեստք անգտանելիք, քո չափք անչափելիք, դու սկիզբն և դու կատարած: Քանզի ոչ երբէք ստուերացուցանէ զլոյս ողորմութե քո՝ խաւար սրբամտութեան . վասն զի ոչ ես գրաւեալ ընդ մասամբք ախտից՝ ՚ի վերդ քան զբան: Պատկեր անպարագիր անդր քան զորքանութիւն կշռութեան, անչափ լայնութիւն փառաց, անտարրափակ ընդարձակութիւն հատու զօրութեան, անամփոփելի առաւելութիւն բացարձակութեան, անտկարանալի բարերարութիւն գթութեանն՝ Վու դարձուցանես, ըստ մարգարէին, յայդ զստուերս մահու . որ իջեր կամաւ ՚ի տարտարոսն ներքին արդելականացն բանտի, յորում և մաղթանացն դուռն էր աղխեալ, և գերեալ անտի զմթերիցն կապուտ վտարանդերցն հոգւոց, սուսերբ հրամանի յաղթական բանիդ զկապ սատակման մահուն խղեցեր, և զմեղացն կարծիս ցրուեցեր: Վարձ առ իս՝ որ զընդամ զընդանաւ վճիս տղմասիգ գբոյս յերկաթս մեղաց, վերաւորեալ խոցմամբ սլաքաց բանսարկուին նետից:

Բ. Ե. Ե դու յամենայնի տէրդ բարերար, լոյսդ ՚ի մէջ խաւարի, օրհնութեանդ դանձ, ողորմած, գթած, մարդասէր, կարող, զօրաւոր, անպատում, անքննին, անձառ, բաւական ըստ սրբոյն Յակոբայ, անհնարիցդ ամենից դիւրա-

պատրաստ հնարաւորութի, հուր ծախիչ զխուլւս մեղաց ,
 ճաճանչ կիզանող ընդ հանրական թափանցանցութե խոր-
 հրոյ մեծի , յիշեա զիս յողորմութեան քո , օրհնեալ , և մի
 յիրաւունս քո . ՚ի ներողութեան քո , և մի ՚ի հատուցման .
 յերկայնմտութեան քան ՚ի հաւաստութեան : Աթէ կշուես-
 ցես զմեղանաց իմոց ծանրութիւն , ընդ քաղցրութեան քո
 և մի ընդ արդարութեան . զի առ սակ նախնումն՝ յոյժ է
 նուազեալ , իսկ ՚ի ներհակ վերջնոյս՝ յաւէտ ծանրակիր :
 Գ . Արդ մատիր առ իս , բարութիւն , որպէս յունկանն
 բժշկութիւն հակառակ քո համբարձելոյն , բարձ ՚ի մեղու-
 ցելոյս զհողմ մահու խռովութես , զի հանգիցէ յիս ամենա-
 կալ հոգիդ խաղաղութեան : Աւքեզ փառք յամենայնի ,
 յաւիտեանս յաւիտենից . ամէն :

ԲԱՆ . ԺԷ

ՎԵՐՍՏԻՆ ՅԱԻԵԼՈՒՍԾ . ԿՐԿԻՆ ԷԵԾՈՒԹԵԱՆ ՆՈՐԻՆ ՀՍԿՈՂԻ
 ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ

ԽՕՍԲ ԸՆԳ ԱՍՏՈՒԾՈՅ

Ա . Արդ աղաչեմ զնամակալդ վտանգաւորաց տա-
 ժանելեաց կրից թաղծութեանց հոգւոց վշտացելոց , մի
 յաւելուր հեծութեանս ցաւ , մի խոցեր զվիրաւորեալս , մի
 դատապարտեր զպատժեալս , մի տանջեր զչարչարեալս , մի
 դաներ զհարուածեալս , մի դլուեր զանկեալս , մի կործաներ
 զգայթակղեալս , մի մերժեր զհեռացեալս , մի տարագրեր
 զհալածեալս , մի ամաչեցուցաներ զպատկառեալս , մի կրշ-
 տամբեր զհարթուցեալս , մի խորտակեր զբեկեալս , մի խը-
 ուովեցուցաներ զամբոխեալս , մի ալէկոծեր զըբացեալս , մի
 սասանեցուցաներ զպղղեալս , մի շփոթեր զմրկեալս , մի
 կեղեքեր զգիշատեալս , մի ջաղջախեր զբեկեալս , մի դօշեր

զմորմորեալս , մի կուրացուցաներ զխաւարեալս , մի զար-
հուրեցուցաներ զապշեալս , մի խորովեր զխարշատեալս , մի
մահացուցաներ զհիւանդս , մի բեռանց ծանրութիւն մատ-
ներ զտկարս : Սի անուր յաւելուր կարկամեալ թիկանցս ,
մի կրկնակի ողբումն դառն հեծութեանս , մի ուժգնապէս
վարեցիս առ հողս , մի սատկապէս առ մոխիրս , մի անա-
չառապէս առ ստեղծուածս , մի ահարկութիւն առ փոշիս :
Սի ընդ հարկանիր խտուութիւն մեծդ ընդ փոքուս , լոյսդ
ընդ ստորնականիս , բնութեամբ բարիդ ընդ ՚ի բնէ չարիս ,
ողկոյզդ օրհնութեան ընդ պտղոյս անխից , բաղցրութիւնդ
խկապէս ընդ համայն դառնութեանս , փառաւորեալդ ան-
փոփօս ընդ ամենեկն անարգիս , կենացդ նշխար ընդ կաւոյս
զանդուածոյ , տէրդ տերանց ընդ տղմիս երկրայնոյ , անուագ
լիութիւնդ ընդ չքաւոր սորկիս , անկապուտ ճոխութիւնդ
ընդ անպատասպար տառապելոյս , անկարօտ բարութիւնդ ընդ
ամենաթշուառ աղքատիս : Վանզի ո՞վ որ հասեալ յա-
ռաւօտ՝ և ՚ի ծագման լուսոյն խիթայ մթանալ , և կամ ըն-
թերակաց կենաց՝ մահանալ , կամ ազատութեան՝ և պար-
տաւորիլ , կամ շնորհաց՝ և դատապարտիլ , կամ վրկութիւն
և մասնիլ , կամ նորոգման՝ և եղճանիլ , կամ օրհնութեան՝
և տարագրիլ , կամ բժշկութեան՝ և վիրաւորիլ , կամ լուռե՝
և նուագիլ , կամ յաճախութեան հացի՝ և բաղցնուլ , կամ
գետոց հոսանաց՝ և պասքիլ , կամ մայրենի գթոց՝ և նեն-
գիլ , կամ խնամոց աստուածեան աջոյդ՝ և զգուիլ :

Բ . Լ . արդ ընդ ախտացելոյն սաստկապէս մարմնոյն բու-
րտութիւն հողւոյս վտանգաւ և ես պաղատիմ , տէր եթէ
կամիս , կարող ես զիս սրբել : Մեզ աչացաւայն նեղելոց
մշտագիշերն խարխափանօք՝ մեծակական ձայնիւ հառա-
չեմ . ոչ որդի անուանեմ Դաւթի , այլ ծնունդ էիդ նոյ
դաւանեմ . ոչ միայն ռաբբի կոչեմ , որ վարդապետացն է
պատիւ կարծողական զիսկն գիտելոյ , այլ տէր երկնի և
երկրի հաւատամ : Սչ ձեռնիդ միայն ձգմամբ հպաւորու-
թեան , ով բարեդութ աստուած մերձաւոր , աչ ՚ի բացեաց

գորով միջոցաւ մեծաւ՝ ակն ունիմ՝ զօրել քո բանիդ առ իմ բժշկութիւնն։ Այլ թէ ինչ խտրոց կասկածանայ միջոցի բանի, որ երկմտութեանն կարծի նշանակ, ՚ի մէջ արկանեմ կամելոյն և ողորմունն, այլ կամիս ունի բարեգութ, և կարես ունի զարարիչ. առ բանիւդ, և բժշկեցայց։ Անդ հարիւրապետին հաւատոց և ես լծակցեմ. ոչ մինչ անձուկ միայն բացակայութեամբ հեռի լինելով խորան ՚ի խորանէ հաւատամ ազդել քոյ կարողութեդ առ յարութիւն և բժշկութիւն, այլ ՚ի վերինն. երկնի բազմելով և ՚ի ստորինս երկրի բովանդակ, առ հրաշիցն սքանչելութիւն. ոչ ունիմ հատուցանել։

Գ. Շնորհեա ինձ, որպէս դատակնիք բանին քո վճռեաց առ պոռնկին ընդունելութիւն, հնդից հարիւրոց դենարաց պարտուց շնորհաբաշխութիւն՝ աստուած բարութեանց և տէր երանութեանց, որ յաճախն ընձեռել՝ բազումս փառաւորիս, և ՚ի շատն մատուցանել՝ նովին չափ սիրիս, և յառաւելն ողորմել՝ կրկին բարգաւաճիս, և յայսբան բարիս իրաւամբք գովիս, և ամենայնի տէր գորով հաւասարորդ ճանաչիս, և որ զբոլորն ունիս՝ ընդ մերումս կշռիս, և անձառելեալ ձրիւ մերայնովքս վճարիս, և ընդ երկրաւորիս զանխախճանն պարտ վարկանիս, և մեծագրեալ քո զմերն՝ վեհս գոհաբանիս, և ՚ի սակաւուն տուչութիւն դոյզն փառաւորիլ ոչ ամբարտաւանիս։ Արա և ինձ զնոյն գթութիւն ունողիս զգործս անհամար պարտուց. զի և ՚ի ճառս երախտեաց քումդ պարգեաց՝ նորին իսկ սակով սիրելն կարգեցի. և քեզ փառք յամենայնի. ամէն։

ողորմած , զի բարձրացուցես զփայտս խոնարհ բանաւոր
անկեալ , և զտրացեալս ծաղկեցուցես 'ի բարի կրօնս վայել-
չութեան , ըստ աստուածաբանութեան սուրբ մարգարէին :
Որպէս զ'ի ծնէ կոյրն անլուսաւոր՝ չունիմ տեսարան , որով
զստեղծ չիդ նկատեալ զկերպ մաղթեցից , հզօր բարեգութ ,
միայն դու պաշտպան ակնարկեալ խնամովք անձառ քոյ
սիրոյ՝ 'ի շնչական խօսուն քո անօթս , յանէլց գոյաւորու-
թիւն լուսոյ հաստեցես : 'Նդ երկոտաստնամեայ չարեօք
չարչարեալ վշտագին կնոջն տանջեցելոյ՝ գետովք մեղանաց
արեան հեղեղիմ . հայեաց 'ի բարձանց անմատոյց լուսովդ
պարածածկեալ , ուր ոչ է քղանցք ձեռաստեղծական վե-
րարկուի ձորձոյ , այլ տարածումն հրաշից ամենայն ուրեք
զօրացեալ : Ոչ օծութեամբ իւղով՝ դատժապարտս ընդ
մեղաւորին մատուցեալ առ կենդանաձիր ոտից գարշա-
պարդ՝ զկաթիւս աչացս վարսիւք հերացս ընծայեցուցա-
նեմ , այլ զամբիժ հաւատս ամբարձմամբ բազկացս ստոյգ
դաւանմամբ հողւոյ ողջունիւ շրթանց կափուցմամբ զերկիր
համբուրեմ , խառնեալ հեծութիւն աղբերցս արտասուաց՝
բժշկութիւն հողւոյս աղբրսեմ : Ո՛ր տեսեալ մեղանօք հող-
ւոյս գոյութիւն լուծեալ մեղկութեամբ , և յերկուց կայից
միայնակողմամբ անհաստատ հետովք , զընթացից գործին՝
նահանջմամբ չարին՝ զհետեւականն բարձողութիւն շին-
ուածոյ մարմնոյս՝ առ ելս ծառոյն կենսառիթ պողոյն խա-
փանեցելոյ , պատսպարեցես անդրէն վերատին , միայն հնա-
րաւորդ առ 'ի փրկութիւ : Օ՛ փառաբանարան հաստուածոյ
կերպիս 'ի քէն եղելոյ՝ ամրափակ խցմամբ համրացոյց
արդեւ հողմ բանասրկուին . հողիդ քո տղեալ մեծդ ողոր-
մութեամբ , ըստ յաւետարանին բժշկեցելոյ , հրաշափառա-
պէս բարեգործեցես բանդ կենդանի՝ ինձ խօսողութիւն
անսայթաքելի : 'Նկեալ կամ չարեօք 'ի մահիձն ակտից
ընկողնոց մեղաց՝ դի կենդանի և խօսուն մեռեալ , կարեկ-
ցեալ իմումս թշուառութեան՝ ողբականօք քքուանաց
ձայնից , ով բարերար որդի աստուծոյ , օրհնաբանեալ աչացդ

ցօղով վերականգնեսցես ՚ի կենդանութի, իբր զսիրելին ՚ի յանշնչական մեռելութենէ: Ատոյգ դառնացողս ՚ի գբի մեղաց կամ տարակուսեալ, ձեռն մատուցեալ՝ արև անստուեր որդի բարձրելոյ, հանցես զիս ՚ի լոյս քումդ նշուելց: Ընդ աղիսողորմ թշուառութեան կականման ձայնի այրւոյն ՚ի Նային մօր միամօրին, տատանմամբ մատանցն, կոծմամբ կրծիցն, հոսմամբ արտասուացն, տուայտանօք տխրութեան դիմացն, և ես պաղատիմ վերջին հեծութիս, տուր յուսահատելոյս զքաջալերութիւն մխթարութեան գթած քո բանիդ, ասելով և ինձ գովեալդ բարի ստեղծիչ աշխարհի, թէ մի լար գերի բազմաց ողբալի. որով ընդ պատանւոյն կենդանացելոյ ՚ի վշտացելոյ ծնողին սփոփանս՝ զամենապարտ որիս ընկալայց ՚ի քէն ընդ նմին կրկին նորոգեալ: Ընդ այսակիր անզգայելոցն դիւալուկ և քարակոշկոճ՝ հեղձամղձուկ եղկելի անձանցն, քստմնելի դիսախալ հերացն, վայրեններես բանդագուշելոցն, ՚ի քէն ուրմեալ փրկիչ բոլորից, իբրև գնոսին առ քեզ դիմեցից. հերքեալ մերժեսցես զգունդս չարացն ապականողաց ՚ի քո խորանէս, զի ժամանեալ հոգիդ քո բարի այսրէն հանգիցէ, լցեալ զմարմինս մաքրութեամբ շնչոյս՝ զգեցմամբ անդամոց, զգաստ արասցես զխեղագարեալս ամենաթշուառ: Ընդ գերեցեալ դժոխսաբնակաց վտարանդելոցն հոգւոց արգէլեալ կամ ՚ի վտանգի. զճառագայթ ողորմութի փառաց քոց ծագեալ՝ լոյսդ իմ անձկութեան, ՚ի կապանաց օցտողին զերծեալ զիս ապրեցուսցես: Վաղտնորոգայթ անբեութեան վրիպակ արահետ դարչութեամբ մեղացս ջրգողեցեալ ոգւոյս կերպարան կայ ՚ի տագնապի. զճակեցեալն ՚ի տեսողութեանց զչարագործին նիւթիցն այտուցմունս, քո ինքնաւորդ զօրեղութի որդի նայ, գթածաբար առողջացուսցես: Օ բազմազան տարազս ցեղիցն զանազանից ախտաւորութեանց մահացուցանողաց իւրականօք կորստեան բերիւք, դժնդակարմատն շառաւելօք հաստատեցեալք ՚ի յանդաստանի անօրէն մարմնոյս, տարա-

կորզեացես 'ի ձեռն ձեռինդ ամենակալի, որ արօրադրեալ միշտ՝ և մշակես զսահմանս հողւոց առ բանիդ կենաց արդիւնատրութիւնս:

Գ. Եւ քանզի անցաւ ըստ նմանութիւն օրինակութեց յանցուածոցս վէր, ըստ ճարակողն քաղցկեղի, առ բնաւ անդամս մասնաւորեալ զխտին տարածումս, չիք սպեղանի իբր խորայէլի առ անչափուի խարանացն մատուցանել. 'ի խարըսխաց բարձիցս մինչև ցափն կառուցման լրութե անդամոցս չէ առողջութիւն, այլ ամենեին անբժշկութիւն: Եւ զու՝ ողորմած բարերար օրհնեալ և երկայնամիտ Թագաւոր տնմահ, լուր պաղատանացս արգահատութեան սրտիս վրտանդի, որ կարդամս առ քեզ տէր 'ի նեղութեան:

ԲԱՆ • ԺԹ

ՎԵՐՍՏԻՆ ՅԱԻԷԼՈՒԱԾ ԿՐԿԻՆ ՀԵԾՈՒԹԵԱՆ ԿՈՐԻՆ ՀՍԿՈՂԻ ԱՆ ԿՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ

ԽՕՍԻ ԸՆԴ ԱՍՏՈՒԾՈՅ

Ա. Եւ ԱՅԵԱՅ ամենահայեաց տեսութիւն կենաց բարութեան յուսոյ 'ի մեծաբարբառ աղաղակ ցաւադնեալ անձինս հեծեծանաց: Եւ նհաս մեծութիւն, անուն հաւոր, բարբառ կենդանի, լուր ցանկալի, ճաշակ ախորժեղի, կռչումս պաշտելի, բարութիւն խոստովանելի, ազդումս խընկելի, իսկութիւն դաւանելի, էութիւն փառատրելի, գոյութիւն օրհնաբանելի, տէր Յիսուս ընդ հօր քում դովեալ և երկրպագեալ, և ընդ հոգւոյդ սրբոյ բարձրացեալ և վերաձայնեալ, որ միայն մարմնացար վասն մեր ըստ մեզ, զի աւրացես զմեզ վասն քոյ ըստ քեզ, լոյս ամենայնի, յամենայնի ողորմած, հզօր, երկնային, և այժմ զլուծեալ և զխորտակեալ հողանիւթ անօթս՝ աստուած օրէն հրաշակերտութեամբ,

աղաչեմ զԹած, նորոգ հաստատեալ, Օ քոյին պատկերս մե-
 ղօք հնացեալս՝ ՚ի քրայս հալոցաց կայծակամբ բանիդ, պա-
 ղատիմ առ քեզ, վերստին ձուլեալ, Օ խախտեալ շինուածս
 քու՛մդ հանգստեան խորանի մարմնոյս՝ պահպանաւ հոգ-
 ւոյս, մաղթեմ բարերար, ՚ի բնակու թի. քեզ մաքրագործեալ:
 Սի հատուցաներ չարեացն իմ գործոց զնոյն փոխատ-
 լու թիւնս, Սրբեալ եմ ըստ մարգարէին բանի՝ և ոչ ՚ի գին-
 ւոյ. Թափեա զմրուրս անօրէնութեան թմբու թե մահու
 բաժակիս՝ աղատարար հրամանաւդ ամենակեցոյց, զի մի
 դքոյդ քամեցից ՚ի վերջին աւուր յետնում հատուցմանն:
 Բ. Սրդար ես յիրաւունս քո, և յաղթող ՚ի դատաս-
 տանի. եթէ մահու մատնես, ճշմարիտ են գործք քո. եթէ
 դատապարտես՝ աստուտ սխեալ զտանջողականն կշտամ-
 բու թիւն, ստոյգ են հատուցմունք քո. եթէ յանդունդս
 խորոց սուղեացես, թէ զկենդանութիւն շարժմանս բարձ-
 ցես, թէ զբանիս զօրութիւն ունայնացուցես, թէ զաչացս
 պատուհանս ստուերացուցես, թէ զկենացն ճաշակ ՚ի քեզ
 ինքն ամփոփեացես, թէ զհասարակաց կերակրոյս դարմանս
 բարձցես, թէ զաւուրցս հարստութիւն համառօտեացես,
 թէ ընդ իջման քաղցրութեան ցօղոյ՝ և հուր սեղացես,
 թէ ՚ի լրութենէ բանի քոյ սովեցուցես, թէ զականջացս
 դրունս խցցես, թէ զշնորհիդ ձիր կտրեացես, թէ զգետին
 յատակի ոտիցս սասանեցուցես, թէ յանձկալի երեսաց
 լուսոյդ քոյ հանցես, թէ ՚ի համօրէն աշխարհէ աստի հեր-
 քեացես, թէ փայլատակմամբք հրոյ պակուցես, թէ ան-
 բժշկական ցաւօք դատեացես, թէ դիւաց չարաց մատ-
 նեացես, թէ զազանաց ժանեօք մանրեօցես, թէ հողմով
 ցասման հոսեացես, և թէ այլ ինչ նորոգ արարած տանջա-
 նարանաց կազմեացես՝ չար քան զտարտարուն և սաստիկ
 քան զգեհնն, թունաւորագոյն քան զօրդունն, տարա-
 կուսելի քան զխաւարն, երկիւղագին քան զխորխորատն,
 ողորմելի քան զմերկութիւնն, վկայեմ անձամբ անձին՝ յոյժ
 պարտապան գոլ սոցալ:

Գ. Լ. քանզի յաւէտ տպաւորագոյն են նմանութիւնք փոխատրութեանցն առ ազգակցութիւն մեղանացս՝ իբր պատկերակիցք միատեսակք զուգաշաւիղք նշանակիչք այսր խորհրդոյ, արդ կարևոր է խոստովանել և յանդիմանել զերեսացն ծածկոյթս առ ծանօթութիւն խնդրողին։ Ըրպէս՝ զի ոչ ջերմն սիրով առ ընկերին կարիս մատուցայ, յիբաւի ՚ի նախնումն վտանգին տառապեալ սառնում։ Լ. զի ոչ զցանկականն խրոխտականութի սանձեցի, յարժանի կրեմ եղկելիս զանզովանալի զկիզումն։ Լ. քանզի ոչ սիրեցի զլուսոյդ աւետիս, արդար հատուցմամբ ՚ի մթութիւն ըմբռնողական միգին կորստեան վրիպեալ դանդաչեմ։ Լ. զի ոչ խտրեցի զմանունս փոքունցն յանցանաց, իբր անվնասակարք վարկանելով, պատկանապէս, ՚ի խածանողականացն զազիրն զեռնոց խթեալ խոցոտիմ։ Լ. զի ոչ ձեռն կարկառի առ կիրս վտանգաւորին՝ այց առնել նմին, ՚ի դէպ խկրստ գծագրութեան այսր օրինակի ապականութեանն դբոյ նուիրեալ մատնիմ։

Գ. Լ. արդ ոչ յաստուածուստ ամենաբարի գանձուցդ չարիս, և ոչ ՚ի լուսոյդ նշուղից խաւար, և ոչ յապաւինութենէդ գայթակղութիւն, այլ ես ինձէն կորստեան որդիս գտի զայստօիկ . մեղանք անօրէնութեան իմոյ գանձեցին նիւթեցին զայսքանեաց բարկութեան մթերս հոգւոյ . իշխանին մոլորութեան հնազանդեալ, թողի զտեղի քո՝ նորա, ըստ գրոյն խրատու յանդիմանութե։ Լ. քանզի յայտնեցաւ յետուստ գաղտնեաց առականաց մարմնոյս անդամոց, և արկաւ զերեսօք կերպիս անվայելուչ ստուեր ամօթոյս, ըստ մարդարէին առակի, տգեղս ցուցեալ զիս ամենևին իբր մերկացեալ խայտառակեցելոյ պոռնկի, ծագեա յիս զլոյս քաւութեան՝ արքայ երկնաւոր . զի թօթափեալ զմեղաց փոշիս, ըստ աւետեաց ձայնին դարձելոցն ՚ի Բարելովնէ, նստայց վերստին կանգնեալ ՚ի հողոյ, և ՚ի հաստատութիւն յուսոյդ հիմնացեալ անսասանելի, ըստ եսայեան բանին, զգեցեալ զգօրութիւն բազկի կարութեան նախնում մայք-

րութեանն , վասն մեծութեան փառաց քաղցրութեան
ամենապարզե քոյ աստուածութեանդ . օրհնեալ յա-
ւիտեանս . ամէն :

ԲԱՆ • Ի

ՎԵՐՍՏԻՆ ՅՅԵԼԼՈՒՍԺ ԿՐԿԻՆ ԼԵԾՈՒԹԵԱՆ ՆՈՐԻՆ ԼՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍՔ ԸՆԻ ԱՍՏՈՒԾՈՅ

Ա . ՏԵՐ տէր անոխակալ և երկայնամիտ , ներող , բարե-
գութ , հզօր , ողորմած . ահա ճշմարտութեամբ են գործք
քո , և խոստովանեալ դատաստանք քո . վկայեալ են ընտ-
րութիւնք քո՝ տեսողդ ծածկութից : Ի՞նչ երկց երջանկաց
մանկանցն՝ որք կիզանողական բոցովն փորձեցան և ոչ վնա-
սեցան ՚ի Բաբելոնի , զնոցա թախծութեան զերզն հառա-
չեմ , մեղայ , անօրինեցայ , յանցեայ , ապստամբեցայ , և
պատուիրանաց քոց ոչ անապի : Եւ քանզի մաքուր գողով
ի վնասուց նորա , և զայս խոստովանութի գոչէին , իսկ ես ընդ
նոցայն՝ նովին աղերսիւ ձայնակցեալ ամին ողբոց երգուե ,
և այլ յաւելից՝ ամենապարտս մահու : Ի՞նչ Դանիէլի ե-
րանեալ և սուրբ մեծ մարգարէի , որ ՚ի քում հարազատուե
աղգականութենէ տանն Յուդայի՝ շառաւիղ ընտրեալ ,
զնորայն առեալ ընդունական և նուիրական բանից պաղա-
տանս , իմովն պատժականութե գոչմամբ հեծութես և այլ
կրկնեցից : Ի մէջ գիտութես՝ անպատշաճականս գնացի , զար-
տուղի սխալեալ դժնդակապէս . այս է ամենայնիւ ամենայն
իրօք մեղանչելն : Իստ սահման կշռութեան կամաց քոց ար-
տաքս վազեցի . որ է հաւաստի կերպարան բասիր անօրէնուե :
Ի՞նչ իտիցն չափոց չարութեան գործոց լլուսն յաճախութե
նիւ թեցի . որ է ճշգրիտ պատկեր յանցաւորուե : Սպառնա-

ցար , և ոչ զարհուրեցայ . արգահատեցեր , և ոչ երբէք լուայ . որ է ապստամբութեան յայտնի նշանակի . Վեղ արգարութի հանդերձեցեր , բարերար , և ինձ ամօթ և սպառկառանս պատրաստեցեր . քեզ փառս վայելչականս , և ինձ նախատինս յարմարաւորս . քեզ քաղցրութեան յիշատակ , և ինձ մաղձ քացախեալ ՚ի կատարածի . քեզ բարեբանութի անլուելի , և ինձ ձայնս ողբոց աղաղակի . քեզ օրհնութիս երգոց խնկելի , և ինձ մերժումն տարագրութե . քեզ իրաւունս բազմարժանիս , և ինձ պատասխանատուութիւնս ամենաւարանս . քեզ բարձրութիւնս անձառ դովլետից , և ինձ զածիւն լիզելոյ պատիժ ձաղանաց :

Բ . Եւ արդ ընկալար դու բարեաց ընտրութեանց անկշիռ սահման՝ զքոյոցդ ասորժականաց կնդրկաց պտղոց վերառեալ ըստ քեզ , և ես զիմոյս աստէն առ սմին պարտաւանս յոգունս կրկնակի բարդեալ ինձ ըստ իս : Վսկ եթէ անարատիցն մաղթանաց այս էր յանձնառութիւն , իսկ ինձ զո՞րս հիւսեցից շարս և տողս բանից դսրովականաց , որ քան զամենայն դժնեայս յաւէտ վրիպեցայ : Ս՝ ոլորեցայ անառակ ընթացիւք ՚ի միտս վայրենիս . յանդգնեցայ շրթամբք խօսից ՚ի բանս երկրաւորս . զակատեցայ անկասելի ՚ի սպառկառելեացն դործոց : Փքացայ , վերացայ , որ յետ սակաւ մի ժամանակի ՚ի հող մահու եմ իջանելոց . զոռոզացայ , բարձրացայ , որ և ոչ զգրաւական հողոյս տուրեառութե շնչոյս ունիմ ՚ի ձեռ ին : Մբարտաւանեցայ փոշիս շնչաւոր , ամպարհաւածեցայ կաւս ձայնաւոր , հպարտացայ հողս անարդութեան , ՚ի վեր ամբարձայ մոխիրս մերժելի , բազուկ կառուցի բաժակս մանրելի : Տարածեցայ առաւել իբր վեհ , և դարձեալ իբր զհերքեալ առ իս ինքն ամփոփեցայ : Վարկութեն բոցով ցոլացայ տիղմս բանաւոր , իբր զանմեռ ռք մեծամտեցի , որ ընդ քառոտանեաց մահու եմ փակեալ : Վիրկս արկի կենցաղոյս սիրոյ , և ՚ի քեզ թիկունս փոխանակ զիմաց դարձուցի . ՚ի թռիչս մտաց ընդ խաւար խորհրդոց սլացայ . զանարատ հողիս մարմնոյս փափկութի յաւէտ

վտտեցի . զգօրու թիւն աջական կողման տկար արարի , ահեկանաց սկայից ուժգնութի տալով յաղթեցի . Օ քեզ իսկ տեսի հոգացեալ վանս իմ , զոր չէ աստ գրելի , և ոչ պատկառեցի . իբրև զհաւ վայրենի սրացայ , ըստ ոխեւեան բանին առ Եփրեմ , 'ի նախնին իմ սովորութի : { } աղօթարանն վայրի ընդ պատաղմունս այսր կենցաղոյս շրջանակեցայ . ոչ կացուցի յտին զերկար մտացս երասանաւ բանին : Ինդ հին չաբու թեանցն նորոգ ինքնաստեղծութիւնս գտի . անուրս ըստ Յօբայ ծանունս և անտանելիս ինձէն ինձ սաստկացուցի . առիցած անկարկատելի , ըստ Երեմիայի , զանձն իմ արարի . իբր զվիժած անգրելի կոչման , ըստ առակարկութի , 'ի մարդկանէ համարոյ եղծայ . իբր զհանդերձս ինչ ապարահից , ըստ եսայեան բանին , զազրացայ . որպէս զթրծեալ աման խեցեղէն փշրեցայ անարժարձելի . ըստ բամբասանացն Եղումայ 'ի մարգարէէն զչորրորդ չափն անօրէնութեան սատակման ինձ պատրաստեցի : Եւ զի՛նչ ստու թիւն առ այս՝ և զայս յաւելուլ ընդ այս . քանզի զվրանն իսկ դիւանուէր Մողղբայ առի ինձ այսրէն՝ առ դժոխոցն ժառանգութիւն , լքեալ զերկնայինն յեղանակաւ իմն օրինակի նմանակիր ձևակերպութե , որպէս առակ պատկերի աստեղն Ռեփանայ Բաբելականի՝ յսրայէլէ պատուեցեալ ցուցաւ 'ի Սինայ :

Գ . Իսկ արդ զի 'ի նախնի շնորհին համարձակութենէ դարձեալ փոխեցայ , զրկեցայ , ելայ , հեռացայ , բաժանեցայ և անպատուաստելի կտրեցայ , արդ ընկալ զիս տէր վերստին կերպարանեալ 'ի պատկեր հոգւոյ , զանարժանս կենաց իբր զմահապարտ , իբր զչարագործ , իբր զպատկառեալ , իբր զկոխան եղեալ բանսարկութի , որպէս զանբժշկելի մանրեցեալ , որպէս զհասեալ յատակս մահու , որպէս զգարչեցեալ , որպէս զխոտան գտեալ քո կոչմանդ , որպէս միանգամայն 'ի կորուստ վարեալ , որպէս զեղերեալ , որպէս վանեցեալ , որպէս տարակուսեալ , որպէս թշուառացեալ , որպէս վհատեալ , որպէս կործանեալ , որպէս խորտակեալ , որպէս բեկեալ , որպէս զթախձեալ , որպէս յոգի տրտմեցեալ ,

որնք թշնամանեալ ՚իսկ դարձեալ ակնարկելով քո՝ գթած , մարդասէր , հզօր , ՚ի յայերս բանիս՝ որպէս զղջացեալ , որնք խոստովանեալ , որպէս ՚ի յոտս քո դիմեցեալ , որպէս զպաշխարեալ : Ար կշուես , գրես և մեծ համարիս զհառաչ հօգւոյ և զազդումն շնչոց հեծութեան , զկակիծ շրթանց , զպասքել լեզուի և զտխրականութի երեսաց , զկամս խորհրոց և զյօժարութիւն խորութեան սրտից : Ար փրկուիդես անձանց , և տեսող ոչ գործեցելոց , և ստեղծիչ բոլորից , և բժիշկ վիրաց աներևութից , պաշտպան յուսացելոց , և բարեխնամող տէր ամենեցուն : Եւ քեզ փառք յամենայնի , յախտեանս . ամէն :

ԲԱՆ . ԻԸ

ՊԵՐՍՏԻՆ ՅԱՒԵԼՈՒՍԾ ԿՐԿԻՆ ԷԵԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՑ
ԽՕՍԲ ԸՆԴ ԵՍՏՈՒԾՈՅ

Ա . Եւ քանզի ես ինձէն անձամբ իմով ինքնագրաւ ՚ի մահ՝ ոչ կացի երբէք ՚ի յոտս մարդոյ , և ոչ սիրտ բանականի ստացայ , ըստ գրոյն , և քանզի ոչ փոփոխեցայ ՚ի նախակարգելոցդ , և ոչ ընդ բարեոք ուղին ընթացայ , ընդէր ոչ զխոտորնական հետոցն խաւարայնոց զդէմս ցուցից ՚ի սահման կարգի այսր ընթերցուածոյ : Եւ որս ածեալ յարմարեալ առ սոյն զկերպարան տեսակի բանիդ երեսաց , ըստ վերագոյնդ նշանակելոյ անփոխադրելի պահելով , խոստովանեցայ վերատին դարձեալ աստանօր զմնացեալ չարութեանցն զբիծս , զոր յաջորդաւդ է իմանալի :

Բ . () Եւ ժանտագործս արժանապատիժս՝ աճեցուն արարի գնացիւք անաստութեան զգունդն Բելիարայ : Կաքաւս կայծից և ցոյցս վազից խաղալկացն դիւաց պար-

շելեաց ճարտար խաբողաց ծուլութիւն իմով շնորհեցիւ Պանս գաղտնիս և խոցուածս անյայտս 'ի կործանեցելոցն դահճաց ընկալայ: Այ հերքեցի զվանեալսն խաչիւն Քսի, քան թէ անդրէն առաւել կրկին իսկ զօրացուցի: Ասն իմոյ հիբոյս անօրէնութեան անունդ Յիսուսի հայհոյի 'ի մէջ սյսականաց, որպէս վասն Իսրայէլի 'ի մէջ հեթանոսաց: Հարուածս հարուածոց վնասակարս ապականութեց ժանգոյ և թրթրոյ և այլոց կերչաց վատնողաց զծաղիկ հոգւոյս, ըստ սրբոյն Յովելեայ հրաշական ողբոցն, որ 'ի ցոյցս երկրի վասն Իսրայէլի՝ յառակս հինից և չարաց հոգւոց, յիս ինքն տնկեցի. ստեղծանել զնոսա պատրաստեցայ, քան թէ սատակել: Բիւրս կուտեալ հաւաքեցի անձին իմում մարտիկս մահաղէնս. կշտամբիչս ինձ գոյացուցի անիրաւս և անպատկառելիս. ներհակս ինձ զօրացուցի ապառու մս և անկուռելիս. դառինս ինձ առի մասունս ընդ քաղցրաւենեացն ճաշակաց, առ ստացողն միշտ նենդաւորս, և առ բանսարկուն յաւէտ հաւատարիմս: Աւաղ աղէտիս, վիշտ վտանդիս, խաւար ամօթոյս, մութ պատկառանացս. զիսորդ և առ բանիս յանդիմանութիւն համարձակեցայց. մեծ է ձայնս գուժի, և անբերելի բողոքս աղաղակի: Քանզի թէ զհոգիս էր զիմ տեսանել, տգեղս և նուաղս և ամենեկն ներգեւեալս, ցաւովք հեծութեանս 'ի վերջինս վարեալ վարանումն, և մրճոտեալ աղտեղեալ դունով զազրութե իբր զպաշտօնատար մեհնի. վասն զի նոյն է սպաս տանել ձուլեալ պատկերի, և մեղաց ախտի: Արդ ես դնացի ընդ այս ճանապարհ կորստեան հետոց. խաւարի. ետու զբաժինն քո ցանկալի յանապատ անկոխ, ըստ մարգարէին որ առ քահանայսն Իսրայէլի ամբաստանութեան:

Գ. Աւ զիսորդ ասացից անձին իմում մարդ՝ զրեալս ընդ անմարդիս. և իբր անուանեցայց բանական՝ անբանիցն յիմարութեան կցորդեալ. և որպէս կոչեցայց տեսանողական՝ մթացուցեալ զլոյսս որ յիս. և ընդէր համբաւեցայց զգայական՝ զիմաստիցս դրունս փակեալ. կամ որովք ցուցայց

տապաւորութիւնն նկարագրութեանն անեղծին շնորհի՛ անձամբ
ինձէն հողի մահացեալ . նա և ոչ շարժողական և կամ շն-
չական ունիմ անուանել , թող թէ հողեկան կամ մտաց
ընդունական . անպիտանս ՚ի թիւս անթոց , անարդս ՚ի քա-
րինս որմոց , արհամարհեալս ՚ի կարդս կոչեցելոց , վատթարս
՚ի յազդս հրաւիրելոց , արհաւրօք մահու պակուցեալս , ան-
խրախուսելի ՚ի բողոքեցունց՝ ցաւովք և տանջանօքն Երու-
սաղէմի ըստ Երեմիայի բանին խրատեցեալ , պակասեալ
աւուրցս ՚ի հեծութէ , և ընթացք ամացս ՚ի հառաչմանէ ,
ըստ նուագարանաց երգողին : Իբր ասուի ՚ի ցեցոյ և փայտ
՚ի յորդանէ , ըստ իմաստնոցն բանի , ՚ի խիթմանէ սրտիս հա-
լեցայ . իբր՝ զոստայն սարդից մաշեցայ , ըստ սաղմոսողին , և
խոտան փայտ . իբր զամպ առաւօտեայ և զցօղ վաղորդայնի ,
ըստ մարգարէութեանն ձայնի , սպառեցայ : Այլ ոչ ՚ի մարդ
ոք ունիմ զոյս , եթէ անիծեալ ՚ի տեսնողէն անյուսաղ-
րելի վհատիմ , այլ ՚ի քեզ՝ տէր իմ ոգեսէր , որ ընկղմեալ
՚ի քոյդ գթութեանց բարեաց անբաւից , և ՚ի բեռեւելոյն
ժամու ՚ի խաչին մաղթեցեր մեծդ ողորմութեան առ հայր քո
բարձրեալ՝ քո չարչարողացն : Արդ շնորհեա ինձ յոյս քաւու-
թեան , կեանք և ապաւէն , և ՚ի տուր շնչոյս թշուառի՛ առից
զոգիդ քո բարի : Աւքեզ ընդ հօր հոգեովդ սրբով՝ զօրու-
թիւնն , յաղթութի , մեծութի և փառք յաւիտեանս . ամէն :

ԲԱՆ . ԻԲ

ՎԵՐՍՏԻՆ ՅԱԻԷԼՈՒՍԺ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍՈՂԻ
ԱՌ ՆՈՅՆ ԱՂԵՐՍ ՄԱԼԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍԲ ԸՆԴ ԱՍՏՈՒԾՈՅ

Ա . 4) ԱՐՁԵԱԼ այլաբանեցից ՚ի նոյն շարունակ բարդեալ
դիշտամբանացս եղանակ դարձեալ անձինս , ածեալ մա-

տուցեալ կրկին կացուցեալ նովին պատկերաւ ՚ի նոյն պայմանի . Թերևս գրեացէ ինձ ամենագէտն զայս յանդիմանուէր դատակնիք կսկծեցուցանողականս բանի ճշմարիտ խոստովանութիւն համայնից գործոց գաղտնութեանց չարեաց :

Բ . Այլ ոմն ձիս խօսնական կարծրերախ սանձակոտոր արձակերասան , յովնակս անհամբոյր վայրենական և անկրթական , երինջս աւողական անուղղական և անվարժական : Անորդս մոլեղնական տարագրական և կորստական , մանուկս մեղանչական անխրատական և վարատական , տնտեսս մահապարտական տարտամական և անգործական , բանականս անասնական գաղանական և անմարբական : Չիթենիս ամայական անպողական և կործանական , մարմինս հողուոյս իմ թախծողական դատողական և տանջողական , խոցեալս անբժշկական անխնամական և անկանգնական : Ասկի շարս կայսերական՝ արդվատնական և անգտական , ծառայս սխալական փախստական և թշուառական :

Գ . Ահա ես ինքն ինձէն կամաւորացէս անձնամատն և մարմնակործան , հոգեկորոյս և միշտ մտախաբ , կամակոր իսկ և սրտաբեկ , ուշամոռաց և հանճարազրաւ , զգայազիրկ և իմաստասպառ , յայրատատես և եղեռնալուր : Աս աստուստ և անդուստ բնաւիւք բորբոքմամբք մահաբեր երկամբք վնասեալ , ոչ միով իւիք տեսութիւն ՚ի գործ ընտրութեան քեզ պիտանացուս , տէրդ բոլորից . որբամ զորովայն , որ երկնեացն զիս . աշխարեմ զսոխնան , որ դիեցուցին . ընդէք ոչ մաղձ մակարդեալ ընդ կաթինն ձգեցի , և զիսորդ ոչ դառնութիւն ինչ ընդ քաղցրութեւն ջամբեալ մատուցաւ : Օ ի եթէ ես ինձէն անձին իմում դժնեայ դատախազ համբարձայ այսբանեօք բանիւք , և ունիմ տակաւին զսուր բարկութեանս անխոնարհելի , ո՞վ որ ՚ի յերկրածնաց աստի զիս ողորբեացէ . զամենայն խայտառակեցից , զընաւ էութիւնս դատեալ տուժեցից , զհամօրէն զվնասակարացն զգունդ դանեցից , զխոցողացն զինուորութեանց դատախազեցից , զգայականացն զլիաւորութիւնս կշտամբեցից : Ահազայ

ամենայնիւ յամենայնի, ողորմեա գթած . ոչ նոր ինչ գտելի յիս գլանցանացս պարտեաց մառախուղ, այլ նոյն եմ յաւէտ նովին պատահմամբ պարտաւորութեան, անկցելի ձորձով սխալեալ առաջի քո՝ անփոփոխելի, և դու միայն իսկապէս գթած օրհնեալ մարդասէր, ընդ աջմէ իմոյս վերականութեան կանխեալ ներութեամբ անայայելի:

Դ . Արդ մատո, խնամակալ, հօր, երկնաւոր, բարի, ամենից հաստիչ յոչէից, զբանիդ զօրութեան իմաստից կայծակն ՚ի գործի ազգման լեզուիս շարժութիւն, առ ի մարտութեան յամենուստ զգայականաց գոյաւորութեանց յիս մասնաւորելոց՝ քո ձեռակերտից, սրբօք առ ՚ի քէն եղելովք և բժշկելովք կրկին հանդերձանօք, անպակաս ձայնիւ, անհատ բարբառով, բեզ վերընծայել գոհաբանութիւնն ՚ի փառս մեծութեան հօրդ քոյ նյ մերոյ, յաւիտեանս . ամէն:

ԲԱՆ . ԻԳ

ՎԵՐՍՏԻՆ ՅԱԲԵԼՈՒԱԾ ԿՐԿԻՆ ԷԵԾՈՒԹԵԱՆ ՆՈՐԻՆ ԼՍԿՈՒԼԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍՔ ԸՆԴ ԱՍՏՈՒԾՈՅ

Ա . Տե՛ր անձ ամենայնի, զօրաւոր յամենայնի, անպարագիր և անվայրափակ տեղի ամենեցուն . բոլոր իսկուք հուպ յամենեսին, անուրեք վայրից, և չիք սահման առանց քոյ: Ոչ երևեալ երբէք, և ոչ տեսականութի առանց քո ծագման լուսաւոր: Փառք ահաւորութիւն, անունն անհասուն, կոչումն մեծութեան, ձայն անբաւութեան, իսկութիւնն անքննութեան, անմատչելի հեռաւոր, և անընդմիջելի մերձաւոր, տեսող հեծութիւն, նկատիչ թշուառութիւն, մօտակաց թախծութեան, ամենաբուժ հնար անձարութեան, հայր գթութեանց, ծագող ողորմութեան, անձ միսթարութեան:

Բ. Հայեաց տէր ողորմութիւն ՚ի պատկեր վշտաց դառնութեան բազմավտանգ կրիցս կարեաց, զոր հանդէպ քո տարածանեմ. կցորդակից ընր բժշկապէս, և մի ՚ի խոյզ ընտրութեան կոչեր դատաւորաբար: Արդարև մեծ է վտանգ տարակուսանաց ցաւոց այսր վարանման, յորժամ իցէ մարմինն մեղօք գլուխեալ, և անձն ՚ի գործոց չարեաց ոչ մեկուսացեալ, գործնականացն գործի սովորութիւն կարեաց կապեալ, զանգուածն հանդերձանաց մահացու կրիւք շաղխեալ, զգայութիւն սրտին իմաստից խեթիւ խոցոտեալ. ակնկալութիւն բարեացն բնաւին բարձեալ, և ՚ի բանակառութեանն ընդ անասունս դասակարգեալ, և զազիր դարձութիւն ընդ գոյութեանն շարամանեալ, և տեսականացն ողջ ելով իմանալիքն վիրաւորեալ, և ՚ի սաստկութենէ յանցանացն յիշատակի յաւէտ յուսահատեալ, և տագնապաւ նախագործելոցն միշտ տարակուսեալ, և յստակութի աղերսին իսպառ պղտորեալ, և խղճիւ մտացն յուզմանց կրկին ձենձերեալ, և ձեռն ՚ի մաճի գործոյն զլեւնոցն հետազօտեալ, և կերպ ՚ի յառաջ դիմեալ՝ ոտք ՚ի վերջ կոյս յետահարեալ, և գիտութեամբ էիցն՝ ՚ի չէիցն միշտ իտաբեցեալ, և ՚ի մտացն մարտ՝ ՚ի փոքունցն յաղթահարեալ, և ՚ի թառանջ սրտին հագագին դուռն հրդեհեալ, և խոնաւ զօրութիւն քմացն ամենայն ուրեք տոչորեալ, և անարև միգով յամենայն մասանց պարփակեալ, և լայնութի ակնկալութեն ամենեկին իսպառ ամիտփեալ, և անբերելեացն տոյժ ՚ի զգալիան տպաւորեալ, և եղկութիւն կորրստեանն ՚ի յուշ անդ եկեալ, և դատակնիք հատուցմանն ՚ի դիւանի մտացն գրեցեալ, և բարերարին ակն ՚ի ցասումն իմն երևեցեալ, և լոյսն բնութեամբ՝ զակուածոյ հողոյս զայրացեալ, և ահաւորութիւն էին ընդ փոքրկութի բնութեանս ընդ հարեալ, և միշտ որոտմամբ բանից բանաւոր մոխրոյս բարկացեալ, և իրաւանցն վիմօք զարժանիս մահու կոչկոճեալ, և որ իմն է տաղանդ՝ յանառակս աստէն կորուսեալ, և պատուական իրին ստացուած իբրև անարգ

յերկրի թաղեալ, և տաժանմանցն արգասիք ծուլութեանն մթով ծածկեալ, և իբրև զ'ի բաց բարձեալ նշմարան ճրբագի չերևեալ, և պատասխանարան լեզուիս՝ յիրաւանցն օտար՝ կարկեցեալ, և անհամբոյր շրթանցս դրութիւն օրինաւոր դատամար պապանձեալ, և յուզմունք մտացս՝ ՚ի զանազան մատենս ցնդեալ, և զկեալն ՚ի վերայ օգտին ոչ ինչ գիտացեալ, և ՚ի կշռութիւն բարւոյն ընտրութե յիմար երևեալ, և ընթացք ելիցն նհանջմամբ չարին խափանեալ, և վառարան իւղոյն ածիւնովն հնոցի լցեալ, և անուանս զիր ՚ի կենաց մատենէն եղծեալ, և կշտամբանք ընդ երանութեան անդ արձանացեալ:

Գ. Եթէ զինուոր տեսանեմ, մահու ակն ունիմ. եթէ պատգամաւոր, խտտութեան. եթէ մատենագէտ, մուրհակի կորստեան. եթէ օրինաւոր, անիծից. եթէ աւետարանական, փոշոյ ոտիցն թօթափման. եթէ բարեկրօն, յանդիւմանութեան. եթէ ապառուժ, կսկծմանս Եթէ ջրովն ընտրութե փորձիմ, խորտակիմ. եթէ դեղ ինչ դատման ձգեմ, սատակիմ: Եթէ բերս՝ նկատեմ բարութեան, ՚ի կարծեաց չարեացս փախնում. եթէ ձեռն համբարձեալ, կորանամ. եթէ փոքր ինչ խրտուիլ, սարսեմ. եթէ սակաւ մի թնդիւն, ընդոստիմ. եթէ ՚ի խրախճանս ըմպելեաց հրաւիրիմ, դողամ. եթէ մեծիդ յանդիման լինիմ, սարսափեմ. եթէ ՚ի հարցումն բանի կոչիմ, կարկիմ. եթէ իրաւամբք քննիմ, համրանամ: Երդ այսբան ամենաթշուառ և ողորմագին տարակուսանացս ՚ի վերայ միմեանց բարդելոց, ոլք զբտորև զգայականաց սրտիս գոյութե ՚ի ներքուստ անտուստ անբժշկական ցաւօք՝ աներևակի նետիւք խոցոտեալ, անարտաբերելի մշտակիր յարամնաց հանապազամուխ բևեռեալ աստուստ ընդ հոգւոյս, լցեալ շարաւով կրկին հարուածով, վտանդ սատակման մահու գուշակեն: Թարախ մթերից պատեալ զերկաթով գաղտնեացս ծածուկք ազդեն ինձ տագնապս՝ վէրս պահեալս անխնամարկելիս ընդ ելս շնչոյս տուրևառութեան. յորոց նեղութեանց չարաչար ճնչեալ

աղաղակ ձայնիս, խառնեալ արտասուօք՝ կողկողագին թախ-
 ծանօք հոգւոյ, քարեգործիդ հնարաւորութեան յերկրաս-
 տեղծիցս նահատակաց ընդ իմ մաղթողաց, վերջին հեծու-
 թեամբս և ես ընդ նոսին արտասուօք ողբոց ամենեքումբք
 նուիրողօք՝ զաղերսանս ըղձիցս ՚ի ստորնայնոցս աստի յեր-
 կինս առաքեմ: Շնորհեա տէր անդորրութի կենաց հան-
 զասեան ողորմելի վաստակեցելոյս ՚ի յընդունայն երկրագոր-
 ծուխ, համայնդ յամենայնում, ամիւ ստացեալ քեզ փառս:

ԲԱՆ . ԻԳ

ՎԵՐՍՏԻՆ ՅԱԻԵԼՈՒՅԹ ԿՐԿԻՆ ԼԵԾՈՒԹԵԱՆ ՆՈՐԻՆ ԼՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅՑ ԲԱՆԻ

Ի ԽՈՐՈՅ ՍՐՏԻՅ

ԽՕՍԻ ԸՆԴ ԱՍՏՈՒԾՈՅ

Ա. Եւ արդ որոց խնդրոց արժանաւոր վարկանելով զիս
 մատչիմ աղերսել, արքայութեանն յորմէ վրիպեցայ, եթէ
 փառացի վայելութեան յորմէ զրկեցայ, թէ կենացի ան-
 մահականաց յորմէ հերքեցայ, թէ ընդ հրեշտակնս պարակ-
 ցութեան յորմէ տրոհեցայ, թէ ընդ արդարնս մասնակ-
 ցութեան յորոց ճեղքեցայ, թէ ո՞ւր որթոյն կենդանւոյ
 յորմէ քանցեցայ, թէ սատ տնկոյն բերկրութեան յորմէ գօ-
 սացայ, թէ ծաղիկ փառացն շնորհի յորմէ թափեցայ, թէ
 պանծանացն ժառանգաւոր յորմէ կորացայ, թէ հայրենի՞
 ծոցոյն հարազատ յորմէ ընկեցայ, եթէ զգեստոյն լու-
 սոյ պարծիմ յորմէ մերկացայ, եթէ ՚ի ստացող դարձին
 յուսացայց յորմէ խորթացայ, եթէ ՚ի լուսոյն իզձս դիմե-
 ցից յորմէ մեկնեցայ, եթէ Յիսուսի՞ յոսկերսն յօդիմ յորմէ
 մերժեցայ, եթէ ՚ի թէն նորա մերձիմ յորմէ օտարացայ,
 եթէ յապաւէ՞նն ապաստանեցայց յորմէ խեթացայ, եթէ
 ՚ի փրկութեանն նորոգութիւն յորմէ մահացայ, եթէ ՚ի

դՊատուութեանն զուարթութիւն յորմէ ես լքայ, եթէ ՚ի կանոնն կենացն ուխտի յորմէ փոխեցայ, եթէ ՚ի սահմանն հաստադրական յորմէ սահեցայ, եթէ յանշարժ վիմին պընդութիւն յորմէ սասանեցայ, եթէ ՚ի շարս գումարտակին յորմէ հոսեցայ, եթէ ՚ի քաղաքն անդրանկաց շինիմ յորմէ դերեցայ, եթէ հանապազորդեան հացին աղօթեմ զոր ոչ վաստակեցայ, եթէ փոխադրութիւն երկանցն խնդրեմ յոր ոչ բրտնեցայ, թէ պարգևօքն պսակեցայց յոր չհանդիսացայ, թէ արձան ինձ կենաց գրեցից յորմէ ջնջեցայ, թէ զերախտեանց ձիր յիջեցից զոր միշտ մոռացայ:

Բ. Ահա հատաւ և կամ խղեցաւ լար կենաց յուսոյն, տիրեցայ ՚ի բորոտուէցն գարշութենէ համայն ախտացեալ, ամենայնիւ սպառեալ զմարմինս ապականութիւնն շրջապատեալ մեռոյց ան: Աոյզն պալար փայլունակ տղեղ լնացեալ, մնացուած ինչ պահեալ նախունակ երկդիմի կերպին, որ զկրկին անմաքրութիւնն նշանակէ, պարծանացն նշոյլ ամենեկին ինձ շիջաւ, փրկութիւնն մատնեցաւ, բարին ստուերացաւ, ելք կենացն բնաւին փակեցաւ, մխիթարութիւնն բարձաւ, դատաստանին ատեան մերձեցաւ, թոյիք մահուն ինձ արծարծեցաւ, սպանեալն կրկին ինձ կենդանացաւ, լաստին դադարք վիճօք խցաւ, շաւիղն յուսոյն կուրացաւ, շնորհին ծածկոյթ յինէն մերկացաւ, փառացն վայելութի ստուերացաւ, հանձարն առաջնորդական խափանեցաւ, կշտամբանացն փուշ բազմացաւ, անօրէնութեանն ուղէշ ծաղկեցաւ, բոց գեհենին ինձ բորբոքեցաւ, ծառայութեանն լուծ սաստկացաւ, ստրկութեանն կապ զորացաւ, ունողն յարկին կառուցման ահա անկաւ, բարձրութեանն վտահարան կործանեցաւ, ընտանութեանն միաւորութիւն անջրպետեցաւ, սրբութեանն սիրող հոգին աստուծոյ տրամեցաւ:

Գ. Ալ քանզի զվերջինն համբուրեցի դառնութիւն, տանջան՝ խէթս՝ տխրութիւնս, վիշտս հոգեկանս, ցաւս անխնամարկելիս, տարակոյսս անյուսադրելիս, ամօթանս

անպարուրելիս , խայտառականս անվերարկելիս , պատկառանս անհամարձակելիս , փախուստս անդառնալիս , հայաճանս անմարդասիրելիս , երկայն ուղեւորութեան ասպաձեռն անթոշակութիւնս , իսկ դու փրկութիւն զօրութիւն և օգնութիւն , ողորմութիւն լուսաւորութիւն քաւութիւն և անմահութիւն տէր ԶՍ ԲՍ , որդի ԿՅ կենդանեոյ , արարիչ երկնի և երկրի , որ ընձեռես ջուր պասքելոցն 'ի ծարաւուս վայրս անապատի , օրհնեալ , բարեգութ , հզօր , մարդասէր , երկայնամիտ , խնամակալ , հնարաւոր , այցելու , պաշտպան աննախանձ , պահապան յաղթող , կեանք անկորուստ , միջնորդ երկնային , լիութիւն աննուազ , երանութիւն տօնելի , ձեռն ձգեալ սիրոյ ողորմութեան քոյ աջոյ՝ ընկալ և մատոքաւեալ և սրբեալ զիս զամենապարտս՝ բանդ կենդանի՝ առ հաւասարապատիւ քո հոգի , զի քեւ վերստին հաշտեալ լիս դարձցի Եւ 'ի ձեռն քո իւրոյն կամօք մաքուր նշուիրեալ , զօրեղն ինքնութեամբ զիս հօր ընծայեալ , անդէն առ նմին նովիմբ միշտ 'ի քեզ շնչոյս ողջունիւ կապեալ ընդ շնորհիդ՝ 'ի քեզ միանալ անբաժանելի : Ո՛ր ասն որոյ քեզ ընդ հօր քում հոգւովդ սրբով՝ երբեակ անձնաւորութեանդ 'ի միում բնութեան և 'ի մի աստուածութեան փառք , և 'ի ստեղծականաց էից գոհաբանութիւն յաւիտեանս յաւիտենից . ամէն :

ԻՆՆ . ԻԵ

ՂԵՐՍՏԻՆ ՅԱՒԵԼՈՒՄԾ ԿՐԿԻՆ ԼԵԾՈՒԹԵԱՆ ՆՈՐԻՆ ԼՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՑ
ԽՕՍԲ ԸՆԴ ԱՍՏՈՒԾՈՅ

Ա . ԻՆՆՑ քանզի 'ի վերայ այսբանեաց գերութեանց ամենաթշուառ վտանգաւորիս մի զմիով ել և ելս առնելոյ ,

զոր զկերպարանս անցիցն 'ի մասնէ վերաճառեալքդ նախագրեցին . ուստի և փոխեալ զեղանակ բանիս՝ այլ ոչ զեղկութիւն աղէտիս :

Բ . Լ . յն զի ծով է ինձ ծփանաց կենցաղոյս բերմունք յոյժ նմանագոյն . յորում կոհակօք բազմօք անթիւ դիմեցմանց տատանեալ հոգիս 'ի յայսմ աշխարհի մարմնոյս շինուածով իբր 'ի նաւակի : () որ Եսայիաս մարգարէ զյանկարծադէպ կատարածն որ 'ի պարսկականն հինից՝ Երուսաղէմի և Սամարիայ կործանմանն , նմանութեամբ այսր օրինակի կերպաւորեցոյց . որ և առ իմն հոգևորական խորտակումն զուգաձայնել՝ ոչ է սխալական : Քանզի մինչդեռ չուէի ես յանհոգութեան անտարակոյսն վստահութեամբ , դոյզն կասկած արկածից 'ի միտ բերելով առ խորոց փոքր միջոցին , որ 'ի մէջ հանգստեանն և աշխատութեանն , իբր այն թէ հասեալ իցէ , ձմեռն յամարայնի բքաբեր հոգմով ժամանեալ երեքալեանն դիմակցութիւն , ամբօխեաց զհանդարտութիւնն : Աւստի նաւն 'ի բախմանէ վայրենի արեացն խորտակեցաւ : Թևոցն ձեռնարկութի բայքայեցաւ , կայմն ամբարձման՝ 'ի կայից իւրոց խլեցաւ , առագաստին թռչարան յանկարկատելի ծուէնս պատառեցաւ , շինուածոյն շուք անդարդեցաւ , առասանք ձգողականացն խզեցաւ , տեսարան գլխոյն դիտակի խոնարհեցաւ , ազաւանդակին պարան կրտրեցաւ , ազաւինութիւն խարսխին լուծաւ , լուծք ստուարք ամուրիցն կցորդութեան բաժանեցան , սամիք ուղղացն հետոց գալարեցան , լաստ հիմանն հաստարանի ընկղմեցաւ , ղեկացն կառուցմունք անդրէն սուզան , չուոցն յարմարութիւնք պակասեցան , ողնափայտին պատասպարան խկոյն բեկաւ , կապարանք զրստին հաստուածոյ յօշատեցաւ , գողք ամփոփման ծոցոյն կազմածոյ անարդեցան , խելք շրթանցն եղերաց խախտեալ ոստեաւ , պաղպաղունք բազմականացն անկեալ բարձաւ , վանդակապատին վայելչութիւն յատակեցաւ , գահաւորակին հանդստարանն շփոթեցաւ , մաճմունք տախտակաշարք 'ի միաբանութեանց միմեանց անջա-

տեցան, հեղոյսք պնդման բեւեռացն քարչեցան: Արգասիք իրին յիշատակարան ողբոց ինձ նմանեցաւ: Աւուուղիղն հանդէպ նաւին դեգերեալ ողբայ, ձեռն 'ի ծնօտի եղեալ՝ արտասուաց գետս իջուցանէ: Աշմարք սակաւ մնացուածոցն՝ 'ի ծայրից ծփմանց ազդելոյ ծովուն, իբր խողխողեալ բանաւոր, ողորմագին թախծանօք հեծէ: Ո՛ր ասն զի թէ զբարի նաւապետն երկնաւորօքն զօրօք յաշխարհիս ծովու առ 'ի զխորտակեալս իմ տապան իմանալի դոյութեանս առցէ աշխարել բանիս յարմարութիւն, ոչ ինչ վրիպեցէ 'ի ստուգութենէ: Քանզի արդարեւ ելաց բարեգութն տէր յառակ մարդկութեանս զթաղեալ ազգակիցն, ելաց առ նմին և զԵրուսաղէմ մոլեալ և զՅուդաս մոլեգնեալ, յորոց երկուցն կորեաւ վտաահութիւն յօրինակ նմանութեան աղարտեալ նաւի. իսկ միւսն հասեալ յատակս անդնդոց՝ առասան յուսոյն ձեռամբ ունողին յանքոյթն արտաբերեաց խաղաղութիւն:

Գ. Արդ իցէ՞ թէ յաւերից հայել զբազմախորտակելի տապանակ մարմնոյս իմոյ նորոգեալ: Իցէ՞ արդեօք տեսանել զփշրեալս նաւ ողբալի հոգւոյս ողջացեալ: Իցէ՞ արդեօք տեսանել զբաժանեցեալս միջոցաւ մեծաւ՝ վերտին կցեալ: Իցէ՞ արդեօք տեսանել զյոզնաթախիծ սիրտ վշտացելոյս բերկրեցեալ: Արդ իցէ՞ ակն ունել նայել զյաւէտ խաթարեալ կերպարան բնութեանս կրկին հանդերձեալ: Իցէ՞ արդեօք թէ տեսից զքակտեալ տաղաւար թշուառացելու միտ միւսանգամ կանգնեցեալ: Իցէ՞ արդեօք յուսալի նայել զտարամերժեալ գերիս ազատեալ: Ապարէն գուցէ՞ ակն ունել զանկեալս 'ի շնորհէդ լուսոյ դարձեալ կազդուրեալ: Արդեօք տեսից զվայելութի ընտանիդ քո պայծառութե յողորմութիւն ինձ երևեցեալ: Աթէ տեսից երբէք զամենատար կերպարան հոգւոյս իմոյ ժպտեցեալ: Արդեօք լուսոյց ընդ ձայնի դուժիս աւետեաց համբաւ ինձ առաքեցեալ: Արդեօք տեսից զբիւրակործան վնասեցեալս առնօթ կազմեցեալ: Իցէ՞ թէ տեսցեն պատուհանք աչացս

Իմաստից զմուրհակ պարտուցս իմոց պատառեալ: Լ՛թէ յայտնեսցի՞ օրն իմ անձկութեան շնորհին քառութի բարւոյք ինձ ծագեալ: Լ՛րդեօք մտից ՚ի խրախճանութիւն խորանին լուսոյ քե առաջնորդեալ: Լ՛ցէ՞ թէ կենդանի լինիցին ոսկերքս , ըստ Եզեկիէի , ցամաքեալքս ՚ի կենդանութեանց եկաւորութի՛ք ազգողական շնչոյս զօրացեալ: Լ՛ցէ՞ թէ յաւելից հայել ՚ի տաճար սուրբ քո , աղաղակաւն մարգարէին ՚ի պօրտոյ կիտին , հերքեալս ՚ի լուսոյ որ կամ առաջի քո ամաչեցեալ: Լ՛թէ լինիցի՞ խաւարանունդս մթացելոյ ծագման առաւօտ: Լ՛թէ հասցէ՞ տեսանել զտազնապեալս մշտասառոյց յեղանակս գարնանն մօտ: Լ՛թէ տեսից զցօղ անձրևոյն կանաչացուցանօղն հողւոց ինձ արօտ: Լ՛թէ իցէ՞ արդեօք նկատել զգազանաբեկ հերքելի ոչխարս վերստին կամաց գթութեան քո հօտ:

Դ . Լ՛ւ քանզի ըստ բանին Յոբայ շուրջ պատեալ են չարեացն հնարք ընդ որ ոչ կարացից անցանել . իսկ եթէ լոյս ողորմութեան բարերար կամաց քոց ցուցցի , գթութեան քոյ դուռն բացցի , ճառագայթ փառաց քոց ծաւալեսցի , խնամք ձեռին քոյ յայտնեսցի , արեգականդ կենաց օր տարածեսցի , առաւօտիդ ըղձալի տեսիլ մերկացցի , առատութիւն քաղցրութեան քոյ աղբերացցի , վտակ արարչիդ կողից հոսեսցի , ծորումն անապակ սիրոյ քոյ հեղցի , ծագումն աւետեաց շնորհի քոյ երևեսցի , պարգևիդ քո ծառ ծաղկեսցի , մասունք օրհնեալ մարմնոյդ բաշխեսցի , համառօտեալն ակնկալութիւն հանդիպեսցի , հատուածեալ ձայն ողջունի քոյ տէր լուիցի , հեռացեալդ խաղաղութիւն մերձեսցի . յայտոսիկ յաւէտ սովին սահմանաւ երանականաւ հաւատ ընկալեալ յուսոյ հաստատնոյ , ապաւինեալ ՚ի հոգիդ քո սուրբ , որ ընդ հօր քում պաշտի ձայնիւ քաղցրութեան ընդ քեզ փառատրեալ ՚ի լոյս անմատոյց , որով կեննք և երանութիւն քառութեամբ հանդերձ ընծայեալ ինձ մեղապարտիս . յաւանդ անկորուստ ընդ իս պահելով առ հաւատչեայ ճշմարիտ յիշատակի , ՚ի ձիր անեղձութեան անուամբդ

անձառելիաւ ահաւորութեան հզօրի սրբոյ միայնոյ և ան-
քննելի տէրութեան երբեակ անձնաւորութեանդ՝ որ ետդ
յիսկութեան յէութեան և յարակայութիւն բարձրութե-
քաղցրութեամբ ողորմութիւն և մարդասիրութեամբ պսա-
կեալ հանդերձեալ և թագաւորեալ: Այս առ ամենեսին
ամենայնիւ յամենայնի կարող ես, զթած . և քեզ վայելէ
միառք յայսմ յաւիտենի և ՚ի հանդերձեալ մշտնջենաւո-
րութիւն յայտնութեան աւուրն մեծի, յաւիտեանս . ամէն

ԲՆՆ . Ի Գ

ՎԵՐՍՏԻՆ ՅԱԵԵԼՈՒԱԾ ԿՐԿԻՆ ԷԵԾՈՒԹԵԱՆ ՆՈՒՆ ՀՍԿՈՒԼԻ
ԱՌ ՆՈՅՆ ԱԼԵՐՍ ՄԱԼԹԱՆԱՅ ԲԱՆԻ

Ի ԽՈՐՈՑ ՍՐՏԻՑ

ԽՕՍՔ ԸՆԴ ԱՍՏՈՒԾՈՅ

Ա. Այս արդ ստուգապէս և իրաւաբար, ընդ որս որք
ըստ ձայնից կողկողանացն և զբանիցն յարմարութիւն հան-
դերձեն, ՚ի նոյն դիր բերեալ զաւարտմունս տանցն, որովք
առաւել սաստիկ մորմոքեալ ճմլեցուցանեն զաղէտս կար-
եացն սրտին ըլծից՝ առ արտասուացն բղխմունս . ուստի և
բազմեալ իմ ՚ի գլուխս պարու ակմբից դասու այնր երա-
խանաց՝ որք զլայեացն յեղանակեն բանաստեղծութիւն, և
ես ընդ նոսին նոցին հեծութեամբ աւաղական ձայնարկու-
թեամբ զանձինս տարածանեմ զվշտակրութիւն, որ ոչ բնա-
ւին մեռեալ աշխարհի, և ոչ իսկապէս կենդանի նյ, ոչ ջերմ
սոսկ և ոչ ցուրտ յատուկ, ըստ առակի աւետարանչին գրու-
եալ ՚ի յայտնութեանն . երիցս ատելի երբեակ տէրութեն
և ամենատես արարչութեանն: Այս այս են պատկանեալ
թախձականացն կերպաղբութիւնք, կրկին ողորմելի այսու
երեւեցեալ՝ որ ՚ի մի դիժ սահմանեալ կացուցանեն զթշուա-
ռութեանցն զօրինակ, այսպիսի կցորդութիւն շաղկապեալք

Բ. Պարտուցն ժխտեալ տաղանդացն՝ ճեպով մեծաւ 'ի տուժի, ես ապիկար մատնեալ անարժան գործովքս յիրաւի, վատնիչ արքունի դանձուց կրկնադատ և անթափելի, պատասխանատու մեծին ըմբռնեալ անհրաժարելի, բիւրքանքարոյ խնդիր՝ ես չունիմ կշիռ մի ունկիւ Մերարեխօս կապեալ 'ի պահեստ դառն արգելանի, հեծումն և վաստակ ցաւոց ճաշակեալ յաննշոյլ բանտի, անապաւէն տանջեալ անթոշակ կամ ողորմելի . այլ յեղանակ ինձ ողբականաց աստուստ կնքեցի, փոխատրեցի սովին բարբառով կոծ կրակծելի, կարգադրեցի շրջաբերութեամբ 'ի նոյն պայմանի, անհատական թիւ խորհրդական երկեակ տասնեկի: Մըբատութեանն հնոց յամենուստ մասանց մրրկի, անպատսպար թշուառ վտանգեալ սրտիւ 'ի գրաւի, տարակուսեալ հողւով ապաշնորհ այր 'ի վրիպակի, անխնամելի հայցմամբ դատաստանն յինէն պահանջի: Սեղաց և մահու զինուք ըզգայարան գաղտնեացս խոցի, անփրկելի մատնեալ բռնութեան չարեացս գերի, սուր սուսերաւ սաստից գոյութիւն բնութեանս յօշատիս: } իշատակաւ բեմին աստատին 'ի դատաստանի, անծագելի մուշլ չարատես աչացս երեւի, անձեռնկալ կապեալ եղկելիս 'ի տարակուսի, ահարկութի դիմաց պատկերի վերնոյն տեսանի: } ցոյժ անարև և անվերարկու 'ի տարտարոսի, անապաւէն մոլար մորմոքեալ 'ի հուր գեհննի, անյայտնելի կորուստ կործանեալ 'ի մեղաց վհի: Մհա զոր ունիմ արծաթ անպիտան ոչ երբէք յարդի, և ոչ ընդունի և կամ համբարի 'ի գանձ տէրունի, հայցուած պղտոր և ձեռն անմաքուր աննուիրելի: ՄՊ բեկեալ սրտիւ մատանց տատանմամբ յոյս առեալ դարձի, զդէմս 'ի յերկիր եղեալ պաղատիմ մօրդ Յնի, բարեխօսեա մաղթեաքաւութի ինձ մեղաւորի՝ դու զօրաւոր փրկանակ կենաց իսկուհի երկնի, քեզ օրհնութիւնք ձայնից և բուրմունք խնկոց 'ի յերկրի, և անուշից իւղոց մատուցումն յամենայնի:

Գ. Մըդ յասացեալ ողբոցս հիւսուած այլ մասն յաւելի, բարերարին շնորհաց արտասուաց պտուղ մատուցի .

զկորստեան խորս չափելով զղղբանն երբէք ոչ դտի, մասնաւորօք բանիւք ՚ի հանդէս նորին ջանացի, զմտացս արագեալ զթևս յերևոյթ իրին ոչ հասի, զուշին պարտութի յանվթարեւեացն բաժակ բարկութեան ՚ի ձեռն իմ առի, զտարտամութիւն տարակուսանացս իբր ճաշակումն մահուարբի. և այժմ զյանցիցն յաճախութիւն ողորմելի ճայնիւ յերգ արկիւ Մեծրևոյթ կրակարան տապոյ բորբոքմամբ մեծաւ անզովանալի, անտեսական իմն քրայս հալոցաց սաստիկ եռացմամբ անշիջանելի, սլաքս նետից պատկանեալ դեղովք ՚ի շտեմարան խորութեան սրտի, խիթք ցաւոց խոցուման մահու ՚ի դնացս երակաց գոյութեան լերդի, կիրք երկանց անձարակ ձեպոյ ՚ի պատուած աղեացս անելանելի. անզօրելի դեղոց ջերմութիւն ՚ի յերիկամանց մատունս երկակի, անհնարաւոր դառնութիւն մաղձի ՚ի նախադուռն իմոյս կոկորդիւ Մաղս ճայնից լքուցանողաց ՚ի փողս շնչոյս խոշորս հնչի, բազմահատուած էութիւն բնութեոս ներհակք միմեանց ՚ի պատերազմի, երկչոտութեամբ կարծեաց վարանեալ ամենայնիւ կայ ՚ի վտանգի. հարազատաց դաւաճանութիւն անհաշտելի ՚ի կոտորուածի, ոչ մեռեալ և ոչ կենդանի թաղեալ ՚ի մեղաց գարշութե տղմի, կասկածաւոր պատժապարտութեամբ վերակնարկելով քեզ բարերարի, յանակնկալս կենաց վճէ արտաբերել ՚ի լոյս անձկալիւ

Դ. Այն ինքն որ զայս բան տպաւորեաց՝ ընդ երջանկացն պսակեսցի, ակնարկելով քո ողորմութեան անարատեցն հաղորդեսցի, վասն զենման աստուծոյ բանիդ՝ բարեգործեալ քե կենդանասցի. օրհնութիւն գովեալ քո շրթմանց ՚ի գլուխ բաշխողի այսր մատենի, հաստատեսցի ըզձականութիւն՝ սողոմոնեան բանիս առակի, նկարագրեալ հոգւով քո բարձրեալ ՚ի նորոգումն անեղձանելի. զի դու միայն ես երկայնամիտ ներող, քեզ փառքք յամենայնիւ ամէն:

ԲՆՆ · Ի | :

ՉԷՐՍՏԻՆ ՅԱԻԵԼՈՒՅԾ ԿՐԿԻՆ ՀԷԾՈՒԹԵԱՆ ԿՈՐԻՆ ՀՍԿՈՂԻ
ՍՈՒ ԿՈՅՆ ԱՂԷՐՍ ՄԱԼԹԱՆԱՅ ԲԱՆԻ

Ի ԽՈՐՈՑ ՍՐՏԻՑ
ԽՕՍՔ ԸՆԴ ԱՍՏՈՒԾՈՅ

Ա. Եւ քանզի ընդ ողբաձայնիցն բանաստեղծութեանց վերընծայելոց զգրութիւն թուոցս յարմարեցի կականն և հեծութիւն , հառաչանք կողկողազինք , դառնութեան լալումն և արտասուաց երգ , դարձեալ սկսայց զճառ պաղատանացս խոստովանօրէն զլլականաբար զդաղտնաճածուկն յայտնաբարբառ . զի անդրադարձութեամբ սկզբմամբն և վերջաւորօքն բառիւք , զնոյն համաձեւութիւն ՚ի մի թախանձ նմին մաղթանաց հոգեկեցոյցն խոնարհութեան ատանօր եղից :

Բ. Սեղայ մեծիդ բարերարութեան՝ անարգս մեղայ , մեղայ ծագմանդ ճառագայթից՝ խաւարս մեղայ , մեղայ շնորհացդ անբաւ երախտեաց՝ արդարեւ մեղայ , մեղայ սիրոյդ վերնում զթութեան՝ յայտնապէս մեղայ , մեղայ ստացողիդ յոչեութենէ՝ ստուգապէս մեղայ , մեղայ գերունակ զոգոյդ գրկանաց՝ անբաւս մեղայ , մեղայ աննուազ լուսոյդ վայելման՝ նենդողս մեղայ , մեղայ ճաշակման անճառդ կենաց՝ բազումս մեղայ , մեղայ անհաս պարգեացդ ձրից՝ հանապազ մեղայ , մեղայ գովեալ մարմնոյդ աստուծոյ՝ մահու չափ մեղայ , մեղայ պաշտելի արեան արարչիդ՝ իսկապէս մեղայ : Ահա արդարեւ օրհնեալ է հատուած բանի յոստադրական սրտի այսր մեղայի , սոյն սա պատուելի աւանդ , անմուաց պատուէր , հայրենեացն տուր , նախահարցն օրէն , համայնից թողակ , անհերքելի բան , զօրաւոր պատասխանի , կենդանութեան կամուրջ , ախորժելի վերնոյն , սիրելի սրբոց ,

անխզելի կապ , հրաշալի բարբառ , անշքջելի պատճառ , բաղձալի աղերս , փափաքելի սեղան , սրտաբեկ հնչումն , անհնարից ճարակ , կարծրութեան վանիչ , աստուածապաշտից սահման , հեթանոսաց գիրք , վաղնջուց կանոն , քրիստոնէից հարազատ արարչութեանն յաղթող , անճրպեա հզօր , խտրոց ահաւոր , արուեստ բարձրութեան , խորութիւննչափ , հիացման տեսիլ , խորհուրդ կնքեալ , ընդ որ չիք ումեք անցանել , եթէ ոչ անըմբանելի մտաց արագման զսա ծանիցէ : Չայն բարեպատեհ հրաշաւորական , որ ոչ յիշատակեցաւ ՚ի վերջին դատակնիք դատուն լքելոյ . դուցեաւ առ նմին խզեալ համառօտ զվրիժակն իրաւանց մահուն հասելոյ , յորմէ ընտրութիւնն ապագործ եղեալ , զսահմանն յաւիտենական քակտեսցէ : Օ արդ փառաց մեծութեան , որով նոյն ինքն աստուածութիւնն պատկեալ բարգաւաճիւ Քանդի ո՞վ որ դիմեալ կալաւ զեղջերաց սեղանոյ այս սրբութեան , և ոչ առ ժամայն պրծեալ ՚ի պատժոց անարատ գտաւ : Իսկ եթէ Աքար զարմեան , և Սաւուղ կիսեան , և Յուդա սիմոնեան , ասելով զսոյն ոչ արդարացան , և ես վրկայեմ իրաւամբք խոստովանեալ զայս պայման բանի , զի ակամայիցն բռնադատելոց ոչ է կատարեալ սէր , ուստի և ոչ բովանդակապէս փրկութիւն : Իսկ ես կամաւ համբուրեմ դարձեալ կրկնելով զերջանիկ բանիդ զմկրտուն հարազատս :

Գ . Ս Եղայ երախտեացդ մոռացութե՛ն՝ վերստին մեղայ , մեղայ մարմնոյ ձեռն հոգի հարեալ՝ յիմարս մեղայ , մեղայ առ կեանսդ դրժողութեան՝ իսկ և իսկ մեղայ , մեղայ բանիդ ապախտ առնելոյ՝ չարաչար մեղայ , մեղայ ՚ի յօր սատակման ինձէն ստիպեալ՝ վատթարս մեղայ , մեղայ պարտականս անկենդան մահուն՝ ձաղելիս մեղայ , մեղայ անպատկառս քո բարձրութե՛ն՝ տաղտկալիս մեղայ , Ս Երջին ինձ կրկին աշխար հոգևոր՝ զի ՚ի կորուստ և ՚ի կործանումն ինձ երևեցաւ , զի անդարձս վարատեցայ , զի որդիս թշնամի դրեցայ , զի ՚ի բարձանցն երկնից ընկեցայ , զի փուշս վարուց դիզիւ : Ա և ևս առ սմին ողբք աղաղակի ,

զի անձամբ զանձն անարգեցի, զի բազին կորուսչին գտայս
 Մ, յլ իմն կսկիծ դժնդակ սրտի, զի զիս ունին առ որ չեմ,
 զարտաքնայարդար բաժակս անմաքուր, զբռեալ որմս զար-
 շունակ, զսին պարծանօք պաճուճեալս, զլոյսս ՚ի մուայլ
 շրջեալ, զգերանակիր ակնս՝ թշուառացեալ, զջահս փառաց՝
 շիջեալ, զամենայնիւս յամենայնի ամենայն իրօք վնասակա-
 րլս, առ տնօրինականն տէրունականս, առ յայտնութիւնն
 աստուածայինս, առ երեմունն արարչագիրս, առ խոնար-
 հութիւնն սարսափելիս, առ այն զոր տեսի աչօք իսկ իմոյք,
 առ որ մեծ է պատասխանատուութիւնս քան առ համօրէն
 աւետարանին զարմանս, հիացմունս, հոգս հալողականս,
 անդ աճմունս անհնարաւորս, թուականութիւնս մտայ ան-
 բարդելիս, ելմունս անկատարս, իջմունս անհաստատս, յու-
 սահատութիւնս յարմարականս, յանդիմանութիւնս պատ-
 շաճականս, ձաղանս պատեհագոյնս, նզովս իրաւացիս, ա-
 նէ՛ծս արժանահատոյցս Մ, րդ այսոքիկ են մեղաւորիս իմ՝
 կշտամբութիւնք, և ինքնահարուած տանջանաւորութիւնս

Գ. Լ. քանզի կարող ես զայս ամենայն զպարտս թողուլ,
 և զիսայթուածս մահու բժշկել, տէր ողորմութեանց, ան-
 բողոքից, Քրիստոս թապաւոր բարձրեալ հօր որդի, ստեղ-
 ծիչ զթած բարերար, օրհնեալ առատ հարուստ, ահաւոր
 հզօր ողորմած, տեսուչ ձեռնկալ հատիչ, ապրեցուցիչ
 դարմանիչ կեցուցիչ, երկայնամիտ անոխակալ ապաւէն,
 բժիշկ գովեալ երկնաւոր, անձառ լոյս կեանք, յարութիւն
 նորոգութիւն քաւութիւն. եթէ հայցեսցես մարդասիրու-
 թեամբ, ըստ որում քոյդ են սոլորութիւնք, նայեցեալ ՚ի
 քեզ կողկողիմ և ես. եթէ լուիցես, հառաչեմ. եթէ ունկն
 մատուցանիցես, պաղատիմ. եթէ անսայցես, աղերսեմ. եթէ
 ներեսցես, աղաչեմ. եթէ առ իս դառնայցես, գոչեմ Մ, պա
 եթէ անտես առնիցես, կործանիմ. իսկ եթէ առ ոտն
 հարկանիցես, լամ. եթէ զոգեպահն ոչ ընծայեսցես, մեռա-
 նիմ. ապա եթէ ահարկու դէմս ցուցանիցես, սատակիմ.
 իսկ եթէ սատուեսցես, դողամ. եթէ խեթիւ տեսանես,

ստակամ . ապա եթէ սաստկանաս , սարաափեմ . եթէ հալա-
 ծես , հեծեմ . իսկ եթէ ընդ վայր հարկանիցես , հերքիմ . ե-
 թէ զբոց վհատութեանս ոչ առցես , տաղնապիմ . եթէ
 խստանաս , փախնում . ապա եթէ սպառնաս , ընկճիմ : Իսկ
 եթէ քննես , քարկոծիմ . ապա եթէ ուժգինս ակնարկես ,
 սուզանիմ . եթէ ոչ անխայեսցես , մերժիմ . եթէ կոչեսցես ,
 խիթամ . իսկ եթէ աչս յառեսցես , ամաչեմ . եթէ ձայն
 տացես , երկնչիմ : Օ բարեացն պարզև մատնեալ , զերա-
 նութիւնն թողեալ , զշնորհն լքեալ , զուխտն ցրեալ , զա-
 ւանդն կենաց մուսցեալ , զհամարձակութեանն վստահու-
 թիւն կորուսեալ , զստեղծիչդ էլիցս բարկացուցեալ , զան-
 ճառութիւն շնորհին ընդոտնեալ , զպատուոյն պատկեր այ-
 բայեալ Իսկ եթէ առ այս խեղդ մահու հեծութիւն ցաւոյ
 մարդասիրեալ՝ առ իս ժամանեցուցես , տէր Յիսուս Քրի-
 շտոս զաղղեալն զիր ընանիլ ՚ի յիս , եթէ բժշկութիւն դադա-
 րեցուցանէ՝ զմեղս մեծամեծս , որով ամենաաւատ քաղցրու-
 թեամբ պատուաստեալ ՚ի բեզ , զբոյղ կերպարան լուսոյ
 նկարեալ յողի՝ վերստին գտեալ պնդեցայց քաւեալ , և
 ստեղծեալ կրկին ՚ի փրկութիւն անմահից կենացն անախ-
 տականաց . և բեզ ընդ հօր հողւովդ որբով փառք յաւիտ-
 եանս . ամէն

ԲԱՆ . ԻԸ

ՎԵՐՍԻՆ ՅԱԲԵԼՈՒՄՑ ԿՐԿԻՆ ԷՆԾՈՒԹԵԱՆ ՆՈՐԻՆ ԼՍԿՈՂԻ
 ԱՆ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍ-Բ ԸՆԴ ԱՍՏՈՒՏՈՅ

Ա . Եթ արդ զորս յայտնեցից , և յաղագս ոյց նշանա-
 կեցից , և վասն որպիսեանց ճառեցից , և զորքան ծածկեալս
 մերկացուցից , և կամ վասն որոց խոսատլանեցայց . զներ-

կայիցս՝ զոր արդէն ունիմ, թէ զանցելոցն՝ զոր մթերեցի .
 զապագայիցն՝ յորոց կասկածեմ, թէ զբազմասահ շարժու-
 թեանցն՝ յորոց գլորեցայ . զի՞ճբրն ինձ համարեալ՝ որ է
 աստուծոյ մեծ գրեցեալ, թէ զանկերպագրելին չյշատա-
 կելի . զնուա՞նն՝ որ է առաւել, թէ զթեթեալոցնս՝ որ են
 ծանուկք . զհոգեկանացն կրից կորուսչաց, թէ զմարմնակա-
 նաց ակտից սպանողաց . զառ դրունս հեշտականացն, թէ
 զծայրակոտոր վնասակարութեանցն . զաներևութիցն, թէ
 զտեսականացն . զառ ձե՞ռն հպաւորութիւն, թէ զառ նոյն
 ինքն շունչ հեռաւորութիւն . զլայնակա՞նն դիւրին խած-
 մունս, թէ զերկարաւորն նետաճգութիւն . զխորութեանն
 զանչափուի, թէ զամենածախն յայտնատեսիլ . զյոզնազը-
 ղուխն պոռնկութիւն, թէ զառողջութեանն անբժշկութի .
 զպարարունմն չալին մարմնովս, թէ զսովիլն բարեոյն հոգ-
 ւովս . զինամո՞լն հանդիսանալ յոչ ակորժելիսն աստուծոյ,
 թէ զբռնադատութեանն տոռամբ ձգիլն ՚ի նոյն մոլեգնու-
 թիւն . զառ ՚ի մա՞հն մեղաց, թէ զընդունայնուէն կարծեաց .
 Բ . Մրդարև որպէս կամաւ խելագար զերծեալ ՚ի ձոր-
 ձոյ, զառականացս տեսիլ յանդիմանեցի, զընդդէմն դոր-
 ծեալ իմաստնոցն, որ թէ հանձարեղքն վերարկեացեն զա-
 մօթս իւրեանց, օտարացեալս ՚ի կրօնից, հեռացեալս ՚ի կար-
 գաց, ՚ի սրբութեան անսուրբ, ՚ի կուսութեան անմաքուր,
 յարդարութեան ամբարիշտ, ՚ի բարեպաշտութեան վնա-
 սապարտ, բերանովս մերձ առ ստացոյն և հեռի երիկա-
 մամբք, շրթամբքս պատուամատոյց, ըստ մարդարէլին, այլ
 ոչ և թէ սրտիւս և և թէ պարտ է զքստմունքիսն ասել աս-
 տանօր, չար քան զտանջանսն յանդգնութիւն, իբր զուր-
 իմն պաշտօնատարս աստուծոյ, ՚ի միտս անկայունս երկեակ
 ճանապարհաւ մահու վարանեալս՝ ջանամ և ոչ ինչ օգտիմ,
 պնդիմ և ոչ հասանեմ, փութամ և ոչ ժամանեմ, անձկամ
 և ոչ տեսանեմ, փափաքեմ և ոչ հանդիպիմ, կարօտիմ և ոչ
 պատահիմ, ունիմ զամենայն երկրի, և եմ պատգամաւոր
 աղօթանուէր ամենայն աշխարհի . Մ . թող զբազումս

զայստակ, բարերար, և մի ունիցիս. դիւրինք են քեզ զսոսին եղծանել, քան ինձ տաժանաւորս աջով նկարել. վասն այնորիկ դրեցի առանց խնայելոյ, զի դու առատապէս ջնջեսցես, օրհնեալ, որ վասն մեր մեղաւորացս երկայնամիտ անուանեցար, ըստ մաղթանաց բանի հեծութեան սրտի Եզրի երջանկի, յոյժ նեղեալ անձն և ձանձրացեալ ոգի բանին յիշատակաւ, որ զսոյն պատմէ. յամենայն կրկց մահացուցանողաց վտանգեալ, անկեալ ՚ի վիհ դարչութեան մեղաց անդնդականաց ապականութեանց. քանզի չհաւատամ, թէ լես իսկ ինձ, ըստ Յօբայ ձայնին՝ Արդ ես ինձէն ինքնադարով անձնադատ գերի՝ կամաւորապէս մատն եղեալ բռնութեանս, արդեղի փակեցի կնքեցի առ յինէն յամենայն մասանց զկենացն հնար, զի ՚ի փրկութիւն մեղօք կապելոյս կրկին մեծասցիս դովեալ:

Գ. Եւ քանզի ՚ի մարգարէէն բարւոք խրատեալ փորձ դտցուք, մաղթել ընդ նմին հոգւով քո երգեալ՝ յուսով հատաատնով ՚ի քեզ ապաստանեալ. առէք ընդ ձեզ բանս, ասէ Ռիսէէ, և դարձարուք առ տէր աստուած ձեր, և ասացէք զնա, կարող ես թողուլ զմեզս. զի ընդունիցիք զբարիս, և վայելեցեն ՚ի բարութեան անձինք ձերս՝ Ահա անխօսեցաւ, և ո՞վ է որ ոչ լուիցէ. նոյն ինքն վկայեաց, և ո՞վ է որ ոչ հաւատացէ: Արդ այսոքիկ վճիռ պաշտելի, նուիրեալ պայման, սահման նոյնագոյ, կենաց աւետիս, կէտ տէրունի, դուռն բարութեան, սփոփանաց հրաւեր, ճշգրիտ պատկեր, անսողլուտ դանձ, անմոռաց յիշատակ: Այսու առ սոյն և ես հաւատ ընկալեալ, աստուատ վկայեմ սմին՝ ընդ մարգարէին, կարող ես յամենայնի թողուլ զմեզանս բազմաբեղունս. և ես զօրասցիս կրկին բարձրացեալ՝ առ ամենաթշուառ կործանեալ հոգիս: (Յամենայնի իշխես, ամի բաւես, ամենայն ուրեք հասանես, ամենից բռնութեանց յաղթես, զամենայն կարծրութիւն վշրես. զամենայն ընդգիմահար վանես, զամենայն խտութիւն վատնես, զամ սրացեալ ընդոտնես, զամենայն դառինս անուշես, զամենայն

գթուարամոքելիս քաղցրացուցանես , զամենայն զպարտս
 շնորհես , զամենայն յանցանս թողուս : Կարողես , զօրաւոր ,
 հզօր , հնարաւոր , ամենարուեստ , զամենեցուն զմեզս ըն-
 կղմել և չքացուցանել բառնալ 'ի միջոյ , իբր զճաճանչ փո-
 քու կայծական սահմանեալ 'ի չափ ոչէից՝ անկեալ ընկ-
 լուզեալ կորուսեալ 'ի տիեզերատարածն ծովու :

Դ . Արդ բանիւ մաղթանաց վերձանողացն այսմ մատե-
 նի , ողորմեա վասն խաչի չարչարանաց մահու որդւոյ քոյ ,
 հայր գթութեանս : Ակիզբն առաքողի ողբերգութե՛ն ձայնի
 այսմ արտօսրածին նուագի , որ զայս դեզ փրկութեան կե-
 նաց մեզ յարմարեցոյց , եղիցի բժշկեալ յանուն քո հզօր :
 Որ հետս ելից խոստովանութեան մեզ նկատեցոյց այսու
 պայմանաւ պատշաճականաւ , լիցի անարատ յիւրոցն պար-
 տեաց : Որ զհպարտութեանն թեւս հարթել մեզ վարդա-
 պետեաց 'ի սոյն կանոնի կենաց պատգամի , եղիցի զերծեալ
 լի չար կապանաց մահու արկածից սկզբնականաց վերջնոց
 և միջնոց , Երրորդութեամբդ բարեգործեալ , 'ի նորոգութի
 լուսաւորութե՛ն . ընդ որում և մեք գրեցուք երջանիկ գրու-
 եալ ընդ սմին :

Ընդգիմամբս դիւաց այս նուագ աղօթից , և դիւատարուս ջերմատագ-
 նապ ախտաւորութեանց Աստուծով փարստիչ :

Ե . Արդ այգբանեացս անբաւից հրաշից հանդերձիչ հայր
 ամենաստեղծ՝ անունդ ահաւոր , ձայն սարսափելի , կոչումն
 ընտանի , բան համբուրելի , ազդումն սքանչելի , հրաման
 սոսկալի , էութիւն անքննելի , գոյութիւն անձառելի , իս-
 կութիւն անբաւելի , զօրութիւն անզննելի , կամք ամենա-
 բարի , տէրութիւն անսահմանելի , մեծութիւն անչափելի ,
 բարձրութիւն անբովանդակելի , որբանութիւն անկշռելի ,
 առաւելութիւն անհասանելի , պատճառ որդւոյ հայրու-
 թեամբ , այլ ոչ նախադրութեամբ . քե և 'ի ձեռն քոյդ
 անպարագիր զօրութեանդ սաստեա տագնապող և դիւա-

կան տենդիս ջերմութեան , որ սպրդեալ մուծաւ ընդ մեզաց , զի փախիցէ 'ի մարդոյս՝ զարհուրեալ 'ի սիրայի և յանբաւելի արեան վտակի գառնիդ երկնաւորի , որով սրբակեալ միանգամ 'ի մշտնջենաւորս համայն մաքրեցաք :

Զ . Լ . Եւ արդ յայսց պատկառելի խոնարհութենէ արարչակերտս խորհրդոյ , ամաչեցէ սատանայ 'ի գործս չարեաց իւրոցն հրեշտակաց . տանջեսցի և հալածեսցի , հեռացեալ և արտաքս առաքեալ 'ի շինուածոյ խորանէ քումի բնակութեան յարտաքին խաւարն : Եւ ջնջեալ մաքրեա զարտասուս ողբոյս 'ի դիմաց մերոց , և զհառաչումն ձայնիս հեծութեան 'ի սրտից մերոց : Եւ յիշատակաւ հարման հեղուսիցն քստմնափուշ տաժանատեսիլ ողբալահանջից , որով սնդեցաւ միածինդ քո յաշտարակ խաչին , ցաւեսցի չարին : Եւ 'ի կողահերձ սայրասուր սլաքէ ուժգին բախմանէ , որով զվէրն մեծ ընկալաւ , իսպառ ստատակեսցի սկզբնարար մահուն : Եւ զի խոնարհեցոյց զգովեալն գլուխ յաւանդել զողին 'ի ծոց քո բարձրեալ , ապստամբութիւն անբարի բարուցն բեղիարոյ 'ի կոր կործանեսցի , ամենայնիւ հերքեալ 'ի կորուստ : Եւ զի զողեալ ծածկեցաւ անմահն իսկութիւն յորովայնի երկրի , այսու ամբարձեալն հպարտութիւն կարծեալ գոռոզին 'ի յատակս մահու դժոխոց մթին ստուերին յառեալ դիտեսցէ . և յիշեսցէ զառաջին հարուածն անբռժշկական , որով մահացաւ դիմամարտութիւն թիւնից վիշապին կենարարն կրիւք ամենազօրին : Այսն զի 'ի փառս քո , հայր ողորմութեան , իբր 'ի գովեստ որդւոյ քոյ հոգւովդ սրբով զայս խոստովանիմ . քանզի ոչ պիտակ ինչ ստակ զօրութեանն ունի զմիւսմէն առ մի խորհրդականն խորութեան , այլ զանսկիզբն բանդ անձնաւոր ընդ անժամանակդ հօր փառաւորեմք : Եւ քեզ միայնոյ սուրբ Երրորդութեդ , հաւասարապատիւ տէրութեանդ , համաբուն անբաժին ինքնութեանդ՝ օրհնարանութիւն , գոհութիւն , զօրեղութիւն և անձառ վայելչութիւն մեծութեան , բարեվիճակ հարթութեան , զուգակշիւ հաւասարութե յաւիտեանս . ամէն :

ԲՆՆ · ԻԹ

ՎԵՐՈՍՏԻՆ ՅԱԻԵԼՈՒՅԹ ԿՐԿԻՆ ՀԵՏՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱԳԼԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍՔ ԸՆԳ ԱՍՏՈՒԾՈՅ

Ա. Այն արդ դու միայն սկիզբն բարեաց , գթութիւն
անճառ , որդի բարձրեալ միոյդ աստուծոյ , որ զողջոյն զօրն
թողութեան ցուցեր փրկարան , և ոչ կորստեան դատապար-
տարան , յեղանակեալ ինձ զառուրն չար առ մեժ աւետիս
ակնկալութեան : Բժիշկ ախտացելոյս , հովիւ մորթեալ ոչ-
խարիս , տէր ապաւինեալ ծառայիս , գինի անապակ մեժ
արտմեցելոյս , սպեղանեաց դեղ վերաւորեցելոյս , ազատու-
թիւն մեղօք գրաւելոյս , օրհնութիւն բարեաց մերժելոյս ,
կնիք շնորհաց խոտելոյս , օժումն կոչման կապտելոյս , կանգ-
նումն վերստին կործանեցելոյս , պատասպարան հզօր զլորե-
ցելոյս , օժանդակ վեհ գայթակղեցելոյս , դուռն բարձրու-
թեան տարակուսելոյս , սանդուխք երանութեան եղկելոյս ,
ճանապարհ շաւղաց մորթելոյս , թագաւոր ներող պարտե-
լոյս , քաղցր յուսադրութիւն լբելոյս , ձեռնկալ կենաց
հերբելոյս , մեծդ միայն և ամենառատ , որ զլիութիւն բար-
եաց սահմանեալ հեղուս անչափ յաճախութեամբ քան զոր
խնդրեմք և խմանամք , ըստ Պօղոսի գոհաբանունն : Քանզի
իննուց յիսնից և թուոց երից և չորեակ տասանց ՚ի վաղոր-
դայնէ տունջեանն առ մուտս արևուն , անդուստ առ նմին
յաւէտ կարկառմամբ իսկ և իսկ ՚ի սոյն անարգել սրտիւ ,
՚ի վեր է քան զաղերսանաց ակնկալութիւն մարդկան , բա-
րեգործել միմեանց շնորհատրութիւն . իսկ առ իմս թշուա-
ռութեան և անարգութեան գրոյդ եղեալ փառս , ամենա-
կարող զօրութիւն ասեղ , բոլորից աստուած , օրհնեալ տէր
Քրիստոս , որովք սահմանեսցի կշռութեամբ չափոյ հաս-

տողիդ ընդ հողոյս հաւասարութիւն կցորդեալ: Վանդի մնաս յայտոսիկ անբաւ և անհետադատելի, ամեննին բարի անմասն բարկութե խաւարի, ուստի յոյժ նուազ են բում մեծութեան աստեղացն թիւք, զորս գոյացուցեալ յոչէից յորջորջմամբ անուանց կնքեցեր, և կամ հիւթ երկրի՝ ՚ի յօդս հեղեալ, զոր ՚ի չգոյից հաստեալ տարածումն յատակի կառուցեր, քան ինձ նախագրեալ համարդ սակաւութեան, որովք քեզ նմանիլ վարդապետեցեր:

Բ. Մհա ծածկեցաւ և ընկղմեցաւ ՚ի քոյդ լոյս կամաց երկայնմտութեան՝ հանուրց չարութիւն, իբր դոյզն մուայլ ՚ի տապ արևու, և որպէս աստուտ խակ կիրք բնութեանց զհասարակաց բարուց ցուցանէ: Վանդի ո՛վ որ ՚ի մարդկանէ մեղաւ, և ոչ զղջացաւ. ո՛վ որ զազրացաւ, և ոչ ամաչեաց. ո՛վ որ դարչեցաւ, և ոչ պատկառեաց. ո՛վ որ սխալեաց, և ոչ ապաշաւեաց. ո՛վ որ կործանեցաւ, և ոչ հեծեծեաց. ո՛վ որ գայթակղեցաւ, և ոչ սորջացաւ. ո՛վ որ պատեցաւ, և ոչ ինքեամբ ըմբերանեցաւ. ո՛վ որ պատրեցաւ, և ոչ յոգւոց ելաւ. ո՛վ որ ճաշակեաց լեղի, և ոչ դառնացաւ. ո՛վ որ անկաւ ՚ի բարձրութենէ, և ոչ ընդոստեաւ. ո՛վ որ կորոյս մեծութիւն, և ոչ աշխարեաց. ո՛վ որ զրկեցաւ յերանութենէ, և ոչ ելաց. ո՛վ որ կապտեցաւ ՚ի շնորհէ փառաց, և ոչ ողբաց. ո՛վ որ գտաւ ինքեան վնասակար, և ոչ սողտաւ. ո՛վ որ մերժեցաւ յերեսացն աստուծոյ, և ոչ հառաչեաց. ո՛վ որ լուաւ զաստուծոյ սպառնալիսն, և ոչ սոսկացաւ. ո՛վ որ ընդ մի չարեացն՝ հազարս չաւաղեաց. ո՛վ որ մերկացեալ յաւուրս ձմերայնոյ, և ոչ զփացաւ. ո՛վ որ անօրինեցաւ, և ոչ քարամբք զմիտսն կոծեաց. ո՛վ որ ետես զստրուկն յիւրում մեծութեան, և ոչ զկծեցաւ. ո՛վ որ կատարեաց չարիս, և ոչ զինքն խակ նղովեաց. ո՛վ որ ախտացաւ, և ոչ զանձն դսրովեաց. ո՛վ որ յամօթալեացն գործեաց, և ոչ զիւրն մարմին ձաղեաց. ո՛վ որ ՚ի պատկառելիսն հպեցաւ, և ոչ զօրն իւր անիծեաց. ո՛վ որ զգործեցեալսն յիջեաց, և ոչ տապացաւ. ո՛վ որ զգաղտնիսն մտաբերեաց,

և ոչ խորովեցաւ . ո՛վ որ զծածուկսն նկատեաց, և ոչ մահ կորստեան խնդրեաց . ո՛վ որ զաներևոյթսն կերպաւորեաց, և ոչ կրկին յերկիր կորացաւ . ո՛վ որ ընդ մեղացն հեշտուէրոց անշէջ հնոցի ոչ խաւնեաց . ո՛վ որ զիմասակարսն բրնութեանն, և ոչ պապակեցաւ . ո՛վ որ զկամաւ ներգործեալսն, և ոչ սատակման ինքեան աղօթեաց . ո՛վ որ զանձառելիսն, և ոչ խռովեցաւ . ո՛վ որ զանկրելիսն էութեանն, և ոչ թախծեցաւ . ո՛վ որ զմեծամեծսն, և ոչ մաշեցաւ . ո՛վ որ զանբժութեանն ապականարարսն, և ոչ տղորեցաւ . ո՛վ որ զտարագրութեանն պատճառ յանցմունս, և ոչ տաղնապեցաւ . ո՛վ որ զերեսացն աղտեղի տեսիլ, և ոչ բարկութեան վերնոյն զանձն պարտ վարկաւ . ո՛վ որ զմի ՚ի կարևորացն մեղաց յաչս կերպացոյց, և ոչ զինուք մահու խոցեցաւ . ո՛վ որ զկայտառականացն, և ոչ վայս վհատութեան ընդ հեծութիւնս ձայնին հիւսեաց . ո՛վ որ յարքայական գահոյցն տնանկացաւ, և ոչ կարկամեալ ՚ի վայր գլորեցաւ, ո՛վ որ ընդ պակկին պերճութեան հող ՚ի գլուխ եղեալ, և ոչ կրկին չարչարեալ յոգի մահացաւ . ո՛վ որ ընդ պայծառ պատմուձանին քրճաղդած եղեալ, և ոչ տխրեցաւ: Ս՛վ որ զկեանս իւր կորոյս, և ոչ արեան արտասուս երկնեաց . ո՛վ որ ընդ արկանելեաց լուսոյ խաւար զգեցաւ, և ոչ նուաղեցաւ . ո՛վ որ ՚ի վերայ սգոյ սիրելոյ ոչ թառամեցաւ: Մհա այս կերպարանք ճշգրտագոյնք պարտաւորիս յանդիմանութն, տխուր դէմ, քաղեալ ձաճանչ, ցամաքեալ խոնաւութիւն, երիթացեալ շուրթն, անշքեալ տիպ, արտնցեալ ոգի, այլայլեալ ձայն, կրկնեալ պարանոց: Աւ զի թէ որ զիսկուին իսկ նշանակեսցէ, ոչ անօրինէ, անամբարտաւան միտ, անհպարտ սիրտ, անխնդրող պարզ լի թշուառ, անաղերսալի պատքեալ, ինքնակշտամբելի դեգերեալ, իրաւամբրժ սովեալ, արդարալուկ քաղցեալ, պատշաճադատ հարուածեալ, ինքնավկայ մահապարտեալ, արժանապէս հանեալ, անձնանէժ եղկելի: Աւ զայս թարգմանեալ ցուցանէ արդարագործ փարիսեցին կշտամբեալ, և մեղապարտ մեքսաւորն բարեհամբաւեալ

Գ. Եւ արդ եթէ զչարիսն՝ հնարաւորութիւն բանասրկուին զտողին զմեզ գայթակղեալս , զիւրսն 'ի մեզ սերմանիս առ օրն համարեսցի , զիւրդ ոչ զբարիսն տնկեալս 'ի մեզ հողւոյ արութիւնս 'ի խնամակալութենէ կամաց կեցուցչիդ օնեօն գրեսցես , տէր բարեգութ , հզօր և յաղթող , քաւիչ մեղուցերոց , կարող յամենայնի առ ամենայն փրկութիւնս Եթէ զանդունդս առ երկինս փոխես , և կամ զխաւար մթութեան 'ի լոյս հաստես , եթէ զդառնութիւն լեղւոյ 'ի մանանայի քաղցրութիւն կազմես , և կամ զկոծ սաստկութեան վշտաց 'ի պարօ դասու բերկրութեան հարսանեաց կարգես , զիւրինք և հնարաւոր բն քեզ այսոքիկ . և ևս քան զսոսին բաւես առ նոսին տիրեալ համայնից ահաւորապէս . և քեզ փառք յաւիտենից յաւիտեանս . ամէն

ԲԱՆ . Լ

ՂԵՐՍՏԻՆ ՅԱԻԷԼՈՒՍԺ ԿԻԿԻՆ ԷԵԾՈՒԹԵԱՆ ՆՈՐԻՆ ԷՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԳ ԸՆԴ ԱՍՏՈՒԾՈՅ

Ա. Եւ արդ ճշմարտեսցի բան քո , ողորմած բոլորից սաստուած , ներող և օրհնեալ , 'ի բազմազթելին դարձաւորութիւն աւուրն պատկերի զըջման մեղաւորին . թէ և առ յետին իսկ շունչն իցէ ընտրութիւն , և կամ 'ի մէջ չարութեանն փոխադրութիւնս Կանաւանդ զի դժնեայ կցորդս այս անձնիշխանական՝ միշտ մարտիկ , խաբող շողոքորթ , յարեալ 'ի ստութիւն , ըստ առակողին արածող հողմոց , դժուարունելի հաստողին փախչող , գերեալ որսողին մոլեկան մարմնոյս , ներհակ տնկակից , յոգնապատճառեան աւմենալարան , զոր քո է գիտել զքանեացն յաճախութիւնս Եւ զկնի մեղանացն , ողորմագինս իմն ողբարկութիւս վհա

տականս տաժանահոծս բազմաւաղելիս , քո առաջի տէր
դժարկութիւնս գրեալս արտասուօք , թառանչս թշուա-
ռութեանց կարգելոց անբաւս չար վտանգից մեղսատագ-
նայ պատկառեցելոյն :

Բ . Եւ զի մի կրկնաբանութիւնս 'ի շառխօսութիւն կր-
թեացի , առաւել քան զսոյն այսու ողբալի , քանզի ոչ եր-
բէք համարձակի խնդրել իւր զարքայութիւն , այլ զտան-
ջանացն թեթեւութիւն . ոչ ընդ կենդանեացն 'ի լոյս , քան
թէ ընդ գերեզմանականացն զգայական շնչովն 'ի խաւար .
ոչ ընդ ամբարձեալն , այլ ընդ բեկեալն և ընդ խորտակ-
եալն : 'ի հանդատեան իւրում վաստակեալ , 'ի խրախութե
ինքեան տրտմեցեալ . դիմօք ժպտեալ , և մտօք խոցեալ , կերպ
'ի ծաղր , և աչք 'ի յողբումն . երեսք զսփոփանս ձեացու-
ցանէ , և արտասուքն զգառնութիւն սրտին ճշմարտե-
լ՝ մպանակք երկու յերկոսին ձեռին , մինն արեամբ և միւսն
կաթամբ . երկու բուրանոցք կայծակնաւորք , մինն խնկով
և միւսն ճենճերիւ . սկաւառակք կրկին կրաւորականք հա-
մոց , մինն քաղցու և միւսն դառնութեամբ . բաժակք զոյդ
առ երկուս բերմունս , մինն արտօսք և միւսն ծծումբ . տաշտք
կրեցեալք 'ի ծայրս մտտանց , մինն գինի և միւսն լէղի . զը-
րունք տեսանելեաց ներհակաց , մինն 'ի լաց և միւսն 'ի վը-
րիպումն . խանութք հարցականաց հակառակութեց , մինն
արծարծէ և միւսն շիջուցանէ . հայեցուածք դիմաց երկուց ,
մինն դոյզն ողորանօք և միւսն անանխայելի բարկութեամբ .
համբարձումն երկակի բազկաց , ոմն 'ի հարուածս և ոմն 'ի
մերժումն . դէմք կրկնակի կերպից , մինն տխրեալ և միւսն
ցասուցեալ . կշտամբանք ընդ միոյ երկու , մինն աստեացս
և միւսն ապառնեացն . ապաւինութիւնք կարծողականք ,
մինն դոնէ և միւսն թերես . 'ի մի բերան երկակի բար-
բառ , մինն եղկութիւն և միւսն խռովութիւն . երկուս
ազդմունս 'ի միում սրտի , մինն կեղակարծ յուսոյ և միւսն
ճշգրիտ կորստեան . ամպ լըթագոյն ահագնատեսիլ կրկին
տեղացմանց , մինն նետս և միւսն քարինս . որտումն ահեղ

երկոցունց բերմանց, մինն կարկուտ և միւսն հրացան . ցայգ ցաւագին երկուց վտանգից, մինն լայր և միւսն մահու . առաւօտ սգոյ երկուց բողոքմանց, մինն սաստից և միւսն սպառնալեաց . արեգակունք երկու ՚ի յերկուց ծայրից, մինն խաւարի և միւսն կիզման :

Գ. Աթէ հարուածոց աջ կառուցանի, ինքեան վարկանի . և թէ ձեռն պարգեւածիր, ոչ իւր ակն ունի : Կարծանս ուրուք կորանայ, յամբարձումն գլխոյ ընկձի, ՚ի չարեացն յիշատակ հեծէ, ՚ի ճառս մաքրոց պատկանէ, ՚ի պապմութիւնս հանդերձելոցն երբերի : Աթէ օրհնի յումեքէ յայտնի, ՚ի ծածուկ զանձն անխձանէ . եթէ դովեստ յումեքէ լսէ, պարսաւանօք զինքն կշտամբէ . եթէ դարովեսցի սաստկապէս, ինքեամբ ինքեան վկայէ . եթէ ձաղեսցի ուժգին, սակաւ հատուցումն առաւել պարտուցն գըրեսցէ . եթէ ըղձումն մահու ինքեան լիցցէ, այո ասէ, և դարձեալ կրկնէ . եթէ որոգայթ մահու ճայթեսցէ յերկնէ, հազիւ զգէմն համբառնայցէ : () իւրոց իրաւանցն մատեան խփեալ, զպատասխանութեանն յոյս լբուցեալ, զհամարձակութեանն ընթացս փակեալ : Աւ եթէ ոչ էր անփրկանաւոր կորուստ գերելոյն, զիւրովին երթալ ոչ ինչ դանդաղէր : Արդարեւ վայ մեղաւորին՝ որ տարակուսեալ կայցէ ՚ի վերայ երկուց ճանապարհաց, ըստ հոգելից բանի իմաստնոյն :

Դ. Աւ արդ զլա՞րդ ոչ ողորմեսցիս, բարեգութ, այսքանեացս ձայնարկութեանց կողկողաղինս հեծե՞ծանաց, որ անուամբս այսու մեծացար, թէ ողորմած եմ ես տէր : Ահա առ չարութիւն դերբոյս բարութիւն քո, առ մահապարտիս դառնութիւն քաղցրութիւն քո, առ կորուսելոյս յայտնութիւն ճառագայթ քո, առ յանդգնելոյս մոլութիւն ողորմութիւն քո, առ խակութի վնասակարիս հեղութի քո, առ կորձանելոյս այցելութի աջ քո, առ ընկղմելոյս վերբերութի ձեռն քո, առ բժշկութիւն անողջանալի խոցուածոյս մասն քո, առ պակուցելոյս պաշտպանութիւն ոգի քո, առ ապախ-

տաւորիս իմ վստահութիւն երկայնամտութիւնքո, առ օժուումն
 ամենադժնէիս զօրութիւնքո, առ մեղաւորիս քաւութիւն
 հրամանքո, առ փախուցելոյս ապաւինութիւն ոտքքո, առ
 սրացելոյս պատասպարութիւն բազուկքո, առ վրիպելոյս ա-
 ռաջնորդութիւն լոյսքո, առ տարակուսելոյս հնարաւորու-
 թիւն հանձարքո, առ անիծելոյս կրկին ստացումն օրհնու-
 թիւնքո, առ վհատելոյս քաջալերութիւն խրախոյսքո, առ
 վշտագնելոյս մխիթարութիւն բաժակքո, առ նեղելոյս ըն-
 դարձակութիւն կամքքո, առ ատեցելոյս կոչումն սէրքո,
 առ հաստումն սասանեցելոյս բանքո, առ հոգւով վերանու-
 րելոյս կաթուած արեանքո, առ աներևոյթ մթերս ցաւոցս
 ակնարկութիւնքո, առ յուսահատելոյս անդրէն ընտրութիւն
 իշխանութիւնքո, առ պատուաստումն կտրեցելոյս կցոր-
 դութիւնքո, առ խաւարաւ մահու ծածկելոյս նշոյլ կենաց
 քոց, առ խռովեցելոյս իմ հանդարտութիւն խաղաղութիւն
 քոյ, առ վայրագութիւն օտարացելոյս ողջոյնքո, առ մոլո-
 րելոյս դարձաւորութիւն ձայնքո: () ի դու տիրես ամի
 դթութիւնք, և չիք ՚ի բեզ մասն ինչ խաւարի. և ոչ է բարու-
 թիւն առանցքո, և բեզ վայելէ փառք յաւիտեանս. ամէնէ

ԲԱՆ ԼԼ

ՎԵՐՍՏԻՆ ՅԱՒԵԼՈՒՄԻ ԿՐԿԻՆ ԷԵԾՈՒԹԵԱՆ ԿՈՐԻՆ ԷՍԿՈՂԻ
 ԱՌ ԿՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԻ ԸՆԴ ԱՍՏՈՒԾՈՅ

Ա. Եւ արդ քանզի բազմացուցի պայմանաւ քանիս զա-
 դէտ տագնապի հեծութեան ձայնիս մեծ հառաչանացս
 անսխորիւնի ինոյս վտանգի. զի դու ողորմած սկզբնահայրդ
 խոստովանութեան անյայտ ծածկութից որդի աստուծոյ
 կենդանւոյ տէր Յիսուս Բրիստոս, քաղցրութիւն նայեացիս

քաւելլ Մրդարե կարող ես, ճշմարտապէս բաւական ես, եթէ կամիս՝ հնարաւոր ես . կամիս առաւելապէս, որպէս և կարես: Հարստանաս մեծապէս ընդ տալն քան եթէ ընդ առնուլն, բազմանան քեզ զանձք 'ի ցրուելն քան 'ի ժողովելն, յաճախեն ստացուածք քո 'ի սփռելն քան 'ի ճշդելն, կուտին քեզ համբարք 'ի տարածանելն քան 'ի շտեմարանելն: Հաւատամ այսմ ամենայնի՝ դ տանել քե ելք փրկուե . հաւատամ անարգս ընդ պատուականին, յուսամ ընդ Աբրահամու և ընդ Աննայի . զի մինն բանիդ քո հաւատաց և միւսն քահանայապետին բարբառոյ անաց: Ա՛յ անն որոյ և ոմն 'ի խորին ծերութեան անհամար որդւոց հայր հաստատեցաւ, զաւանցեալն և զամուլն արգանդ Սառայի՝ անդաստան պողածին արդեան օրհնութեան բազում ժողովրդոց մարգարէից սրբոց և թագաւորաց ընտրելոց հայել յուսացաւ: Իսկ միւսն զանհանդերձելի երկիր որովայնին սենեկի եօթնեակ զաւակօք բարգաւաճեցոյց, որ է թիւ մի անբաւութեան զբնաւն նշանակելոյ դէութիւն, անձութեանն յարակալութեան սահման անհետազօտելի, և աւազանին նորածին որդւոց անհատ յորութիւն: Այս թիւ պանծալի, որում ոչ է կէտ կցորդի և ոչ սպառուած վախճանի, այլ կոյս ոմն է ուրոյն ընտրութեամբ նուիրեալ յաւէտ անձառ վիճակաւ համայն յաւիտենիւ, դժուարաթարգմանելի մերոց իմաստից:

Բ. Մրդ համարեա յարդարութիւն անյուսալի փրկութե հոգւոյս զամենալարան ձայն կողկողանաց սրտիս հեծութեան, ընդ նախագրեւոցն երջանկաց եղեալ և դասեալ զայս դաւանութիւն փոքր հաւատոց իմոյս խնդրուածոց . զի կեցից և ես առ նոքօք բերկրեալ ընդ նոսին, բուռն հարեալ քան զիմոց գործոց զքոյդ շնորհաց: Ա՛ն աւանդ զի կրկին բարձուիք են և փառաւորք և քան զչափ կշռութե բանի գերագոյնք, իմումս խառնութեան հաշտարանք և հօրապէս քաւարանք, և կարծեաց թերութեան մտաց սրացեալք . ընդ արեան քո ահաւորի և ըստ մարմնոյ ծնողդ

քո խնկերի. պարք առաքելոցն, դասք մարդարեւոցն, գունդք մարտիրոսացն՝ ձիաւորեալքն հեռեակ սպառազէն արի-
ուութեամբ մերկամարտիկն մրցութեամբ, գումարք միան-
ձանց, բոյլք բանականաց ընտրելոց, ժողովք բարեկրօնից,
հոյլք հոգեղինաց յերկրէ երկնաւորաց, զինուորութիւնք
վերնականաց ընդ մեզ կցորդելոց, աւանդք երախտյրեաց,
մատուցմունք զուարակաց, լուցմունք դամբարաց, բուր-
մունք խնկոց իւզոց հանգերձանօք, յաղթանակք փրկական
նշանաց, կառուցմունք խորանաց աստուածաբնականաց, ձեռք
քահանայից շնորհիւ կատարելոց: Առ շարժումն անձին յի-
շատակ աստուծոյ, առ փոփոխումն գալչապարի, առ կար-
կառումն սոցոյ և ամբարձումն բազկի, առ բարիս դոհութի,
և առ զթել աղաչանք, առ բանս ընտանիս, առ խօսս հասա-
րակաց, առ ձայնս բնաւորականս, առ գործոց յաջողուածս,
առ առաքինութեան ջերմութիւնս, որ ՚ի տունջեան և ՚ի
գիշերի՝ ընթացմունս օգտակարաց հոգեորաց՝ քե առաջ-
նորդեալք. ՚ի նիրհել և ՚ի զարթնուլ, ՚ի պատերազմի ազ-
գաց, ՚ի մարտս դիւաց, ՚ի հակառակութիւնս հերձուա-
ծողաց, առ փորունս, առ մեծամեծս, առ ձգումն ընպելեաց
և ճաշակումն կերակրոց, և որ ինչ միանգամ ՚ի կիրս մեր
կերպանան, եթէ հեշտականս եթէ տատամսելիս. վասն ու-
մանց աղօթս՝ մնալ ՚ի նոսին, և յաղազս ոմանց՝ զի զերժ-
արասցես սքանչելապէս հնարիւք անձառիւք. հաւատաց-
եալ յամենեցունց, թէ բաւական ես յամենայնի, կաթնա-
բոյժ հասակաց, տիոց պատանեաց, մտաց վայրենեաց, ըս-
տամբակաց դոռոզաց. մինչ զի առ թատերս տեսարանաց,
և առ կոյտս խառնիճաղանճ՝ բազմութեանց, և կամ առ կա-
քաւս կայթից անախորժականաց կամաց հզօրիդ՝ ոչ ես
մոռացեալ:

Գ. Արդ դու ստացար զամենեսեան, և քո են ամենեքե-
ան, և ողորմեսցիս ամենեցուն՝ միայն բարեգութ. զի թէ
և մեղիցեն, քո են. վասն զի ՚ի բում համարի են. քանզի դի-
տեն զզօրութիւն քո, ըստ առակողին մաղթանաց: Արում

և ես կցորդիմ թշուառս բանիւ վկայեալ սորին յանցաւո՞
րապէս . յանդգնիմ ասել, թէ որ կարդայ զքեզ գովեստիւ ,
ծանուցեալ զքեզ թէ իցես , թէ և եօթամբք իցէ վարա-
կեալ կրնապատիկ պատժաւորու թեամբ , առ այս օրինակ
կիրթ ձեռնարկու թեան , զիմրդ ոչ քո իցէ : Յորս է տե-
սանել ՚ի մէջ արջնատես ապուաւուց՝ սպիտականիշ երամս
աղաննեաց , ՚ի մէջ խրոխտականաց ձիոց անմաքրից՝ որոջս
հանդարտաբարս , ՚ի թիւ շանց դազանականաց դառինս
նուիրելիս , հեզու թիւն ՚ի խստու թեան , կատարելու թիւն ՚ի
թերու թեան , խոնարհու թիւն յամպարհաւաճու թե , ճրչ-
մարտու թիւն ՚ի ստու թեան , միամտու թիւն ՚ի մանկու թե ,
անբժու թիւն յայլամտու թեան , բարօրու թիւն ՚ի չարուն ,
պարկեշտու թիւն ՚ի լիտու թեան , ողորմու թիւն յանդ թու-
թեան , ապաշաւանք յանյուսու թեան , քաղցրու թիւն ՚ի
բարկու թեան , հաշտու թիւն ՚ի թշնամու թեան , անոխու թի-
՚ի խածանողու թեան , քաջպերու թիւն ՚ի լիլու թեան , օրհ-
նու թիւն ՚ի նետաձգու թե : Յոր ոչ բաւականացայ երբէք
՚ի դատել ճշգրտապէս , թէ ո՞վ յերկրածնաց աստի կան-
խեսցէ ժառանգել զքեզ , որ միայն անաչառաբար կշտամ-
բես իրաւամբք զարդարու թի՛ առ ամբարիշտ մաբուրն և
առ պոռնիկ զղջացեալն . առ ամենեսին բարեգործ՝ միայն
թագաւոր օրհնեալ ՚ի բարձունս և յամ յախտեանս . ամէն

ԲԱՆ . ԼԲ

ՎԵՐՍԻՆ ՅԱԲԵԼՈՒԱՑ . ԿԳԿԵՆ ՀԵՃՈՒԹԵԱՆ ԿՈՐԻՆ ՀՍԿՈՂԻ
ԱՌ ԿՈՅՆ ԱՂԵՐՍ ՄԵԼԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍԻ ԸՆԳ ԱՍՏՈՒԾՈՅ

Ա . Լ . Ի արդ ևս յեանեալս ՚ի նախադրու թեանց արժա-
նաւորաց գրեալ ինձէն ընդ պարտաւորան պատժոց , հայցեմ

ողորմութիւն ընդ ամենեցուն մաղթանաց . ընդ նիւնս և անհամարձակս, ընդ տկարսն և փոքրիւնս, ընդ ընկեցիկսն և արհամարհեալս, ընդ տարագրեալսն և առ քեզ դարձեալս, ընդ երկուացեալսն և ճշմարտեալս, ընդ կործանեալսն և յարուցեալս, ընդ ընկճեալսն և հաստատեալս, ընդ գլորեալսն և կանգնեցեալս, ընդ մերժեալսն և ընկալեալս, ընդ ատեցեալսն և կոչեցեալս, ընդ ապշեալսն և զգաստացեալս, ընդ անտուկեալսն և զսպեալս, ընդ հեռացեալսն և մերձեցեալս, ընդ հերքեալսն և սրբեցեալս, ընդ պատկառեալսն և զուարթացեալս, ընդ ամաչեցեալսն և խնդամտեալս: Այլ ևս պատմեմ աստանօր դարձեալ՝ ոչ զմեզն Նրուսաղէմի, ըստ մարգարէին հրամանառութեանն որ առ ժողովուրդն նախնի, և կամ տանն Յակոբու զանօրէնութիւնս նորա, այլ իմոյս ժամանեցից յայտնութեան. քանզի աւաղ ընդ աղէտըս մահու յարելով ըստ մարգարէին, յանդիմանեցից զես ինքն ինձէն իմովս ձայնիւ ըստ Սաղմոսողին. որպէս զի յանձնառական յայտ համայնապատում խոստովանութիւն ոչ կարօտացեալ կրկնակին, միանդամայն խապառ սրբեցայց օրհնեալ հրամանաւ էիզ:

Բ. Աւարդ կրկնելով ծունր բարերարիդ քաղցրութեան, տարածեալ զանձն իմ առաջի, զի մահ գլորմանն ցուցից կերպարան. որ ՚ի հող խոնարհեալ մաճայ ընդ երկրի, և ընդ անցաւորս այս կենցաղ կորստեան՝ անասնական գետնաբարձութեան սողնոյ սահեցմամբ՝ կամօք բեւեռեցայ: Այլ ՚ի քեզ տէր յեցեալ իբր ՚ի հաստարան կենաց գաւազան ՚ի յարմատոյն Գաւթի ընծիւղեալ մարմնով անձառ շողիազմամբ յանեղ աստուածութիւնդ, կանգնեցայց անդրէն կիսայար՝ պատկառեալ ՚ի բոցդ երախտեաց ՚ի վայր կորացեալ դիմօք, աչք ՚ի բարձունս յառեալ ողորմագին տեսութեամբ ՚ի քեզ մերձ ՚ի հեծութիւն, բնաւին ողորմութիւն, բողորովին քաղցրութիւն, զլիճ լուսոյս արտասուօք լցեալ պաղատանս յուսոյ առաջի մեծիդ վերընձայեցից: Առ բամենառատ աննուազ երկայնմտութիւն՝ քո դառնացուցիս,

միայն դու 'ի յամենայնի սահման փրկութեան , աստուած բորբոյց , անձառ մեծութիւն , անբովանդակելի բնութիւն , անքննելի իսկութիւն , հզօր զօրութիւն , կարող բարերարութիւն , անպակաս լրութիւն , անձառ ժառանգութիւն , վայելչական վիճակ , առատ պատրաստութիւն , անստուեր իմաստութիւն , աննշալի տուրք , անձկալի ձիր , բաղձալի բերկրութիւն , անտխուր հանգիստ , անտարակոյս գիւտ , անկապուտ կեանք , անծախելի ստացուած , անփոխանորդելի բարձրութիւն , ամենարուեստ բժիշկ , անսասանելի հաստատութիւն , դարձուցիչ մոլորելոց , գտիչ կորուսելոց , յոյս ապաւինելոց , լոյս խաւարելոց , բաւիչ մեղուցելոց , ծածկարանդ փախուցելոց , անգործիչ խռովեցելոց , փրկուիդ մահացելոց , արձակիչդ կապելոց , ազատիչդ մատնելոց , պատարանդ սահեցելոց , վշտակիցդ գայթակղելոց , երկայնմտութիւն տարակուսելոց , լուսոյ տեսակ , ցնծութե ցոյցք , օրհնութեան անձրև , հոգի երեսաց , զօրութիւն դիմաց , հովանի գլխոյ , շարժարան շրթանց , ազդումն բանի , կառավար անձին , բարձումն բազկի , ձգումն ձեռին , երասանակալ սրտի , ընտանի անուն , մերձաւոր ձայն , կցորդութիւն հարազատ , խնամածութի հայրենի , խոստովանեալ անուն , պաշտեցեալ պատկեր , անպարագիր տիպ , երկրպագեալ տէրութիւն , բարեբանեալ յիշատակ , խնդութեան մուտք , անխէպ շաւիղ , փառաց դուռն , ճշմարտութե ճանապարհ , երկնածեմ տանդուղք : Եւ այլ բազմութիւն բանից գովեստից անհամար կարգաց և տանց անբաւից , զոր ոչ բերբերան երկրածին , և ոչ տանի գործի մարմնեղէն , և ոչ կրչուեն իղձք հոգեղէնք :

Գ . Առ քեզ հայի ամենայն ակն տեսողի , աստուածդ ամենայնի . նայեա 'ի պաղատանս հառաչման ձայնի քոյոց ծառայից , և եթէ յաղախնաց որ աղաչեսցէ : Եւ ընկալ գցող ողբերգութե լալոյ արտասուաց աչացս ցանկասիրի՛ յանարատ ոտս մարդեղութեան քոյ , Քրիստոս , և օրինակաւ խորհրդոյ հերաց կնոջն յանցաւորի՛ զառ քեզ դարձն

և զդաւանութիւն, և համբուրիւ շրթանցս առ ճաշակ փրկուածեան կենացդ հաղորդութեան՝ համաշնչապէս զանբակ միութիւն . և զնոյն գթութիւն նորին ողորմութեամբ ընկալեալ ՚ի քէն, բարերար, գրաւականեացն զմեծդ պարգև ընդ փոքու հաւատոցս . և ՚ի ձեռն՝ գթութեան սիրոյ քոյ առ քո անձկալի անունդ խոստովանեալ ծառայիս, դարձցին ձմերուկք հողմոյն խստութեան ՚ի յօդ հանդարտութեան, և մրկին սասկուութիւն ՚ի սիկ ախորժութեան, և կարծիք երկիրդին ՚ի մեծ վտարհութիւն, և պատուհաս պատժոցն յերանութեան պատահումն, և վտանգք թախճանացն ՚ի հոգևոր խրախճանութիւն, և ալէկոճութիւն ծփանացն ՚ի խոր խաղաղութիւն, և զեկացն թեարկմունք յանբոյթ նաւահանգիստն, և բերք բեռանցս մեղաց փոխարկեացի ՚ի թոշակ շնորհաց: Եւ յայսբանեացս ամենից բիւրուց բարութեանցս ՚ի քէն եղելոց՝ մեծասցի անուն հօրիդ խնկեալ և խոստովանեալ, ամաչեացէ բանսարկուն չարեաց՝ հերքեալ և հալածեցեալ, ունայնասցին մուրհակք մեղացս, խզեցին հաղբքն, որոշեցին որոգայթքն, կապտեցին կապանքն, վանեցի վիհն, վերասցին վնասքն, պարսեցին պատրանքն, ջրեացին մեղքն, պատառեցին պարտիքն, խորտակեցի լուծն, քակտեցին քեղիքն: Եւ ընդ մնայլ մթութեւ չարեացն յանցանաց և դիւացն բանակաց պաշարողաց՝ արև փառաց քոյ ժամանեցէ կեցուցանել փրկել և լուսաւորել, յաջմէ և յահեկէ, ՚ի դիմաց և ՚ի թիկանց . և եղիցի նշոյլ առաւօտու հոգւոյ գարնայնոյ ընդ կնկալութեան սպասողացն քումդ երևման: Օ ի դու ես բարերար առ ամենեսին, և հնարաւոր են քեզ ամենայնք . և ամենեցուն զկեալն կամիս և զփրկութիւնն բաղձաս:

Դ . Ո՛վ ամենապարգև ձեռն Յիսուսի Քրիստոսի, և առ իս դարձցիս կարկառմամբ շնորհի աջոյդ քո սրբոյ բնակեալ միացեալ, և ոչ հեռացեալ յանձկութեան սրտէ սիրոյ սենեկիս . և անեղձական քո նկարագիր՝ նշխար պանծալի լուսոյ քրիստոնէական փրկաւէտ կոչմանս՝ ընդ իս պահեսցի,

կատարուին: Ինդ անասնական զարւոյն կերակրոյ զբազմահամբար պտուղ ցորենոյդ կենացդ հացի, ընդ ապականացու արծաթոյն՝ զարքունականդ պատկեր, ընդ յիմարարար թմբրուէ գինւոյն՝ զբաժակդ արեան արարչիդ, ընդ իւզոյն առելոյ ՚ի յայրատ կնոջէն հնոյ ժողովրդեանն՝ զօժոււն շնորհին առ իս դարձելոյ, ընդ զերծման գլխաշուք կտաւոյն՝ զանապականութեան վերարկուն, ապարանջանին պճնուք՝ զթուլիս բարեմասնութեան, օրինիւն և աւետարանաւն՝ հանդերձ գործնական առաքինութեամբն, ընդ ունկանն դնդի վայելչականն զարդու՝ զանատուեր յիշատակ տէրունականդ ձայնի, ընդ քայուս պերճութեան լանջացն՝ զյոքնահաւաք աւանդս ուղղութեան քոյինակրօն լծոյդ քաղցրութեան:

Բ. Իայց զի է յայտոսիկ ինձ պարծել, և ոչ վերստին ՚ի սոյն պատկառել: Այլ յայլ օրինակ փոխեալ զմատեան մաղթանաց այսր ողբերգութեան, որ ինչ ինձ է յարմարաւոր, ամենայնիւ հատուցից զպատիժ պարտուցս իմոց մեղանաց, ՚ի մարդարէիցն տառից բերեալ համառօտս՝ ՚ի սոյն յարկմոճից սաստիկ դատախազ. ընդ ողբոց նոցին լծակցեալ, քան թէ ընդ բերկրումն նոցա պարել. յորս հառաչանս, ձայնս հեծութեան, բողբոս բարկութեան, նախատինս խորտակման, լալումն կարկոր: Այլ մեծիդ աստուծոյ գթութիւն ամենաժաման՝ կանուխ ազդեցաւ յիմ յուսատրութիւն, առ որս՝ զղջմունս, խոստովանութիւնս, աւետիս, պարգես, լուսոյ երեմունս, խրախոյսս աստուածայինս, փառաց ժառանգութիւնս, հրաշից յայտնութիւնս, սքանչելեաց տեսութիւնս. յորոց ոմանք յոյս ընձեռեն, և ոմանք վհատութիւնս բազումս մատուցանեն. յորս ես կամաւ կործանեալ՝ կորստեանն վիճակեցայ: Օ ի եթէ զգեստ նյ զվարագուրին պատրուակ ասաց Եզեկիել, յորում արար ժողովուրդն կուս կարկատունս, որով պոռնկել ասէ ՚ի նոսա, իսկ ճրքան պատիժ անմաքրութեանս եզիցի զաստուած զգեցողիս ներքոյ և արտաքոյ: Օ արմանամ, թէ զիմօրդ ոչ կիզում. հիանամ,

Թէ իբր ոչ այրիմ. ամիշիմ, Թէ որպէս չյափշտակիմ՝ տանջեալ, Լքեալ, չարչարեալ, ջաղխեալ, մանրեալ, խորտակեալ, կտրեալ, բաժանեալ ՚ի յօրինակէ ժանեաց կորուսչին, ըստ գրոյն: Մ, յայ սիայն է պահեցեալ ինձ նշոյլ յիշատակի փրկութեան՝ յուսոյ, զի քրիստոսեան աւետարանն կեանս է ամենեւին, ՚ի կերպարանաց պատկերի բանին ծանուցեալ. որով առ մեղանսն դարձն, առ պարտիան շնորհն, առ եղծումն նորոգութիւնն, առ անօրէնութիւնն քաւութիւնն, առ վէրն բշկութիւնն, առ վտանգն անդորրութիւնն, առ պատիժն ներումն, առ պատերազմն հանդարտանալն, առ հունն անձրեւն, առ պատուհասն պարգևն, առ ակնկալութի սատակմանն՝ ձիրն, առ դործարան մահուն՝ կենացն ազատութիւն:

Գ. 1, ւ զի՛նչ է ինձ զայսքանեաց յիշմանց ՚ի Թիւ արկանել, և ոչ զանճառելիսն աստանօր դասել: Յիշատակահօրն բարձրելոյ՝ յորդին կցորդութիւն, յանուն միածնին՝ առ հայրն ընտանութիւն, սոցին ակնարկութեամբ ընդ հոգւոյն հաղորդութիւն. խաչին փրկանք, բանին սիփօութի, բարեօք վարձ կամացս առ կշտութիւն գխտողին, աւազանն կենդանարար՝ հաշտութեանն միջնորդութի, և այլք ամենայնք անթիւք բարիք ՚ի բարերարէն բարդեցեալք, ազատք ՚ի հարկէ, արձակք ՚ի լծոյ, իշխանականք և ոչ իշխեցեալք: Մ, յոգբիկ են, որ ինձ ՚ի մէջ դառնութեանս մահու՝ կեանս անտարակոյսս աւետարանեն. քանզի եթէ ոչ զայստիկ ունէի, կանխաւ արդեօք՝ կորուսեալ էի իսկ և իսկ ըստ բանի երգողին: Ոչ փոքրկութեամբ որդւոյ զհայր միառաւորեմ, ոչ նուաստութեամբ հոգւոյ զորդի նախադասեմ. համափառ ունիմ զերեսեան՝ և նոյն արարչութի: Քանզի և ՚ի դէմս հոգւոյն սրբոյ այս են ազաչանք, նախընծայ սկզբան պատարագին՝ յորում գառնդ երկնաւոր զենանի, զայս աղօթեցի:

Աղօթք , որ նախ քան զպատարագն մատուցանի :

Դ . Մենակալ բարերար մարդասէր ւած բողոքից , յօրինող երևութից և աներևուծից , փրկող և հաստատող , խնամող և խաղաղարար , հօր հզօր հոգի , հայցեմք բազկատարած մաղթանաց գոչմամբ հեծուծեան յանդիման եղեալ քեզ ահաւորիդ : Ստուշիմք մեծաւ դողուծք սաստիկ երկիւղիւ մատուցանել նախ զբանականս զայս պատարագ քում անգննին զօրու թեանդ , իբր աթոռակցի փառակցի և արարչակցի հայրենի անկապուտ պատուոյդ , և քննողի ծածկուէ խորոց խորհրդոց ամենակատար կամաց հօրդ Էմմանուէլի՛ զքեզ առաքչի , փրկչի և կենդանատուի և արարչի ւամի : Ի ձեռն քո ծանուցաւ մեզ երբեակ անձնաւորութի միասնական ւածուծեանդ , յորոց մի և դու ճանաչիս անհաս Վե և Ի ձեռն քո առաջինքն նահապետական տոհմին շառաւիղք՝ տեսանողք անուանակոչեալք , զանցեալն և զգալոցն , զեղեալն և զոչ գոյացեալն անստուերաբար բարբառով բանի վերապատմեցին : Ազի ւայ քարոզեալ զքեզ Մովսէսի , որ Ի գնալն քո Ի վերայ ջրոցն , անպարագիր զօրութի , ահեղ շրջարկուծք տածողականաւ՝ թեպարփակ պաշտպանողորէն գթասիրեալ Ի ծնունդս նորոգս՝ զաւագանին խորհուրդ ծանուցեր : Յոր կերպարան օրինակութե՛ նախ քան զկառուցանել զոյժդ մածուած վերջնում վարագուրիդ՝ յօրինեցեր , կարող տիրապէս , զբովանդակ բնութիս ամենից բնաւից բողոքից գոյից ւամ էից յանէից : Վե ստեղծանին Ի նորոգութիւն յարութեան ւամ եղեալքս առ Ի քե՛ն յայնմ ժամանակի , որ է օր վերջին այսմ կենցաղի , և օր առաջին երկրին կենդանեաց : Վեզ հնազանդեցաւ միութք կամացն որպէս հօրն իւրում ազգակիցն քո , էակիցն հօր անդրանիկն որդի մերովս կերպիւ . զքեզ աւետարանեաց ճշմարիտ ւած հաւատսաբ և համազոյ հօր իւր հզօրի , և զառ Ի քեզ հայհոյութին անքաւելի քարոզեաց , և իբր զւածամարտիցն զքո հետեւոցն չարաբանական բերանս կարկեսց ,

և զիւրն շնորհեաց արդարն և անարատն գտիչն ամենայնի , որ վասն մեղաց մերոց մատնեցաւ , և յարեաւ վասն զմեզ արդարացուցանելոյ : Ամա փառք 'ի ձեռն քո , և բեզ բաբերանու թիւն ընդ հօր ամենակալի , յաւիտեանս յաւիտենից . ամէն :

Գարձեալ կրկնեսցի 'ի նոյն կարգ բանի , մինչև վստահութիւնն լուսոյ հրաշափէս յայտնեսցի աղգեալ , աւետարանել վերստին զկրկին խաղաղութիւնս :

Ե . Աղաչեմք և աղերսեմք արտասուալից հառաչմամբ յամենայն անձնէ՝ զփառաւորեալ արարչութիւնդ անեղծ և անստեղծ անժամանակ հոգւոյդ զթածի որ բարեխօսդ ես վասն մեր յանմուռնչ հեծութիւնս առ ողորմածդ հայր . որ զսուրբսն պահես , և զմեղուցեալսն մաքրես և տաճարս կազմես կենդանի և կեցուցիչ կամաց բարձրեալդ հօր : Այլ ազատես զմեզ յամենայն անմաքուր գործոց , որ ոչ է հաճոյքումդ բնակութեան . և մի շիջցին առ 'ի մէնջ լուսոյդ շնորհաց փայլմունք 'ի տեսականացս աչաց իմաստից . վասն զի զբեզ ուսք միանալ 'ի մեզ 'ի ձեռն աղօթից , և ընտիր վարուց խնկելոյ : Աւքանդի մինդ յերրորդութենէդ պատարադի , և միւսդ ընդունի՝ հաճեալ ընդ մեզ հաշտարար արեամբ անդրանկի իւրոյ , իսկ դու ընկալցիս զմեր պաղատանս , և յարդարեսցես զմեզ օթեանս պատուականս նմ պատրաստութեամբ 'ի վայելումն ճաշակման երկնաւոր դառինդ , առանց պատժոց դատապարտութեան ընդունել զայս անմահացուցիչ մանանայս կենաց նորոյ վրկութեանս : Աւհալեսցի 'ի հրոյս յայմանէ զայթազղութիւնս մեր , որպէս մարգարէին կենդանախարոյկ կոյծակամբն 'ի ձեռն ունելեացն մատուցման . զի յամենայնի քոյդ քարոզեսցի գթութիւն , որպէս որդւոյդ աստուծոյ՝ հօր քաղցրութի . որ զանառակ որդին մերձեցոց 'ի հայրենի ժառանգութիւնն , և զպունդինս յառաջեցոյց յերկնային արքայութիւնն արդարոցն երանութեանս : Այո այո և ես մի եմ 'ի նոցանէ . և զիս

ընկալ ընդ նոսին իբր մարդասիրութեան կարօտեալ մեծի, շնորհք քո ապրեալ, զարեամբ քրիստոսի ստացեալս Օ ի յայսմ ամենայնի՝ յամենայնի ծանկցի քո աստուածութիւնդ ընդ հօր փառաւորեալ համապատուաբար ՚ի մի կամս և ՚ի մի իշխանութիւն գոյութեան. զի քո է զթութիւն և կարողութիւն և մարդասիրութիւն, զօրութիւն և փառք յաւերանս յաւիտենից. ամէն:

ԲԱՆ · 19

ՎԵՐՍՏԻՆ ՅԱՒԵԼՈՒՅԾ ԿՐԿԻՆ ԼԵԾՈՒԹԵԱՆ ՆՈՐԻՆ ԼՍԿՈՂԻ
ԱՆ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍՔ ԸՆԴ ԱՍՏՈՒԾՈՅ

Ա. Եւրդ առ այսօրիկ թշուառացեալ շնչոյս լիմոյ իղձք, և առքեզ դաւանութիւնք յարմարականք, որ բովանդակես բանիւ զամենայն՝ աստուած, զոր ՚ի նախնին ճառեալ և յերկրորդումս ցուցից: Իսկ յանգիմանութիւնս գրաբանականս՝ ՚ի կոյտս բազմութեան ազգաց, և թարգմանութիւնս Ժողովրդոց, զայս արգահատութիւնս մաղթողականս նուիրեցի, զոր ներքնաշարեալքդ սահմանադրեն գոհաբանութիւնք:

Ի հանդիսարանս խօսից ատենի բանս մաղթանաց, որով հոգին աստուծոյ հաշտեալ հասանէ յօգնականութիւնս:

Բ. Եւ զայլեմ զանիտփոխելի տէրութիւն ամենազօր հոգւոյդ հօրի, առաքեա զցօղ քաղցրութեան քոյ, և բարեգործեա ՚ի յանձին և յիշխանական ազդման զգայութեան զամենալից շնորհս բազմապարզ և քո ողորմութեանս: Եւ հերկեա զբանական անդատտան մարմնեղէն կարծրացեալ սրտիս յընդունակութիւն արդասեաց հոգւոր սերմանդ:

Քում ամենիմաստ էութեդ խոստովանիմք զամենայն պար-
զես ՚ի մեզ ծաղկեալ և աճեցեալ . որ ձեռնադրես առաք-
եալս , լցուցանես մարգարէս , ուսուցանես վարդապետս ,
բարբառեցուցանես համերս , և բանաս զփակեալ ականջս
խից . որպէս ազգակիցն քո էակիցն հօր անդրանիկն որդի
քոյին դործակցութեամբ ներգործելով զայս ամենայն ,
քարոզեաց զքեզ անհաւասարակից իսկութեանդ հօր :
Շնորհեա և ինձ մեղաւորիս խօսել համարձակութիւն զկեն-
դանարար խորհուրդ աւետեաց աւետարանիդ , հետեւել
արագութիւն ընթացիւք մտաց ընդ անհուն ասպարէզս
քոյինաշունչ կտակարանաց : Եւ ՚ի մատչել իմ ՚ի գլուխ հան-
դիսի մեկնութեան բանի՝ նախաժամանեցե՛ք առ իս դթու-
թիւն քո , խօսելով յիս զարժանն և զպիտանիան և զհաճոյն
քո ՚ի ժամանակի , ՚ի փառս և ՚ի գոլիւստ աստուածութեանդ
քո , և ՚ի լրութիւն շինութեան կաթուղիկէ եկեղեցւոյ : Եւ
կարկառեա ՚ի վերայ իմ զամենամերձ աջ քո , և զօրացօ զիս
շնորհօք զթութեանդ քո . փարատեա ՚ի մտաց իմոց զմէզ
մթութեան մոռացութեան , ապաքինեալ ընդ նմին զիս-
ւար մեղաց , ամբառնալ ուշիւ իմաստիցս՝ ՚ի կենցաղոյս երկ-
րէ ՚ի բարձունս : Եւսաւորեա ՚ի յիս վերստին զծագումն
անտուեր հրաշից գիտութե աստուծութեան քոյ , հզօր ,
արժանի լինել առնել և ուսուցանել յօրինակ բարեաց անա-
սէր լսողաց : Եւ քեզ ամենայն փառք յամենայնի , ընդ
հօր ամենակալի և ընդ որդւոյդ միածնի և բարերարի , այժմ
և յանկախձան յախտեանս . սակն : Իսկ զհաւատոյ սահման
բանի ընտրութեան շնորհի կենաց կանոնի առ համագոյ
սուրբ Երրորդութեանն՝ զայս վարդապետեցի , զոր շաւիղ
կարգիդ վերանկարէ :

Երրորդութիւն անպլպական ներդասեղծարանութեան ազդեալ յաստու-
ծոյ , յոր ինչ ՚ի Նիկիայն սահմանեցաւ հաւատ :

Գ . Խոստովանիմք և դաւանեմք , պաշտեմք և երկրպա-
գեմք զզուգափառ միութիւն ամենասուրբ Երրորդութեն :

աստուածութիւն անճառ , միշտ բարի , նոյնպէս , հաւա-
սարապատիւ , անհաս իմաստից թեոց սլացման , ՚ի վեր քան
զօրինակ և անդր քան զնմանութիւն , գերազանց զոլով
սահմանի անպարագիւր բացարձակութեամբ , յառաջ քան
զհիմն յաւիտեանցս անտարրափակ էութեանց ստեղծա-
կանացս կարգաց , օրհնաբանութեամբ անթարգմանելաւ
ամենահարուստ մեծութեամբ յաւէտ պսակեալ , հաստիչ
ժամանակաց և որ ՚ի ժամանակի են կերպաւորեալք , ինքն
պատճառ հանդերձիչ և յարմարապէս յօրինիչ տեսականաց
և աներևութից : Այնուամբ չափեալ և ոչ յորջորջմամբ
նշանակեալ , ոչ որակութեամբ նմանեալ և ոչ քանակութիւն
կշռեցեալ , ոչ օրինակաւ ձևացեալ և ոչ որպիսութեամբ
ծանուցեալ , ոչ ՚ի թերութենէ տարածեալ և ոչ ՚ի լրմանէ
ամբողջեալ , ոչ ուրեք երբէքի գրաւեալ և ոչ ՚ի տեղւոյ
վայրի երևեալ :

Դ . Հայր գթութեանց՝ ունող ամենայնի , և աստուած
հանուրց որ յերկնի և որ յերկրի , բաց ՚ի բանէն միայնոյ՝
որով զամենայն ինչ ունի . ստեղծիչ և տուիչ շնչոց ամենից ,
բաց ՚ի հոգւոյն իսկակցէ՝ որով զհամայնն կազմեաց :

Ե . Ա ինն յերջանկափառ համազօր ահաւորութենէ երի-
ցրն անձնաւորութեանց խոնարհեալ ՚ի վերուստ՝ անտուստ
՚ի ստորինս , որ էրն իսկ ՚ի բնէ անբաժ ՚ի ներքնոցս՝ անկա-
պուտ մնալով փառացն աթոռոյ , և անկարօտ դիմացն ծնո-
ղին իւրոց , մտեալ ՚ի սենեակ կուսին արգանդի պարզաբար ,
և ելեալ անտի յօղաւորաբար մարմին էապէս անորոշելի ,
անթերի մարդկութեամբն և անպակաս աստուածութիւն
Ա ՚ի որդի հօրն միայնոյ և միածին անդրանիկ աստուծա-
մայր տիրածին կուսին , արարիչն յեղականումն մարդ ելով
ձգմարիտ սկզբնածին . ահա ոչ զկնի եղելոց երկրաստեղ-
ծիցս նմանութեան , այլ նոր և չքնաղ , թաղաւորաց վե-
հափառ , որ ոչ ցուցաւ ՚ի դարս , և ոչ գոյացաւ ՚ի ժամա-
նակս , անդրանիկ ըստ Սաղմոսողին , քան զնմ թաղաւորս
երկրի . անապական թառնութեամբ կերպացեալ զմերս ՚ի

մարմնի, ըստ օրինի հոգւոյ ընդ մարմնոյ, և ոսկւոյ ընդ հրոյ,
 և կամ յայանապէս իսկ ասել՝ լուսոյ ընդ օդոյ, ոչ փոփոխեալ
 և ոչ անջատեալ: Աոյն ինքն եկեալ կամաւորութեամբ ՚ի
 խաչն մահու, իբր զգառն անարատ ՚ի սպանդ վարեցաւ, և
 հանդերձեաց զօրեղ ինքնիշխանութի զարարածոց իւրոց
 փրկութիւն. չարչարեալ իսկութեամբ կենդանեօք՝ եղաւ
 ՚ի շիրմի անորոշելի յաստուածութենէն. եռօրեայ թաղ-
 մամբն ՚ի դժոխս՝ սանդարամետականացն վհատելոցն բան-
 տարգելիցն քարոզեալ ցուցաւ նորոգումն և լոյս: Աւ ա-
 ւարտեալ զանօրինականացն զփրկանաւորն զունտեսութի,
 աստուածապէս վերակենցաղեաց. և կառավարեալ ՚ի թևս
 հողմոց՝ ելեալ ՚ի Քրովբէս ամպով անքննութեան ծած-
 կեցաւ. համբարձեալ գեր ՚ի վերոյ ամենայն երկնի, նստաւ
 ճոխութեամբ յաթոռն իւրական սկզբնաժառանգ հօրն
 հաւասարութեան, յորմէ և բնաւ իսկ ոչ մեկուսացաւ,
 անկորուստ առեցելովն և աննուազ սեպհականօքն: Արով և
 եկեացէ ՚ի դատաստան հատուցման, բնեւ զծածկեալսն
 կշռութեամբ չափոյ արդար իրաւանց. որում սպասեմք և
 յոր աղօթեմք, հաւատացեալք յամենայնի՝ ամենայնիւ
 ամենակալ տէրութեան նորա. որ արդարեւ մինն է միայն
 ՚ի միայնոյն՝ ՚ի միոյն փառակցումի յաւիտեան երկրպապեալ:

Զ Վարեբանեմք միշտ և օրհնեմք ընդ որդւոյ և ընդ հօր
 և զհօգի էութեան նոցին, ամենազօր, ճշմարիտ, կատարեալ
 և սուրբ, որ յանէից գոյացոյց զբոլոր եղեալքս ամենայն,
 ինքնագործ հովիշխան երկուցն ևս ընդ նմին անեղծ և ան-
 սահման թաղաւորութեան. որ ինչ պատճառն առաջին և
 բանն ահաւոր նորին ինքնութե՛ն, նոյն ինքն և հոգին բարձ-
 րացեալ: Վարի ինքնակալ, ամենից բաշխիչ զհօրն պարզ ևս
 ՚ի գովեստ անուան փառաց միածնին. որ ազդեաց յօրէնսն,
 շնչեաց ՚ի մարդարէսն, փչմամբ ազգակցին տպաւորեցաւ
 յառաքեալն, կերպիւ աղաւնւոյ ցուցաւ ՚ի Յորդանան ՚ի
 մեծութիւն փառաց եկելոյն, փայլեաց ՚ի զիրս աւանդա-
 կանաց, արար հանձարեղս, զօրացոյց իմաստունս, լոյսոյ վար-

դապետս , օժ արքայութիւնս , օժանդակեաց թագաւորս , ետ վերակացուս , հրամանատրեաց փրկութիւնս , շնորհեաց ձիրս , հանդերձաւորեաց քաւութիս , զվկրտեալսս 'ի մահն Քրիստոսի' 'ի բնակութիւն իւր մաքրագարդեաց . զոր հայր և որդի , զնոյն և հոգին ներգործեաց , և ինքն է աստուած խնկեալ տիրապէս ամենայն յամենայնիւ :

Է . Քանզի ոչ նախաթուելովն յԵրրորդութեանն որ մեծ ինչ քան զմիւսն , և կամ զկնի անուանիլն նուաստագոյն առ նմանն , և կամ 'ի մինն ասելով խառնակութի գոլ դիմացն , և կամ յերկնն տրոհումն ուրոյնութի ել կամացն . Քանզի անմեծար հայր ամենայնիւ , եթէ ոչ զբանն ունիցի ինքեան զօրութիւն . որպէս ոչ գոլով ընդ նմա հոգւոյն՝ անհագագ ոմն և անկենդան և առ ամենայն հրաման նուազեալ . Իսկ բանն եթէ ոչ անուամբ հօրն ծանիցի , որբ ոմն և կամ լքեալ և կամ 'ի մահացուէ ումեմնէ ոչէիւ Որպէս և հոգին եթէ ոչ 'ի պատճառէն նշանակեսցի , ապաշուք ոմն թափառեալ իբր զուռնչ ինչ անդասելի : Ը . Եթէ որ հակաճառական բանիւ յաւակնի կապտել զհայր 'ի յիւրմէ բանէն , որ թէ էր երբեմն յորժամ և շէր , և անբանութեանն բամբասանօք պատուել վարկանի զվհհին մեծութիւն , և կամ ստրկութի տացէ բղխողին՝ ոչ բնաւորաբար գոլով հոգևոր , որով այլ իմն գոյութիւն օտար մուծանել և կամ ամբոխումն ինչ այլայլական յանարստ պատիւ միութեան սուրբ Երրորդութեանն , զայնպիսիսն քարամբք պարսօց հաւատոյ բանից , իբր զգժնդակ դևս դիմամարտիկս դազանականս , հերքեալ 'ի միջոյ 'ի բաց հալածեմք , եղեալ 'ի նզովս զնոյնս ընդ նոսին՝ փակեմք ընդդէմ նոցին զկենացն մուտ եկեղեցականս դաւթի : Ուստի զսուրբ Երրորդութիւնն փառաւորելով 'ի նոյն տէրութիւն միակցորդ հաւասարութե , զուգաձայն սրբաբանութեամբ , հանգունատիպ հարթութեամբ , օրհնեալ և փառաւորեալ յերկնի և յերկրի . 'ի ժողովս անդրակացն , և յազգս երկրածնացս բանականաց , յաւիտեանս յաւիտենից . ամէն :

Ը • Լ՛քդ զայս գոչումն ծածուկ խորհրդոց կերպաւորեւ ըրց յայսմ մատենի՝ ամենալուր ականջաց մեծիդ աստուծոյ ընծայեցուցի . սովիմբ սպառազինեալ, և ապա մտի ՚ի հանդէսն : Լ՛յլ ոչ եթէ կարօտեալ իմոյս ինչ ձայնի այսու մեծանաս, որ մինչև ստեղծեալ էր քո զամենայն՝ նախ քան զինեղն երկնի փառաբանչօքն անմահից և երկրաստեղծս բանաւորօք, դու քեզէն ՚ի բուժիչ լուծեան փառաւորեալ իսկ էիր . այլ զի զմերժեալս զիս յարգեացես, անձառ քաղցրութիւն, ճաշակել զքեզ բանիս հաղորդութեամբ : Իսկ զի՞նչ պարտ իցէ ըստ արբունական հրամանիդ կենաց կանոնիդ ասել Ադոնայի տէր, և զհրամայեալ պատուերդ ոչ աանել . որ ինձէն իսկ զիս զոսկեղէն տախտակս խօսուն՝ նուիրեալ բուժիչ պատգամի, զգրեալս մատամբդ աստուծոյ՝ եղծի, որ և խորտակելն է իրաւացի . և ես տխրապես սակ մրով զերկրորդն նմանութիւն առեալ հայթայթեմ Լ՛յլ արդ քանզի բազմօք պաղատեցայ գրուակօք խանդաղատականօք, որ ոչ է գրեալ ՚ի յայս կարգ ձայնի, լուր, բարեգութ, ըստ սմին բանի այնմ ձմի : Աղիցի և այս աղերս բարբառոյ հայցման աղօթից յօգեալ ընդ նոսին . թերևս ՚ի մաքրոց և ՚ի կամարարից այս նուէր հացի պանից բաղարջուց իւղով զանգեւոց ՚ի սեղան փառացդ քոց մատիցէ :

Թ • Լ՛յլ դու բարերար և յամենայնի մարդասէր Քնդ մի՝ աստուծոյ միոյ, հզօր և ամենակալ, որ յաղթես գթութեամբ ինամոց քաղցրութեան քո, ոչ հասարակականաց միայն մարդկութեանս իմոց գոյակցաց, առ որս յաւէտ է ամբոխութիւն և բիւրսմանեայ հակառակութիւն, այլ և հրեշտակայն անախտականութեան, նաև և ևս քան զայս՝ սրբաննելոյն անարատութեան . յորոց մի էր և շեղիաս, որոյ ցոյցք խստութեանն ՚ի Քորեբ ըրինն նշանակեցաւ յերիս օրինակս, ՚ի շարժումն մեծ, ՚ի հողմն ուժգին, ՚ի հուրն կիզանողական . իսկ քոյդ հեզութիւն երկայնմտութեան՝ ՚ի հանդարտութիւն մեղմութեան օղոյն քաղցրութեան . քանզի կամաց ողորմութեանց դու միայն ես, ըստ

գրեցերումն: Ո՛ր ասն զի թէ և հաճոյք դտան մերասերքս առարինու թեամբն յեղանակեալ յայլ նմանութիւն վերնային, սակայն երկրածինք են և նոքա, ընտրեալք ՚ի մարդկանէ . իսկ դու ոչ ունիս չարանալ խիութեամբ բարիդ, յամենայնի օրհնեալդ, ամենեին փրկութիւնդ, ամենայնիւ հանդիսող, համայնից անդորրութիւնդ, համօրէն ականատես ըլլող դեղ առողջութեան, աղբիւր ջրոյ կենդանուոյ ըստ Երեմիայ: Դարձ առ իս և ողորմեա ինձ, որ այնքան ծառաւեսս պատրիս անկարօտդ աստուած իմում փրկութեան, մինչ զի զուարթնոցն երկնից անմահից օրհնաբանողաց բան իմն ընծայեցեր մարդկօրէն փրկական քահանայապէս և քաւչապետաբար՝ անեղծական յարակայութեամբ մշտնջենաւոր պաղատանս օրհնեալդ քո գթութեան ՚ի մերոց զիմաց կենցաղականաց վասն իմ լքելոյս հաշտութե մաղթել, ողորմեա Երուսաղէմի. որ է լուսաւոր խորհուրդ յայց ելանելոյ մեծիդ յայտնութե առ հրեշտակականն թափուր տեղի ստորանկելոց ՚ի ձեռն մարդկան՝ քո կցորդութե աւետարանեալ առակաւ այսր օրինակականս, Երուսաղէմի:

Ժ. Մ. րդարեւ լուար բարեգութ, անսացեր թագաւոր, ունկնդրեցեր կեանք և յոյս, ՚ի միտ առեր երկնաւոր, յարգեցեր հզօր, նկատեցեր ծածկադէտ, տեսեր խնամակալ, կարեկցեցեր անպատում, խոնարհեցար միշտ բարձրեալ, նուաստացար ահաւոր, յայտնեցար անձառ, ամիտիեցար անսահման, քանակեցար անքննին, մածար ճառադայթ, մարդացար անմարմին, շօշափեցար անքանակ, կերպաւորեցար անորակ, լցեր իսկապէս զաղաչողացն բաղձանա: Կու իսկ եղեր թշուառացելոյս ինձ՝ ձայնիւ զուարթնոցն՝ բարի բարեխօս, միջնորդ կենդանի, պատարադ անմահ, սպանդ անխախճան, նուէր մաքրութեան, ողջակէզ անծախ, բաժակ անսպառ: Մ. հա ողորմած, մարդասէր, օրհնեալ, միշտ կատարեցես առ մեղուցելոյս զբարեբաստութիւն կամաց քոց կենդանատուաց, գովեալ երկայնամիտ. և քեզ վայելէ փառք յաւիտեանս. ամէն:

ԲՆԱՆ . ԼԵ

ՎԵՐՍՏԻՆ ՅԱԲԵԼՈՒՍԾ ԿՐԿԻՆ ԼԵՏՈՒԹԵԱՆ ԿՈՐԻՆ ԼՍԿՈՂԻ
ՍՈՒ ԿՈՅՆ ԱՂԵՐՍ ՄԱԼԹԱՆԱՑ ԲԱՆԻ

Ի ԽՈՐՈՑ ՍՐՏԻՅ
ԽՕՍՔ ԸՆԴ ԱՍՏՈՒԾՈՅ

Ա . Լ . Ի արդ , տէր զօրութեանց , մեծութիւնն ահեղ ,
անտարակոյս տեսաւորութիւն , կամք ամենընդարձակ , առա-
տութիւնն անպակաս , ո՞վ որ զօրեցեղ տօնել հանդիսիւ պա-
րերգութեամբ ՚ի միոյ կաթուածոյ ցօղոյ քումի բարուն ,
որ ցանկ դեգերիս պատրաստել պատճառս հնարից խնամ
փրկութեան : Լ , զոր մեծն է գրեցից պատմել յապառ-
նիսն . քանզի ոչ անուանեցար հրեշտակասէր , և որ զպե-
տութիւնս նոցունց հաստատեցեր . այլ և զերկինս զամբա-
լօք նոցին զմատանց քոց գործ , ոչ գրեցեր երբէք սիրել
զնոսա . այլ առեր ՚ի պատիւ մեծաց գովեստից առաջին
դասեալ զմարդասիրութիւնն : Ս ան որոյ կրկին մեծացու-
ցեր քեզ անունն անձառ ՚ի խորհուրդս ստակալիս . զերկ-
նայինս լուսակերպիցն կոչեցեր զնոսին սպասաւորս և գը-
խաւորս յատուկ մատակարարութեանց . իսկ զստորնային
ձնունդս մահկանացուաց տիրական և աստուածական պաշ-
տելի անուամբդ պերճացուցեր : Կնցեալ վերստին ըստ
ասհման կշռութեան չափոյ , լայնեցեր քեզ կտակս գրոց
ճառից անբաւից զանապակ ծորմանն ծայրագունին վեր-
նում բարութեանն : Լ , և և ՚ի մարդանալդ քո միդ յեռ-
թեանն , ոմանց վասն ինքեանց և կիսոց վասն այլոց զեղեր
առատութիւն զտուրս կենաց , արուեստս բազմօրինակս , սքան-
չելիս աստուածագործս , նշանս ճշմարտատեսիլս : Որպէս
զի թէ անդամալուծին պակասելոյն ՚ի հաւատոցն՝ հոգա-
բարձացն առաջարկութեամբ զցոյցս յուսոյն՝ զթացեալ
ողորմեցար , և իրչափ զօրեցեղ առաւել բան քո ամենակար
առ ախտալից մարմնոյս մաքրութիւ աղաղակողիս հառաչման .

քանզի արդարև մեծ են չափք հրաշից, քան զանմաքրեալս հոգի սուրբ հաստել, զուսացեալս պատկեր անտիրելի աղտոյ ներդործել. նա զի և երկրորդս առաւելու թեամբ յաւազանին շնորհ յաճախեալ՝ զփառսն հայրենի բարձրացուցանէ:

Բ. Ղու ես տէր որ սրբես զմեզ, որպէս ընտրեցելոյն քոյ նախատպաւորեցեր Մովսէսի. զու ես, որ ՚ի մեզս և յանօրէնութիւնս վերակացու եղեր տոհմին Յակոբայ, մինչ յեղիպտացւոցն երկրի ընդ խաւարն հեթանոսաց ընտանն նային: Ղու ես, որ օրէնսգէտ առնես զմեղաւորսն ՚ի ճանապարհի, ըստ բանի երգողին Գաւթայ. զու ես որ փոխատրես զբարեղէն սրտից կարծրութիւն ՚ի լոյծ կակղութեան մարմնոյ գոյութեան բանի ընդունելութեանս Ղու ես, որ բաւես ընձեռել սիրտ այլ, և ճանապարհ մի՝ երկրն չել ՚ի քէն զբովանդակ կենացն սահման. զու ես, որ տաս զերկիրդ քո ՚ի միտս խտութեան առքեզ ուշ ունել հաւատովք, ըստ մարգարէիցն ձայնի:

Գ. Օ օրհնեալ քո շրթանցդ զաշխարհաստեղծ բերանոյդ զաստուածեղէն անձրեացդ զկեցուցանողդ կաթուած մատո լեւեացս դրանց բացարան, որով զօձին խորամանկութիւն բանսարկուին թիւնից բարձցես և բժշկեցես: Ղմենակարդ ձեռօք զխօսականացս շարժողական գործի ըմբռնեալ՝ ազդես զօրութիւն ձայնի, որ տաս բնաւից ընտրութիւն բանի. զի դաստիարակեալ զպատշաճականն՝ մի յանդընարար խօսելով իբր զնախնին լբայց ՚ի յուսոյդ, և անբաւութեան մատնեցայց վանեալ յորսողէն: Ղուսաւորես վերստին զխաւարեցեալ հոգւոյս աչս կենդանաբաշխ աջոյդ կարկառմամբ, զի մի համարձակութեանն շիջեալ լապտեր շնչմամբ վիշապին՝ ՚ի ներքոյ գրուանին ստորածածկեցայց: Բարձ զանօրէնութիւնս իմ, տէր, և ընկեա ՚ի խորս ծովու. որ է փոքր առակ մեծութեան քումդ անբաւութեան, ըստ մարգարէին, զիմս ընկզմել չարութիւնս կանգնեա կործանեալս անձին նշան վտահութեան, զի մի

յուսահատութեանն կոթող կառուցեալ զճածկեցելոցն բու-
 զորքեսցէ: Բաց, հզօր և գթած, զբժշկարանիդ կենաց վար-
 գապետարան, զի զառ ՚ի ներքոյն մշակութեան կորուսչին
 սերմանց՝ մանկաղաւ կամացդ հուպ առ արմատս խուզեալ
 հնձեսցես: Իէմ եղեալ հետեւել առ քեզ բողոքիցդ ան-
 պետրոսեան օրինակութեամբն, ՚ի կենցաղիս ծովու մեղա-
 նացս ալեաց ընկլուղայ. մատո ժամանեա զաջդ կեցուցիչ
 յօղնականութիւն ինձ սասանեցելոյս: Ինդ քանանուհոյն
 ձայնի ՚ի խորոց սրտիս պաղատիմ, սոլեցելոյս առպականաս-
 պաս կաղկանձողական ամենաթշուառ վտանգաւորիս, ապ-
 բուստ կերակրոյ փշրանաց հացի ՚ի բազմազեղզ քո սեղանոյ
 մասնաւորեսցես: Երա փրկուի նիւթոյ խորանիս որդւոյս
 դառնուէ, որ եկիր խնդրել և կեցուցանել զիս զկորուսեալս:
 Օ ի քո է մեծութիւն, յաղթութիւն և զօրութի, և դու-
 ես քաւութիւն և բժշկութի, նորոգութիւն և երանութի,
 և քեզ վայելէ փառք և երկրպագութի յաւիտեանս. ամէն:

ԲԱՆ . ԼԵ .

Handwritten signature or note in the right margin.

ՎԵՐՍՏԻՆ ՅԵՒԵԼՈՒՅԺ ԿՐԿԻՆ ԼԵՃՈՒԹԵԱՆ ՆՈՐԻՆ ԼՍԿՈՒԷ
 ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ
 ԽՕՍԻՔ ԸՆԴ ԵՍՏՈՒՃՈՅ

Ա. Եւ ՚ի քանզի անթիւ են յաճախեցեալ և գերազան-
 ցութեամբ միշտ սուաւելեալ փրկանաւորդ արգասիք շնոր-
 հաց առ պարտուցս իմոց առաւելութիւն, չարչարանացդ
 հանդէս և յանձնառութիւն: Օ ափդ ամփոփիչ ամենից
 հողւոց գոյից արարիչ ՚ի գործարանի մահուն նշանի խաչին
 հեղուսեր, զի զձեռնարկութիւնն իմ ընդդիմութեան կա-
 մաց քոց լքցես: Օ ընթացողականդ լծակցութիւն երկու-
 ցունց ոտիցդ կեցուցողաց՝ յանարգելութեանս պատճառ

Կ' պատժարանի փայտին մածուցեր, զի զփախուցեալս վայ-
 բագուծի թշուառացելոյս գրաւականեսցես զթածաբար:
 Բ • Ոչ գօտանալ ձեռաց կոփողացն հրամայեցեր օրհ-
 նեալ դագաթանդ, որ զթզենւոյն տունկ առժամայն չորա-
 ցուցեր, զի և զառ իս ներելոյդ օրինակ կանխաւ աւետա-
 րանեսցես: Ոչ գանողացն ապիրատուծէ զխոստովանեալդ
 աստուած սպառնացար, որ զարուսեակն մթայուցեր, զի
 մահացելոյս անձին բարուծի հանգստեամբ հանդերձ գոր-
 ծեսցես: Ոչ զհայհոյչացն հնարաւոր չարաբանուծի կապ-
 տեցեր, որ զլուսնին պատկեր երանգաւ արեան գունեցեր,
 զի զանհամարձակ լեզուս Կ' գովեստ քեզ զօրացուսցես:
 Ոչ նախատողացն մոլեգնութեան սաստեցեր, որ զտարերս
 սասանեցեր, զի զթշուառացեալս գլուխ գթութեդ օժմամբ
 իւղեսցես: Ոչ Կ' մոլորեցուցիչն կարդալ զքեզ անասպա-
 նիցն՝ զօրուած ծնօտիցն բաժանեցեր քակտեալ Կ' միմ-
 եանց, որ զկարծրութիւն վիմացն հերձեր, զի զանունակս
 բարեաց հողիս՝ Կ' բերմանէ ընդունայնութեան ողորմու-
 թեամբ հանդարտեցուսցես: Ոչ զպահապանացն սուրս ըն-
 դերաց իւրեանց մատուցեր, որ զորովայն օձին սահեցման
 հողոյ մատնեցեր, զի զտառապեալս մարմնոյ ոսկերս իբր Կ'
 գանձարանի պահեալ, կենաց յարուծէ արժանացուսցես:
 Ոչ Կ' կնքելն զելրմին փականս կենդանակիր քո գերեզմա-
 նին՝ անդրէն յորսայսեալս զնոսին յանդունդս երկրի սու-
 զեցեր, զի Կ' տապանակի անձինս զնշխար լուսոյդ հանդու-
 ցես: Ոչ Կ' համբաւելն զքեզ կորուսեալ, և իբր զերկրա-
 ւոր մարմին գողացեալ, համայնաջինջ և ամենասպառ զսեր-
 մըն ծննդոցն կրճատեցեր, զի զիս զանարժանս յիշատակի
 ընտրութեան բարեաց՝ անկորուստ և անվնասելի ընդ փրո-
 կեցելոցն հաղորդեսցես: Ոչ յարժաթոյն կրկնակապէն կա-
 շառաձգութիւն, որ Կ' գանձարանէ հօր բուժ նուիրաց
 քեզ գրաւ մատնութեան և անարգութեան մասնաւորե-
 ցին զուրացողացն մոլեգնելոց, ըստ հին հարուածոց հան-
 ւոյն Մովսէսու՝ Կ' յարձան քարի յեղանակեցեր, զի զիս

այստախի զառաջին նիւթն յիշելով յորմէ հաստեցաւն, իբր զտկար որ նկուն 'ի զօրութենէ մեծէ հերքեալ պարտեսցիս Բ. Լ. յլ թէ պէտ և այսպէս գրեցի, և դարձեալ զնոյն վկայեմ առ թերի խակութիւն հողոյս՝ և կատարելութիւն հաստողիդ, և առ բարիսն իմ չարժանութիւն, սակայն ամենալոյս աննախանձ և բազմազեղուն դովեալ արարչութեդ զօրեղութեան վանեալ են կարծբութիւնք արտաբերութե սրտի բանասրկուին. որ քարին առակաւ՝ յուսահատն վհատութեան, ապառմամբ խոպանացման աղբերացս երկուց, որ 'ի զգայականս Եդեմայ բղխել պատրաստեաց տնկողն, զի ոռոգեալ ծաղկեցցի նովաւ՝ որ 'ի յիս բարեգործութեան կենսատունկն դրախտ, ահա մի ցամաքութեամբ արտասուացս՝ աղանդահնար պատրանօք՝ չարաչար խորամանկեսցէ վերստին հանել 'ի փափկութենէ նախնում վիճակին։ Իսկ յորժամ կացցէ աստուած համբարձեալ հրաշիւք արուեստից 'ի մէջ աստուածոց հաշտարանացն խաղաղութք, բարձեալ ընդ ինքեան զնորհացն կտակ, առ որ ամենայն վնասակարութիւնք խարդախութեանց և կարճմտութիւնք սրտնեղութեանց իբր ընդ վիմեղէն լերին պնդութեան բախեցեալ ցնդին, ջրոյ օրինակաւ սակաւու հեղեալ, և կամ հողոյ խորտակմամբ փշրեալ։

Գ. Լ. որդ չև իմ կշտամբանքս՝ ըստ ձայնին Յօբայ՝ 'ի մարդկանէ իցեն, այլ յամենատես աչաց վերին հրամանիդ, մտեալ ընդ խղճիս տաղնապ երկիւղիս, սոսկմամբ սասանեալ յամենայն կարծեաց. ապաւինիմ և արդ անձամբ բեկելով 'ի յոյսդ հաստատութեան կենդանի անեղծ. զի ողորմութք նայեցեալ 'ի յիս իբր 'ի պարտաւոր կորստեան պատժոց, առաջի բարերարութեան երկնայնոյդ յանդիման եղեալ ապաձեռն անթոշակութք; զքոյդ երախտիս անպատում փառաց բերելով ընդ իս՝ յուշքեզ արկանեմ. որ ոչ մոռացմամբ զբաղեալ նիրհես, և ոչ թարթափմամբ աչաց ընդ միջեալ՝ զհեծութիւն կրից անտեսես։ Երացո յինէն, աղաչեմ զքեզ, խաչիւղ լուսոյ զխեղդ վտանդիս, հոգար-

կութեամբ տրտմութեանդ՝ զտարակուսելի տխրութիւնս,
 փշանիւթ պսակաւն՝ զբողբոջ մեղացս, զարկուածով գանին՝
 զհարուած մահուս, ապտակին յիշմամբ՝ զկարիս ամօթոյս,
 թշնամանօք թքոյն՝ զանգոսնելի գարշութիւնս, լեղւոյն ճա-
 շակմամբ՝ զհոգւոյս դառնութիւն: Ահա քո են այս ան-
 բարութիւնք անբովանդակելիք՝ աստուծոյ միոյ միտածին
 որդի. առ որովք զչարութիւնս իմ յիշատակեալ զամէնօրն
 նեալ անուն քո կարդամ բարձր ազաղակաւ իմանալեացս
 պաղատանօք: Տես ՚ի խոստովանութիւն զղման պարտուե-
 ամաչեցելոյս, և տուր ողորմութիւն որդւոյս սատակման
 մահուն անմահի. զի ՚ի բազմութե իմոցս մեղաց՝ վերստին
 կրկնեալ նովին աճեցմամբ առաւելութեամբ՝ քո ողոր-
 մութիւնդ աւետարանեսցի, հռչակեալ հնչմամբ ահաւո-
 րութեան յերկնի և յերկրի: Եւ քեզ ընդ հօր հոգւովդ
 սրբով փառք յաւիտեանս. ամէն:

ԲԱՆ • ԼԸ

ՎԵՐՍՏԻՆ ՅԱԻԵԼՈՒՍԺ ԿՐԿԻՆ ԼԵԾՈՒԹԵԱՆ ՆՈՐԻՆ ՀՍԿՈՂԻ
 ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՑ

ԽՕՍԻ ԸՆԴ ԱՍՏՈՒԾՈՅ

Ա. ՔԱՅՅ արդ որպէս երբեմն յայլ ընթերցուածի որ
 ՚ի սկզբնաւորականացն կարգի՝ զմեղանացն զխաւարային
 ծնունդս գլխաւորացն օրինացն մարմնականացն անդամոց
 գրեցի, յորոց տիրեցայ ժառանգս մահու, նոյնպէս և յայսմ
 սահման ընտրութեան բանի զուսածնելոցն զազատարարն
 օրէնս հոգւոյն կենաց որ ՚ի տէր Յն՝ յիշատակեցից նուազս
 յորունց, իբր յանբաւ բազմուեց ծովու կաթիլ մի առեալ:
 Բ. Քանզի են արդարեւ կայսերականք ոմանք ՚ի բարձ-
 րութեանն գահի բազմեալք, թոշակաւն շնորհաց լցեալք

և հարստացեալք: Թագաւորն և սիրեցեալք իւր , արքայն և պատուաւորք իւր , պսակեայն և իշխանականք իւր , բարեհռչակեայն և հնչմունք իւր , յաղթողականն և փողք իւր , զօրաւորն և մարտիկք իւր , գովեցեայն և փառք իւր , փեսայն և պարաւորք իւր , դշխոյն և օրիորդք իւր , փեսաւերն և հանդերձանք իւր , ազատութիւնն և շնորհք իւր , այցելութիւնն և ձեռն իւր , խոստումն և քաւութի իւր , պահպանութիւնն և աջ իւր , պարգևն և զարդ իւր , նշանն կենաց և ամբութիւն իւր , կնիքն և նկարագիր իւր , ամպն և հովանի իւր , արուեստն և հրաշք իւր , հողին և անեղծութիւն իւր , բանն և կատարած իւր , ուխտադրութիւնն և լրումն իւր , զօրութիւնն և հրամանք իւր , լուացարանն և սրանչեղիք իւր , մանանայն և անապականութիւն իւր , վէմն կենդանի և վտակք իւր , սիւնն հրոյ և ճառագայթ իւր , որոտումն և ազդմունք իւր , յոյսն վերին և փրկութի իւր , ծառն օրհնութեան և պտուղք իւր , բարունակն և բարութիւնք իւր : Եւ զի մի զբնաւն ասելով յամենայնէն վրիպեցայց , իբր յարեգակնէ : այլայլեալ աչաց տկարութի , ՚ի շատն ասել լռեցից և ՚ի սակաւն ժամանեցից , բաւականացեալ ամենապիկար կարիւ :

Գ . Իայց աւաղ յաւետ աստանօր թշուառացելում եղկելի անձինս , քանզի կարգ բանիս բերէ ինձ խառնել ընդ ձայն աւետեսացս բողոք գութիս . վասն զի ընդ այսոսիկ առ ընթեր սորին դայ արդարութիւնն և կշիռքն , վճիռն և հատուցմունքն , բնութիւնն և լոյսն , յանդիմանութիւնն և դամբարքն , մերկութիւնն և պատկառանքն , յայտնութիւն և ամօթն , ամբիժն և վաստակքն , թիւրեայն և պատիժքն :

Դ . Դարձեալ վերստին աշխար կրկին եղկելոյս , քանզի դայ հասանէ առ հասկ հասակիս անհնարին բարկութեամբ մանդաղն առ հունձսն , դատաւորն առ ատեանն , հզօրն առ բեմն , սպառնացեայն առ կորուստն , բազուկն առ դատատանն , դաւազան խրատուն առ հարուածն , սպառազինութիւնն առ նախանձն , հովիւն առ ընտրութիւնն : Վանզի բանն

դոր խօսեցար ընդ իս, նա դատի զդատապարտեալս 'ի վերջ-
նումն աւուր հատուցմանն: Այլ կանխեա, բարեգութ, նա-
խընծայ քաղցրութեամբ առ նուազ հեծութիւն վարանա-
կան երկիւղիս, և զօրութիւն ընձեռեա ձեռամբդ օրհնու-
թեան 'ի յետին տաղնապիս առաջինդ քո օգնութեամբ
մխիթարել, բշկել, քաւել և կենագործել: Ա. քեզ փառք
յամենայնի յաւիտեանս յաւիտենից. ամէն:

ԲԱՆ • ԼԹ

ՎԵՐՍՏԻՆ ՅԱԿԵԼՈՒՄԸ ԿՐԿԻՆ ԼԵԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՑ

ԽՕՍԻ ԸՆԴ ԱՍՏՈՒԾՈՅ

Ա. Այժմ քանզի զկերպարանն առաջին լքի 'ի վնասակա-
րին թեւադրութենէ իմոյս ծուլութբ կորուսեալ խապա,
ցուցից արդ այժմուս զհնոյն յիս տեսակ. ողորմելի հեծու-
թեամբ թախծեալ 'ի հոգի, անաչառ խայտառականօք հրա-
պարակաւ 'ի յեկեղեցիս բազմութեան ազգաց վերապատ-
մեցից բարձր ձայնիւ, բարբառով մեծաւ աղաղակելով:

Բ. Ատեանս շնչական բարդեսլ 'ի յինքեան ներքոյ և
արտաքոյ ողբս և վայս և ձայնս, ըստ տուճարի տեսլանն
Եզեկիէլի, քաղաքս անպատուար և անմահարձան, յարկս
ունայն 'ի դռնափակաց ամրութեանց, աղս տեսակաւ այլ
ոչ համեղութեամբ, ջուրս աղտալտին անախորժելի ծա-
րաւեաց արբման, դետինս անօգուտ հերկագործութեան,
տահմանս լքեալ հեղեղավայրս կնիւնոյ, խոպանացեալ և
տատասկաբեր անդաստանս, աստուածախնամ երկիրս անձ-
նաւոր՝ որ բանասարկուին պատրանաց մշակեցայ, և զընծիւղ
փայտս պողակորոյս, հատանելի ծառս ունայնաբոյս, կրկնա-
մեռ խօսուն տունկս անոյս, ամենաշէջ ճրագարանս անլոյս:

Մ,րդ վերստին առ սոյն բերելով զայս նմանութիւն աւա-
ղականաց, բազմօք կրկնեցից. որ ամօթոյն դառն պատու-
հաս պահեալ կայ հիբոյս, կրճումն ատամանց և անկէտ
լալումն աչաց եղկելոյս, հայրական ցասումն անսպուժելի՝
դառնութեան որդւոյս, ապականութիւնն աննորոգելի՝ մե-
ղուցեալ մարմնոյս, նոր կշտամբութիւն գտողիս չարեաց՝
ախտացեալ հոգւոյս, տարտամ տագնապի տարակուսանաց՝
ելից գերելոյս, զոր երկնային զօրքն մատուցանեն թշուա-
ռացելոյս, ՚ի խրճուեն որումանցն վկայելով՝ վտանգեցելոյս,
՚ի ձայն ահաբու զանբժշկութիւնն ազդել էբելոյս:

Գ. Մհա արդարեւ երգս կատակերգութեան ջնարահար
պոռնկի, յածեալ և կոծեալ քաջ հնչեցուցեալ ողբս ողոր-
մելիս և զկծեցուցիչս, ըստ առակաւոր բանին Եսայեայ՝ որ
՚ի պատգամին Տիւրոսի Օ ի թէ նա զդիպուածն փոքր
անցից ապառնեացն ՚ի մօտոյ իմն տպաւորեալ, բողոքէր
գիմակս գիմակս կերպից կերպից աւաղականաց, ըստ կոծո-
ղացն կաքաւելոյ, իսկ առ իս ռըչախս և ռրպիսիս ձայնս մրր-
մնջեցից վհատեցուցիչս. որ դալատեանն տեառն սպասեալ
առանց վրիպանաց, մնացի անպատրաստ և անհանդերձելի:
Մ,րդ եթէ զդատաստանացն ահաւորութիւն կրկնեցից,
բազմացուցից ինձ աշխար. ապա եթէ զփորձն իսկութեամբ
ցուցից, յաճախէ ինձ երկիւղ. իսկ եթէ զկերպարանացն
տեսիլ գրեցից, առաւելուն ինձ հատուցմունք, զի կանխաւ
նկատեալ զսոյնս և ոչ անագան ապաշաւեցի: Մ, յ խնայեա
յիս, զթած, մարդասէր, հզօր, բարերար, ամենապարզ և
Բրիտոսս թաղաւոր, օրհնեալ յառ իտեանս. ամէն:

ՎԵՐՍՏԻՆ ՅՅԻԵԼՈՒԹԵԱԾ ԿՐԿԻՆ ՀԵՏՈՒԹԵԱՆ ԿՈՐԻՆ ՀՍԿՈՂԻ
ԱՌ ԿՈՅՆ ԱՂԵՐՍ ՄԵՂԹԵՆԱՅՑ ԲՆՆԻ

Ի ԽՈՐՈՅ ՍՐՏԻՑ
ԽՕՍԲ ԸՆԴ ԱՍՏՈՒԾՈՅ

Ե. ԽՄԵՆԱԿԱԼ աստուած բարերար ստեղծիչ բոլորից՝ լուր հառաչանաց ձայնիս վտանգի, և յերկիրէ տաղնապի տապալայիցն կարծեաց փրկեա կարող զօրութիւն զերծեալ ՚ի պարտեաց. քանզի բաւական ես յամենայնի առ ամենայն հնարս զօրանալ անբաւ մեծութեամբ և իմաստութեամբ անասհմանելեաւ:

Բ. Խ. քանզի ուշիւ մտացս տեսեալ ՚ի հեռուս զհանդերձերոցն հանդէս ահաւորափայլ, նկատեմ ինձէն աստանօր կանխաւ զտիւն լուսոյ սրբոցն յուսոյ, զօրն խաւարի պատժապարտիս պատուհասի. ուստի ոչ զօրէ որ յէիցս առ պատապարան փախստեան. ոչ անդունդք խորոց, ոչ վիհք վհից, ոչ բարձրութիւնք լերանց, ոչ անձաւք քարանց, ոչ կարծրութիւնք արձանաց, ոչ ծերպք ծակաց, ոչ փապարք փոսից, ոչ սորք հեղեղաց, ոչ բաւիղք խորշից, ոչ շտեմարանք յարկաց, ոչ ծածկութիւնք սենեկաց, ոչ եմակք հովտաց, ոչ ծործորք դժուարաց, ոչ վերադրութիւնք բլրոց, ոչ արձակմունք շնոց, ոչ անբաւութիւնք ծովուց, ոչ սահանք յորձանաց, ոչ հեռաւորութիւնք եզերաց, ոչ ողբմունք ձայնից, ոչ հեղեղք արտասուաց, ոչ տատանմունք մատանց, ոչ համբարձմունք ձեռաց, ոչ պաղատանք շրթանց:

Գ. Խ. յոցիկ սաստկութեանց մատանց անճողոպրելեաց դու ես, տէր Քրիստոս, հնարք և դադարք դիւրութեան և անդորրութեան փրկութեան ամենամեղս հոգւոյ, արհայեա ՚ի յանդերձ վտանգիցս շրջադրութի՛ միայնդ քաղցր առ ամենեսեանս իզեա սուսերաւ յաղթական կենեազէն

խաչիդ զգանցս վարմիս , որ յամենայն կայից պաշարեն 'ի մահ զգերիս , և հան 'ի յանդորր զոտս սասանեալ թիւր ընթացողիս Բժշկեա զհրատապ ջերմնական տոչորումն մղձկեալ սրտիս , մերժեա զդիւային չարահնարութեանս շուկ քո պարտաւորիս , հալածեա զյուսահատ անձկութե հոգւոյս մթութիւն չարի կենակցիս , ցրուեա զծխամած թանձրութիւն բռնութեան մեղացս երևոյթ մտելոյս 'ի յիս , կորո զզազիր թխատիւ կրիցս ապականութեա կարիս : Աորոգեա զպատկեր լուսոյ պաշտեցեալ փառաց մեծութե անուան հզօրիդ յոգիս , զօրացո զշորհիդ փայլումն 'ի գեղ դիմացս և 'ի կերպարան տեսութեան մտացս հոգեղնիս , յարմար յերիւրմամբ կացո յարդարեալ՝ որ զքոյդ բերե նկատումն՝ նշուլազարդ մաքրութեամբ զտեալ զմտայլս մեղաւորիս , աստուածային կենդանի անեղձ երկնաւոր լուսով քո ծածկեալ յօրինակս երկու () 'ի դու միայն ես օրհնեալ ընդ հօր 'ի գովեստ հոգւոյդ սրբոյ յաւիտեանս յաւիտենից . ամէն :

ԲԱՆ . ԽԼ

ՎԵՐՍՄԻՆ ՅԱԵԼՈՒՄԻ ԿՐԿԻՆ ԼԵԾՈՒԹԵԱՆ ՆՈՐԻՆ ԼՍԿՈՒԼ
ԱՌՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍՔ ԸՆԴ ԱՍՏՈՒԾՈՅ

Ա . ՈՐԴԻ աստուծոյ կենդանեոյ օրհնեալ յամենայնի , հօրդ ահաւորի անքննին ծնունդ , որ տկարանայ առ 'ի բէն և ոչինչ . որ 'ի ծագել անստուեր նշուլց ողորմութեան քոյ փառաց՝ հալին մեղք , հալածին դեք , ջնջին յանցանք , խզին կապանք , խորտակին շղթայք , կենդանածնին մահացեալք , բժշկին հարուածք , ողջանան վէրք , բառնին ապականութիւնք , տեղի տան տխրութիւնք , նահանջին հեծու

Թիւնք , փախնու խաւարն , մեկնի մէզն , մերթի մնառա խուղն , փարատի մուայն , սպառի աղջամուղն , վերանայ մութն , դնայ գիշերն , տարագրի տագնազն , չքանան չարիքն , հալածին յուսահատութիւնքն , և թագաւորէ ձեռն քո ամենակար , քաւիչդ ամենայնի :

Բ . Որ ոչ եկիր կորուսանել զմարդկան ոգիս , սյլ կեցուցանել . Թող ինձ զանթիւ չարին իմ բազում տղորմութիւնք , զի դու միայն ես յերկնի անձնա , և յերկրի անզննին , ՚ի տարր գոյի , և յեզրս ծագաց աշխարհի , սկիզբն ամենայնի և յամենայնի ամենայն լմամբ , օրհնեալ ՚ի բարձունս , և քեզ ընդ հօր և հոգւոյդ սրբոյ փառք յաւիտեանս . ամէն :

ԲԱՆ . ԽԻ

ՎԵՐՍՏԻՆ ՅԵՒԵԼՈՒԵՃ . ԿՐԿԻՆ ՀՆԾՈՒԹԵԿՆ ՆՈՒՄԻՆ ՀՅԿՅԵԼԻ
ԱՌ ՆՈՅՆ ԱՂԵՐՍ ՄԵՂԹԱՆԱՅՑ ԲԱՆԻ

Ի ԽՈՐՈՑ ՍՐՏԻՅ
ԽՕՍԻ ԸՆԴ ԱՍՏՈՒԾՈՅ

Ա . Տիւր աստուած գթութեան , փրկութեան և ողորմութեան , քաւութեան և նորոգութեան , բժշկութեան և առողջութեան , լուսաւորութեան և կենդանութեան , յարութեան և անմահութեան , յիշեա զիս յորժամ դայցես արքայութեամբ քո՝ ահաւոր , հզօր , բարերար և ամենատեղծ , կենդանի , գոյեալ , ամենակատար , մերձ ՚ի հեծութի համայն եղերոց : ՚Նդ խաչեցելոյն ընդ քեզ պաղատիմ , որ ոչ լմբռնեալ վասն քո և ոչ կապեցեալ , ոչ կախեալ և ոչ բեւեռեալ , ոչ կռփեալ յանուն մեծիդ և ոչ անարգեալ , ոչ բկեալ և ոչ նշկահեալ , ոչ խորտակեալ և ոչ մահացեալ , և արքայութեանն արդարոց մասին անձկալեաց լուսոյ սրժանի ցուցեալ , իրաւամբք ուխտի երդմեականաւ ամենիւն

ազդեալ զանփոփոխութիւն բարեացն տուելոց, փառաւորեցեր առ յոյս փրկութեան խապաւ լքելոյս:

Բ. Օրհնեալ օրհնեալ և դարձեալ օրհնեալ, և զիս ընկալեալ նովին հաւատովք կանգնեալի կործանմանէս, բարերար . բժշկեալ ՚ի հիւանդութեանցս ախտից, ողորմած . յեզերաց մահուս դարձո զիս ՚ի կեանս, կենդանութիւն . քո եմ և ես, կեցո ընդ նմին, ապաւինութիւն . անձամբ մեռելոյս կենդանական շունչ ընծայեցո, յարութիւն, կեանք, անմահութիւն, անպակաս բարութիւն, անսպառ շնորհ, անփոփոխ ներողութիւն, աջ ամենազօր, ձեռն ամէնիշխան, մատն ամենամերձ: Լրամեաց տէր և փրկեցայց, ակնարկեա միայն գթութեամբ՝ և արդարացայց, ասա բանիւ՝ և վաղվաղակի անարատ գտայց, մոռացիր զթիւս չարեացն՝ և անդստին համարձակեցայց, առատաձեռնեա՝ և արդէն ՚ի քեզ իսկ պատուաստեցայց . փառաւորեալդ յամենայնի յաւիտեանս . ամէն:

ԲԱՆ . ԽԳ

ԱԼԵՐՍԻՆ ՅԱԻԷԼՈՒՅԸ . ԿՐԿԻՆ ՀԵԾՈՒԹԵԱՆՆ ԿՈՐԻՆ ՀՍԿՈՂԻ
ԱՌՆՈՅՆ ԱՂԵՐՍ ՄԱՂԹԵՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍԲ ԸՆԴ ԱՍՏՈՒԾՈՅ

Ա. Ի ԺԸԿԱԿԱՆ կրթականութեան ամենափորձ հնարաւորութեամբ պատճառ կենաց անախտականաց, թաղաւոր զօրաւոր երկնաւոր՝ տէր Յիսուս Բրիստոս . աստուած ամենեցուն, իմանալեաց և տեսականաց . ահա դու ՚ի յիս ըստ մարգարէին՝ որ ընդ ասելոյն՝ նոր կցորդութեան, առ որ բարեզարդ դաշամբ այս բանի ընդ քեզ միութեան, լուսաւորեցայց կրկին ողջացեալ շնչով և մարմնով, ամենայնիւ կարող և անվանելի:

Բ. ՈՐ ոչ կարօտանա սպեղանեաց առ պատրաստութի պատանաց հոգեկան վիրաց, ոչ ժամանակի, ոչ միջնորդի, ոչ աւուրց երկարածգութեան, ոչ փոփոխ մատուցանելոյ, ոչ հատման, ոչ խարման, ոչ սրագործութեան, ըստ երկրաւորս դեղատուութեան, առ որս միշտ է վրիպութի և ամենասխալ տարակուսութիւնն: Այլ քեզ արարչիդ հոգւոց և մարմնոց ամենայն ինչ լուսաւորեալ է, ամ ինչ առաջի է, ամ ինչ գրեալ է, ամենայն ինչ դիւրին է, համայնն հնարաւոր է, իմաստն գլխաւորեալ է, խոստումն լցեալ է, կամելն կատարեալ է, քո կտակն աւետարան է, քո վճիռն ազատութիւն է, քո մատեանն շնորհ է: Այլ փակեալ ես ընդ օրինօք, ոչ պարունակեալ ես ընդ կանոնաւ, ոչ արգելեալ ընդ նուազութեամբ, ոչ խոնարհեալ ընդ հնազանդութիւն, ոչ պարագրեալ ընդ փոքրիկութիւն. ոչ չափեալ ես ընդ սահմանաւ, ոչ վրիպեալ ՚ի բարկութենէ, ոչ այլայեալ ինչ ՚ի ցասմանէ, ոչ սխալեալ ՚ի խստութենէ, ոչ ամբոխեալ ՚ի խռովութենէ, ոչ դժբախեալ յանգիտութենէ, ոչ փոփոխեալ յողորմութենէ, ոչ պակասեալ ՚ի բարձրութենէ, ոչ լքեալ յայցելութենէ, ոչ տկարացեալ ՚ի փրկութենէ: Դու սկիզբն և լուսն ամենայնի, և ՚ի քէն է ամենայն. և քեզ փառք և երկրպագութիւն յաւիտեանս. ամէն:

ԲԱՆ . ԽԳ

ՎԼԵՐՍՏԻՆ ՅԱԲԵԼՈՒՅԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍԻ ԸՆԴ ԱՍՏՈՒԾՈՅ

Ա. ԱՍՏՈՒՅԾ անսահման, ծնունդ աստուծոյ հարազատ անթարգմանելի, արարիչ բնաւին եղելոց, քրիստոս թաղաւոր, լոյս ՚ի խաւարի պատից մթացելոց. ընդ մեզ լրմամբ

և ընդ առաքելից խակութիւն , մերայնովս զքոյնիսդ ծանուցանող հրաշապէս : Հայր քո օրհնեալ երկնաւոր անձառ՝ որ առաքեացդ զքեզ ՚ի վերուստ , ում փառակիցդ ես արարչութեամբ . այնքան հոգացաւ վրկութեան իմոյ տարագրեալ գերւոյ , մինչև զքեզ իսկ մատնեաց մարդկան : Իսկ դու կարող գտով ՚ի վեր քան զվիշտս , զոնտեսուէն աւարտեալ խորհուրդ՝ հաճեցար ընդ պարտացելումս զմահուն ճաշակել բաժակ անթերի մարդկութիւն և անպակաս անութիւն : Եւ հոգիդ սուրբ կենդանարար՝ որպէս քո և հօր քոյ խակակից , և համապատիւ էութեամբ ծնողիդ և ծնկցելոյդ : Սիւ երրորդութի կատարեալ ՚ի դիմաց երկից անորոշելի հատուածոց , անսկիզբն և անժամանակ , բնաւին բարերար , համայն կենդանարար , բոլորից խողաղարար , ստեղծիչ դոյից և յօրինիչ ամենից , անքակութիւն և միով բնութիւն փառաւորեալ :

Բ . Իսկ եթէ հայրն զթած երկնաւոր հօր՝ մին յէութենէ՝ վասն մահապարտիս յանցանաց մատոց զմիայնակ ծնունդդ յանքննին ծոցոյն , ոչ անխայեալ յորդիդ ՚ի համապատիւդ և ՚ի սիրելիդ , այլ կամաւ նուիրեաց մահու չարչարողացն զինու , ըստ մարգարէութեանն Զաքարիայ . վասն զի զարթնուլ սրոյն ՚ի վերայ հովուին , և հարկանիլ նոյն ինքն հօտապետին , և ցրուիլ ոչխարացն հօտին , որպէս օրինակն նուրբ նախադրին և ուխտադրութիւն խորանին և նուիրումն արեան սպանդին և առակ խորհրդոյ սբբա . համեան պատարագին , զվրկութիւն թշուառացելոյս ՚ի կամաց կեցուցչիդ յառաջագոյն նկարագրէր . և արդ հիմտրտմիս անձն իմ կործանեալ՝ ոչ յաստուածուստ հնարաւորութեանց , այլ ՚ի բուժիչ ինքնագործ հակամտութեաց . կամ ընդէր զիս խռովես՝ յուսահատութեամբ սատանայականաւ զմիտս հարեալ . յուսա յաստուած , խոստովան լեր նմա , և նա հոգա վասն քո , ըստ դաւթեան սաղմոսին , և այլ մարգարէի կենսախրատոյն բանի :

Գ . Իսկ յեղանակ խնամարկելոյ հաստողին ՚ի վերէ քան զսահման կշռութեան մտաց հրեշտակաց և երկրականաց .

և եթէ բիւրս կրկնեսցի , ոչ լինի չափեալ . քանզի անբովանդակելոյն և բարերարելն է անձառելի . Աս զի ոմն օրհնեալ զոմն օրհնաբանեալ յերրորդական համագոյութենէն առաքեաց . իսկ նա 'ի հաճութի կամաց առաքչին մեռաւ . և միւսն ահաւոր՝ 'ի յերկուցն հաւանութիւն՝ մեծաջան բաղձանօք մաղթէ : Իսկ համաբարոյ միակամութեանն ցուցակ՝ առ 'ի զնոյն բարի ներդործել , որպէս հողին կենդանւոյն և բանն բանականին , պայծառութիւն փառացն և կերպարան էութեանն : Այս կեանսն փոյթ , առ ողորմութիւն սթափ , առ ձեռնկարութիւնն պատրաստ , առ փրկութիւնն կազմ , առ առատութիւնն յորդ , առ յաճախութիւնն զեղուն , առ անբաւութիւնն լի , առ աննուազութիւնն փարթամ , առ երկայնմտութիւնն ճոխ , առ անհասութիւն բարձրեալ . մի երրորդութիւն կատարեալ 'ի յանձանց երկոց , օրհնեալ յաւիտեանս . ամէն :

ԲԱՆ • ԽԵ

ՎԵՐՍՏԻՆ ՅԱՒԵԼՈՒԱԾ ԿՐԿԻՆ ՀԵՃՈՒԹԵԱՆ ՆՈՐԻՆ ՀՍԿՈՂԻ
ԱՆ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԹ ԸՆԴ ԵՍՏՈՒՃՈՅ

Ա . Եթարդ յոյս բարեաց տնկեալ 'ի սրտի՝ անձն լամ կործանեալ , և դօտեաւն հաւատոց պնդեալ զերիկամանցդ երկակի մասունս՝ զկրկնապղտոր խորհրդոցդ զցանկականիդ գործարան , խոստովան լեր բարերարին աստուծոյ՝ զմտացդ իբրև զգործոց , զխորհրդոցդ իբրև զլլութեանց , զանտեսիցն իբրև զյայտնեցելոց , զսրտիդ ծածկութից իբրև ըզբարբառումն ձայնից , զակնարկութեանցդ իբրև զարգիւնականաց մեղանաց , զազդել շրթանցդ իբրև 'ի զլուխ ելելոց չարեաց , զոտիցդ հետոց իբրև զպատուիրա-

նաւն աստուծոյ վաղորաց, զձեռացդ ձգումն առ ցասումն իբրև ՚ի հեղումն արեան գործողի, զձիժաղէն բնաւին իբրև զկամաւորական լքումն շնորհի, զերդմնականն՝ որ թէ ՚ի հանդէպս թէ ՚ի տարադէպս՝ իբր զգործակցութիւն խաբողին, զամբարտաւանութիւնն իբր զհին կործանիչ նախաստեղծին բարձրութեան, զսրտին նեղութիւն իբրև զթերութիւն հաւատոց, զմեղկութիւնն իբրև զպարտութի գորաւորին պնդութեան, զարտունջն առ վտանգս կրիցն՝ իբր զուրացութիւն ուխտին որ առ տէրն, զսպարասանութիւնն իբր զթոռն իմն անգթութեանն, զամբարհաւաճութիւնն իբր ոչէւբ առ վեհն գոռոզութիւն, զհարատութիւնն իբր զկամակոր հարազատ դատողին չարեաց, զախամայիցն ընդ կամաւորացն, զբռնացելոցն ընդ հաւանականացն, զեկամտիցն ընդ բնաւորականացն, զանօրէնութիւնն ընդ սպաստուածութենն, զխոբուննն ընդ սաստկագունիցն, զնուազուննն ընդ յոյժիցն, զանձառիցն իմոց իբր զձառելեաց դիտողին, զանգրելոց վնասուցն իբր զնկարելոց տեսողին ՚ի յարձան մագննետիս վիմի, զթեթեազունիցն առ խտիր մտաց իբր զստուար ծանրութիւն բեռանց, զննդիր չափոյ ծածկելոցն իբր զճշդով պահանջումն սատերն սակի ՚ի բերանոյ կիտին կորիւնի չորեքդրամեան կշռութեամբն, զանդնդականացն գործոց իբր ՚ի յականջս աստուծոյ արագ ժամանելոց: Օ այտօսիկ յաճախեա կուտեա կրկին յանձնաութեամբ, վերստին պատմեալ աստանօր մեծաւ հեծութիւն զէնոցն իբր զեղելոց, ընծայեալ աստուծոյ զպարտութիւն վաննեցեալ անձինդ. զի ընկալցիս ՚ի փոխատուէն զչնորճօք թողութիւն պարտուց մեղաւորին, զոր տէրն արգարացոյց և հրաշափառապէս հռչակեաց, ամենապատիկ ներբողիւ կրկնեալ զգովեստ զղմանն քան զպարտաւանս մեղացն:

Բ. Վարդեա և զիզեա անձինդ մեղապարտի բամբասանս յորունս գրոյսն խոհերս բազմամասնեայս, անձն խմ կրչտամբեալ յոքնախթանի բանիւ, զչարութիւնն, զանօրէ-

նութիւնն , գլխապուծիւնն , զառ ՚ի մարտին հանդիսէ փախուստ , զպարտուծիւնն , զմոլեղնուծիւնն , զամբարշտուծիւնն , զպաշուծիւնն , զթմբբուծիւնն , զքուէնն արթնական , զառ ՚ի յընթացան զնիրհումնն , զխորհուրդն օտարութի , զբանիցն նանրուծիւնն , զզազրուծեանն հաճուծիւնն , զյամենայն ՚ի նմին , զփափագելն աստուծոյ ատելեացն , զաներկիւղուծիւնն , զանասասուծիւնն , զանհարթուծին , զթերուծիւնն , զթիւրուծիւնն , զլուծուծիւնն , զճշդուին , զանկապ արձակումնն , զծիճաղականն , զվնջողականն , զկատակերդականն , զգայթագղականն , զպատրողականն , զանդէպ քաջուծիւնն , զանյարմար մարտան , զառանց օրինի արիութիան , զխեղդմունն հողւոյն , զտատանողականն զերկչոտուծիւնն , զբազմաստեղնեան ճիւղսն զբահեւտականն , զանպատկառ փարաքմունն , զգժտուծիւնն , զգժղմնուծիւնն , զանդատ ատելուծիւնն , զմարմանջմունն զիւրբբռնողականն , զփոքունցն զանկշռուծիւնն , զխոտամանցն զրժողուծիւնն , զուխտիցն մոռացուծիւնն , զնմանեացն սյլակերպուծիւնն , զկեղծեացն քողարկուծիւնն , զփառամուծեանն մորոտուծիւնն , զյօնիցն յաւակնուծիւնն , զպպիրատուծիւնն , զինքնասիրուծիւնն , զնախագահիցն տենչուծիւնն , զհատուցանելն եղեռնականացն , զնոցինան զանշահաղձատանն , զվայրապար բերմունն , զընթացակցուծիւնն խորամանկուծեան բանտարկութիւնն , զբանին սերմնակաթուծիւնն , զվաճառումն կենացն ընդ զնոց սաստկմանն , զկորուստ աւանդիցն , զհայրենեացն ծախս , զկատարանն ձգողական , զփոկով լծոյ կրնջոց անխզելի ըմբռնամբ զանօրէնուծիւնն , զյարաթաթառ տղմարնակուծիւնն , զլքումն լաւացն , զընթաղրուծիւնն անկարծիցն , զկնի դարձին առնոյն դարձ դաժանական , զնորոգ մտացն , զօտար խորհրդոցն , զանկայուն կամացն , զհաչման հագագին , զէուծիւն շնչոյն , զլեւն քան զսահման կանոնացն դրուծեան՝ զիշխանականին զամենասփիռ բացարձակութիւնն , և զոր չէ ճատելի և կամ զբելի և կամ պատմելի և կամ յերեսս զիմաց բերելի :

Գ.] և արդ զխարդ բժշկեսցիս , անձն իմ եղկեղի , 'ի յայսբանեաց տիգաց խոցոտեալ , բարձեալ թողեալ այր մի տարագիր անողջանալի , ըստ մարգարէին . քանզի մի 'ի վերագրելոցդ բաւականապէս զօրէ սատակման , թող թէ այսբան դասք սպանողաց դժնէից դահճաց շուրջ պաշարողաց :

]] անաւանդ զի ոչ այսու և եթ նմանագրու թեամբ կշռի տարացոց տարժանեցելոցս , այլ զոր օրինակ անթիւ բազմութիւն կայտառաց կարճաց խայթողականաց 'ի ստորին մասունս ծայրից տանոցն զօրհասական թոյնս բերելոց , և յաման մաշկեղէն արկեալ ամփոփէ զելլիցն շաւիղ կապարանին շքափակութիւն , ցուցանի արտաբուստ բարիորդ , իսկ 'ի ներքուստ համբարք չարի և պահեստ կորստեան և կոյտ կսկծման և գործօնեայք սատակման և մշտկք մահու : Արդ այսորիկ են ամբարեալքն . բո անօրէնութեան տաժանեաց թշուառաբիրտն թոշակք , անձն իմ պարտական կրկին սատակման . որ կամաւորաբար ընկալար 'ի բեզ , զոր թշնամին սերմանեաց 'ի վերայ ցորենոյն՝ յաղարակի աշխարհիս . ով այր անմարութ՝ ամբարիշտ և ծոյլ , բնաւին ատեցեալ , սիրողը մտացդ ակորժամբ զլցեալսն ամենայն անառակութիւն , և զոր առաքեալ ցուցանէ զթիւս բանիցն սարսափելեացն կշտամբողաց , աստուստ սկսեալ մինչև 'ի կատար կանոնի այնր պայմանի , և որ հասեալ են , ասէ , յաստուծոյ իրաւանցն վերայ , եթէ որք զայսպիսիսն գործեն և կամ կամակից են , արժանի են մահու : Արդ ես ինձէն զիս ինքն պարտ վարկայ կրկին հատուցման կորստեան սատակման 'ի մահ դատապարտութե . այլ անխայեա յիս ողորմութեամբ՝ բարեգութիւն , կենդանի , հզօր , կամարար , կարող , հնարաւոր , օրհնեալ յաւիտեանս . ամէն :

ՎԼԲՍԻՆ ՅԱԻԵԼՈՒՅԾ ԿՐԿԻՆ ՀԵՏՈՒԹԵԱՆ ՆՈՐԻՆ ՀՍՊՈԼԻ
ԱՌ ՆՈՅՆ ԱՂԵՐՍ ՄԵԿԼԹԱՆԱՅ ԲԱՆԻ

Ի ԽՈՐՈՑ ՍՐՏԻՅ

ԽՕՍԻ ԸՆԴ ԿՍՏՈՒՏՈՅ

Ա. Լ. ՐԴ փրկեալս ես յաւէտ ամենապատիժ , միշտ
դժնեայ վայրենաբարոյ անձամբ անձին մահու կշտամբիչ ,
արածողս զերամակս զազիրս վայրադատունս խողից արօտա-
կանաց դարչութեան մեղաց նախատ վարձկանութեանց ,
հովիւս տածողական զՏօրանս ուլուցն ամայաբնակաց ՚ի
վրանս հովուացն , ըստ երգոյն երգոց առիս առակին . որ ոչ
իսկ ծանեայ զիս երբէք գիտել , թէ յով և յոր պատկեր
և վասն որ գոյացայ :

Բ. Լ. Հա ՚ի յոտս տանողականս կրողաց երկուց միակցորդ
խորհրդականաց , ըստ ձեոյ հրեշտակի կառուցար , իբր ՚ի
թռիչս թեոյ կրկնաբարձ բազկաց վերատանողաց յաշխար-
հն հայրենական հայել , ով յիմար , զիմարք քեզէն կորացար
յերկիր , զաստեացս միշտ հոգացեալ դիպուածս , ընդ ցիւս
անապատականս համարեցար : Իբր զճրագ բազմաբերան-
եան ՚ի յաշտանակի մարմնիդ հաստեցաւ գլխոյդ բոլորու-
թիւն , զի և այսու ՚ի յօրինակէն շնորհէ մի օտարացիս զանձ
տեսանել , և զմնացականացն իմաստասիրել : Բանականունն
յարգանօք կրկին ճոխացար , զի զյաղթանակ բուրմամանու-
թեանն որ առ քեզ եղեն՝ անարգել լեզուով խօսեցիս :
Չեմինդ հաստմամբ յարմարութեան մատանցդ շառաւե-
ղօք՝ զգործնականացն տնօրինել զտնտեսութիւն , իբր կցորդ
համոցեղութեամբ ամենաբաշխ աջոյն աստուծոյ՝ աստուած
կոչեցար : Երից հարիւրոց և տասանց վեցից յօղիւք շար-
կապեցար , յարեալ ՚ի քեզ ընդ նոսին ՚ի նոյն և պատշաճա-
կան մասունս չափոց ազգողականաց հինդ զգոյութեանց ,

զի մի և երևելիդ: նիւթականութիւն քու մի տեսութեան՝
մտացդ դիտման անդատ եղիցի. զի ոմանք ստուարք են և
զօրաւորք, և այլք փոքունք են և պիտանիք, կէսք կարծրա-
կերտք և ազդողականք, են և գողտրականք և պատուակա-
նագոյնք, դարձեալ կարեւորք և պատկառելիք: Կսկ թարգ-
մանութիւնք սոցին տեսութեան Իքեզ են նկարեալ իբր
յարձանի անջնջականի անձն իմ եղկելի. որպէս զի և տարր
ժամանակաց և շարունակ հետեման անուրջն առ պսակ
ամին, իբր կանոնաւ իւրք սահմանեալ մաւաճիքդ՝ անսխալ
և անայլայլելի պահեցի:

Գ. Կարձեալ այլ օրինակ հոգևորական, որ զսիրոյն յօղ-
ուած շաղկապէ Ի մի առ եկեղեցի, քի խորհրդածի. իբր
զի առանց բնաւից զուգամասնութեան կապակցել լծով
հաւանականաւ զվեհն ընդ փոքուն, վնասեալ է հաստուա-
ծոյն անարատութի յանուն Բրիտանի ժողովելոյն. որպէս
Ի հատումն և Ի նուազութիւն միոյ յանդամոցս անարգացս
պատուաստելոցս Ի մարմնի, կրճատեալ իմն է յօրինուած
կազմութեան մարմնոյ քում սենեկի զգայականի, և շրջեալ
է ընտանութի պատկերին յանարգ փոփոխութիւն Կարդ-
այսպիսեօք, և ևս բազմօք անզուգական հրաշակերտութիւն
եղական պատկեր աստուծոյ՝ կշտամբեալ խապառ ոգի իմ
գերի. և թէպէտ յառաջին նմանութիւն կողոպտեալ գտար
պատուիրանին յանցաւորութեամբ Ի դրախտին կենաց, այլ
աւազանին լուսազարդ շնորհիւն զհոգւոյն փշու մն առեալ,
և նմանութիւն ես կերպարանին. և արդ ընդէր կորուսեր
զփառան եւ շաւորս, իբր նախաստեղծն երբեմն զվիճակն
երկրաւոր Առն դարաստանի. ընդէր փակեցեր քեզն
քեզ զերպն, և զկերելիցն դուռն աղիսեցեր. ընդէր խառ-
նեցեր ընդ ջրոյն մաքրութեան զախտ անտասուացդ տար-
ժանութեան. ընդէր զուացեալ զձորձ վերարկութիւն դար-
շելի գործովք զազրացուցեր. հիմ զեղեալ հանդերձին մե-
ղաց պատմուծան սնասակ վարուք քեզ արկեր. ընդէր
զտանողացդ ոտից սրբութիւն ճանսպարհաւն ժանդից աղ-

տեղեր, ընդէր կրկնեցեր իրաւադատին զուխտադանցութի
հին պատուիրանին . ընդէր մերժեցար ՚ի պողոյն շնորհաց,
իբր զԱդամ ՚ի ծառոյն կենաց . ընդէր նենգեցեր քեզէն քո
կամաւ զանստուեր յուսոյն յարակայութիւն . ընդէր պատ-
կառանք անհամարձակելիք քոյին զիմացոյ նպաստեցեր .
ընդէր զինեցար ընդդէմ քո ներհակ, ով ընդունարան խե-
լագարութեան . ընդէր որսացար ՚ի ծուղակ մահու՝ թող-
եալ զարահեան վտահուութեան . ընդէր կարթիւ պատրա-
նաց ամար հաղորդոյ մարմնոյ կենդանարարին : Այլ վե-
րստին յուսացեալ ՚ի նա կարդա նմա ապաւինելոյս, քաւիչ
նորոգիչ վրկիչ կեցուցիչ և կենդանարար, ողորմած խնամող
մարդատէր և անոխակալ բազմագութ, օրհնեալ յաւիտ-
եանս . ամէն :

ԲԱՆՆ ԽԷ

ՎԵՐՍՏԻՆ ՅԱԲԵԼՈՒՄԸ ԿՐԿԻՆ ԼԷՏՈՒԹԵԱՆ ՆՈՐԻՆ ԼՍԿՈՒԼԻ
ՅՈՒ ՆՈՅՆ ԱՂԵՐՍ ՄԱԼՊԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍՔ ԸՆԳ ԱՍՏՈՒԾՈՅ

Ա . Եւ արդ զինչ գոյ ասել ամաչեցելոյս յերեսաց մե-
ծիւք անաւորութենէ, բայց եթէ համրանալ և հող ՚ի բերան
եղեալ լաել ՚ի սրտի, ըստ մարգարէութեանն խրատու, անա
՚ի բարոյն կարկառեալ ՚ի յոյս : Իսկ եթէ զայլ կանս շար-
ժողութեան շրթանցս բացից, բռնադատու իսկ իսկեւ կա-
մեցեալ, գարձեալ զնոյն ձայն կրկնակական եղևորութե
լայեաց բազմութեան խեթ մտացս յառաջագրէ :

Բ . Եւ արդ ողբակից մեծ մեղաւորին անօրինելոյ կամաւ
առ ՚ի մահ՝ զնորին գոչումն երկրորդեցից և ես ընդ նմին .
մեղայ տէր մեղայ, և անօրէնութեանց խնոյ ինձէն վկայեմ :
Էլ սեալ ընդ նմին զբանս յիսներորդի սաղմոսին, անթիւս

գրեմ զպարտուցս սակ անձինս մեղաց՝ քան զհիւղ երկրի հողմահոս փոշւոյ ընդ օդս ամենայն տարածեցելոյ:

Գ . Սեղայ յերկինս և առաջի քոյ, ընդ անառակ որդւոյն պատկառեցելոյ հայրենի գթոյդ վերստին դարձեալ թախանձ արկանեմ. զողորմելին ձայն աղերսանաց արտօսածին ողբովք զոչման ՚ի տխուր դէմս մատուցեալ առաջի քոյ տարածանեմ, հայր գթութեանց, աստուած բոլորից, շեմ արժանի կոչիլ և ոչ բնաւին առ այս անուանիլ, ոչ միայն որդի, այլ և անպիտան ապաքան վարձկան: Վնկալ զտուեալս տարադրական, պարտական վնասուց. և զցաւ քաղցոյս լիկանաց նեղոյս նուաղեցելոյս՝ կենաց քո հացիւդ բժշկեացես: Եր ընդ առաջ քո ողորմութեամբդ ՚ի սկզբնաւորս ապաւինութեան. զգեցո, գթած և անոխակալ, անօրինեալս մեղապարտի զնախակապուտ հանդերձին ծածկոյթ. աւանդակորոյս ձեռացս աղտեղեալ մեղօք՝ զկնիք մատանւոյն համարձակութեան ամենառատ կամօք մատուցես. զգարչապարացս թշուառութիւն մերկութեան ոտիցս՝ պատասգարութեամբ աւետարանական ամրալեռարկու օղիցս կօշկաց ՚ի յօձին թիւնից միշտ ամրացուցես: Ս զուարակդ պարարակի եզինդ երկնայնոյ, որ է միածին որդիդ քո օրհնեալ իսկապէս մարդասիրութբ, կարօտելոյս բարեաց նուիրեա. որ մատուցեալ միշտ և անպակաս մնայ ՚ի լրութեան, յարակայ զենեալ ՚ի սպանդարանի անթիւ սեղանոց անպառութեամբ, բոլոր յամենեւին և բնաւ յամենայնում, և ութեամբ յերկինս և իսկութբ ՚ի ստորինս, աննուազ մարդկութեամբ և անխտուածութեամբ. փշրեալ և բաշխի ՚ի մատունս հայր, զի զհամայնն հաւաքեցել առ ՚ի նոյն մարմին իւրումն զլծոյ. քեզ փառք ընդ նմին, հայր ողորմութեան, յաւիտեանս. ամէն:

ՎԵՐՍՏԻՆ ՅԵՒԵԼՈՒՄԸ, ԿՐԿԻՆ ԼԵՏՈՒԹԵԱՆ ԿՈՐԻՆ ԼՍԿՈՒԼԻ
 ԱՌ ԿՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
 ԽՕՍԻ ԸՆԴ ԵՍՏՈՒՃՈՅ

Ա. ԲԱՐՁՐԵԱԼ, հզօր, անակիզքն, անեղ, անբովանդա-
 կելի, աննիրհելի ակնդ նկատող, ծնող անքննին փառաց մի-
 աճնիդ. իրաւացուսցես զիմն ողորմութիւն հերքեցելոյս ըն-
 դունելութեան առ երկնայինս և առ երկրաւորս: Տօնեա
 զկեալս կորուսելոյս վերնականացն պարերդութեամբ, աւե-
 տարանեա բանիւզ օրհնութեան զկենդանութիւն իմ մա-
 հացելոյս, զբարեբաստութիւն կամացդ յայտնեա դովեալ
 բոլորից դոյից եղելոց, ստացիր անուն քեզ անձառ և ինձ
 թշուառիս նորդ փրկութիւն, կորուսցես զգիր մուրհակի
 մեղուցելոյս ամբաստանութեան, զվճիռ հոգւոյս մահու-
 ջրեացես կայրալօք արեան որդւոյդ սիրելոյ, փտահութիւն
 փրկութեան բարեաց արեամբ Բի. քո նկարեացես, ցոյց զըս-
 քանչելիս քո բարեգթութեանդ ՚ի ճաշ հարսանեաց քում
 հարազատիւ Ս ՚ի փակեացես զիմելոյս առ քեզ զառադաստ
 սրահի կենացդ յարկի, մի տրոհեացես ՚ի բազմականացդ և
 ՚ի բարեացդ քո զրկեացես, մի պահեացես ՚ի գանձարանիդ
 զնիւթեալ իմ պարտուցս անօրէնութիւն, մի կնքեացես ՚ի
 քսակ բարեացդ զզազրութեց իմոց դաւաճելի, մի երկարս
 ինձ զվէր մեղացս ՚ի յախտալից մարմն, կեացես, մի
 զփտութի նեխութեան ցաւոցս ինձ տնկակից մահու մնա-
 ցուսցես, այլ բարձ բանիւ քոյդ ողորմութեան զժանտու-
 թիւնն ապականարար, որպէս զի զստեալ ՚ի հիւժմանց ախ-
 տից՝ առողջութեն պատրաստեցայ. հնարաւորեա, գթու-
 թեանցդ հայր, մեճ խոյուածոյս զօրեղ սպեղանիս, կարեօր
 կործանմանս՝ բարի այցելութիս: Օ ՚ի քո եմ, տէր ողեսէր:

Թէ և առ մի նուազ բիւրս մեղիցեմ, բայց ոչ գրեցայց համայն մեղուցեալ, տուիչ կենաց իմոց բարերար, ՚ի շնորհ պարգևաց կենաց քոց ապաւինեալ. զի ճանաչելի զքեզ բովանդակ արդարութիւն է, և զիտել զզօրութիւնդ քո՝ արմատ անմահութեան, որպէս և կանխաւ իսկ գրեաց իմաստունն. և դարձեալ՝ տիրելի քո, ասէ, ամենեցուն, ինայել տայ քեզ յամենայն. և դարձեալ, մօտ է քեզ յորժամ և կամիս կարող գտանել:

Բ. Մ. յս սողմանի յուսոյ աղերսանք իմոյս առեալ տիպ. քանզի ոչ այլ որ բազմամեղ որ քան զնա ինձ զուգաշաւիղ. երբեմն որդի, ապա ստելի. երբեմն միջնորդ խաղաղութեան աստուծոյ ժողովրդեանն, և յետոյ խտրոց որոշման բազում խռովութեան. երբեմն օրէնք կենաց կացեալ, և յետոյ մուրհակ մահու հաստատեալ. զերկնաւորին պաշտօն ընդոտնեալ, և զօտարին անուն ծանուցեալ: Մնապատճառօցտող, անկարօտ զրկող, անսովելի դող, գրգեալ տրտնջող, փափկայեալ փախստական, սեղանանենդ սարտուցեալ, անպատասխանի վնասապարտ, քաղցրասնոց հայհոյիչ, զաւակ հայրատեաց, կտակարանացն մատնիչ, Մովսէսի չարախօս, մոռացող երախտեացն, իմաստուն սխալական, ամենադէտ յանցաւոր, ամօթապարտ զղջացեալ, տարակուսեալ աշխատող, աղաչաւոր կռապաշտեալ, յամբային դարձաւոր, կաղակարծ ընկալեալ, կասկածաւոր հաշտութիւն, յապայտ յիշատակ, յերկբայս փրկութիւն, չաւատալի գիւտ, ՚ի մասմնացուած. խարդաւանեալ գերի, կիսակտուր պրծեալ, կամաւոր անձ իտն, տմարդի յղփացեալ, բազմավրէպ հանձարեղ. Ս. յցս բանից երկեակ որոշմանց՝ ամենայն ուրեք բանս լուսաւ որբոց և ձաղանաց, մեծ պարսաւ և փոքր գովեստ՝ իբր ՚ի վերայ ինքնագրաւ կորստականի, երգիծանութիւն խառնեալ ընդ աշխար. բան նորա թելադիր բարդաւաճութեան ամենայն հասակի, և խոտորումն նորին ՚ի շրթունս բնաւից թառանչ թախճութեան ողորմելիս իմն ազդեալ:

Գ. Օ արմանամ, վհատիմ տարակուսեալ ապշու թեամբ, զի թէ նա այնքան զթեաց, ինձ զի՛նչ պատուեացէ. զիա՞րդ անկաւ ամբարձեալն, զիա՞րդ շատանեցաւ հաստատեալն, զիա՞րդ կործանեցաւ կառուցեալն, իբր օտար դու ծանուցեալն, զիա՞րդ զակատեցաւ զաւակն բարոյ թեան, զիա՞րդ սրացաւ մերձաւորն, զիա՞րդ աղօտացաւ վայելեցեալն, զիա՞րդ պատանդեցաւ ազատեալն, զիա՞րդ անօրինեցաւ ռւսուցիչն, զիա՞րդ նուաղեցաւ հաչակեալն, զիա՞րդ անարգեցաւ փառաւորն, զիա՞րդ փոքրկացաւ մեծատունն, զիա՞րդ ամբարըշտեցաւ բարեպաշտն, զիա՞րդ ամբարհաւաճեցաւ ընտրողն, զիա՞րդ ունայնացաւ պատարունն, զիա՞րդ կտրեաց զուխտն որ ընդ բարձրելոյն: Պատկառեմ ասել, թէ և ընդ սանդաւրամետականին կապեցաւ. զի՞ կայր նորա և կռոց, ուստի սէրն ընդ պատկերաց, վասն էր կամքն ընդ խորանաց. զիա՞րդ ոչ յիշեցաւ յանդիմանութիւն Սամուէլի առ Սաւուղ եղեալ, հմայք, ասէ, մեղք են, և ցաւս և աշխատուի ածէ թերափի ՚ի վերայ. զիա՞րդ ոչ հայրենի յանդիմանութիւն, կուռք, ասէ, հեթանոսաց դէք և անշունչք են, և նման նոցա լիցի՞ պաշտօնեայք նոցա: Տէր միայն ածէր զնոսա, Մսխէս եախադրեալ յառաջաձայն ձաղանօք սաստիկս իմն ամբաստանէ, ոչ էր ընդ նոսա ասէ աստուածս օտարոտիս, զոր ոչ ճանաչէին հարք նոցա: Ո՞ւր է մահամատոյց այլազնեայ արձանն Փագովլայ, ո՞ւր տղեղն և անպանծալին Սիդոնացւոց իգական ամենանզով ձուլածոյն, ո՞ւր կանացի կերպին սնդրելին խայտառակութիւն զազիր տեսակին, որով ամօթոյ մարտրէքն զանանօրէն դիմեցումն անխտրալէ՞ զկանուն չարութեան անթուժկալ դիւին անսճախաւ: Եթէ՞ ալ մոլէին: Տարբւ զէութիւն բարեբաստութեանն ՚ի կէտխնին որաց ՚ի կորուստ, յաղթեաց մեծութիւնն իմաստիցն առաւելութեան, գերեաց գոռոզութիւնն, յիմարեցոյց փափկութիւն, վանեաց արծաթն ծառայեցուցիչ, յողի դատեցաւ զայրն տօնելի հին զէնն կործանողն, ՚ի դրկացն աստուծոյ հանեալ ՚ի յոսս ստամբակին զթեցոյց, մեռչոց մեղկութիւնն,

հանդերձ և որ 'ի նմա են անբաւութիւնք, ոչ բարձրացար յօրինամբ այսքանեօք վեհիւք՝ որչափ առ իմն կարեկցու-
թիւն, յասեղն քո սուրբ մարգարէիւն՝ քաղցրութեց յուսոյ
բարութիւն, ո՞վ է աստուած իբրև զիս կարող թողուլ միշտ
զմեզս և ջնջել զանօրէնութիւնս: Ահա արդ խնկեալ են
բանք քո, ողորմած, և խոստովանեալ բարերարութիւնք,
փառաւորեալ խորք խորհրդոցդ, և երկրպագեալ զեղմունք
շնորհացդ:

Բ. Արդարև ոչ որ բաւէ յեկցս թարգմանել խօսիւք
նիւթական լեզուի 'ի մասանց այտի քումդ գթութեանց
զոր առ իս ցուցեր, յօրինիչ. քանզի և մեծ իսկ է զօրութի՛
զհնացեալն անդրէն նորոգել ըստ առաջնումն պայծառու-
թեան, քան յանգոյից ստեղծագործել: Աւ զի ոչ է քո
տկարութիւն, որ զօրութիւնդ ես ամենայնի, առ որ բան քո
միայն ազդեալ՝ զլրութիւն գործոցն գլխաւորէ, ահա յա-
րիցես փառաւոր լինել, բարեգործ, 'ի ստացուածս այս կրկին
անյուսալի փրկութեանս. զի իրաւամբք ուխտի բարձրացի՛
հաստատուն եղեալ մեծապէս օրհնաբան աւետեաց քո
ձայն 'ի քաւելոյդ շնորհ ծանուցեալ, ողորմութեան լուսովդ
ուղերձեալ, քան 'ի ճանապարհ ստեղծանելոյն: Օ ի առ-
մինն արարիչ միայն ճանաչիս, իսկ առ միւսն՝ առաջնով
կոչմամբն և երախտաւոր. ընդ կերպացուցանելոյն և քաւիչ,
ընդ նորոգելոյն և բարերար, ընդ հաստելոյն և ողորմած,
ընդ կազմելոյն և հնարաւոր, ընդ յօրինելոյն և հեզ, ընդ
նկարելոյն ամբողջօր, ընդ առաջնորդելոյն և լուս, ընդ տա-
ծելոյն հովիւ, զարմանելոյն խնամիչ, զոր ողջ պահելոյն
բժիշկ, ընդ զլրութեան զօրալար, ընդ անպարտութեան
թագաւոր, արարչութեանն քաղցր, ընդ ամենատուր
պարզեացն առատ, ընդ միշտ անսալոյն ներող, ընդ ոչ բար-
կանալոյն անոխակալ, ընդ կարեացս վշտակցելոյ ծածկա-
գէտ, ընդ յանձանձելոյ գթոցն ապաւէն, ընդ գերունակ
գորովոյն աստուած, ընդ անսպառ բարութեանն՝ օրհնեալ
յամենայնի:

Գ. Արդ որպէս ստեղծեր մինչ ոչն իսկ էի, և ծանուցար ինձ գոյացուցիչ, և այժմ զհոգի մաղթողիս մարմնոյս տալաւարաւ յարդարեա անդրէն վերստին յանարատութիւն մաքուր սրբութեան նախնի լինելութեանն . զի բազմացի առաւել աճեցուն եղեալ յաճախ տուչութի անսահմանելի քոյդ սքանչելեաց նորոգ ներկայիս, քան զանցելոց հնոցն ստուերականաց, և ընդ ճառելոյս զթիւս մեղացս՝ որքան մտացս թեւս ընթանայ զանբերելիսն յիշատակել, արդարացայց յանուն քո հզօր, և ՚ի պատմելս ինձէն զանձին խնդրի՞ծ, և դու թողցես զամբարշտութիւն բազում մեղանաց խոստովանելոյս, հզօր, ծածկատես, ամենափրկիչ . զի մի ծայրագոյն լրութեամբ աւետեացս, դարձեալ նախնու մնկարօտացայց՝ երանելով սաղմոսիւն զչնորհօք փրկեալսն մկրտութեամբն . և փշովք մեղաց յոգի խոցոտեալ, ձեռն քո մխեսցի յիս առաւելապէս այժմէն վերստին, ծանրս առնելով զբեռն պարտեացս քան զբաղցրութիւն պարգեացոյ, այլ ազատեա զիս օրհնաբանեալ հոգւովդ սրբով, աղաչեմ զքեզ՝ տէր ամենայնի, յօրինաց մեղացն և մահու: Վաւ լիցի, թէ անկցի ընդ տկարութեամբ սահմանաւ ճշմարտութեանդ ծաղումն իբրև զգրոյն օրինակ . քանզի ուր քաւութիւն է թագաւորեալ՝ վտարեալ են մեղք, և ՚ի խրախոյս կենդանի բանիդ՝ ոչ է յուսահատութիւն, և ամբարձեալ քոյոցդ շնորհաց՝ հալածեալ են պարտիքն, և մերձ գորով ձեռնիդ աստուծոյ՝ ոչ գոյ անհնարութիւն, այլ ամենն ին լուսաւորութիւն, բովանդակապէս՝ արութիւն, անպարտելի կարողութիւն: Վո է փրկութիւն, կենդանութիւն, նորոգութիւն, ողորմութիւն, մի և քաղցրութիւն, արբայութիւն, անեղծութիւն և գոռք յաւիտեանս . ամէն:

ԲՆՆ · Ծ

ՂԵՐՍՏԻՆ ՅԱՒԵԼՈՒՅԾ ԿՐԿԻՆ ՀԵՃՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԵՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ
ԽՕՍԻ ԸՆԴ ԱՍՏՈՒԾՈՅ

Ա. Եւ արդ, քանզի որպէս ոչ է առանց Քրիստոսի նոյն
ողունոց փրկութիւն, և ոչ առանց տեսման աչաց՝ առ լոյս
զուարճութիւն, և կամ առանց արուսեկին նշուլից արևու
երբէք քաղցրութիւն, այսպէս և ոչ առանց խոստովանուե
ծածկութից և սողտանաց անձին՝ քաւութիւն: Օ ի զինչ
օգուտ քեզ է մարբութիւնդ, եթէ ընդ փարիսեցւոյն դա
տեսցիս, և կամ զինչ մնասեսցեն զիս պարտիքս, եթէ ընդ
մարսաւորին գովեցայց, և կամ ո՛ւր ասի պարսաւեալ մար
գարէն Յովէլ՝ երիցս կրկնելով զանձինն եղկութի, և կամ
զի՞ գուցէ սրբոյն դատաստան առ ՚ի յիշատակ աւուրն մե
ծի, և կամ իբր արդեօք անմարբ իմասցի շրթամբք Եսայի՝
հեռին ՚ի գործոց տանն Խարայելի, և զիմորդ ւճ պարտաւոր
պաշտի աղամեան մարմնովն՝ իմոյս կարեկցեալ յանցաւո
րապէս առ հայր ազօթել, և կամ յորս թարգմանի աաած
առակին, թէ սիրտ իմաստնոյն ՚ի տան սգոյ, և սիրտ անմտին
՚ի տան ուրախութեան: Օ ի որ զսխալելն Աղամայ անձին
իւրում ոչ գրեսցէ, և զմեզս ամենից ինքեան ոչ համարես
ցի, իբր երժա՞ն արքայից զհարցն, կորոյս զիւրն արդա
րութիւն՝ ոչ յէս օխտակիր գոլ բնութեւ. և ոչ բերկրի
սիրտ առ զուարթութիւն երեսաց աւետեօք յուսոյն, ըստ
ասացելոյն, եթէ ոչ յառաքելոյն Քրիստոսի ուսեալ՝ ամե
նայնիւ ահա ըստ աստուծոյ տրտմեսցի:

Բ. Եւ արդ ըլլալի է ինձ յաւետ աստանոր խրատն հին՝
նորոգ ընկալեալ հոգևոր հանձարեղին, զոր տէրն իսկ
երկրորդեաց, երթալ նստել ոչ յառաջին բարձին հպարտից

ընդ ամբարշտացն նանրախորհուրդ ժողովելոց, ուստի Դաւիթ և Երեմիա ուխտիւ կանոնի սահման հաստատեալ հրաժարեցուցին, այլ ընդ զըջացեալսն սրտիւ պատկառեալսն մեղօք՝ և ՚ի դատաստանաց մեծին պակուցեալ ահիւ հատուցմանն, յետնոցն հաւասարեալ աստէն ՚ի յերկրի կամաւ խոնարհութեան, ուստի բարձրեալն աստուած պարարեալ բերկրի . որով ընդ նախադասեալսն ՚ի բազմականսն երանութեան համարձակեցայց, թէ ես և թէ նա հետեւեալ սովիմբ: Առ որ զերծեալ ՚ի բամբասանաց բանի մարդարէին, որ ՚ի վէսս ոմանս ակնարկի . մի յիս, ասէ, մերձենար . մարբուր եմ, և ո՞վ զիս տեսանիցէ: Այլ զանկշիւն խոնարհութիւն երջանկին Դաւթի ինձ նպաստ առեալ ասել ընդ նմին, ես իբրև զանասուն համարեցայ հերբեալ ՚ի ըզդայութենէ, և հասին չարիք ինձ շուրջանակի . և նեխեցան և փտեցան վէրք իմ ՚ի յանդգամիս անբժշկութիւն, և զայլոց ոմանց ընտրելոց ՚ի յԱսորեստանի՝ զկամաւորն կշտամբութիւն մեղապարտութեան անձանցն անարատից . ընդ որս և զԵզրի մեծի քահանայի զասելն՝ ես ինձէն առեալ բարբառիմ, թէ և ոչ զերեսս բաւական իցեմ համբառնալ ՚ի վեր առ քեզ աստուած:

Գ. Արդ ես ճշգրիտ պատկեր ամենայն երկրի՝ զիմս խառնեալ ընդ նոցին պարտիս, և ՚ի նոցայոցն զառիս դաւնութիւն կրկին առաւելելալ, նորօք հեծեծեցից . թէ պէտ և չէ ինչ պիտոյ դարչութեան դունոյ՝ դարձեալ տգեղութիւն: Ահա արդ մեղայ, զի անմտութեամբ դործեցի զոչ հաճոյսն քո բազմօք սխալեալ յանցաւորութեա . . նայեա յիս, գթած, որպէս երբեմն յուրացութե . մք նեալ Պետրոս, զի յոյժ ունայնացայ: Սուսաւորեա ըստ շողորմութեդ քո ձառագայթ, ամենեկին բարերարութիւն . զի ընկալեալ զօրհնութիւն քո, տէր, արդարացայց կեցից և մարբուր եղէց յանտեղծ իցն քո իմոց ըլկողաց: Առնիմ համարձակութի զմեղապարտ ձեռնս հաստուած առ քեզ տարածանել, մինչև մատուցես զօրհնեալդ քո զաջ ՚ի նորոգութիւն դա-

տապարտելոյս: Արդ յաղթեա վերստին խնումս յամառութեան քոյին հեզութեամբդ առ իս ժամանեալ մարդասիրապէս . և զամենայնն յամենայնի ամենայնիս քո կարողութեամբդ՝ զառաջին չարիսն միջնովքն և վերջնականօքն թողինձ, հնարաւոր անհասից Քր թագաւոր լուսոյն արդարոց:

Դ. Անմ արժանի յիշել զանուն քո օրհնեալ, զի վնասակար եմ բարեգործիդ մահու հարուածոց առ կնիքն, առ շնորհն, առ փշումն, առ պարզւեն, առ աւանդն, առ ձիրն, առ անունն, առ որդէգրութիւն, առ պատիւն արքայական, առ պատկերն, առ դրոշմն, առ օծումն, առ ճոխութիւնն, առ համարձակութիւնն, առ ընտանութիւնն, առ կեանսն, առ լոյսն, առ երանութիւնն, առ յոյսն, առ փառսն, առ անխոնարհելի բարձրութիւնն, առ պսակն անկապտելի, առ խոստմունսն ծածկեցելոցն, որ քեւ տէր Քրիստոս, բազմօք աւետարանեցաւ ինձ յամառելոյս իժիս և քարբիս՝ ունկնախից և լսելափակ անլուր ականջացս. որ միշտ յառաւելութեան քումդ բարութեան յոքնապատիկ յաւէտ քան զսոյն չարիքն իմ յաճախեալ, իսպառ կործանեցին, մերժեալ ՚ի կենաց ընդ մահ կապեցին, ծառայ կարդեալ ապականուէ: Աւ արդ դու միայն իրաւակշիռ և ճշմարտադատ բարերար՝ օրհնեալդ ՚ի գթութեան, մեղայ քեզ անօրինեցայ անիրաւեցայ . վասն որոյ և եղծայ զեղծայ յանցեայ ամբարշտեցայ. և ոչ լուայ խոստովանեալ և երկրպագեալ գովեալ քո բանիդ, որ դու իսկ երևեցայր անձառելեալ քո սիրովդ, զոր գրելն իսկ մեծ է, և նշանակելն սարսափելիս: Քեզ արդարութեւն փառս և մշտնջենաւոր գովութիւն, և ինձ պատկառելի տուր քե՛ն, ինամակալ, քաւութիւն և ողորմութիւն և բժշկութիւն, օգնութիւն և պահպանութի սրտի և ոգւոյ . բարեբանեալդ յամենայնի յաւիտեանս . ամէն:

ԲՆՆ · ԾԼ

ՎԵՐՍՏԻՆ ՅԱԿԵԼՈՒԵՑ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՄՐՏԻՅ
ԽՕՍ-Բ ԸՆԴ ԱՍՏՈՒԾՈՅ

Ա. Եւ արդ առ երկրաձիւն որ պաղատեցայ այրս մա-
հացու ամենապատիր , եթէ ընդունայն է աղաղակելն . առ
մահկանացու բանական , եթէ սուտ իցէ փրկութիւնն առ
յուսոյն վստահութիւն . առ մաւրդ որ եղծական , եթէ ընդ
տկարութեան բանին և նանիր է զօրութիւնն . առ իշխանս
երկրաւոր գահից , եթէ անցաւոր է ընդ ինքեանս և իւր-
եանցն բարութիւն . առ եղբայր որ հարազատ , եթէ կարօտ
է կամեցոյն առ անձինն անգորրութիւն . առ հայրն իմ երկ-
րաւոր , եթէ պակասեալ են խնամականքն ընդ աւուրց նը-
ւազութեանն . առ մայրն իմ որ երկնեաց , եթէ կասեցան
գթութիւնքն ընդ նահանջել կենդանութեանն . առ թա-
ղաւորութիւնս աշխարհի արդեօք , որք զմահացուցանելն
միշտ արուեստաւորեն քան զկենագործելն . այլ առ քեզ
բարերար աստուած օրհնեալ ՚ի բարձունս , որ կենդանի ես
և զկենդանութիւն տաս ամենայնի , որ և յետ վախճանին
զօրես անեղծապէս նորոգել :

Բ. Ար եթէ փախնումք ՚ի քէն , դու զկնի ընթանաս . եթէ
տկարանամք , զօրացուցանես . եթէ վրիպումք , շաւիղ դիւ-
րութեան ուղղես . եթէ պատկառիմք , յալերես . եթէ
ախտանամք յանձն և ՚ի մարմն , բժշկես թէ բարշանամք
մեղօք , մաքրես . եթէ ստեմք , քո ճշմարտութեամբդ ար-
դարացուցանես . եթէ յանդունդս ներքինս սուղեալ զլու-
րիցիմք , յերկինս ցուցանես . եթէ ՚ի կամաց մերոց ոչ դառ-
նամք , դու դարձուցանես . եթէ մեղանչեմք , ողբաս . եթէ
արդարանամք , ժպտիս . եթէ օտարանամք , սգաս . եթէ մեր-
ձնամք , տօնես . եթէ տամք , ընդունիս . եթէ յամրանամք ,

երկայնատես . եթէ մեք ժխտեմք , դու առատապէս շնորհեալ ընձեռես . եթէ լքանիմք , տրտմիս . եթէ արիանամք , խնդաս :

Գ . Որպէս հարիւրորդ երկրորդ սաղմոնն օրհնաբան հրաշաւորական զվհատելոյս զսիրտ սիրովի , և մեծ յոյս կենաց աւետարանէ առ փրկութեանն հանդէս . որ յաղթականն է դիւաց և տարակոյս բանասարկութիւն . որ իբր զխաչին տէրունի նշան բարեբաղդ պանծալի սքանչելափառ , անխոնարհելի բարձրութեամբ լուսոյ և անպարտելի վերնոյն զօրութեամբ կանգնեալ է ախոյեան անվանական և անշարժական ամենայնիւ յաւիտենական ընդդէմ անբարի բարուց բռնունն թելիարայ , որ ունի յինքեան զանձս հոգևոր օգտից գիտողաց մտաց ընծայեալս զպարտումն մահու և զլուծումն մեղաց , և յոյս կրկինս յերկուս յաւիտեանս , և զնորոգումն խոստման անեղծութեան արդարոցն , կանոնս բարեհրաւէրս և կենդանատուրս գրեալս հոգւովն աստուծոյ . որպէս նամ իսկ երգ Սաղմոսացն մաքուր սրտից է տեսանելի կտակ կենաց մարդկան նկարեալ :

Դ . Օ ի եթէ ՚ի նախնումն տկար կերպարանն զայս աւետիս և վստահութիւն ընդգողեալ ունէր՝ կործանման մահու նախաժաման մեծ աւետադիր և կեանս երկնակրօնս վերնակենցաղս միշտ անձառելիս , և այն՝ ջնջական գիրն և յեղանակաւոր օրինակն , և պաշտօնն դատապարտիչ վհատութեան յանցաւորացն , և խափանելի կտակն երկրային , և տկար հաշտարարութիւն միջնորդացն , և թերութի բանից մաղթողացն . Այր զի թէ Մանասէի փրկութիւնն խոստովանելի է անտուտ վկայեալ յետ այնքանեաց մեղանաց անբժշկականաց , որ արեամբն արդարոց ելից զնուիրեալն մեծի թագաւորին հրաշանուն . քաղաք հայրենի , ըստ մարգարէադիր անսուտ պատմութեանն . որ և զմեծն իսկ տեսանողաց բազմերախտիս ձեռնկալութեան խնամորդիւնն պաշտպանութեան նախնակերտ յարկին տեսչութեւն , մանկալարժ ինքեան և նախնի , մեքենայիւ մահու սրբեաց , ՚ի

յերկուս մասունս խղեալ դժնդակ տանջանօք մաշեաց, իբր խորհրդով ապատամբութեան զյուսոյն վրկանակ կտրեալ լ'ա որով զչար յաւելուածն մոլեղնական՝ զբրէական վերնամարտութիւնն ՚ի բարձրեայն յանդգնութիւն. քանզի ոչ պատկառեաց երբէք զստեղծողին պատիւ և զանուն յիւրաբնակ խորանէն մերժել. հալածեալ զաստուծոյ հոգին, Բելիարայ զանձն դաւանեաց: Քանզի զնոյն տաճար տիրական խնկարկութեան հաստողին սահման՝ հռչակաւորն երկրի տեսարան՝ զսարսափելին ազանց սրբարան, ուր տեսիլք հրեշտակականք և աստուածային հրամանք յաղթողականք լուսաւորապէս յայտնութեամբ ազդեալ երևէին, զայն վայր երկնանման ահաւոր սքանչելատես՝ Քլանայ ումեմն քառադիմակի նախանձարկու պատկերի աւերածոյն անապատի պաշտօնետեղ գարշելի և դիւաձենձեր զոհարան պատրաստեալ կազմեաց: Օրկեալ զարքայն երկնաւոր ՚ի յարքայականն կայից, զամենահարուստն՝ ունայն ՚ի ստացուածոց իւրոց, զտանուտէրն՝ անհանգիստ և թափառական տատանեալ, Բէեղզերուղայ ձեղուն նկարեալ, և զանունն ահեղ վտարանդի արարեալ. գերի տարեալ զաւանդ գովելոյն, ողբալի զողորմածին մասն նուազեցուցեալ. աղուեսուն փոքու ապարանք զսրահն լուսոյ կարգեալ, և բնաւից ունողին և ոչ գլխոյն տաղաւար յիւրայոցն եղեալ. հատեալ զցանկ հզօրին, բախտից հմայից զսեղանն մեծախորհուրդարեանն սրակման երևեցուցեալ: Այնեալ հետս բազումս ընթացելոց ՚ի դայթակղութիւն, հովիւ կորստեան հօտին սատակման, մոլորութեան բուռն վարդապետ, և այն՝ գիտութեամբ կրօնիցն օրինաց, հայր ունելով զմեծն Եզեկիա զնմանակիցն Դաւթի:

Ե. լ'յերան ստացեալ գտմունս չարեաց, որ և զաստուծոյ պատիւն որ զարքայութեանն փառս ընծայեաց նմա, հայհոյեալ և թշնամանեալ, և զաղօթկերայն բազմութիւն սուսերաւ մահու խողխողեալ լ'նտանի դաւաճան, մերձաւոր վասնից, հարազատ սատակից, կցորդակից սպանող:

Աստուած ոչ գոյր դասնալ, զի ուրացեալ էր զնա . զԱբրահամ ոչ էր յիշել, զի խորթացեալ էր ՚ի նմանէ . Իսահակաւ ոչ էր աղօթել, զի նզովեալ էր ՚ի նմանէ . Իսրայելիւ ոչ էր պարծել, զի տարագիր էր անուան կոչմանն մեծախորհուրդն շնորհի . զգաւթեան երգ ոչ էր նուագել, զի կշտամբիչ էր նորին . ՚ի քաւարանն ոչ էր մերձենալ, զի պղծեալ էր զնա . ՚ի տապանակն աստուածագիծ ոչ էր ապաւինել, զի ընդ դարչութեան ձուլածուին էր փոխանակեալ . առ Մովսէս ոչ էր կարդալ, զի անբաւելի էր պարտիքն որ առ նա . առ Ահարօն ոչ գոյր աղաչել, զի վնասապարտ էր առ նա . առ մերձաւոր մարգարէիցն դունդ ոչ էր զիմել, զի սպանող էր նոցա : Եւ նորա քաւութիւն մեղաց, և արքայութիւն թագաւորութեան վերստին պարգևեալ տուաւ . զի քեզ, բարերար, բազմացուցես կարգեսցես գովեստս անձառս և անլուելիս ՚ի յազգս տոհմից և ՚ի դարս ժամանակաց, և զդուռն յուսոյն մտից անփակելի պահեսցես ՚ի փառս քոյդ բարձրութեան և ՚ի փրկութիւն դատապարտելոյս, անմահութեց պարգևաց տուիչ Քրիստոս, գովեալ յաւիտեանս . ամէն :

ԲԱՆ • ԾԲ

ՊԵՐՍՏԻՆ ՅԵՒԵԼՈՒՄԻ ԿՐԿԻՆ ԷԷԾՈՒԹԵԱՆ ՆՈՐԻՆ ԸՍԿՈՂԻ

ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

Ի ՕՍԻ ԸՆԴ ԱՍՏՈՒԾՈՅ

Ա . () ՐԸՆԵԱԼ տիրաբար ՚ի քումից էութեան, անսահմանելի և անփոխադրելի իսկապէս բարի, պաշտօն խնկելի, և երջանկութիւն խոստովանելի ամենայն երկրի, և երկայն յուսոյ ամենապատրաստ տեսութիւն, զթած ողորմած, որ ոչ պահես ռիս բազմութեան ամայ մեղանաց քթթել մի

ական, որ հրաշաւորս զարմանալիս դեր քան զամենայն ազինս նախնեացն անսահման առաւելութեամբ կրկին ընդ միոյ հաճեցար հեղուլ զողորմութեան վերնահոս վտակս ամենախնկաւորս ՚ի շնորհաբաշխութեանս նորում: Եւ զանտուստ զմուտս լուսարանի պատուհանին անձկութե նշուղիցն աղօտականաց, չափով գիտութեանցն ըստ Սողոմոնի, և իւր խի նմին և ինձ ընդ նորին բացեր ընդարձակեցեր թշուառացելումս զառագաստն անջրպետարան ելիցն ողորմութեան ձրի պարգևացն սատուածականաց. զոր ընդ մէջ իմն մասնաւորօք աւետաւոր յիշատակաց և ՚ի հնումն զայսր տպաւորութիւն օրինակաւ նկարագրէր, զդարձարութն առ իս և ես դառնամ առ ձեզ. և յորժամ դարձցիս և հառաչեցես, յայնժամ կեցցես. Նա զի և զաղջամղջին սեռութի գունոյն փոխարկել ՚ի ձեան պայծառութիւն, և զբրանցն արեամբ ներկելոցն յեղանակել ՚ի պատահումն գեղման, ըստ Եսայեայ և Չաբարիայ, և ՚ի մէջ բարկութեն դարձեալ զոյգ զողորմութիւն. քանզի անապատանալ քաղաքացն Իսրայէլի և դարձեալ բնակիլ, և ճանապարհացն ամայի լինել ՚ի չգոյէ մարդկան և անդրէն հետեիլ, և լքանիլ ՚ի սոլոյն ոգւով և դարձեալ զօրանալ ձեռամբ, և գնալ ազտուծոյ ՚ի տեղի իւր զայրացմամբ և դառնալ ողորմութեամբ, ըստ ներողութե գելսն, և ՚ի մէջ սաստիցն սպառնալեացն կրկին պաշտպանութիւն, և ՚ի սրտին խռովութեան յուզումն խնամոց գթութեան:

Բ. Լ. յ մարգարէիցն ձայն խնկելի, որ զօրհնեալդ քո դալտեան զազատարարդ հրաման կանխաւ ազդէին, և զոր չէ բանիւ նիւթեղէն լեզուի ընդ թիւ արկանել վասն անբաւութե, փոքունք են և նուազունք օրինակք և նմանութիւնք, հինք և ժամանակաւորք առ աւետեացդ քո յայտնութիւն և խաչիդ փրկագործութիւն: Ար յամենայն վայրի կառուցեր զխորանն վկայութեան արեան քո ուխտի, որք մեծաբարբառ միշտ աղաղակեն քան զպատակինք մահուն շարելի զյաղթանակ բարեաց քումդ հանդիսի,

կենսա կրկինս և անմահականս շնորհաց, մկրտութեան, յա-
րութեան, նորոգութեան, առ քեզ ընտանութեան, ընդ-
հոգւոյդ սրբոյ մութեան, քաւութեան, ազատութեան,
լուսաւորութեան, մշտնջենաւոր մաքրութեան, իսկապէս
երանութեան, ընդ վերնայնոցն կցորդութեան, անկապուտ
փառաց, ՚ի շրթունս մեր ձայնիւ բարձրելոյն հաշտեցուցիչ
բանից աղաչանքս Լւ զոր ահաւորն է ասել, կարգեմ աս-
տանօր յիշատակ եղեալ մեծիդ երախտեաց, աստուած իսկ
լինել ընտրութեամբ շնորհին, և ընդ հաստողիդ միանալ
տէրունի մարմնոցդ ձաշակմամբ, և ընդ լուսոյդ կենաց
խառնութեամբ զոր կատարումն երջանիկ խոստմանն, ըստ
Պողոսի բանին, ոչ ունէր օրէնն Լ՝ յու, փրկութիւն,
եկիբ հայրենիդ քո հարստութեամբ, արարել և կատարե-
ցեր զլուսոյն յերկարաձգութիւն, որ առ քեզ պահեալ
անհամառօտելի, քաւիչ ամենայնիւ Լւ քեզ փառք ընդ հօր
քում ՚ի գովեստ բարեբանութեան հոգւոյդ քո սրբոյ, յա-
ւիտեանս յաւիտենից ամէն:

ԲԱՆ . ԾԳ

ՎԵՐՍՏԻՆ ՅԱԻԵԼՈՒՍԾ ԿՐԿԻՆ ԼԵԾՈՒԹԵԱՆ ՆՈՐԻՆ ԼՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԲ ԸՆԴ ԱՍՏՈՒԾՈՅ

Ա. Տէր տէր զօրութեանց, բոլորից գոյից թագաւոր,
օրհնաբանեալ ողորմութիւն, աստուած ամենեցուն, որ
յաղթես սահմանի լայնատարած ընդարձակութեան, ամ
անբաւութեանց դու ես որբանութիւն. մինչ զի կարծրն
քեզ հասնուտ է, և լոյճն քեզ պնդակազմ, և չիք քո իր
անհնարաւորական, յաղթող զօրութիւն ահեղ. հուրն ցօղ
իմն է զօվական, և անձրեւն բոց կիզանողական. () քարն

բաւես ցուցանել կերպարան աղղման, և զբանախանն դնես անխօս և անշունչ արձան: Օ պարտաւորն ողորեալ պատուական առնես, և զկարծեցեալն մարութ՝ իրաւամբք քննեալ դատիս: Օ մատուցեալն ՚ի մահ՝ բերկրութեամբ բարեաց արձակես, և զամաչեցեալն՝ զուարթ տեսութի՞ օժեալ զարձուցանես: Կանգնես զմատնեալն հաղբից զլորման, և զսասանեալն՝ ՚ի վստահութիւն վիմիղ հաստատես: Օ ակտացեալն բազմահառաչ՝ երջանիկ կարգես, և զառաջատեալն՝ դարձեալ անդրէն ՚ի յետս նահանջես: Եւ յորժամ սպառին առ ՚ի մէջք բարիքն, զառաւել զարմանալիսն յայնժամ ներգործես. քանզի վասն քո դիտես թողուլ զմեղս և ջնջել զանօրէնութիւնս, և քաւիչ լինել անիրաւութեանց և զմեղս մեր ոչ յիշատակել, ըստ Եսայեայ և Երեմիայ:

Բ. ՎՆ առ շնորհ նորոգ վրկութեանս բազմօք գոհաբանութեամբ հեռեւեալ, ՚ի յաճախութի անբաւիցն լուեալ առ ամին իսկոյն կարկեցայ. քանզի կրկնեալ զուսոյդ անբաւ պառ բարիսդ, որ ՚ի քէն առ իմ յամառս թշուառութիւն, քոյին աղերսիւ առ քեզ մաղթեցից, յարմարեալ դարձեալ ՚ի նիւթս բանիս զտառ ողբերգութե այսր մատենի. լցից թախծութեամբք և հեծեծանօք: ՎՆ առեալ խառնեցից ՚ի տուողիդ հաճութիւն ընդ ցաւոցն զգեղն, ընդ վհատութեանն զխրախոյսն, ընդ յուսահատութեանն զյիշատակդ անուան հաստողիդ, ընդ տխրութեանս զսխտանսդ, ընդ իմումս դաճութեանս զքաղցրութիւն կենարարիդ, ընդ պատիժ օրինին զշնորհն, ընդ պարտս անիծիցն զազատարար օրհնութիդ, ընդ մարմնոյ մահուն զամենայնիւ նորոգութիդ:

Գ. Հաւատամ հզօրիդ բանի, ուստի վկայեմ. լուր լուութեանս սրտիս, տէր յիսուս, որ հնչումն է առ քեզ մեծութեան ձայնի երկար դողելոյ: Ար մարմնակից և պատկերակից մեր եղեալ, և քահանայապետապէս անօրինակդ զօրինակին խորտակեալ զլուծ, ընդ զենման մահու անասնոցն՝ բարեբանեալ մարմնոյդ նուիրմամբ, անմահապէս միշտ մա-

տուցանիս , և աննուաղաբար քաւութիւն շնորհես , ոչ սաւկաւածեղիցն միայն , այլ և որոց հատեալ է ակնկալութիւն առ ելս կենաց : Օ ի որքան զօրէ մարմնոց անդամոց առ մեղս կենդանութիւն , թէ և բխրուց ամաց ունիցի յերկարածգութիւն , յորժամ աստուածդ բողբոջուն վասն սորին կամաւ և յօժարութեամբ զենումն ընկալեալ , մահու համբերես բաշխեալ ՚ի քաւութիւն : Օ ի ոչ եթէ մաքրութեանդ աղբււր պարտականն գոյ մահու յօրըստօրէ կատարին , այլ կամօք քովք՝ հողւոյդ գործակցութեամբ՝ ՚ի հաճութիւն հօր և ՚ի մեր հաշտութի ցանկ մատուցանիս : Իսկ եթէ ամենիցդ աստուած անքննին՝ իմոյս վասն իմ առ իմ փրկութիւն , ՚ի դէմս իմ , իբր թէ ընդ քոյդ էութեան ես իցեմ մարմնով պարունակողիդ կցորդ միացեալ . և դու , բարերար , յաղագս իմ ՚ի յիմս կերպի փոխանակեալ ընդ իմում պարտեսց , և մահ ընկալեալ անպարտդ զմահապարտիս վնասուց պատուհաս , և ՚ի յիմ անուն յանցաւորապէս , որպէս թէ կամաւ ընդ քեզ ես կրիցեմ , բազումս մեռեալ և մնաս կենդանի . ոչ ուրացողացն ձեռօք , այլ դաւանողացն հաւատովք աստուածապէս նուիրեալ և ՚ի մասունս անհատս բաշխեալ :

Դ . Մտեր ոմն ողորբաւոր՝ չաւատալեացն պաշտօնատար . մեծ ինձ և անկշռելի առ սին դատէր անյարմարագիր անձին յուսադիր , Հաւատամ զփառս և զերջանկութիւն , քան թէ մարտիրոսութեամբ իսկ՝ թող թէ ուղղութեամբ իմս թշուառութեան յանցաւոր մարմինս վախճան ընդունելու ՚իսկ զանձառութիւն խորհրդոյս այսու դիտեցի . դաւանէր իսկոյն , որ զի և մաքրոցն անձինք առանց նուիրման այսր յիշատակի չև են իսկապէս կատարեալք իսպառ , եթէ ոչ ընդ այս հրաշակերտութիւն մեծութե հողւով խառնեսցին : Մպա թէ մեղաւորիս մասին կրկին մատուցար բաժին աւելով՝ յուսայր , իբրև այն թէ ես ինքն եղեր ճշմարտիւ , գրաւեալ զիմս դաժանութիւն ընդ քում համեղութեան , պատարագեալ քոյինանիւթ զանգուածոյ նշխարաւդ կենաց

լուսոյ: Այսու ամենայնիւ 'ի վերնատանն նախանուէր բարեշնորհութեան՝ անհնարաւոր ախտիցն ճարակ՝ զմարմին և զարիւն իւր բաշխեաց 'ի քաւութիւն, 'ի վեր կարծեցուցանէր քան զնահատակի վկայեցելոյ արեամբ կատարմամբ. յուսոյս օրինակ յարգաւորութեամբ գրել զիս 'ի փառս, այսմ փրկանօք հաւատալի երեւցուցանէր, քան թէ քաւելոյ և ողորմելոյ և շնորհելոյ, որչափ աստուածականիդ առ մարդ զօրութիւն, և տիրական աստուածախառն մարմնոյն կամաւորական նուիրումն առ անասնական սպանդին մատուցումն, և անմահն առ մահկանացուս, լոյսն ահաւոր առ ստուերայինս, յաւիտենականն քան զանցաւորս, բարձրեալն քան զերկրաւորս, անստեղծն քան զեղականս, բարին իսկութեամբ քան զթիւրեալս բնութեամբ, մանաւանդ զի իւր է կամելն, և իւր կենսագործելն, օրհնութեան առ իթ քան զանիծիցս պատճառ:

Ե. Արդ տուր խոցելոյս 'ի սիրտ և յոգի, աղաչեմ գթած, զառ 'ի յերկնուստ ընծայեալ զդեղդ կենաց, մատիր քաղցրութեամբ առ ախտացեալս մեղօք, քաւես 'ի պարտեայ՝ ամենակատար բաւականութիւն: Իսկ առ 'ի յինէն այս է ճշմարիտ և անխաբելի կերպարան բանի, որ զի հաստիչդ ամենից 'ի սուրբս բնակես. և ըստ տարազուսերմանն և հնձելն է իրաւացի, ըստ ճշմարիտ բանին Պօղոսի, և աչացաւացն 'ի տապ արևու ոչ է զօրութիւն: Այլ դու, բարերար հաստիչ յոչէից, յարգես յաւէտ իսկապէս համայն և զգաւանելն զքեզ՝ բաւական առ կենդանութի. և ոչ ես ընդ սահմանաւ փակեալ օրինի, այլ յաղթես՝ մանաւանդ թէ խզես զկապ կանոնի, և դու միայն մնաս պայման աւետեաց համօրէն յանցաւորաց տարակուսելոյ: Աւքեզ ընդ հօր՝ հոգւովդ սրբով փառք և իշխանութիւն յաւիտեանս. ամէն:

ԲՆՆ · ԾԴ

ՎԵՐՍՏԻՆ ՅԱԻԵԼՈՒՍԺ ԿՐԿԻՆ ԷԵՑՈՒԹԵԱՆ ՆՈՐԻՆ ԷՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ

ԽՕՍԻ ԸՆԴ ԱՍՏՈՒԾՈՅ

Ա. Եւ արդ յամենայնի առ ամենայն ակնկալութիւն
քո է ողորմութիւն, սկզբնալոյսդ աչաց տեսանելեաց և
սրտի իմաստից Յիսուս. քո է բարերարութիւն, կեանք և
անմահութիւն: Դարձ առ իս գթութեամբ, և հանդեր-
ձեցես դառնալ առ քեզ ինձ կրկին բերկրութիւն. զի առանց
քոց կամաց ոչ ունիմ լինել նորոգ փոփոխեալ. և եթէ ոչ
կամք քո գթացին, ոչ զօրեմ փրկիլ մահու պարտականս.
և եթէ ոչ կառավարդ յարդարեացես պատրաստել ինձ
հետս ճանապարհի՞ որ առ քեզ բերէ, վիհ է ինձ խորոց
յաջմէ և յահեկէ:

Բ. Ըհա ոչ պարծիմ ամենայն իրօք նախատեալս, ոչ պան-
ծամ դսրովեալս, ոչ խորխտանամ լբեալս, ոչ մեծաբանեմ
պապանձեալս, ոչ ըմբոստանամ ձաղեալս, ոչ երջանկանամ
եղկելիս, ոչ արդարանամ ամբարշտու: Օ ի ոչ երբէք հարթ
ընթանայ երկվար առանց սանձակալի, և ոչ նաւ համբառ-
նայ հանդէպ առանց ուղղչի, և ոչ արօր կշիռ ինչ գործէ
առանց մաճակալի, և ոչ երկուորեակք ըծոցն ՚ի ճահ ճե-
մեացին առանց եզողի, ոչ ամպ վերաչուէ առանց հողմոյ,
ոչ աստեղք ցնդին և կամ գումարին առանց ժամանակին,
ոչ արեգակն փոխաբերեալ ուր շրջանակի առանց տարրա-
կան օդոյ, և ոչ ես նօքոք հանդերձ առանց բարեգործիդ
հրամանաց ակնարկութեան: Օ ի դու միայն ես տուիչ
կենաց բանականաց և խնամիչ կարգաց հորովման արարա-
ծոց, և ՚ի բէն է ինձ փրկութիւն, ըստ Սաղմոսողին, և դու
ձայնես բարբառ խնդալոց աւետեաց հնչման յականջս

լսելու թեան ամենայն հասակի, Եկեղ.ք ՚ի հանգիստ իմ բնաւին աշխատեալք, և ես մաքրեցից զձեզ ՚ի պարտեաց: Իսկ զի՛նչ օգուտ ՚ի լուացմանէն, եթէ կրկնակի զագրացայց. և կամ ո՞ր օգուտ ՚ի ճաշակմանէն, եթէ գեհեհնին մատնեցայց: Եւ կամ զիսոյք յԱբրահամ պարծեցայց խորթացեալս ՚ի գործոց նորին որդիս գարշու թեան հօր ամուլհացւոց, և մօր քետացւոց կամ քանանացւոց, ըստ մարգարէին որ առ իս յանկաւոր ձայնի. Ժառանգս մերթելի Եթովպացի և ոչ սենեկին Սառայի, ըստ տեսանողին առ իս առածի, եղբայրս Շամրնի և կամ Գոմորայ, համբախ անլուաց և անաղելի՝ խակակու թ պորտոյն խակութեան Ռողայ և Ռղոզիբայ, ըստ Եզեկիէլի կրկնանախատն կշտամբու թեան:

Գ. Եւ քանզի ՚ի ծուփս բազմալտանգս արեւանջ հողմոց սաստկապէս զգուեալ ուժգին լիանօք իսպառ տագնապ մամբ ՚ի ծովին, փոխեալ ընկեցեալ ՚ի վտակն վայրենական ողորիչ. առ որս զմատուեն ձեռացս այսր անդր տարաբերեալ, իբր ՚ի հոսանաց բռնութեանց գարնանազայր գետոց, արտաձգեալ յակամայ ընթացս ողորմագին գլորման, ջրակուլ ոգեսպառ պղտորարբութեամբ, դաժանահոտ սկախառն մամռարմատ խառնախափ մահաբեր երկամբք վանեալ, ըստ որոց յուղիսցն հեղեղիցին հեղձուցեալ: Եւ յառ առակաւ և ես եղկելիս՝ խօսին և ոչ իմանամ, գոչեն և ոչ ինչ լսեմ, բարբառին, և ոչ զարթնանամ, հնչեն և ոչ փոխազրիմ, փոյնն և ոչ դուժարիմ, վիրաւորիմ և ոչ ևս զգամ, կոպն գարշութեան նմանեալ թափուր յազգմանէ բարեաց իմաստից: Եւ յարեւ չար առաւել յաւէտ իսկապէս քան զօրինակդ ճշմարտութիւնս, առելի և մեղազրելի, և առննին Բրիտանի արժանապէս մատնելի:

Դ. Եւ քանզի անդառնալի ուղւոյն յիշատակ աստեացս պարտեաց զայս կտակ թողի որոց ընթեանուն, իմովս բանիւ առ ստուած կարդալ հանապազորութեամբ, այս կազցէ սահման յանձնառական խոտտովանութեան մշտնջնուաւոր ձայնարկու աւաջի քոյ, ամենակալ զոր գիրդ ընդ մարմնոցս

և բանդ ընդ հոգւոյս զանսահմանելիդ միշտ թախանձեացէ ,
իրբ յանեղծական մաղթողէ ընկալեալ աղերս 'ի յիմոյս ձայ-
նէ , բարեգութ , մարդասէր , օրհնեալ յաւիտեանս . ամէն :

ԲԱՆ . ԾԵ

ՂԵՐՍՏԻՆ ՅՅԻԵԼՈՒԵԾ . ԿՐԿԻՆ ՀԵՃՈՒԹԵԱՆ ԿՈՐԻՆ ՀՍԿՈՂԻ

ԱՌ ԿՈՅՆ ԱՂԵՐՍ ՄԱԼԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԻՕՍԳ ԸՆԴ ԱՍՏՈՒԾՈՅ

Ա . Եւ վասն զի սլացեալ ողւոյս թեօք 'ի թիւս անբա-
ւից ծննդոց մարդկան՝ եղի 'ի կշիռս խննալեացս մտաց ,
ոչ գտի համեմատ զօք ինձ պարտաւոր . և առ այս զԴաւ-
թեան Աղճմոսին զբանն 'ի յերգ ինձ առի դառն կշտամ-
բութեան դաւազանաւոր գործավար . ո՞վ յարիցէ ընդ իս 'ի
չարիս հաւասարել յանօրէնութիւնս Եւքանգի այս ըստ սմին
մասին կնքեցաւ և ճշմարտեցաւ առ այրս մահու , և ես
վկայեմ կրկին հաստատեալ . առ այսր իրաւունս գրեմ՝ ինձ
միայնոյ զեղծանիլ իսպառ , քան իմովս բանիւ բազմաց տա-
րագրիլ . թերեւս սովորբ առ այսու արդեօք և ինձ շնորհեա-
ցես , շնորհողիս զպարտիս իմոց :

Բ . Եւ արդ զի՛նչ քեզ աղերս հաճոյական 'ի յայսմ և 'ի
տոյն , և ծուխ անուշից ընդունելի ինկոց մատուցից գովեալ
թագաւոր երկնաւոր Բրիտոս , եթէ ոչ զառ 'ի յինէն ա-
նիծեալն օրհնել մաղթեմ , զկապեալն արձակել , ազատել
զգատապարտեալն , բարեգործել զնզովեալն , պսակել ըզ-
թշնամանեալն , սփոթել զտրտեցեալն , դարմանել զխոր-
տակեալն , ինամել զսարուցեալն , պատսպարել զնննգ-
եալն , զվիրաւորեալն 'ի մարմին՝ յոգի բժշկել : Եթէ օրհ-
նութեանն բանիւ առ որ մատուցայ , լուիցես . իսկ եթէ
անիծիւք , մի հայեացիս ընդունել , գթած : Ես տառապեալս

ամենաթշուառ ՚ի վերջին սպասաւորութեան մաղթանայ այսր մատենի ՚ի բովանդակ մտաց շնորհեցի իմոցն՝ փակեալ առ ՚ի քէն զանիծիցն դժնդակ ըղձիցն չարաշուք ձայն . և դժնէից նենգողացն իմոց՝ ընդ բարխն ՚ի բոլոր սրտէ հաշտութեան արգահատեցի, վասն որոց և ծուներ պաղատանաց կրկնեցի . որչափ դու ինձ ահա յայց ելեալ առաւել ողորմեցիս ըստ քոյդ մեծութեան , գովեալ խնամակալ , կեանքդ՝ մահացուիս , հզօրդ՝ տկարիս , ամենակարգ վարանելոյս , իմաստութեանդ աղբիւր՝ յիմարիս և թմբբեցելոյս Վանցի յաւէտ սխալեալ անկայ իբրև զողողակ մթային ոչ ընդելլական ՚ի հաղբս մահու անզգայապէս , չիմացայ զկորուսան , չգիտացի զորոգայթն , չտեսի զըմբռնող որսոյն ծածուկ մեքենայս , չկարծեցի զխաբումն կերպարանաց կեղծաւոր վարմին , չնկատեցի զգայթակղութիւնն շուրջանակի , չջշափեցի զպատանդիչ զցանցարկ կարթին , ժամանեցին ինձ չարիք , և ես ոչ կարացի ճանաչել , ըստ Սաղմոսողինն .

Գ . Վանցի և որպէս իմաստակի ումեմն արտաքնոյ բարւոք թուեցաւ , չար ասել զմահ առ չիմանալոյն պատճառի , և ես վկայեմ իմովս բանիւ . քանզի իբր զանզգայ պաճարս անասնոց մեռանիմք և ոչ զարհուրիմք , կոյնչիմք և ոչ հիանամք , թաղեցեալ լինիմք և ոչ խոնարհիմք , տարագրիմք և ոչ տազնապիմք , եղծանիմք և ոչ զղջանամք , մաշիմք և ոչ մտառեմք , պակասիմք և ոչ պատրաստիմք , դնամք և ոչ զգուշանամք , դերիմք և ոչ ևս զգամք : Իսկ հանգիստ ասել երջանկին Յորայ զվախճան մարդոյ , և ես խոստովանիմ զսոյն ընդ սրբոյն , եթէ ոչ ունէի զբեռն աշխատութե մահացու գործոց ըստանձնեալ : Մանաւանդ զի որոգայթն դազտնի և հնարադիրն աներևակի , տարր ժամանակիս յանէից , անցեայն անյայտ և ապառնին կարծողական , ես անհամբեր և բնութիւն թերեհաւատ , ոտք անհաստատք և միտք ցրնդեալք , կիրք հարկաւորք և բարք անթուփկալք , մարմին մեղսամակարդ և յօժարութիւն երկրասէր , դիմամարտութիւն տնկակից և խառնութիւն ներհակական , բնակու-

և պատահարք ամենագրաւք, միտք չարախնամք և տենչմունք բարխատեացք, կենեք սուօրեացք և զմբաղք սակաւաւորք, խաբմունք յիմարութե և խաղալիք տղայականք, աշխատութիւնք ընդունայնք և վայելմունք երազականք, համբարք ոչնչից և պահեստք հողմոց, նմանութիւք ստուերաց և կերպարանք ծիծաղելիք: Վանզի իբրև եկն եհաս պատուիրանն, ըստ Պօղոսեան բանին, անպատրաստ գտեալ զիս ինքեան, մեղքն կենդանացան յանդիմանեալ յարդարութեցն, և ես մահացայ կենացն և կենդանացայ կորստեանն:

Գ. Գողացան օտարք, չարին գումարք, զստացուածս սրտից իմաստից, ըստ գրոյն կանխաբանուէ. որով եկն եհաս խոյն աստանօր իմաստութե ինձ նուազանալ, ըստ առաւկողին, և առաւելու ոչ բարւոյ ցանկութիւն: Այ յառեցի զակն ոգւոյս ՚ի գլուխն իմ կենաց Քրիստոս, որով ընդ ուղիղն հետեւեցայ: Վանզի կամելով ուժգինս ընթանալ ընկրայ սաստկապէս, յանչափն ձգտիլ իմոյն ոչ հասի, ՚ի մեծադոյնն ամբառնալ աստուստ գլորեցայ, յերկնային ուղւոյն անդնդոց մատնեցայ, ՚ի զգուշանալն առաւել յաւէտ վխասեցայ, յանարատն պահել մանր խորտակեցայ, կարծելով ընդ ահեակն մրցիլ յաջն գթեցի, ՚ի զերկրորդն խուզել զնախնին կորուսի, ՚ի ինդիր սակաւուն ՚ի կարեօրացն զրկեցայ, ՚ի յուխտին պահել զաշինն դժբեցի, առստօրութեանն կտրիլ կորուսիչս գտի, ՚ի փոքունցն փախուցեալ մեծամեծայն մատնեցայ, զոր ես ինքն ինձէն ստեղծեալ չարաչար դատախազ անձին կարդեցի: Յորոց փրկել զմատնեալ գերիս դու միայն զօրեսցես, կենաց մատուցեալ զընծայեալս մահու զհոգիս. զի դու միայն, տէր Յիսուս, ճանաչիս բարերար, անսահման փառօք ընդ հօր և հոգւոյդ սրբոյ օրհնեալ յաւիտեանս յաւիտենից. ամէն:

ՎԵՐՍՏԻՆ ՅԱՒԵԼՈՒՅԾ ԿՐԿԻՆ ՀԵՏՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ
ԽՕՍՔ ԸՆԴ ԱՍՏՈՒԾՈՅ

Ա. ԽՍԿ զառիթան մահու զխառածս զժոխարմատ ծառոյս դառնութեան պտուղք, ընտանիք թշնամիք, հարազատք հակառակք, և որդիք դաւաճանողք, ստորագրեցելովք մասամբքդ նշանակեցից՝ զրեալ յանուանէ, որ են այսորիկ:

Բ. Միրտս նանրախորհուրդ, բերանս չարախօս, ակնս յայրատատես, ականջս վրիպալուր, ձեռնս մահաձիգ, երիկամուկնքս անխորձ, ոտնս մոլորաշաւիղ, ընթացքս աներկիւղ, հետք խոտորնակ, շունչք ծխախառն, զնացք խաւարային, դոյութիւն լերդի վիմական, խորհուրդ ծորեալ, կամք անկայուն, չար անփոփոխ, բարեմասնութիւն սասանեալ, անձն տարագիր, աւանդ վաճառեալ: Վազան վիրաւոր, թռչուն նետահար, փախտական քարավէժ, ըմբռնեցեալ վնասապարտ, աւազակ ծովակուր: Օ ինուոր նենգաւոր, մարտիկ անպատրաստ, սպառազէն անժուժկալ, մշակ հեղգացեալ: Ղլթթական անխրատոյս, բեմական ստորնաքարչ, քահանայ անկնդրուկ, օրինական աննուէր: Վալիր կշտամբեալ, իմաստակ խերագար, ճարտասան անձոռնի: Կերպ անպատկառ, դէմք անամօթ, երեսք լպրչեալ, գոյն անհամբոյր, տիպ տմարդի, գեղ ծանակեալ: Կորտիկ խանդարեալ, ճաշակ դարչեցեալ, այդի գաղձնաւոր, որթ որդնահար, պարտեզ փշաբեր, հասկ ուտճահալ, մեղր ՚ի մկանց ճարակեալ, անպատասպար անկեալ: Մնապարծ յուսահատ, անհամոզելի նզով, անհաշտական բաժանեալ, ունայնաբան շաղակիրատ, պաճարամիտ գոռոզ, անասնօրէն սպիրատ, զժոխային

ազահ, աներասան յանդուգն: Ս`ողեզնութի անաստուած, ձեռնաձգութիւն սպանող, տատասկացան երկրագործ, երջանկութիւն եղկելի, մեծութիւն վատթարեալ, վայելչութիւն անշքեալ, կարողութիւն տկարացեալ, բարձրութիւն խոնարհեալ, փառաւորութիւն ընդոտնեալ, պատուիրանազանցութիւն յարակայ, սխալանք ինքնակամ: Ս`ատակարար կամակոր, խորհրդակից նենգաւոր, բարեկամ հատուածեալ, հազարապետ դողամիտ, մերձաւոր կծծի, բաշխող ժլատ, վերատեսուչ կարկամ, ոգի անախտակիր, իղձք անսէր, բարք ատեցող, աղիք անգթականք, գնացք անխոհեմ, աներևոյթք վնասեալք, ծածուկք անիծեալք, դիպուածք թշնամանեալք: Ս` աճառական վատնիչ, շահարար շուայտեալ, պաշտօնեայ արբեցող, գանձուց ոստիկան երկմիտ, պատգամաւոր բանսարկու, դռնապան քնէած, աղքատ հպարտ, մեծատուն ժխտող: Ս` իւանապետ անօրէն, պահապան մատնիչ, բնակակից չարախօս, սուրհանգակ անժաման, թղթաբեր պարտաւոր, առաքեալ խռովարար, միջնորդ անխմաստ: Ս` ըբայ արտալած, թագաւոր թարմատար, կայսր ուէկործան, իշխան տիրադաւ, զօրաւար զրկող, դատաւոր ակնառու, ռամիկ ինքնագործ: Ս` աստուղի ծաղր, սիրելոյ աշխար, բանագրի դսրով, յանդիմանչի դատախազութիւն: Ս` Բանզի և ՚ի վեհադունիցդ կոչմանց էր ուրեք արդեօք զի էի, իսկ ՚ի վատթարականացդ մասանց եկն երբեմն եհաս զի եղէ: Ս` ըդ այսքան վնասակարութիւք խարդախութեանց յաճախադունից, յորոց յոմանց խաբեցայ իբրև զյիմար, և յոմանց տիրեցայ իբրև զտկար՝ կամաւ մատնեալ զիս ինքն մահու:

Գ. Ս` ըդ զո՞ս ՚ի վերագրելոցդ մասանց քեզ ատելեաց և իմ կորուսչաց ՚ի սպաս պաշտաման քեզ ընծայեցից, զո՞րպիսիս ապականութեամբ պարագրեալս ամենասուրբդ քո մեծութեան հանդէպ կացուցից, և կամ ո՞րքանեօք երկայնատուութեամբք համբերեցիս այսքանեաց պարտուց, ո՞րքան ներես, ո՞րպէս լռեսցես, զիմիդ իսկ անսայցես, իբր ոչ

մասնեացես հարուածոց դանկից զպրժանիս սատակման մա-
հու: Արդ այսոցիկ աննշոյլ մթու թեանց հողւոց խաւարի
ողորմութեամբ լուսոյ քոյ պատահեացես բժշկել քաւել և
կենադործել, զօրեղութիւն անթարելի և քեզ վատք յա-
մենայնի. ամէն:

ԲԱՆ . ԾԷ:

ՎԵՐՍՏԻՆ ՅԱԿԵԼՈՒԱԾ ԿՐԿԻՆ ԷԵԾՈՒԹԵԱՆ ՆՈՐԻՆ ԼՍԿՈՂԻ
ԱՆ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԻ ԸՆԴ ԱՍՏՈՒԾՈՅ

Ա . ՔՐԵՍՏՈՍ սատուած անուն ահաւոր, մեծութեան
տեսակ, անքննին բարձրութեան պատկեր, անսահման
ցօրութիւն, կերպարան վրկութեան լուսոյ, պաշտպան կե-
նաց, դուռն արքայութեան վերնում հանդատեանն, ճանա-
պարհ հանդարտութեան, ապաւինութիւն նորոգ և ան-
տխրական երանութեան, ամենակալ ինքնիշխանութի բոլոր
էականութեան, օրհնութեան կոչումն, աւետեաց ձայն,
բերկրութեան բարբառ, անմահութեան զեղ, որդի ան-
ճառ սատուածոց միոյ . որ ինձ անհնարին է, քեզ զիւրին է .
որ ինձ անհասն է, քեզ սահմանեալ է . որ ինձ անանցն է,
քեզ հպաւոր է . որ եղկերոյս ինձ ծածկեցեալն է, քումդ
երանութեան մերձաւոր է . որ ինձ անկարելին է, քեզ կա-
տարեալ է . որ ինձ անկշռելին է, քումդ անձառութեան
չափեալ է . որ ինձ յուսահատութեանն է, քեզ սխտիանաց
է . որ ինձ անբժշկականն է, քեզ անվտանգելի է . որ ինձ
հեծութեանն է, քեզ խնդութեան է . որ ինձ ծանունք են,
քեզ թեթեւագոյնք են . որ ինձ եղծեալն է, քումդ զօրե-
ղութեան զրեցեալ է . որ ինձ կորուսեալն է; քեզ ըմբռ-
նեալ է . որ ինձ անձառն է, քեզ համարեալ է . որ ինձ

մնայլն է, քեզ ճառագայթ է. որ ինձ անթիւն է, օրհնեալդ քում ձեռին բովանդակեալ է. որ ինձ սոսկային է, քեզ հեշտալի է. որ ինձ վասխէրին է, քեզ վանեղի է. որ ինձ անմատոյցն է, քեզ զխրահեբքելի է. որ ինձ մահաբերն է, քումդ էականութե զօրութե ընդ ոչ գոյն համարեալ է:

Բ. Այլ դու, ողորմած աստուած բողոքից տէր Յիսուս Բրիստոս, և այսմ զօրես առ ելիցն հնար՝ եթէ գթացիս. վասն անուան փառաց մեծութեան հօր քոյ օրհնելոյ, վասն կամաց գթութեան ոգւոյդ քոյ սրբոյ, տես ՚ի տաժանաւորս կրից յանդիմանական յայտնութիւն, և ՚ի խորոց սրտի ինքնամատոյց դատախազութիւն. նայեա ՚ի բնութեանս ամենապատաղ խաղութիւն, և պարզեա բժշկութիւն վիրացս և հնարաւորութիւն կորստեանս, զերծումն բազմամասնեաց մահուս և շաւիղ կենաց ապականելոյս, նորոգութիւն եղծմանս և մուտք յուսոյ ամբարշտելոյս: Աթէ ես զաննմանն ինձ կամս ցուցի, որչափ առաւել դու զբնաւորականող քո զընտանի բարերարութիւնող. եթէ ՚ի վշոց պտուղ ընծայեցաւ քաղցրութեան, որչափ առաւել ՚ի ծառոյդ կենաց՝ ճաշակ անմահութեան. եթէ ես իմոց ատելեաց ողորմութիւն մաղթեցի, դու քոյոյս զխաբոյ ոչ կրկին մատուցես, հզօր, յանուազդ առատութենէ:

Գ. Այլ տես ՚ի քոյդ մեծութիւն, բարձրեալ, նայեցեալ ՚ի յիմս փոքրիկութիւն. ընկալ զսակաւ խոստովանութիս անհամար մեղացս, որ զբնաւն համայն տեսանես. և որպէս զԱլիմն գթել ոչ գրեցեր, և զաւազոյս փոքու սասանել մի համարեացիս. և իբրև զԴաւթին՝ ընդ մեղայն ասել՝ իսկոյն անցուցեր զպատիժ պարտուցն, և առ իմ ձայնիս հեծութի զնոյն գործեսցես, երկայնմտուի. որ տաս ամենեցուն առատապէս անաչառութի՞ որպէս յաղթող բարի բազմխմաստ, և ոչ նախատես զյետեանեալ ստրուկս որպէս ողորմած և ամենաստեղծ. ստացիր վերստին, և մի կորուսաներ զբուժեալս արեամբ քո, գթած: Օ ՚ի քո է փրկութիւն, և ՚ի քո՛ն է քաւութի, և քեզ վայելէ փառք յամի յաւիտեանս. ամեն

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵՏՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՑ

ԽՕՍԻ ԸՆԴ ԱՍՏՈՒԾՈՅ

Ա. () ԲԸՆԵԱԼ տէր Յիսուս ընդ հօր , ՚ի կամս հաճու-
թեան հոգւոյդ . քո սրբոյ . և օրհնեալք ամենայն առ ՚ի յօրհ-
նելոյդ օրհնեցան . օրհնեալ միայն որդի օրհնելոյ . չիք իմ
թագաւոր իշխեցող շնչոյս բաց ՚ի քէն , Բն : Այս է օրհ-
նութի Յակոբայ՝ ասէ Եսայի , յորժամ բարձից զմեզս նորա :
Բ . Արդ ողորմեաց ինձ , տէր բարեգութ , ըստ նախնիդ
քո սոխորութեան , և օրհնեա զանօթս քո բանական , ըստ
ձայնին Դաւթի և ըստ Մովսէսի . զի բանիւդ քո փրկուէ ժա-
մանեալ , հասից քաւութե՛ք օրհնեալ առ ՚ի քէն : Աստուա-
ծապէս ինձ հրաշագործեա , ողորմած արքայ երկնաւոր ,
որպէս անկելոցն ՚ի բազմաժամանակեայ մահճացն խշտիս ,
ժողովելոցն ՚ի սրահին Բեթհեզդայ : { որոյ մի էր և կրկին
թերահաւատն՝ երից տասանց և ութի միոյ ամօք ախտաց-
եալ յօղիցն լուծմամբ , որում ոչ անխայեցեր զբժշկութենն
ձեռնտուութիւն , իբր զխտելով՝ զանբոյժ չարութիւնն՝ որ
նիւթեացն քեզ յաւուր մատնութեան դառն զիշերին
ախրամարտութեան՝ երախտաւորիդ , մեծիդ և բարերարիդ :
Ար՝ թէպէտ և կանխաւ իմն զգուշացուցեր , թէ մի մե-
ղանչեր , զի մի կրկնեսցին կրկին քեզ չարիք , ոչինչ վերջա-
ցաւ լինել ձեռներեց սկզբնաւոր անհամբուրելի դատո-
ղացն զքեզ ՚ի խաչին : Աւ դու այնպիսոյ անյարիր ջատուկ
մահու ճնդեցեալ չարաշուք առն ողորմեցար , անձառ բա-
րութիւն , սխրալի մարդասիրութիւն , սարսափելի ներողու-
թիւն , սոսկալի երկայնմտութիւն , անբաւելի քաղցրութի ,
փառատրելի հեզութիւն : Ար՝ միշտ յազթիս ՚ի գթութենե

և ոչ թշնամանիս, պարտիս յողորմութենէ և ոչ պարսաւիս, բռնադատիս ՚ի մարդասիրութենէ և ոչ անդոսնիս, հարկիս ՚ի բարութէ, և ոչ հայհոյիս, ստիպիս ՚ի սիրոյ և ոչ բամբասիս: Պաղատիս դարձին իմ առ քեզ և ոչ ձանձրանաս, արագես զկնի ապերասանիս և ոչ լքանիս, ձայնես չսողիս և ոչ սրտմտիս, փութաս մեղկելոյս և ոչ խափանիս: Առ չարս ես բարի, առ ամենապարտս ես ներող, առ մեղաւորս ես քաւիչ, առ խաւարեալս ես լոյս, առ մահացեալս ես կեանք:

Գ. Այս են զիրք ամենայն հոգեշունչ օգտակարութէ, որ յաճախ ծնանին երկնաւոր պտուղս անձառս և զարմանալիս: Ասա և ինձ թշուառացելումս, օրհնեալ ամենապարզե, արի առ զմահիձս խշտացդ մեղաց ՚ի վայր կործանմանդ, և հետեւեալ ժամանեա յանդորր հանգիստ անաշխատ կենաց: Խղեսցես ամենակարող սուսերաւ բանիդ հրամանի զերիզապնդեալ մահազգեստս պարփակութիւն դժոխագնեայ կապանացս, և լոյժ ինձ զհանգոյցս խեղդողականս ոգէպահանջ սաստկութեանս, առաքելով զարժանաւորս մահու յազատութիւնն վերին անանց բերկրութեանն, կենսաբեր և անձային քո բանիւդ: Մի տակաւ տակաւ ազդեսցես, և մի օր ՚ի յօր յերկարաձգեսցես, զի մի ստուար ծանրութիւն բեռանցս մեղաց տիրեսցէ թիկանցս ազդերաց, և կործանեալ զիս կորացուսցէ հայել ՚ի դժոխս, և ուժգնակի դռող բռնութեամբ անպարապ հոգեորական զինուն արարեալ՝ մահու ծառայեցուսցէ: Այլ օգնեա ինձ, բարի վշտակից հեծութեան կարեացս մահու երկանց, առեալ յինէն զվայտ սաստկմանն, որպէս երբեմն յուսոյ պահակին. որով կառուսցես զվայելչականն յաղթանակի արի զօրութեանն, պնդապէս հաւատով յուսոյն կարծրութեան ընդ քեզ բեւոել անսայթաքելի: Առ քեզ ընդ հօր հոգւովդ սրբով փառք և իշխանութիւն յաւիտեանս. ամէն:

ՎԵՐՍՏԻՆ ՅԱԵԷԼՈՒԱԾ ԿՐԿԻՆ ՀԵՑՈՒԹԵԱՆ ՆՈՐԻՆ ՀՍՈՂԻ
ԱՌ ՆՈՅՆ ԱՂԵՐՍ ՄԱԳԹԱՆԱՅ ԲԱՆԻ

Ի ԽՈՐՈՑ ՍՐՏԻՅ

ԽՕՍԲ ԸՆԴ ԱՍՏՈՒԾՈՅ

Ա. ԱՒԱՏԱՄ և վկայեմ մտայ գիտութեամբ՝ Կ. քէն
ազդեցեալ ոգւոյս իմաստիւ ուշիւս տեսման, զի ըզձալի են
քեզ, բարերար, աղաչանք մեղաւորաց քան զինդրուածս
արդարոց: Օ ի մինն զպարտութիւն անձինն յայտնեալ
շնորհիդ քո սպասէ, առ որ ծանուցեալ զընութեանս չափ,
և մեծ կշտամբիչ աստէն համբարձեալ ինքնագոր մարտակից
նմին իսկ ինքեան և դառն գարովիչ և ծածկատես դատախազ
Խսկ միւսն յարդիւնս բարեացն իւրոց նայելով, յանձին
հարեալ ձեռն վստահութեան, մոռանայ զսահման բնու
թեանն, և պարզեաց քան ողորմութեան գիտեալ ակն
ունիւ Վ ան որոյ առ մինն անթիւ են ստեղծուածք ճա
ռից, որ զողորմութեանցդ քո բողով բարբառոյ ազդէ. իսկ
առ միւսն լռեալ են քոյդ, անքննին ահաւոր և ամենա
խնամ, ամաչեմ ասել թէ և երկրաւորիս գործոց պատմու
թիւն զքոյդ յառաջեալ: Ըրդ արի տէր, և մի զօրացի
քան զքոյդ աջ հողեղինի. մի կշռեսցին ողորմութիւնք քո
ընդ ջանից մարդկան:

Բ. Եւ արդ առողջքն անդամօք անկարօտ են բժշկուէ,
և տեսանողականքն աջօք չունին պէտս առաջնորդի, և փար
թամբն ընչիւք ոչ դեղեբին առ դուրս լիոցն, և ամենայնիւ
յղիացեալքն ոչ սպասեն փշրանաց սեղանոյ հացի, և
սուրբքն վարուք ապէնիազ են ողորմութեան: Եւ արդ ինձ
զթասցիս ողորմել, բարձրեալ երկնաւոր հօր, ամենատը
խուր վարանեցելոյս: Վանզի թէ էի իբրև զՅօբ, ասէի
զանձն իմ իբրև զնա արդար և անարատ. թէ էի իբրև

զՎտոխէս , ասէի վստահութեամբ զնորայան , ծանիցէ տէր
 զայնոսիկ որ իւրն են . թէ էի իբրև զՂաւիթ , ասէի՝ արարի
 զիրաւունս և զարդարութի , և դարձեալ զմեծն քան զբնու-
 թիւն մարմնոյ , զմեզս թէ տեսանէի ՚ի սրտի խնամ , մի լը-
 ւիցէ ինձ տէր . թէ էի իբրև զԵղիա , ասէի զանձն իմ այր
 աստուծոյ . թէ էի իբրև զերեմիայ , զքոյղ ճշմարտութիւն
 յանձն օրինակէի . թէ էի իբրև զԵղեկիա , պարծէի զբար-
 ւոքն և զիրաւացին՝ զնացի առաջի քո արդարութեամբ .
 թէ էի իբրև զՊօղոս , ասէի զիս բնակարան ազգարան
 և ընդունարան աստուծոյ բանին : Եւ ես անօրէնս ՚ի
 մէջ գիտութեան օրինացն , ոչ միայն չունիմ զանձն իմ
 քեզ ընծայել յարգանօք բանից իբրև զնոսա , և զբնաւին
 չարս որպէս զբարիսն զայնոսիկ առաջի քո յիշատակել , այլ
 և ոչ զամենուստ գոյից զբարեհոչակեալ անունդ հզօր ամ
 բարշտեալս լեզուով գովելու ՚իսկ դու առ ամենայն հնարս
 զօրաւոր՝ մատո ինձ ոգի փրկութեան , աջ պաշտպանուն ,
 ձեռն այցելութեան , հրաման բարութեան , լոյս ողորմուն ,
 բան նորոգութեան , պատճառ քաւութեան , զաւազան
 կենաց օգնութեան : Օ ՚ի դու ես յոյս ապաւինութեան ,
 տէր Յիսուս Քրիստոս , օրհնեալ ընդ հօր հոգւովդ սրբով
 յաւիտեանս յաւիտենից . ամէն :

ԲԱՆ Կ

ՊԵՐՍՏԻՆ ՅԱՒԵԼՈՒՄԸ ԿՐԿԻՆ ԼԵՃՈՒԹԵԱՆ ՆՈՐԻՆ ՀՍԻՈՂԻ
 ԱՌ ՆՈՅՆ ԱՂԵՐՍ ՄԱՂԹԱՆԱՅՑ ԲԱՆԻ

Ի ԽՈՐՈՅ ՍՐՏԻՅ
 ԽՕՍԲ ԸՆԳ ԱՍՏՈՒԾՈՅ

Ա . Եւ արդ որպէս զի ոչ վայելէ օրհնաբանութիւն ՚ի
 բերան մեղաւորի՝ ՚ի ճշմարտն առակէ կանխաւ իսկ ու-
 սայ , զիա՞րդ յաւելից կրկինել զնոյն գովութիւն աղաչաւորս

բազմապատկառ , որ հանապազ ընդունիմ' անէ՛ծս 'ի սողմո-
սիս բարեբաստութեանս . () 'ի իբր երգեցից ինձ վտանկս
և արձանացուցից նախատինս , և 'ի մերկութեանս գրկի
փուշս ընդ շուշանաց ժողովեցից . զիա՛րդ ընդ Դաւթի հա-
մարձակեցայց ասել , թէ զատամունս մեղաւորաց վշրես-
ցես . զիա՛րդ դարձեալ , թէ մի անօրէնք բնակեացեն ասա-
ջի աչաց քոց . զիա՛րդ , թէ դատ արա ինձ տէր ըստ արդա-
րութեան քո , ըստ ամբժութեան իմոյ որ յիս . զիա՛րդ , թէ
կատարեսցին չարիք 'ի վերայ մեղաւորաց . զիա՛րդ , թէ խոր-
տակեսցին բազուկք մեղաւորի և չարի , և զայն որ զկնի .
զիա՛րդ , թէ տեղացէ 'ի վերայ մեղաւորաց որոգայթ հուր
և ծծումբ . զիա՛րդ , թէ սատակէ տէր զչրթունս նենգա-
ւորս և զլեզուս մեծաբանս . զիա՛րդ , թէ փորձեցեր զսիրտ
իմ և ոչ գտեր անիրաւութիւն . զիա՛րդ զյաջորդն սմին ,
թէ ես պահեցի զձանապարհս խիստս . զիա՛րդ զեսն , թէ ես
արդարութեամբ երևեցայց երեսաց քոց , զիա՛րդ , թէ և ես
եղէց ամբիծ ընդ նմա . զիա՛րդ զմիւսն , թէ հատուցէ ինձ
տէր ըստ արդարութեան իմում և ըստ սրբութեան ձեռաց
իմոց . զիա՛րդ անձամբ ինձէն զստուի իմ ծանակեցից՝ ասել
ընդ սրբոյն , թէ լուացայց սրբութեամբ զձեռս իմ . զիա՛րդ
'ի մէջ նանրութեան զամբարշտացն աթոռս բամբասեցից .
զիա՛րդ զերջանկին պարծանս թշուառացելումս կերպաւո-
րեցից , թէ դատ արա ինձ տէր՝ զի ես յանբժութե իմում
գնացի . զիա՛րդ օտարս 'ի բարեաց՝ գիտողիդ փաղտնեաց
արգահատեցից , թէ մի համարիլը ընդ ամբարիշտս զանձն
իմ . զիա՛րդ ես ինքն դողով զայլս անիծեցից , թէ տուր նոցա
տէր զգործս նոցա , և 'ի կարգ բանիցն համարձակեցայց :

Բ . Վանգի թէ գլխտինս բանիցն առաջնովքն աստանօր
եղից , կրկին ծանրանան ինձ ցաւք և յաճախեսցեն դաւ-
նութիւնք : Իայց 'ի շեղջեւոցն արտասուաց՝ դոյզն մի չափ-
եալ , բաւականացայց հանապազորդեան յանդիմանութիւ
սաղմոսարանին ընտանի ձայնիւն , որ զպարտաւորեալս միշտ
կշտամբէ . առ որս և սպառուած քառասներորդի իններորդի

Հատուածի բանի յանդիմանողի զիս գարշեցուցեալ, հանապազ խայտառակէ . խցեալ զբերանս 'ի փառաբանուէ, եղևկելի զանձն իմ ցուցանէ, անձային ձայնիւն դատախազեալ, յակնկալութէ կենաց լքանէ, միանդամայն և վիրգս մահուինձ իբր 'ի պատնշէ առաքէ: Քանզի թէ չար է անէծս առնուլ յօտարէ, սպա անձամբ զանձն անիծանել կրկին չարաչար . իսկ եթէ չառնուլ նախատինք 'ի մերձաւորաց օրէնք են, սպա 'ի տեսողէն հայել զսոստիկ, կրից արեան ստաժանմունք, վիշտք աղէտից և խէթք մտաց: Բայց թէ առ խոնարհութեան անձին իւրում մատնեացի, ջնեալ և կըշտամբեալ անիծիւք 'ի լեզուէ իւրմէ, 'ի խոստովանեալ և յամենիշխան շրթանց բերանոյ վերնոյն օրհնեացի . զի ճըշգրտեալ թարգմանեաց զդարձն իւր առ նա՝ զհետս կենաց ոչ լքանելով . սահմանաւն սիրոյ զպարտեացն արմատ կրճատեաց, ոչ տիրեալ 'ի խարդաւանաց չարաբանողաց . ոչխար հօտին Քրիստոսի գտաւ բժշկեալ՝ դիմելով 'ի յողն բուժիչ աղեացն արկածից: Բայց և սանբանական բարոյից է՝ ասուն կենդանեաց 'ի մէջ դալարոց ծաղկածին վայրից կենաձիր բանից թմբբութեամբ մտաց 'ի յարօտս մահու ձարակել:

Գ. Եւ արդ քանզի իմ է առակս վերջին կշտամբողական, և առ իս ակնարկէ զղիպուածոցն չար պատահմունս, որ ինձէն անձին նիւթեցի միշտ զեղմունս կիզանողականս հրոյ տողորման, հոսեալ 'ի յերկնուստ զգոյիւ դագաթանս իմատոնարանի բազմակիս: Քանզի զիմորդ 'ի յարդիւնս ինձ օգտից սաղմոսն եկեացէ, յորժամ անպտուղ 'ի բազմերգութենէն լինիցիմ, ոչ նուագել հոգւով, ըստ թեւադրելոյն Պօղոսի . զիմորդ ընդ մարգարէին և սուրբունին խոնեցից մեծս մեղաւորաց՝ նկունս պիտանեաց, ասել ընդ սրբոյն, թէ 'ի բաց կացէք յինէն ամենեքեան որ գործէք զանօրէնութիւն . զիմորդ ոչ ունելով 'ի բազմացն պատուիրանաց կատարեալ՝ շնորհին և օրինին՝ բարբառեցոյց զերջանկին, որ նախ ինքն արար զոր մեզ կանոնեաց, թէ . քանզի

ծառայս քո պահէցի զայս , և որ զհետն զան ասացեալքն . զիա՞րդ թափուրս 'ի լուծենէ՛ խմաստից կենաց ընդ երկիւ . զածս տեառն օրհնեցից . զիա՞րդ ընդ մեծին մաղթանաց զիմս յօղեցից , թէ զմին խնդրեցի 'ի տեառնէ՛ զտեսիլ վայելուծեան նորա և զհրամանատրութի տաճարի նորա . զիա՞րդ 'ի հրաժարելին ինձ ձեռնամխեցից , յորժամ լեմ , թէ ուղղոց վայելէ օրհնութիւն . զիա՞րդ շրթամբք իմովք զանձն իմ անխօսից՝ ասելով զկնի յովովից առեալն , թէ երեսք տեառն 'ի վերայ չարագործաց՝ սատակել զյիշատակս նոցա յերկրէ . զիա՞րդ զմիւսն դարձեալ , թէ չարք վաղվաղակի սատակեսցին . զիա՞րդ զկերպարանացն իմ նմանութիւն , թէ բազուկք ամբարշտաց խորտակեսցին . զիա՞րդ սպտակման ինձ պաղատեցայց , թէ ահա մեղաւորք կորիցեն . զիա՞րդ զբազմայածեան լեզուս 'ի յօրհնեալն բան մխեցից , թէ ասացի պահել զձանապարհս իմ , զի մի մեղայց լեզուաւ իմով . զիա՞րդ վշովք մեղաց հեղձեալս զանարատին պարծեցայց , թէ այլ զիս յանբժուծեան իմում ընկալար . զիա՞րդ ես մեղաւոր և կրկին պատժաւոր զհանգունակիցսն դարովեցից ապրել 'ի նոցունց , թէ 'ի մարդոց մեղաւորէ նենդաւորէ փրկեա զիս աստուած :

Դ . Ծ իա՞րդ իբր ոչ կուսպաշտեալ անպատկառապէս պերճացայց ունայն պանծանօք ասել ընդ Դաւթի , մի թէ մուսացեալ իցէ մեր զանուն աստուծոյ , կամ ձգեալ զձեռս 'ի մաղթանս օտար աստուածոց . քանզի որ 'ի մեղս գարշութե խոնարհեցի , առաջի կայ նորին կառուցեալ առեալ 'ի պաշտօն յաւնակսնացն ախտարծարձիցն պոռնկապատիր պատկերացն կերպարան՝ Աստարտայ և Բամովսայ և Մեղքոմայ արուարձանի և Թարահատայ թարմատարի , ընդ զազրտեացն կանացեաց՝ իշանդամիցն պատկառանք՝ անլեւարիկու ծանակութիւք : Ի՞բր ոչ պատկառեցից սովիմբ ասել ընդ նահատակին , որ զայս դիմագրաւութիւն առ բարին ունէր միշտ , թէ վասն քո մեռանիմբ զօրհանսպաղ , և որ 'ի կարգին և սորին սաղմոս Ի՞բր յիմարս յարս և վատթարս

ասել ժպրհիմ , թէ բերան իմ սրտուեսցէ , զիմաստու թիւն
 և սիրտս զհանձար . իբր մարդելոյց կերպարանաւ որ՝ զմար-
 դահաճոյիցն ոսկերս ցրուել մաղթեցից . իբր զկրկին երկ-
 րորդեալն մեծանունն բարութիւնս , թէ հաճոյ եղէց ա-
 ոռաջի տեառն յերկրին կենդանեաց : Օ խա՛րդ ունողս ան-
 բաւից մեղաց զարդարոյն առեալ կարդացից , թէ ոչ մեղք
 իմ և ոչ յանցանք , առանց մեղաց ընթացայ և ուղիղ եղէ :
 զխա՛րդ զիս ինքն մատնեցից կորստեան յասելն զայս բան ,
 թէ մի ողորմիր գործողացն զանօրէնութիւն , զխա՛րդ , թէ
 որպէս հալի մոմ առաջի հրոյ , այնպէս և մեղաւորք յերե-
 սաց աստուծոյ . զխա՛րդ գրգեալս ապականացու փափկուք՝
 սահմանեցից զաննմանն ինձ բան , թէ խոնարհեցուցի պա-
 ճօք զանձն իմ , և զազգակիցս նորին ընդ նոյն , թէ ես ՚ի
 նեղել նոցա քուրձ զգնեալի , և իբրև զսղաւոր և զտրտում
 խոնարհ առնէի : Արպէս հանդարտեցից զնմանեացն իմ պա-
 տիժ միշտ յիշատակել , թէ սակայն մրուր բարկութեանն
 աստուծոյ ոչ սպառեցի , և արբցեն ՚ի նմանէ ամենայն մե-
 զաւորք երկրի . իբրև զեան առ սմին , թէ զամենայն եղ-
 ջիւրս մեղաւորաց փշրեսցես : Օ խա՛րդ զապերախտութիւն
 Յակոբայ ՚ի ճառ առեալ հենգնեցից , որ ընդ ստուերին ըզ-
 ճմարտութիւնն ընկալեալ , մոռացայ ընդ նոսին նոցին
 թերութեամբ զերախտիսն . Քրիստոսի աստուածայնովքն
 արուեստիւք խաչին փրկանօք , բան նոքա զգորտախարութիւն
 Մովսէսի ցպոյն սբանչելօք , որ զօրինակն նկարագրէր տե-
 բունական տնտեսութենն : Օ խա՛րդ զյարուցելոցն ՚ի վերայ
 դիւաց զաղէտս ցուցից , իբր նոքա զօտարացից խուժա-
 դուժ ազգացն ասելով , թէ սրկին զգիակունս բարեացն որ
 ՚ի մեզ՝ կուր վնասակարացն թռչնոց , այս է՝ այսոցն օղայ-
 նոց . որպէս զանկեալ զսերմն բանին ՚ի ճանապարհին , և
 զմիաբանեալ զկամս ընդ չարին՝ սուրբ անուանեցից . իբրև
 զնմանակիցն առ ՚ի նոյն շաւիղ չարին պատերազմի՝ գուպար
 դաղտնամարտ մտացս օցտելոց , զոր ես զօրացուցի գոր-
 ծակցետլ հնարից բանսարկուին : Լւ և ոչ ունիմ աղերսել ,

Թէ մի լուեր և մի դադարեր , աստուած . և խորհեցան ՚ի վերայ սրբոց քոց և ասացին , զոր ՚ի կարգէ սաղմոսիս է աղօթեալ Վանգի յոյժ պատեհագոյն է առնուլ զայսոսիկ ՚ի վերայ բռնութեան մոլեկան դիւաց միշտ ճակատելոց առ ներկայիս խռովութիւն , և ընդ նոսին նոցին մշակաց :

Ե . Յորոց դու , տէր Քրիստոս որդի բարձրեալ մեծիդ աստուծոյ , պահեսցես և ամրացուցես , երկնային զօրուդ շրջափակութեամբ՝ յամենայն ընթացից խաբողին հողմոց խաչուդ լուսոյ զմեզ պաշտպանեալ . որ զի Թէ և գացին յիս անօրէնութիւնք բազմօրինակք , այլ ոչ հայհոյութիւք : Ար ոչ հանդեար ՚ի կորուստ նմանեացն իմոց ամբարշտելոց , այլ ամենագորով թախանձամբ ընդ եղծման ջրողոյն զազրագործաց կրկին վշտացար , տաղտկալի զմահու նոցա դիպուածն քեզ գրեցեր , ասելով զզարմանալիսն լսողաց բան , ածեալ զմտաւ ոչ ևս յաւելից անիծանել ղերկիր վասն գործոց մարդկան : Եւ մտիթարիս մեծ իմն պարարեալ ընդ կեանս անմաքրից և պարտաւորաց սատակման . որ երբեմն առակաւ դգմենւոյն զանխայելն ՚ի կործանելիսն ցուցեր , ողորմած , և առ այլ ումեմն նեղեցար սաստիկ վտանդեալ ընդ յամրանալ անձրելին առ ուրացողացն դարման : Եւ ճառու իս ցուցեր բարութեան տեսակս յիշատակաց տօնելիս՝ ՚ի վերջին աւուրս . քե ՚ի ձեռն առաքելոցն քոց՝ ողջոյնս հասարակաց անհամբուրիցն հեռաւորաց քաղցրաճաշակս հրամայեցեր : Եւ և յիս ցօյլեա կենդանի զհոյրեմնի դրութեանց զսէր , զի և ես փրկեցայք քաւեալ ամենառատ քո այցելութեամբդ : Եւ քեզ ընդ հօր հողւովդ սրբով փառք յաւիտեանս , ամէն :

ԲԱՆ . ԿԼ .

ՎԵՐՍՏԻՆ ՅԱԲԵԼՈՒՅԺ ԿՐԿԻՆ ՀԵՃՈՒԹԵԱՆ ԿՈՐԻՆ ՀԱԿՈՂԻ
ԱՌ ԿՈՅՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՑ ՍՐՏԻՅ

ԽՕՍԻ ԸՆԴ ԵՍՏՈՒՃՈՅ

Ա . Եւ ընդէր է ինձ բնաւն որ ՚ի սաղմոսին այնպիսեաց բանիցն ՚ի կիր արկանել , որ ՚ի նախատինս միանգամայն և ՚ի նզովս ինձ յարակային , հանապազ երդել իմով տաւղօք : Վանզի զիւրդ արդեօք զուր երջանկին ինձ դատապարտելոյս նմանեցուցից ասելով ընդ նմին , թէ ոչ մերձեցաւ առ իս թիւրեալն սրտիւ : Օ իւրդ զկարգադրութիւնս տանցն ՚ի յայսմանէ զկնի թուելոցն զարհուրեցուցչաց ընդակից կայից կանոնաց օրինաւորին՝ զինուորին և թագաւորին և մարմնական հրամանատուին , որք և երկնայնոցն են համբուրելիք ասելով , ոչ յուսահատ եղէց ՚ի կենաց պատմողս աւետեացս և նորոյս աշակերտ անմասն յամենուսո բարեկարգութեանց : Օ իւրդ ըստ իրաւախորհ արդարոյն , ընդդէմ մեղաւորացն մահու զինեցայց առական առաւօտին ՚ի սկիզբն արթնութեանն միշտ պարատական լինելոյ , որ և ոչ զանգամս մարմնոյս գանեալ խրատեցի . զիւրդ մասնակցեալ մեծին արութեան՝ սատակեցից ՚ի քաղաքի տեառն զանօրինեալն , որ և ոչ զբուսեալ բիծս հոգւոյս իմոյ մեռուցի : Օ իւրդ ստեցից դրողին չև յայտնելոցն , թէ զմոխիր որպէս հաց կերայ . զիւրդ , որ ոչ միացուցի յիմոցս կրից կաթիլ մի պղտոր ընդ յստակ արտօսք աղբերց երգողին՝ ասեմ ընդ նմին , թէ զբնակելիս իմ արտասուօք խառնեցի , և արտասուօք իմովք զանկողինս իմ թացի : Օ զիս ինձ զրեցից մեղօք մահացեալս , յորժամ սիրողն աստուծոյ ՚ի բոլոր սրտէ զյանցմունս նախնեացն իւր վարկանիցի , թէ մեղաք մեք ընդ հարս մեր՝ անօրինեցաք և

յանցեալք , և որ 'ի վախճանն յանդի | սաղմոս իրաւամբք առ
իս , քան առ Խորայէլ : Արովք յարգեցայց դասիլ ընդ բա-
րիսն , յորժամ մարդկային հնարից այս դեղ պատուեցաւ՝
որ ոչ յիս գտաւ , 'ի գարշութենէ կերակրոց 'ի մահ սովեց-
եալք և յաճախութենէ ճգանց 'ի հոգւոց նուաղեալք ,
բատ խորութեան ինքնօրէն կրօնից հրէից և հեթանոսաց :
Օ իա՛րդ արդարութիւն իմ մնայ յաւիտեանս , զոր ոչ բնաւ
խկ կարտարեցի :

Բ . Եւ զի մի տաղտկացայց յամեալ 'ի բանիս , 'ի համա-
ռօտեւէ զսոյն փութացայց : Օ ի՛նչ ունիմ ասել 'ի տեղի բա-
նիցն՝ զոր աստուածաշունչ ձայնն նուաղեաց օրհներգոյն
Դաւթի , թէ բոլորով սրտիւ իմով ինդրեցի զքեզ . զիա՛րդ
ընդ սմին զմեծն քան զայս , թէ յամենայն ճանապարհէ
չարեաց արդեւի զոտս իմ . իբր ընդ եղեալս և զայն մա-
տուցից , թէ 'ի սրտի իմում թաքուցի զբանս քո , որպէս զի
մի մեղայց քեզ : Արպէս զունայնութեանցս իբր զլրութեց
ճառեցից ընդ պարս մաքրոց , թէ 'ի պատուիրանաց քոց ի-
մացեալ , առեցի զամենայն ճանապարհս չարաց : Օ իա՛րդ
զհեզոյն ճմարտութիւն իմում ստութեանս մշտնջենական
երդմնահարութի կարգեցից՝ ուխտեալ ընդ հաւատարմին ,
երդուայ զոր հաստատեցի պահել զդատաստանս արդա-
րութեան քոյ : Օ իա՛րդ ինձ հրեշտակ մահապոյժ անհրա-
ժեշտ վճռի՝ զբանին պատգամ կրկնեցից , թէ հեռի է 'ի
մեղաւորաց փրկութիւն : Օ իա՛րդ չարս խկապէս՝ զբարե-
եացն գրեցից՝ որք 'ի տեառնէ առնուն զնոյն հատուցումն
զայս տուն յեղյեղել , թէ բարի առնէ տէր ուղղոց սրտից :
Օ իա՛րդ զհամառօտն փոխատրութիւն անաչառութեան՝
վրիպեցելոյս ինձ սահմանեցից , թէ զթիւրեալն յափշտա-
կութեամբ տանի ընդ այնոսիկ , որ գործեն զանօրէնութիւն :
Օ իա՛րդ զաստուածազգեստին պանծանս ամաչեցելոյս ինձ
պատուաստեցից՝ ասել զնորայնն , թէ տէր ոչ բարձրացաւ
սիրտ իմ և ոչ զբօսան աչք իմ , և որ յետ սորին պատմին
ասացեալքն : Օ իա՛րդ զանձառն քան զմարմին բան՝ 'ի ցոյցս

առից քաջայերու թէ վհատելոց ես գանձ գեհնին, ասել
 ընդ օծեալն աստուծոյ հօգւոյն, թէ յառաջագոյն տեսեր,
 զի ոչ գոյ նենգութիւն 'ի լեզուի իմում, 'ի սկզբնաւորն նա-
 խաձայնեալ սաղմոսիս մինչև 'ի լրումն աւարտման բանիս:
 Օ խաբդ դասակցութե դժնէից մարդոց համաբան այրս
 մահու և որդիս սատակման բարբառիմ զբարեշնորհին, ոչ
 ահա զատելիս քո տէր ատեցի, և զմնացուածն սորին կարգի:
 Օ խաբդ մեծաւն վստահութե աստուծոյն վեհին, անձն իմ և
 դու աշխար աշխարհի, զանդատ քո ոգի յառաջ ընծայեալ
 մեծացուցանես ընդ պսակելոյն, թէ փորձեա զիս ար և տես,
 թէ իցեն անօրէնութե 'ի ձեռս իմ, և զյաւելուածն որ զհետ
 սորին: Օ խաբդ ես գորով և յայլոց աղօթեմ ապրել յու-
 սացելոցն յաստուած ձայնակցեալ, պահեա զիս տէր 'ի
 ձեռաց մեղաւորի և 'ի մարդոց չարէ: Օ խաբդ համբար-
 ձայց ընդ փառաւորեալն մաղթել աստուծոյ, թէ դու ես
 յոյս և բաժին իմ յերկրին կենդանեաց: Օ խաբդ իբր հան-
 դիսացեալ ընդ ճգնաւորին՝ զմրցանակն յաղթանակի թա-
 դաւորին մատուցանելով՝ զառաւելեալն քան զօրինակ ա-
 ղերս աղօթից, թէ քնձ սպասեցեն արդարք քո մինչև
 հատուցես ինձ:

Գ. Բարեբանեալ է և այս իմաստ հօգևոր և տէրունի
 գործոյն նմանի, որ զփորձիչն պատկառեցոյց, յորժամ զնձ
 արհամարհիցէ և զսկզբնապատճառն եղելոց միայն ընտրիցէ
 ասելով, թէ երանի ժողովրդեան, որոյ տէր աստուած է
 նոցա: Սե՛ծ է և այս բարձրութիւն շնորհի և զգուշական
 համարձակութի լցեալ երանութե, թէ սուրբք քո օրհնեսցեն
 զքեզ: Բ՛ղձալի է և այս ընտանութի մերձաւորական հօ-
 գևոր հաղորդութեան՝ յնձ յուսալ և 'ի նոյն արձանանալ
 բանիւ սաղմոսին բերկրեալ, թէ զկամս երկիւղածաց իւ-
 րոց առնէ տէր և զկարգ բանին կատարէ, մինչև զողբալին
 և զզուարձալին ազդեսցէ, թէ պահէ տէր զամենեսեան որ
 սիրեն զնա, և զամենայն մեղաւորս սատակէ տէր 'ի դուխս
 լուման գրոց նուազարանաց սաղմոսիս՝ իբր թէ զօրինակն

խակ եցոյց վերջին հատուցման արդարոց և մեղաւորաց .
 Օ ուգակցորդք են միմեանց և զկնի երգեցեալքս . զի թէ
 ընդունի զհեզս տէր և խոնարհ առնէ զամբարտաւանս մին
 չև յերկիր, ապա ինձ ո՞րքան եղկութիւնք կան առաջի . իսկ
 եթէ հաճի տէր ընդ ժողովուրդ սուրբ , և բարձր առնէ
 զհեզս ՚ի փրկութեան, ապա հերքեալս ՚ի բարեմասնութեց
 ես ո՞ւր հաստատեցայց . իսկ եթէ օրհնելի է աստուած ՚ի
 սուրբս նորա տիրապէս, ապա օտարս ես ՚ի մաքրութեանց
 ընդ ո՞րս դասեցայց . իսկ եթէ ՚ի կանխերգիցն մերձ այսր
 եղից յիշատակարան ինձ կշտամբութեան , թէ սիրեցէք
 զտէր սուրբք նորա, զի ստուգութի խնդրէ տէր՝ և կրկին
 հատուցանէ ամբարտաւանիցն, ապա յորո՞ւմ գնդի ես գը-
 տայց գերեալս ՚ի գաղտնեաց գտողին չարեաց : Բանզի
 զորօրինակ տատանին տագնապաւ տերևք տնկոց եղևին
 ծառոց շարժեալք ՚ի հողմոց ուժգին բախելոց հոսեալք ՚ի
 խոնարհ , այնպէս ջանացաւ ջարդել զընթացից խնոց վեր-
 արձակութեան քաջաբեր ուղէչս՝ զյարմարեալս ձեռամբ
 անեղ մշակիդ : Օ որ հաստատեցես արմատացուցեալ
 վերստին դարձեալ նոր պտղաւորութեամբ անապակա-
 նաւ , յանդաստան կենաց խնամոց քոց կամացդ ամե-
 նապարգև թագաւոր Բրիստոս , օրհնեալ յաւիտեանս .
 ամէն :

ԲԱՆ . ԿԲ

ՎԵՐՍՏԻՆ ՅԱԵԼԼՈՒՅԾ ԿՐԿԻՆ ԼԵԾՈՒԹԵԱՆ ՆՈՐԻՆ ԼՍԿՈՂԻ

ԱՌ ՆՈՅՆ ԱՂԵՐՍ ՄԱԶԹԱՆԱՅ ԲԱՆԻ

Ի ԽՈՐՈՑ ՍՐՏԻՑ

ԽՕՍՔ ԸՆԴ ԱՍՏՈՒԾՈՅ

Ա . Լ . ՅԼ արդ ընդէր ոչ ՚ի վերագրեցեալն սաղմոս նա-
 խաճառական և յայլ մարդարելիցն մասն ինչ յօդեցից :

Վրանգի զինչ վայելումն իցէ կերակրոյն, եթէ անզգայեալ ցաւովք ուտիցեմ. և կամ զոր շահ սաղմոսն ունիցի, եթէ ոչ ՚ի միտ առնուցումս Վրանգի նզովեմ զիս ինքն ՚ի նոսին և ոչ իմանամ, լուացեալ լինիմ և ոչ պայծառանամ, արևու ծագեալ և ոչ լուսաւորիմ, մեղք ճաշակեմ և ոչ քաղցրանամ, օւտնիւ շնանիմ և ոչ բժշկիմ, միշտ կանխեմ ՚ի նոյն և դատարկ երեիմ, հանապազ ձաղիմ և ոչ երբէք խրատիմ, ողորիմ դարձեալ և ոչ զգաստանամ:

Բ. Մտաբարե մեղք և անօրէնութիւնք իմ յիս, և ես մաշիմ ՚ի նոսին, ըստ մարգարէին որ ՚ի դիմաց պարտաւորացն բանի և տէրունական առակին հին տկոցն և նոր գինւոյն: Ս ասն զի թէ սատակին անօրէնք և մեղաւորք ՚ի միասին, ըստ Եսայեայ ձայնին, ապա և ինձ դժնէիս նոյն բաժին հանդերձեալ պահի: Վրանգի ասեմ զսաղմոսն, թէ հատուցանէ այնոցիկ՝ որ առաւել առնեն զամբարտաւանութիւն և կցորդեմ սմին զընթերցուածն, թէ օր տեսան ՚ի վերայ հպարտից և ամբարտաւանից. ասեմ, թէ օտար եղեն մեղաւորք ՚ի մօրէ, և որ ինչ կարգ սորին ցուցանէ. յարեմ առ սմին, թէ կործանեացին անօրէնք երկրի, և ամբարիշտն բարձցի յերկրէ, և անիրաւք մերժեացին ՚ի նմանէ: Սղբք ինձ կարգացէք առ ձայնն, թէ զոր օրինակ վառի եղէզն ՚ի կայծականց հրոյ, այնպէս այրեսցին մեղաւորք ՚ի բորբոքեալ բոցոյն. լացէք առ սաղմոսն, թէ արկցես ՚ի վերայ նոցա կայծակունս հրոյ. աշխարս պատմեցէք ՚ի բանս անտան վճռին մարգարէիւն ազդեցեալ, թէ ոչ կամիցիք լսել ինձ, սուր կերիցէ զձեզ. կոծեցարուք առ սաղմոսն, թէ մահ հովուեսցէ զնոսա. աղի արտասուս ողորմ հառաչմամբ ընդ հեծութիւնս իմ յարմարեցէք, յորժամ բարձրեալն ընդ Իսրայէլի և ինձ ասացէ բանիւ սաղմոսին, թէ ժողովուրդ իմ ոչ լուաւ ձայնի իմում. աւաղ կարգացէք թշուառացելոյս, յորժամ այլ մարգարէ զնոյն գիցէ, վայ նոցա զի վազեցին զինև: Իարբառ փողեցէք ՚ի սիրտ մղձկեալ նոր ազաղակի, յորժամ տեսանողն Աստուծով ամաչեցուցեալ զիս

կշտամբեցէ ընդ ապարասան տանն Յակոբայ, տեսէք արհամարհո՞ք՝ զարմացարուք և եղծարուք:

Գ. Լ՝ Ե զարձուցես և ամխոփեցես զբարձրացեալ զսուր բարկութեան ահաւորիդ սպառնալեաց ՚ի սարտուցելոյս յերեսաց մեծիդ, և խնամովք աջոյդ բարեբաշխութեան առ իս ժամանեալ՝ օծումն կենաց պարզեատրեցես քո աղաչողիս: Եւ քեզ փառք յերկինս ՚ի բարձունս, և ՚ի մահացուաց յերկիր ՚ի խոնարհ, ՚ի սահմանս բոլոր ազանց և յամենայն յաւիտեանս. ամէն:

ԲԱՆ . ԿԳ.

ԱԼԵՐՍՏԻՆ ՅԱԲԵԼՈՒԹԵՑ ԿՐԿԻՆ ՀԵՃՈՒԹԵԼԱՆՆ ԿՈՐԻՆ ՀՍՈՒՂԻ

ԱՌ ԿՈՅՆ ԱՂԵՐՍ ՄԱՂԹԱՆԱՅՑ ԲԱՆԻ

Ի ԽՈՐՈՅ ՍՐՏԻՅ

ԽՕՍԻ ԸՆԴ ԱՍՏՈՒԾՈՅ

Ա. Լ՝ ԱՐԵՐԱՐ և բազմադուծ, մարդասէր և երկայնամիտ միայն թագաւոր, ընդ հօր քում պատուեալ և օրհնաբանեալ տէր ամենայնի, որդի աստուծոյ կենդանւոյ. անպատճառդ միշտ խնում կորստեան, որ ամենեւին անխորձես ՚ի չարեաց, որ ոչ կամիս զմահ մեղաւորի, որ փրկութիւնս ՚ի քոց կամաց ընծայեցեալ, որ զարձուցանես զմրրիկ մեղաց ՚ի յօդ քաւութեան, որ զհուր բարկութեան յանձրև փոխարկես: Ար զյետնեալ զկինն ՚ի բարեաց՝ կրկնակի դոյննահանջեր երկեակ բնութիւն ՚ի նոյն արձանի, ոչ խկապէս ընդ անպարտսն, և ոչ համայն ընդ պատժաւորսն: Ար զլուծութիւն ծովուն սահանաց իբր զկարկառս քարանց կառուցեալ յեղանակեցեր. որ զկարծրանիւթ վէմն անապատին ՚ի վիժակս վտակաց հոսեալ բղխեցեր: Ար զՅորդանանու ջրոյն սրաշարժ վայրեկութիւն՝ հրաշաւոր անդրադարձութիւն ՚ի յեանորդս հեթանոսաց լուացումն աւազանին ՚ի

Թիկունս առաքեցեր: Որ զպատուատեալ պարիսպն Երի-
թովի, յօրինակ կործանման բռնութեանն սատանայի՝ իբր
զԹեթևութի յարդի շնդեցեր. որ զվնասակար ջուր նորին
ի յառակ այլայլութեան առ ՚ի բարին փոխարկութեան՝
քանանացոցն փրկութեան խորհրդական աղիւն համեմեալ
անուշեցեր: Որ զՄեռային դառնութիւն, իբր զմտաց ան-
հաւանութիւն, կենացն փայտիւ ՚ի բեզ յարմարեալ պիւ-
տանի արարեր: Որ զառեայն ՚ի գետոյն՝ ՚ի գծագրութիւն
անսահմանդ քո հրամանի անորակից գունակութեան՝ ՚ի
նոր երանգ բոսորային մածեր արիւն ՚ի ցամաքի: Որ զան-
կենդան ցուպ դաւազանին, ՚ի կերպառութիւն առ ՚ի զբոյդ
մերովս նկարագրիլ, այլ և յօտարագնիցն ընտրութիւն, ՚ի
տիպն սպաթոյն կերպիւ միշտպի նմանեալ ցուցեր: Որ
զերջանիկ ձեռն աջոյն Մովսէսի, ՚ի ցոյցս տեսութե ապա-
գայիցս հրաշից մարդեղութեանդ քո, բարձրեալ, և բն ախ-
տաւոր մարմնոյս մաքուր լինելոյ անփոփոխ փոխապրութիւն
կրկին դուշակեցեր: Որ յայքանեացս շրջադրութիւն բա-
րեխնամապէս արուեստիւ սիրոյ զանակնկալն գիւտ մեղա-
ւորաց կորստականաց նշանակեցեր, օրհնեալ ամենադուժ-

Բ. Որ բուսուցանես յերկրէ դալարի զմեռեալն յան-
շնչականէն, որ զանշարժն իբր զընթացող կառավարես, որ
յանարգ արգանգէ կոչես բեզ պատկերակիցս, որ տաս պա-
տանեկաց սղորիս ըմբոշննելիս, որ յայտս մաքուրս հերս
ընծայես, որ զսաղարթ սեռութեան վարսից ՚ի ձեան կեր-
պարան զարմանագործես, ցուցեալ՝ թէ առ ամենայն սահ-
ման հեռաւորական յաղթող ես հզոր. որ փոփոխես զշրթ-
թունս բնաւորականս, ըստ բանին Յոբայ, ՚ի կամս հաւա-
տարիմս: Որ սասանես զերկիր և զփիւնս նորին ՚ի հիմանց,
նշանակեալ հաստուածին գոյիւ՝ թէ դու միայն մնաս ան-
կորնչելի. որ հոլովես զտարերս իբրև զանցաւորս, և դար-
ձեալ ՚ի նոյնն կապես իբրև զյարակայս, յայտ արարեալ՝
թէ և առ մեղաց բազմութիւն դիւրապէս ունել կամ թու-
ղուլ զոյնպէս զօրաւոր իցես: Որ զարուսեկին անզղայ

Էութիւն իբր երասանաւ իմն դաստիարակես, երևեցուցեալ այնր իրի կերպիւ, թէ զբնութեանս չար դիմեցումն յորժամ և կամիս հանդարտ առնիցես: Ար զանբարբառ բուրբակ լուսնին կարգես ունայնս և պատարունս, լուսաւորեալ զպատճառն առ աւետիս տեսողաց՝ թէ ՚ի նուազուէ բարեաց զպարտաւորս մարմին դու ածես ՚ի լութի առաջնաստեղծ հարստութեանն: Ար զպատկերս անխօս աստուղաց իբր զգասակս դոյզն հօտից տրոհես և ժողովես, յոյս իմն կենաց առ այս խորհրդաբերեալ, քաղցրահայեաց տեսութի, թէ և անաղաչաւորաց լեզուաց կարողապէս բաւես ողորմել: Ար ՚ի մէջ մահու և կենաց շաւիղ վստահութեան ուղղես ՚ի ծովու, վկայութիւն եղեալ հաւաստի, թէ և յանկասկածաւորն վայրի քե պաշտպանիմք անգայթակղելի. որ իբր զնուր կաթսայից ՚ի հրոյ եռացեալ, որպէս զմեղաց մրրիկ պղտորեալ՝ բանիւ կամաց քոց խափուցանես: Ար հայիս յերկիր և տատանես զսա, զի անբանիւն զմտաւորս զգաստացուցանես. որ իբր զակատ մի անձուկ նուալ ՚ի վերայ շարժութեան ալեաց՝ զանբաւ թանձրութիւն գեանոյս զզրղես, որով ծանուցեալ լինիս ամենից հաստուածոց՝ թէ իցես աներկբայելի, որ ՚ի բան քո զօրեղ հիմնացեալ ունիս զամենայն: Ար սերմանես զարտաշնչացեալ մարմինս յերկրի, և զնոյն անկորուստ պահեալ կրկին կենդանածնես, որ ապականացուս աւանդեալ՝ անեղծս ստանաս, որ ընդ մահացու նիւթոյս՝ զնշխարոյ կենաց խառնես, որ հրամանաւ ակնարկութեան ՚ի խուն վայրկենի կազմեցիր՝ պատրաստ կացուցեր զանզարդութիւն ամենից եղանակաց: Ի՞նչ է զօրութիւն և կարողութիւն, որ շրջանակես զժամանակս ամաց հողովման աւուրց յայլ նմանութի բարեպատեհ տեսողութեան: Ար կարգաս զանմուռնչան իբրև գկենդանիս. որ ազղես միայն, և նորա ընթանան, որ միայն հենուս անկանես անձաւ արուեստիւ հնարագիտութեան մէգ և առաւօտ: Ար յետ նախակարգ յօրինուածոյն առաջնաստեղծ լինելութեանն, արարելոյ զփառաւորեալսն

մեծամեծս հրաշակերտիցն հանդիսից, ըստ գրոյն երջանկու-
թեան կանխահիացն զարմացման, այլ իմն գոյացութիւն
տօնելի տեսակի անեղծ աշխարհադործութեան ևս քան
զսոյն ՚ի մարդանայդ քո, որոց ոչ գոյ թիւ:

Գ. Որ ահա զվնասն մեր քեզ գրեցեր, որ զարդարուին
քո մեզ շնորհեցեր, որ ընդ քեզ կրեցեր զհաշտութեանն
մերում փրկանակ, որ ոչ երբէք լքանիս յողորմութենէ,
դարձո զամբարշտեալս ՚ի պաշտօն բարի երկիւղի, զթրմբ-
րեալս ՚ի զդաստութիւն արթնութեան սրտի, զանմաքուրս
՚ի սրբութիւն պայծառութեան կերպարանի, զբազմաբիծս
յանբծութիւն հանդարտական սուրբ պատկերի, զբեկեալս
յողջութի, որ ՚ի դիպմանց ոչ խորտակի, զլացեալս ՚ի խն-
դութիւն զուարթութեան անտխրելի, զյուսահատեալս ՚ի
սէր միաւորիչ անքակտելի, զամաչեցեալս ՚ի վտահուութիւն
հաստատութեան անշարժելի, զխաւարեալս ՚ի լոյս երանու-
թեան անմեկնելի, զմահու գերեալս ՚ի կեանս որ ընդ եղծ-
մամբ ոչ անկանի: Օ ի փառաւորեացի անուն քո, Յիսուս,
խոստովանեալ յամենայնի ընդ հօր և ընդ հոգւոյդ սրբոյ ՚ի
բարձունս երկնի և ՚ի ստորեւ երկրի և ՚ի բնակիչս նոցա,
յաւխտեանս յաւխտենից ամէն:

ԲԱՆ • ԿԳ

ՊԵՐՍԻՆ ՅԱԻԵԼՈՒՅԺ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՑ ԲԱՆԻ

Ի ԽՈՐՈՅ ՍՐՏԻՅ

ԽՕՍԲ ԸՆԳ ԱՍՏՈՒԾՈՅ

Ա. Նի արդ առ ամենայն բան յամենայնի ուղիղ ես,
անձ, իրաւամբք դատիս, արդարութեամբ կշռես, ճշմար-
տութեամբ չափես, օրհնութեամբ հետեիս, բարւոյք ըն-
թանաս, ստուգութիւն սիրես, յատակութիւն կամիս, լու-

սաւորութիւն համբուրես , փորձիւ յանդիմանես , երկայն-
մատութիւն քննես . ոչ ունիս նենգութիւն և ոչ գոռոզութի
այլ ամենևին հեղուութիւն , հանդարտութի և ողորմութի :

Բ . Արդարացար վերին իմաստութի անայլայլական հօրդ
հանձարոյ՝ կրկին վկայեալ անզեղջ գովեստիւ յորդեգրեցե-
լոցն շնորհօք , ըստ բանին սրբութեան՝ որ աւետարանաւն
կենաց ՚ի քէն ընկալաք . որ ոչ ՚ի կոծելն ողբացի , և ոչ ՚ի
փողելն կաքաւեցի : Ասացեր անօրինիս՝ թէ մի անօրինիր ,
և ես ՚ի նոյն չարիս պնդեցայ . մեղաւորիս՝ թէ մի ամբա-
նար եղջիւր ՚ի բարձունս , և ես զընդդէմն քեզ գործեցի ,
և ոչ զդացի երբէք զառածեալս , թէ ՚ի ձեռին քո են եղ-
ջիւրք արքայութեան հպարտից ամբարձելոց , խոնարհե-
ցուցանել և բարձրացուցանել , ըստ Ամբակումայ , Դաւթի
և Զաքարիայ : () րհնութիւն ինձ կամեցար , ողորմած , և
ես անիծեալս՝ մեծ տարագրութեամբ խոտորեցայ յարժա-
նին ինձ մասն . սիրեցի բարկութիւն և ոչ բարութիւն , ջո-
շափեցի ըստ գրոյն զխաւար , և ոչ զոյս , կենդանի ձայնիդ
քո , զթած , ապառու մս պատասխանեցի : () որդնն անմահ
ասացեր բանիւ Եսայեայ , և զհուրն անշէջ և զկշտամբու-
թիւնն անվախձան և զտեղին յաւիտենից և զօրինակ նմին
սոսկալի , և ես ոչ իմացայ ըստ սաղմոսողին և ոչ մտաւեցի ,
այլ ՚ի մօայլ մտաւորական կուրութեան դնացի : Յուցեր
մարգարէիւն , թէ զօրհնութիւն ստացի որ զօրէնս զնէ ,
և ես համառօտել զնոյն փութացայ : Արձան հոգևոր վիմի
գրեալ մատամբ քո , տէր Յիսուս Բրիտոս , զԴաւթի իւ-
րովքն բանիւք կանգնեցեր , ասելովն ինքեան ընտրութիւն
առ սոյն , թէ պահեցի զօրէնս քո յամենայն ժամ , յաւիտ-
եան . անդրադարձութեամբ բանին միջնորդեալ զկրկին
հաստատութիւնն , թէ և յաւիտեանս յաւիտենից . ընդ որս
և զօրին նմանիս պարծանաց առ իմս խրախոյս , և ոչ զկծե-
ցայ . ճեպեցայ ՚ի տունս Բահաղու և ոչ նյ , ՚ի յերկուս հետս
երկմտութեան կրկին կաղացի կասեալ ՚ի բարեաց , ըստ եր-
զիծանելոյն Հեղիու : Անիմ զՄովսէս իւրովքն օրինակօք

եկեալ ՚ի մեռելոց , և զտառս մարգարէիցն դրեալ ՚ի յողի ,
 և զմատեանս առաքելոցն ընդ մտացս մատն յեռեալ , և ըզ-
 տերդ հասարակաց կտակաւն աւետեաց յարուցեալ ՚ի
 թաղմանէ անթիւ ննջեցելովք , և անհաւատագոյն քան
 զհնգեսին եղբայրակցու թիւնս այնր մեծատան , որ է առակ
 իմն յարմարական , նմանեալ զգայականացն մասանց անու-
 ղորմիցն յգփացելոց , մնացի իբրև զսալ դարբնաց անոստ՝
 յամառեալ քարացեալ սրտիւ , որպէս օրինակն է Բելիա-
 ըայ , և ոչ ապաշխարեցի :

Գ. ԸՅՂ ազդեա վերստին առ սոյն կերպարան լքեալ
 կրկին ողորմութիւն բարի , ահաւոր , մարդասէր , խնամա-
 կալ , կենդանի , սուրբ , լուսաւոր և անխախճան թաղաւոր ,
 զօրութեամբ պանծալի խաչիդ խորհրդոյ , ՚ի կարծրացեալս
 մեղօք անբեր անդաստան երիկամանցս յիմարութեան և
 անպտուղ սրտիս լքութեան . զի առեալ նպաստ օժանդա-
 կութեան ՚ի զթութենէ կամաց ամենակալիդ , որոտացէ
 բղխեցէ հոգիս , ընծայեալ աչաց վտագնեցելոյս վտակս
 արտասուաց արբուցանողաց ինձ ՚ի փրկութիւն և ՚ի մաք-
 րութիւն , և բեզ ՚ի հաճութիւն ընդունելութեան , ամենա-
 պարզ և տերդ բողբոց , փառաւորեալդ յաւիտենից . ամէն :

ԲԱՆ . ԿԵ

ՊԵՐՍՏԻՆ ՅԱԲԵԼՈՒՅԺ ԿՐԿԻՆ ԷԷԾՈՒԹԵԱՆ ՆՈՐԻՆ ԼՍԿՈՂԻ
 ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
 ԽՕՍԻ ԸՆԴ ԱՍՏՈՒԾՈՅ

Ա. ԵՒ արդ ես նախնիս ամբարշտաց , գլուխս մեղա-
 ւորաց , պետս անիրաւաց , առաջինս պարտաւորաց , պատ-
 կերս յանցաւորաց , ատտիկեցիս ըստ վատթարութեան՝ այլ
 ոչ ըստ բարեբաստութեան , ահա զանճառիցն խոց ճառե-

ցի , զպատկառելիսն խայտառակեցի , զգաղտնիսն հրապարակեցի , զծածուկսն յայտնեցի , զԹաքուցեալն ցուցի , զամփոփեալն տարածեցի , զդառնութեանս մաղձ ժայթքեցի , զգործակցութիւն չարին մատնեցի , զամբարեալ Թարախ վիրիս քամեցի , զխորս պարտեաց իմոց ծանուցի , զպատրուակն կեղծեաց առի , զքող տղեղութեանն վերացուցի , զամօթալեացն զգեստ մերկացուցի , զգտըշելիսն յանդիմանեցի , զմրուրն մահու փոխեցի , զպալարս հոգւոյս խածուածոց քահանայապետիդ Քրիստոսի բացի : } անձինս վտանգ ոչ անխայեցի , մարմնոյս սիրոյ ոչ աչառեցի , զարմատն հնութեան տեսիլ արարի , բնութեանս կարեաց ոչ ողորմեցայ , զմիաբանութեանն կապ խզեցի , զղղեակ սրտիս քանդեցի , ընդ կամացս որսոյ իբր ընդ դարանակալի մահու կռուեցայ , զպահեստ անյայտիցն արտաքս հանի , զմթերիցն գանձ՝ մեծին գուշակեցի , զգատախազն դատաւորին հանդէպ կացուցի , զապառնեացն զփորձ այժմէն իսկ գտի , ըզդաշն կործանողին կտրեցի , զուխտն խաբողին ցրուեցի , ըզկատարած մարտին յաղթութեան ՚ի քեզ տէր Յիսուս ապաստանեցի , զպատերազմին խումբ գրդուեցի , զզիմաղրութիւն դիմեցմանն՝ բանիդ աստուծոյ յուսացայ , զխաւարատիրացն փաղանգ լուսեղինացն զինուց սաղրեցի :

Բ . Եւ արդ , ստեղծիչդ ամենայն եղելոց Քրիստոս որդի բարձրեալդ աստուծոյ , զաստէն դսրովեալս յայսպիսեաց բանից և զհարուածեալս յայսքանեաց գանից մի կշտամբեսցես կրկնակի դատել ՚ի մեծի աւուրն : Ա՛հա , հզօր անքնինն անձառ բարերար Թագաւոր անմահ , առ այս կերպ պատկառանաց ինքնապարսաւս խոնարհութեան , որ ինձէն զանձն մեծաւ ձաղանօք յոգի դատեցի , լից նուազօք այսր մատենի անարգանօք ամօթոյ զդէմն սատանայի , և զերեսս կերպի պատկառեցելոյս նշանաւ խաչիդ զօրացո : Ա՛ իսացի կնիքդ լուսոյ ՚ի գեղ տեսակիս , ամրութեանդ նշան հաստատեցի ՚ի տիպ դիտակիս , երևակ կենացդ փայտի ձեասցի ՚ի պատկեր այտիս , արուեստդ հրաշից ՚ի ձակատիս շուք

Նշանակեսցի: Ս'ի այլայլեսցի յինէն դրոշմդ լուսապաճոյճ,
մի բարձցի 'ի տեսանելեացս բբաց ճաճանչդ օրհնութե ,
մի մերժեսցի 'ի գլխոյս առ հաւատչեայդ վստահութեան ,
մի սասանեսցի 'ի բերանոյս ամբուութեան սեմոց՝ փառք
տեառնագրութեանդ: Պահպանակդ երկրպագելի 'ի զգայ-
արան սրտիս միացի , չորիցս նիւթոց խմոյս գոյութեան
քառաթևիդ նշոյլ ազդեսցէ , ձեռինս կարկառման փրկչիդ
իշխանութիւն օժանդակեսցէ , մատուցման հաստուածոյ
մատինս՝ խորհրդարանդ համարձակութեց բարեգործեսցէ :
Ի մեկնելս իմում մի հեռացի սրբութիւնդ , մի լքցի պա-
տիւս 'ի պատիւն պարտաւորիս , մի մերժեսցի 'ի յոգւոյս ան-
դաւաճանելիդ փրկութիւն , մի ջնջեսցին գիծք կենդանա-
տուիդ 'ի քո գրեցեալս շնչոյ , մի եղծցի նկարումն արեան
զօրութեան 'ի տիրատիպ խորանէս , ընդ իս բնակեսցէ յի-
մում գերեզմանին . 'ի ծորել մարմնոյս թշուառի օծումն
շնորհիդ առ իս պահեսցի , 'ի նորոգութեանն աւուր սովա-
հանդիպեցայց փառաց փեսայիդ , 'ի քոյոց այտի ծանու-
ցայց քոյովքդ վաստակօք պճնեցայց , երախտօք մեծիդ
յարգեցայց , աւազանին զգեստիւ պերճացայց՝ քաւեալ
ողորմութեամբ : Ս'ատո , բարեգութ , զվերարկուդ անա-
պականութեան տաժանեցեալս մեղօք մարմնոյս , մի յարիցե-
ընդ քոյս՝ բանսարկուին , հնացուցիչ հոգւոյս վատնեսցի ,
խաւարաբնակացն պատիրք մի ընդ իս վերերևեսցին : () րհ-
նեսցի անուամբ քո , գթած , վիհն իմ հանգստեան , ողոր-
մութեամբ քո լցցի գուրն իմ գերութեան , ընդարձակես-
ցի քե ինձ տեղին թշուառութեան , անդորր եղիցի , խնա-
մող , ինձ բանտն բարկութեան , սնուցէ զիս առ յաճումն
արգանդն մթութե , յուսով քո շտեմարանեսցէ զիս յարկն
այն անձկութեան , ձեռամբ քո պահեցայց 'ի խշտին տար-
տամութեան , թեօք քո ընկալայց 'ի տունն տաղնապի ,
դու , գովեալ , ընդ իս 'ի սենեակն վտանգիւ Նւաղս ինձ աս-
տանօր 'ի թիւս հազարաց , զի երբեմն էի վերնային և այժմ
անդնդային , երբեմն տօնելի և ոյժմ աշխարս լի :

Գ. Այլ և արդ կրկին դու օրհնեալ ՚ի բոլորից գոյից յերկնայնոց և ՚ի ստորնայնոց և ՚ի սանդարամետականաց մեռելոց , անպարտականդ այս տարագրութեանն : Աս վրիպեցայ , ես օտարացայ , ես յիմարեցայ , պարտեցայ և խոտան գտայ . ես լքայ , կամեցայ և կործանեցայ . ես մոլորեցայ , ես մատնեցայ , ես մերժեցայ , ես խորթացայ , դերեցայ , և դայթակղեցայ . ես նզովեցայ , ես թշուառացայ , արբեցայ և վատթարացայ . ես ընկղուզայ , ես խաբեցայ , ես անօրինեցայ , ես ապականեցայ , մահացայ և խապառ եղծայ . չիք քո առ այս ինչ մատն չարի , որ ես միայն անփոփոխ բարի : Արդ կամք քո յիս , և խաւարն ինձ ճառագայթ . ճրագ յուսոյ քո անդ , և դիշերն վաղորդայն , մարմնոյ քո հաղորդեալ , և յամօթոյն կարծեաց ապրեալ : Ես ես ոչ գրեմ զանձն իմ կենդանի վասն անփախչելի վախճանին , գարձեալ զի ոչ վարկանիմ կորուսեալ վն աներկեան նորոգմանն : Ար և փակեալ համարիմ ինձ զերս կենացդ վասն անբաւելեացն պարտեաց , դարձեալ բացեալ ինձ զգրախտն վասն փրկութեանն արեւտեաց . քանզի ոչ այնքան վհատութեանն դոյժ տաղնապէ , որչափ փրկութեանդ քաջալերեալ ձեռն կարկառէ : Արդ տուր , տէր , տուր ողորմութի , առ նմ ձայն դոհաբանեալ , օրհնեալ յաւիտեանս . ամէն :

ԲԱՆ . ԿԹ .

ՊԵՐՍՏԻՆ ՅԱԿԵԼՈՒԹԱԾ ԿՐԿԻՆ ՀՆԾՈՒԹԵԼԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆՅՑ ԲԱՆԻ

Ի ԽՈՐՈՅ ՍՐՏԻՅ

ԽՕՍԻ ԸՆԴ ԵՍՏՈՒԾՈՅ

Ա. Արդ որ դք և առցէ զայս զեղ մաղթանաց այսր մատենի պարկեշտականի պաղատել սովաւ , եթէ ՚ի մեղաւորաց իցէ մատուցեալն , եղէց և ես խմովս բանիւ կցորդ-

եալ նմա . իսկ եթէ յարդարոց գուցէ յառաջեալն , դտայց
 և ես սովիմք ընդ նմին ողորմեալ նովաւ : Այա թէ եր-
 ֆանկասցի այնպիսին ինքեամբ՝ ինձ միայնոց գրեալ զեղկու-
 թիւնն , և ես ինձէն վկայեմ այսմիկ : Բայց յիշեացէ նա ըզ
 Սողոմոն և զբանս նորա զհոգեշունչս , թէ ո՞վ որ վստա-
 հասցի սիրտ սուրբ ունել , և կամ ո՞վ պարծեսցի մաքուր
 լինել ՚ի մեղաց , և զի ոչ յարեաւ մարդ երկրամին ազատ-
 եալ ՚ի պատասխանեաց . և ոչ ընտիր՝ ինքնարշաւ վազիւքն ,
 և ոչ թէ և ՚ի թռիչս ամբարձման թևոց բերիցի . առ որ
 զգոյշ լինիցի կրկին երկուցեալ ՚ի վիմին իսկ հաստատու-
 թեան՝ ուսեալ ՚ի Պօղոսէ , գուցէ անկեալ ՚ի յերկիր՝ սահ-
 մանողի այսմ կանոնի իրաւադատի կշռեալ նմանեսցի :
 Այլ առցէ զայս կշտամբութիւն մաքուրն՝ նիւթ պսա-
 կաց , առ ՚ի չիջանել անընտրողաբար յանձեռնհասն բարձ-
 րութենէ . և պատժապարտն՝ առիթ ազատութեան , որով
 ամբարձեալ ՚ի կործանմանէ հոգեորական մահուն՝ ապ-
 րեսցի յուսով : Իսկ ինձ եղիցի պատգամս այս բանի ար-
 ձան փորագրեալ ամենեւին անեղծանելի , որ փոխանակ իմոյ
 եղկելուցս անձին մահացուի՝ անպաղար հնչմամբ հեծու-
 թեան լալոյ առանց լուրոյ միշտ աղաղակէ . լիցի և ոսկե-
 րացս քակտեցելոց ՚ի հողապատեան շիրիմ վերարկուին՝ ան-
 մուռնչ ձայնիւ զայս խոստովանել . հասցէ և մարմնոցս ՚ի
 հող լուծելոյ՝ բարբառով իմն անազգելեաւ ծածկատեօրդ
 զսոյն պաղատել :

Բ . Տէր գթութեանց , աղբիւր ողորմութեանց , պարգևք
 բարութեանց , որդի բարձրելոյ տէր Յիսուս Քրիստոս
 ողորմեա խնայեա , մարդասիրեա , նայեա ՚ի վտանգս , ակ-
 նարկեա ՚ի բեկութիւնս , խոնարհեաց ՚ի թշուառութիւնս ,
 տես ՚ի տարակոյս անձեռնհաս տաղնապիս , հասիր հաղոր-
 դել կորստականս կարեաց : Շշափեա բժշկապէս զամենա-
 թշուառ ախտաւորութիւնս , ունկն մատուցես քաղցրու-
 թեամբ ողորմագին հեծութեանս , լուր ՚ի խորոցն անդնոց
 մահուն գերեզմանի անմունչելի հառաչմանս , մտցէ յական-

Ճրս ամենալուր ընելեացդ ձայն պաղատանաց վատնեալ անդամոցս : Լ,ւ վասն զի գրաւական կենդանութեանս անապական է , անփոփոխ լիցի և սիրոյդ քո դ[թու]թի . կցորդ ընր հեզու[թեամբ] տաժանաւորս տկարութեան : Ս՝ եռեալ պատկերիս մի ոխս պահեսցես , ընդ անշունչ կերպարանիս մի ՚ի դատ քննութեան մոցես , մահու տանջեցելոյս մի հարուածս յաւելցես , ընդ բեկեալ խեցեղէն անօթոյս մի ուժգնութեամբ մարտիցես , վճռաւ կոշկոճելոյս մի բարկութիւն կրկնեսցես , կործանեալ շինուածոյս մի պատուհաս մատուցես , շանս սպանելոյ մի քարինս արձակեսցես , լուոյս ջախջախելոյ մի սաստիկս որոտացես , հողոյս անպատուելոյ մի իբր ամբարհաւածի ուժգինս մանչեսցես : Օ՝ մոխիրս մերժելի մի ՚ի դատ ընտրութեան կոչեսցես , զփոշիս ցրնդելի մի իբր զքո դիմամարտ գտցես , զտիղմս տաղտկալի մի իբր զոտիս վարկանիցիս զգարչութիւնս անգոսնելի մի իբր զբռնամարտիկ վանեսցես , զխէթս ՚ի բաց ընկենելի մի նիւթ գեհննիս պահեսցես , զայսբանեաց բազմապատիկ բանից կշտամբեալս մի վերստին յանդիմանեսցես :

Գ . Մ, յս ամենաթշուառ և խաւարարգել շիրմին են անասրտաբեկ և յոգնաթախիժ արգահատութիւնք . հաստատեսցէ օրհնեալդ քո բան անփոփոխական լինել , ըստ սրտի արգահատելոյս . բանզի և այժմ մինչ կենդանեօքս խօսիմ , մեռեալ եմ անհասիղ . որպէս ՚ի կորուստ մահուն սատակման՝ ամենազօրիդ հրամանի անեղձ եմ հաւատովքս : Մ, րդ աղաչեմ զքեզ , տէր Յիսուս Քրիստոս , հայեաց յիս ողորմութեամբ , և մի թողացուցես լինել տնակից ինձ բելիարայ . և զմահազեկոյց տապանին ազդումն անկենդանաւորն թնդման թշուառն թաղման՝ աղաղակ ձայնի հառաչման լախաց քեզ հաշտեցուցչաց՝ յարգեսցես ընել , միայն բարեգործ , հոգեսէր , հզօր մարդասէր . և հոգիդ քո բարի բնակեացէ ընդ իս՝ լոյս առնելով ինձ ՚ի խաւարինս : Ս՝ նասցեն ընդ իս կենարար քո կրից պաշտեցեալ մասունք . զի իբր զաւանդ գանձու զիս պահեալ ՚ի քեզ , կենաց նո-

րոգման ընծայեցուցեն . օճառք անխտոնելի զինուց ինձ պատկանեսցին , ընդ իս յարակայեալ քարինք պարսից հոգևոր հնարից՝ զչարին հալածել զգունդ : Արտոն որ առ իս քե , տէր , վանեսցի . զի եթէ յարիցէ 'ի վերայ իմ պատերազմել , տեսեալ զքաղաքն ունայն 'ի զօրաց և զազդողականացն գործի սպաձայն , զքեզ տէր ունիմ մշտնջենաւոր և աննիրհելի պահապան :

Գ . Օ ի եթէ այժմ իսկ կանխաւ արադեալ յառաջ քան զօրն կատարածի , և անշաւիղ արգելան ինձ պատրաստեսցէ , առաքեմ զաղօթսն տէրունականս նմին գան մահու . եթէ 'ի վայր զիս հնարի կործանել , զծնրադրութի արարչին . եթէ 'ի մոխիր երկրի թաւալել ձեռն բերիցէ , երեսացն այ 'ի նոյն մածուցումս զնա հերքեսցէ . եթէ վաստակս ինձ ցաւոց նիւթեսցէ , քրտուկքն յուռթի արեամբն զանգեալ փրկչին աշխարհի զնա խուեսցէ . եթէ յընթացից բարեաց զըռնչս իմ պատանդեսցէ , կապանք ամենաստեղծին զիս արձակեսցէ . եթէ յուրացութի պարգևաց լուսոյն բռնադատեսցէ , հայհոյութեանն համբերութիւն յաստուածամարտիցն՝ զնոսին ընդ նոյն կարկեսցէ . եթէ հարուածս նետից գաղտնաձիգ զինուց ինձ արձակեսցէ , կարթ հնարից ալեղան փառաց հօրն կապարձից նմին պատահեսցէ : Աթէ քողով լուսոյ խաւարականի մտանել ընդ աչս անամօթեսցի , կոփումս գլխոյն ձորձով պատեցեալ լումանն ամենից զնա տանջեսցէ . եթէ մոլեսցի զվստահութիւն ձեռինս կապել , եղէգն մատուցեալ 'ի յաջ գոյացուցչին զնա չարչարեալ ըմբերանեսցէ . եթէ ձաղանօր այպանման զիս կատակեսցէ , տանելն ծաղու ամենազօրին զնա հենգնեսցէ : Աթէ բժժանօք ինչ յուռթից կախարդել խորամանկեսցէ , ապտակն դիմաց հզօրին աստուծոյ զնա սաստկապէս ամաչեցուցէ . եթէ 'ի մուտս գիշերային մթութեան խաւարաւ խաբէութեան լինեալ մարտիցէ , 'ի ճառագայթից լուսոյ երևման քո , տէր , խայտառակեսցի . եթէ 'ի միջօրէական տապոյ փորձութեանցն արեղակնա-

կէզ վատնիչ խորշակին զիս ՚ի յարմատոց խախտել կարծի-
ցէ , ՚ի զօրութենէ նշանիդ լուսոյ խլեալ գօսասցի : Աթէ
՚ի փլմանն շնորհէ ունայն զիս առնել հնարաւորեսցի ,
Թուքն զոր ընկալաւ տէրն քրովբէից ընդ մեղաւորիս զնա
պատկառեցուցէ : Աթէ ժանիք խածողք ինձ ցուցանիցէ ,
լուութիւն երկնաւորին բերանոյ զնա պապանձեցուցէ .
եթէ խածմունս աղուականս հոգւոյս ազդեսցէ , բւեռացն
հարմուկք հաստողին բնաւից զնա կսկծեցուցէ : Աթէ
յրնթացս անիրաւութեանց խորհրդոց զիս մոլորեցուցէ ,
սւեռք ոտից անհասանելոյն զնա կապեսցէ . եթէ հրա-
պոյրս ինձ դժնեայս արբուցէ , քացախն ընդ լեղւոյն խառ-
նեալ ՚ի յարբումն բարերարին՝ զնա դառնացուցէ : Աթէ
առաջին ճաշակմամբ փայտին զիս դտցէ , սոսկալի խորհրդով
խաչին ըմբռնեալ խպառ պարտաւորեսցի . եթէ ընդ վզել
ընդ դէմ հնազանդուէ ան հրամանի զանձն իմ ուսուցէ ,
բերումն պարանոցի անսահմանելոյն զնա կործանեսցէ .
եթէ ՚ի մահ սատակման զիս վանեալ վիրաւորեսցէ , ստուար
տէգ զինու մխելոյն ՚ի կող ստեղծչին Ագամայ զնա հեր-
ձեսցէ , եթէ երկամբք վշտաց դժոխականաց զիս պարփա-
կեսցէ , պատանացն կտաւ էից ունողին զնա ըմբռնեսցէ .
եթէ յատակս մահու հայել զիս խարդախեսցէ , բնակել
կենդանոյն ՚ի վէմն մահու զնա մեռուցէ , եթէ խնդաս-
ցէ ընդ մարդկօրէնս իմ գայթազղութիւն , կրկին կորասցի
կարկամեալ կամաւ , յորժամ անմահն ան յարուցեալ փա-
ռօք ընդ իւր նորոգեաց զբնաւ մահացեալս : Աթէ ընդ
լուծանել փոքր կապանաց հաղարամէից բերկրեսցի , դողա-
ցի կրկնեալ վերստին իսկոյն ընդ վերջին շղթայս անզերծ
տագնապին ըմբռնման սաստկագունի յանխախճան տանջանա
բանին : Աթէ ընդ առաջին հարուածն դժուարեսցի , գոյժ
կորստեան յետնում սատակմանն անշէջ գեհենին , որ պատ-
րաստեալն է նորա և նորին հրեշտակաց , նմա պատմեսցի ,
որ յաւուրն մեծի մեծին ատենի :

Ե . Իսկ ինձ ապաւինելոյս ՚ի քեզ տէր Յիսուս , միայն

Թագաւոր ինքնակալ զօրեղ , արարիչ երկնի և երկրի և ամենայն զարդուն որ 'ի նմա , որ գալստեանդ քո ակն ունիմ և ողորմութեան փրկչիդ սպասեալ յուսամ . 'ի յոտս քո անկանիմ , և զգարչապարիդ հետս համբուրեմ , զպատուութիւնս խոստովանիմ և զմեղանս հրապարակեմ , կշտամբանաց քարամբք կոծիմ և հառաչանօք սրտիս տապանամ , 'ի խեթ խղճիս խոցոտիմ և բոցով շնչոյս ճենճերիմ , աղիցօղով արտասուեացս այրիմ և երիկամանցս ազդմամբ կիզանիմ , յուսակտուր օղով ցամաքիմ և դառնաշունչ հողմով շիջանիմ , Թախանձանաց բանիւս երերիմ և կողկողադին հեծութեամբ դողամ , տաժանելի կրիւք տուայտիմ և տազնապաւ հոգւոյս տառանիմ , 'ի կոծ մրրկաց ծփիմ և 'ի բախմանէ ալեաց սասանիմ , 'ի լուութենէ համբաւոյն սարսեմ և յիշատակաւ անին կորնչիմ , կերպարանօք ատենին հալիմ և սպառնալեօք մեծիդ մեռանիմ , լուր բազմագութ , քաւիչ , մարդասէր և երկայնամիտ , քաղցրութի անձառ , որ բարի և տիւ տենչալիւ Վանզի կարողես յամենայնի և առ ելս շնչոյս իմոյ՝ փրկութեան մեծի . և քեզ ընդ հօր հոգւովդ սրբով փառք յաւիտեանս . ամէն :

ԲԱՆ . 43

ՊԵՐՍՏԻՆ ՅԱԲԵԼՈՒՅԺ ԿՐԿԻՆ ԷԵԾՈՒԹԵԱՆ ԿՈՐԻՆ ՀՍԿՈՂԻ

ԱՌ ԿՈՅՆ ԵՂԵՐՍ ՄԵՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԻ ԸՆԴ ԱՍՏՈՒԾՈՅ

Ա . ԲԱՅՅ քանզի յոյժ արդար է բան իրաւանցն Քնի աստուծոյ առ իս քան առ սկզբնահայրն չարեաց սատանայ . զի վասն նորա յայն սակս յայտնեցաւ , զի լուծցէ զգործս նորին . և վասն իմ՝ զի զճնացեալ պատկերս նորոգեսցէ . առեալ զկերպարանիս բոլոր էութիւն կերպին իսկութեանս

Մեծին աստուծոյ՝ միացոյց ինքեան անշուշտ խառնութիւն
 Նորա ոչ են շնորհեալ ՚ի բազմացն , և ինձ զբովանդակն
 եհեղ առ աստութեամբ . վասն նորա ոչ երբէք չարարեալ ,
 և վասն իմ հանապազ պատարադի . նա անհաղորդ է կե-
 նացն , և ես միշտ վայելեմ ՚ի փրկութեանն . նա վանեալ է
 խաղուն , և ես զօրացեալ նշանաւն . նա հերբեալ ՚ի լու-
 սոյն , և ես միացեալ ընդ փառացն . նորա ոչ խոստացաւ
 հանգիստ և յերկրի , և ինձ զերկինս սեպհականեաց . զնու-
 բայն կտրեաց զառհաւատչեաց , և զիմն առանց խզելոյ յա-
 բակայեաց . զնա յերամակս խողիցն արգել , և յիս ինքն զօ-
 բացաւ . զնա կարծաց օրինակեաց , և զիս ճառագայթ նշա-
 նակեաց . զնա սողնոց նմանեցոյց , և զիս իւրովն անուամբ
 կիրեաց :

Բ . Իսկ ես զերաստիսն այլ լքի զայսբանեաց բարեաց ա-
 բարողի , և չարին զկնի միտեցայ՝ հայել ընդ նմին յատակս
 դժոխոց , ահա անարժանս բարեաց , անձիրս երախտեաց
 անընդունակս սիրոյ , տուամբք մեղաց ձգեալս , յերիկա-
 մունս խորոց խոցեալս , քանցեալ ծառս արմաւենեոյ , գի-
 նիս յեղաշրջեալ , ցորեանս հեղեղեալ , մուրհակս ջրեալ ,
 զձիւս պատառեալ , կնիքս այլակերպեալ , նմանութիւնս
 փոխեալ , արկանելիքս կիզեալ , ըմպանակս կորուսեալ , նաւս
 ընկղմեալ , մարդարիտս մանրեալ , ակնս պատուական սուզ-
 եալ , տունկս դօսացեալ , նեցուկս խորտակեալ , փայտս ա-
 մենն ին փառեալ , մանրագորս աղաւաղեալ , յարկս տապալ-
 եալ , խորանս խարխալեալ , բոյսս արմատաքի խլեալ , ձէթս
 հեղեալ ՚ի դռեհս աղբեաց , կաթնս հոսեալ ՚ի կոյտս մոխ-
 րոց , այրս մահու ՚ի յարեանց գնդիցս Վանգի միշտ խրատ-
 եալ ընդ Երուսաղէմի առակաւ Բաբելոնի ՚ի մարգարէիցն
 ձայնից անձն իմ ողբալի , և ոչ ինչ խրատեցեալ . որ աստէն
 անգոսնեալ եմ և անդէն խայտառակեալ , աստ դսրովեալ
 և անդ կշտամբեալ , աստ ձաղեալ և անդ նախատեալ ,
 աստ թշնամանեալ և անդ յանդիմանեալ , աստուստ ասպ-
 շեալ և անդ անօր լքեալ . Աստ հեծումն և անդ հառա-

չանք, աստ կարծիս և անդ կատարած, աստ խեթ և անդ հատուցումն, աստ արկածք և անդ հանդէսք դատաստանի, ուր ոչ է բան իրաւանց և ոչ ձայն պաղատանաց, ոչ թիւք աւուրց և ոչ ելք ժամանակաց, ոչ ուղք յուսոյ և ոչ դրութիւնք ողորմութեանց, ոչ աջ պաշտպանութեան և ոչ ձեռն այցելութեան:

Գ. Եւ դու ապաւինութիւն, դու ինքն վրկութիւն, դու այցելութիւն, դու և քաւութիւն, դու երանութիւն, քե բժշկութիւն, քո ողորմութիւն, միայն հզօր, կենդանի, անձառ, տէր Յիսուս Քրիստոս բարեբար աստուած. օրհնեալ, օրհնեալ և դարձեալ օրհնեալ, ընդ հոգւոյդ քո սրբոյ յաւատ բարձրացեալ ՚ի փառս հայրենի խկութեան մեծիդ յախտեանս յախտենից: ամեն:

ԲԱՆ • 45

ՎԵՐՍՄԻՆ ՅԱԲԵԼՈՒՍԾ ԿՐԿԻՆ ԼԵԾՈՒԹԵԱՆ ԿՈՒՐՆ ԼՍԿՈՒԼԻ ԱՌ ԿՈՅՆ ԱՎԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԲ ԸՆԴ ԱՍՏՈՒԾՈՅ

Ա. Եւ արդ ՚ի յիշատակ ահարկութեան վերադրեցելոցդ՝ որք յածուստ են սպառնալիք ինձ ժամանեցեալք, զիսորդ դադարեցայց ՚ի նորոգողութեանց, և կամ որպէս զցամաքումն առցէ հեղեղք արօտաւացս: Օ ի եթէ զտրեքլտակեան առաջս գետոցդ յորդահոսան ծաւալմանցդ, որ զեղեմ և զերկիր առ հասարակ ոռոգանեն լիապէս բաւականութեամբ բաշխեալ ամենայնի, և զսրբխումն ելից իւրեանց առ աչս իմ եղեալ, զսնձինս մեղաց սաստկութե զբոց զովացուցանել ոչ բաւականացին: Եւ կամ մարգարէին սրբոյ ըղձականութի կրկին ինձ լոցի վրէխս ջուրց բազմութիւն, և ճրագարան անսութեանց

կերպիս՝ աղբերոց կայլակմունք, զբեկման ոգւոցս չափել ըզ վտանգ ոչ ձեռնարկեսցեն. և ոչ եղբերականք ջայլից համօբէն բանահիւսից կանանց լալականաց ՚ի սիրտ և յոգի վիրաւորելոց՝ զաղէտ վտանգիս ՚ի յերգ արկանել և կամ ՚ի նուազս ձայնից բերելը

Բ. Իմ է օրն լինելու թեան նզովեալ, և ոչ Յոբայ կամ Երեմիայ. քանզի տօնելի է օրն նոցա, զորոց մի ՚ի նոցանէ ոչ արժէ աշխարհ, և ոչ տարագրելի. ապա ուրեմն զիս նկատ եղեալ զոչ արժանիս լուսոյ և կամ միոյ մասնաւոր բարւոյ, զհանդիպումն աւուրն անիծին՝ յորում ես գտայ կորստեան որդիս և մահու դրացիս, մշակս մեղաց և արբանեակս անօրէնութեանց: Որ ոչ կացի յուխտին կենաց՝ զոր դու սահմանեցեր, ան բարերար. ոչ զնացի ՚ի քո պատուիրանն կենդանական անմահացուցիչ, ոչ վաստակեցի ՚ի հունձս արմտեացն, որով ՚ի մուտս ձեանն աւուրցն խոռովութեան կերակրել պատրաստեցայց. ոչ կառուցի ամբու թիւն որմոց և ոչ ձեղուն յարկաց ձգեցի, որով ՚ի շնչմանէ մրկաց օդոց պահեցայց. ոչ համբարեցի նշխարս պաշարաց ՚ի յուղին անեզրական, որով զտազնապ սոխոյն իմ բժշկեցից. ոչ հանդերձաւորեցի քեզ աղերս աղօթից, որով առաջի քո կալ համարձակեցայց. ոչ կազմեցի թոշակ փրկութեան վարուց մարբութեան, որ զնորոգութիւն ինձ երաշխաւորէ. ոչ ետու զընտրութեան հաշիւն ՚ի կենցաղոյս ձանադարհի՝ իմոյ մատնչին, զի ՚ի դատաւորին ձեռանէ աստէն իսկ փրձայց. ոչ լրութեամբ ձեռին օրհնութե մատեայ յանդիման, որով օրէնադրին մասնակից գտայց սրբեցեալ: Ոչ դիմաց ետու զգուշութիւն և ոչ թիկանց պատասպարութիւն, ոչ աջոյս իմ զինուորութիւն և ոչ հանկիս պարածամկութիւն, որով ՚ի պատերազմս վտանգէ զերծայց. զերկվարս ոչ զգեցուցի զրահիւք, և ոչ զմարտիկս սպառազինուք, որով զձակատն յարդարեցից: Ս կանուխն ոչ կասրանցի պտուղ, և անադանինն ոչ ժամանեցի, և ահա տարակուսիմ ունայն ՚ի բարեաց. մարբութեան ծաղիկ ոչ

ունիմ՝ և ոչ իւզ ողորմութեան, և գիշերոյն մաայլ՝ աննշոյլ .
 Ի նիրհումն մահու ննջեալ եմ, և տագնապ կոչողին փողոյ
 ստիպէ . զգարդ հարսանեացն կրկին մերկացայ, և զձէթ
 վարուցն վերատին էքի, և դուռն մտին հարսանեաց աւա-
 սիկ փակի:

Գ . Եւ արդ զիարդ առից մխիթարութիւն այսքանեաց
 վշտաց, և կամ ընդ ո՞րքանեաց տարակուսանաց խաւարի՝
 լուսաւորութիւն յուսոյ կենաց խառնեցից, և կամ ո՞ւր
 արդեօք զգարչապարս ոտին կառուցից, և կամ յո՞ր վատ-
 հուծիւն զաչս իմ յառեցից, և զի՛նչ անդորրութի մօտա-
 նացս նկատեցից, և կամ յո՞ր ըղձական դիւրութիւն ձեռն
 համբարձից: Օ ի եթէ Ի ձեղուն բարձրութեան երկնի,
 անտի անձրեաց հուրն Սողոմայ, որպէս ասացեալ է . իսկ
 եթէ յատակ խորութեան երկրի, սա եբաց զկոկորդն ըմ-
 բռնողական և եկուլ զԴադան բանակօքն Աբիրօնի: Եթէ
 յանդընեցայց փախչել յունողէն, դուցէ կալցի զիս վի-
 շապն ահագին: Եթէ ընդ գազանս ինչ թափառեցայց, ա-
 լազուկք են խնդրել զվրէժ ստացողին առաւել առ իս քան
 երբեմն զէղիսէին առ մատաղ մանկունս բեթելացիս քրք-
 մորդիս: Եթէ յամենատարած օդոյս պարզութիւն, այն
 եղև եգիպտացւոցն խաւար շոշափելիս Եթէ Ի թռչունս
 բարձանց, նորա են կոչեցեալք Ի սպանդն զոհին բոսորայ
 դիականցն: Եթէ Ի տկարսն խիզախեցից, վատնիմ Ի պի-
 ծակացն, և զի՛ պիտոյ են ինձ առիւծուկք: Եթէ յարջոցն
 պատառողաց ապրեցայց, մթիլքն արեան ծարաւիք ինձ
 պատահեցեն: Եթէ յանհոգս ուրեք նստիցիմ, մժղուկքն
 անարգագոյնք՝ իբր ցնցուղս հրոյ եռացման զինև մաղես-
 ցին: Եթէ յեղջերէ միեղջերւոյ փախնուցում զերծեալ,
 նկուն ճիրանք աղկաղկաց մնոցն մորմոքողաց՝ զիս կեղե-
 քեցեն: Եթէ Ի սենեակս շտեմարանաց խորշից ղողեալ
 ամփոփիցիմ, տաղտկատեսակ գարշութիւն գորտոցն մեղաց
 օրինակքն զիս զազրացուցեն: Եթէ Ի վայրս ինչ անդաս-
 տանաց կացեալ զետեղեցայց, շարք շանաձանձոցն տարմից

զինև պատեսցեն: թողում ասել զխառնիճն և զջորեանին
զզօրն զօրաւոր ընդ թունաւորն թրթուր և ընդ անկենդա-
նական երևիլն, հանդերձ ջրակարծ կարկառն և ապակա-
նագործ եղեմամբն: որ առ աչաց տեսիլ ապագէնք և նը-
ւաստագոյնք, բայց ՚ի յակնարկելն աստուծոյ յաւէտ գո-
ւողաբար ուժգնութի հարին հանին վանեցին զհպարտն ամ-
բարհաւաճութիւն Փարաւօնի բռնութեանն բուն գա-
ւազանին՝ յաղթօղ վիճակաւ: որ են կերպարանք թաքու-
ցելոցն կրից ըկողաց անձնականացն աներևութից եգիպ-
տացւոցն անօրէնուէց՝ յոգի տանջողաց՝ գաղտնի վնասողաց:

Դ . ԼՂ Դու ամենազօր արարիչ բնաւից տէրդ բօլորից,
՚ի յատելիսն հանդիսացիր հերքել զնոսա . և ինձ ողորմեա
կրկին զթութեամբ ձեռն մատուցեալ փրկութեան տարա-
կուսեցեալ կողոճեալ վարանեալ ՚ի մահ պարտելոյս: Օ ՚ի
Դու միայն ճանաչիս աստուած փառաւորեալ միշտ ընդ
հօր հողւոյդ սրբով յաւիտեանս յաւիտենից . ամէն:

ԲԱՆ . ԿԹ

ՂԵՐՍՏԻՆ ՅՅԻԷԼՈՒԵՑ ԿՐԿԻՆ ՀԵՃՈՒԹԵԱՆ ԿՈՐԻՆ ՀՍԿՈՒԼԻ
ԱՌ ԿՈՅՆ ԱՂԵՐՍ ՄԱՂԹԱՆԱՅՑ ԲԱՆԻ

Ի ԽՈՐՈՅ ՍՐՏԻՅ

ԽՕՍԻ ԸՆԴ ԱՍՏՈՒԾՈՅ

Ա . ԼԳ Ի արդ, վասն զի ՚ի ձեռն մեծիդ և ամենահնար
արուեստաւորիդ իմս եղանութեան տեսան և այ՝ իբր ՚ի
բրայս ընտրութեան փութոյ քոյ սիրոյ հանապազ եռամ
և ոչ երբէք պարզիմ, միշտ խառնիմ զուղիլ և ոչ ևս միա-
նամ, ահա զուր արծաթագործդ երկնաւոր իմ ճարտարա-
պետ, ՚ի սնտիս վաստակեալ առ իս աշխատիս, ըստ մար-
գարէին յայտնի առակի, և չարութիւնս իմ ոչ հարեցաւ .
զօր ինձէն մոլեալ չարաչար՝ իբր զխեղաղար զիււաբախ

իմն ողորմելի յանդգնեալ անկարգս խօսիմ՝ զիմս զպարտիսս աճեցուցանել, քան հաշտութեան հնարս ինձ այտուկազմել: Եւ զի մի անընդել դիպուած և անկիրթ պատահումն և անհաւասար հանգիպումն՝ պատրաստութիւնք հանդերձելոյ տանջանարանացն ինձ երևեսցին, ամենև ին անմոռաց պահեաց աստստին՝ ՚ի յիմում մարմնի նշխար մնացուածոց նախնու մն անխիճցն . զոր ՚ի փոքուէ տարրէ անարգէ զմեճն է ուսանել:

Բ . Քանզի խաղալն ինքնաբերական դիւռոք որովայնի՝ բոտոտք ճապուկք շարժողականք և ազգի ազգիք, որդուէք աղեաց զազտնակուրք, խաղաւարոք հրակայծակք և բիժք բոցակիժք և անխիճ անկերպաւորք և երամակք ոմանք քրտնածինք զազրաթորմիք կսկծեցուցիչք և մարմաշողականք: Եւ պատակք այլոց վայրենեաց, ըստ նմանութեան դիւաց գիշերամարտից և մեկնազէն բարբարոս գնդից խաւարասիրաց, և գազանութեամբ քանասար դայլոց արաբացւոց, կորակոր գնացիւքն, արջնաթոյր գունովն, կրկնապարոյր կռածագ կոցան, որ զօրէն ունի խայթոցաց կարծի, իբր դժնիկ փշովք խոցոտեալ ծծեն ձգեն զարեանն խոնաուութիւն, և յանկողինս մահճաց հանգստեանն վաստակս կրից ցուցանեն: Եւ կարկառեալ ուրուք ձեռն՝ հատուցանել զհատուցումն նոցա նոցին, վաղվաղակի զգան զվնաս վտանգին՝ զոր ազգէն մարդոյն . և անդէն իսկոյն լերկամարմին փոքր հասակաւն՝ իբր թևօք իմն թռիչս արձակեն, և ըստ մարախի ձեոյ ոստոստեալ այսր անդր տարաբերին . և ըստ բազմապատիր նենգութեան բարոյից դաւող աղուեսուց՝ խորամանկեալ խուսափեն ՚ի պատուածս բազում ելից, զի յերկիւղէ մահուն ապրեսցին: Եւ այնքան չքոտի և անքատ անձամբքն ոչ միայն զաամիկսն և զխառնիճաղանձս, այլ և զթագաւորս հզօրս և ահագինս փախուցանեն հանեն տարագրեն ՚ի դատիկոն յարկի ապարանիցն բարձրութեան, և կամ ՚ի բացի բնակեցուցանեն . քաջք արանց արեոց, որք իշխեսցին ամբոխից և տիրեցին

ժողովրդոց և առին զքաղաքս ազգաց , զպարտութի իւրեանց զօրաւոր ձեռինն ինքեանք վկայեն , թէ քանզի ոչ կարացաք ՚ի դիմի հարկանել վեհիցն բռնութեան , վասն այնորիկ խոյս տուեալ հասաք յայս տեղի :

Գ . Եւ զի՛նչ է ինձ զփոքունց և զանկամից ծաղրակաւնաց ոմանց գոյութեանց ՚ի կիր արկանել , որք զօրեղ և անհեքքելի ջատագովք են աստուածութեանն յիշատակել ինձ զհանդերձեալսն , որք ՚ի մարմնոյս անօրինելոյ ընծային պտուղք դառնութեան : Ի՛նչ որս և եկամուտ սատակչականացն աստից գիւտք , և կերչացն կոտք անողքելիք . յորոց չէ զերծանել , քան թէ հարկաւ մարմնոյն վտանգի զապագայիցն սոքօք իմաստասիրել . և ոչ տեղի է գտանել սպաստանի՝ փախստեամբ անկանել առ նոսա . այլ առանց կամաց քումդ ակնարկութեան և մարդկային կարք և հրնարք վրիպեցան : Իսկ դու , բարերար , զամենայն ունիս բաւականապէս զկենացն հնար՝ եթէ կամեսցիս փրկել , նորոգել , բաւել , բժշկել և կենագործել . և քեզ փառք յամենայնի յաւիտեանս յաւիտենից . ամէն :

ԲԱՆ . Է

ՎԵՐՍՏԻՆ ՅԱՒԷԼՈՒԱԾ . ԿՐԿԻՆ ՀԵՃՈՒԹԵԱՆ ՆՈՐԻՆ ՀՍԿՈՂԻ

ԱՌ ՆՈՅՆ ԱՂԵՐՍ ՄԵՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

Ի ՕՍԲ ԸՆԴ ԱՍՏՈՒԾՈՅ

Ա . Եւ քանզի համբարձեալ զընթացս բանիս ՚ի փոքունց աստի երկրայնոց չհամարելոց ընդ գոյս եզելոց՝ ՚ի մեծագունիցն տեսակս , ասացից զտօնելի հանդէս իրաւանց ահաւորին անաչառութեան : Որ զի թէ մերձաւորագոյնք իցենն նյ իբրև զնախածանօթ հայրապետութիւնսն , և կամ մաքրագոյնք որպէս մարգարէսն , կամ անբժագոյնք իբրև

զառաքեալսն, կամ ընտրելագոյնք որպէս մարտիրոսան, եթէ ոչ դու մարդասիրեսցես աննուազ բարիդ և անփոփոխ խրանամակալութիւնդ և անպակաս ողորմութիւնդ, ընդունայն է ինձ փրկութիւնն առ ՚ի նոցանէ:

Բ. Օ ի եթէ առ նոյն ինքն Աբրահամ ձայն արձակիցեմ, իբր ողորմագին առակ ընչեղին ինձ վարդապետէ, ՚ի տապոյ անտի պապակեալ, կաթի միոյ ջրոյ ոչ բաւականանայ. քանզի և նա փակեալ է ընդ կարեօք հասարակաց անհնարութեան: Իսկ եթէ առ Մովսէս, և նա զգածեալ է տկարութեամբ, որ ոչ զօրեաց առնն փրկութեան, որ զհայթայթանաց կրկուտն ՚ի պահպանութեանն առուր ժողովք. իսկ եթէ առ Ահարոն, և նա ինքնին իսկ կարօտացաւ մաղթողի. իսկ եթէ առ Դաւիթ, ՚ի մէջ բարեացն առաւելութեան ստղտեալ է և նա. իսկ եթէ առ Նոյ և Յօբ և Դանիէլ, զայս Եզէկիէլ մարգարէ մեկնեաց յանուանէ իսկ յիշատակեալ զնոսա, և զայն ընդ նոսին իբր ՚ի դիմաց աստուծոյ ազդեալ, կենդանի եմ ես ասէ տէր, թէ ոչ ապրեցուցեն զուստերս և զգստերս իւրեանց ՚ի բարկութենէն որ հասանիցէ, բայց եթէ ինքեանք միայն ապրեսցին. իսկ եթէ առ Պետրոս վէմն հաւատոյ, ՚ի քումդ խնամոց խուն մի խիթացեալ և նա ընդ կրիւք իմն դրաւեցաւ: Թողում ասել զբազմացն գումարութիւն խոնարհեալ առ կարիս կարիս, թէ և յաւէտ երջանիկք իցեն. ընդ որս և Յովասու ոմն մարգարէի ՚ի մէջ աստուածառաքն սպասաւորութեան մարդկօրէնն գայթաղութիւն՝ մնայ յոլովից անթարգմանելի, թէ և ՚ի դէմս իմն մեկնութեան ձեակերպեսցի:

Գ. Եւ քանզի չափեալ սահմանեցաւ զօրութիւն փրկութեան մարդկան, և ցուցան նոքա ողորմեալք բարերարիդ և զօրացեալք ամենակալիդ, կոչեցեալք պաշտպանողիդ և բաւեցեալք հնարաւորիդ, շնորհեալք ազատեցուցչիդ և բժշկեալք անախտականիդ, կենագործեալք անապականիդ և լուսաւորեալք նորոգողիդ, այսուհետև գիտացեալ զսակն

որքանութեանց հողածին բնութեանս, որք մխիթարեն օրինակաւն նմանաբար հարազատապէս վստահութեան յուսահատելոց, ահա առ քեզ դիմեցից՝ որդի նյ կենդանւոյ Քրիստոս օրհնեալ յամենայնի: Ս՝անաւանդ զառակն ազգակից այսմ մաղթանաց աստանօր յիշեալ, զվերագրելոց բան վերստին արդարացուցանէ. բարի է, ըստ խմաստնոյ ումեմն երջանկի, անկանել ՚ի ձեռս տեառն, և մի ՚ի ձեռս մարդկան. զի որպէս մեծութի նորա, և ողորմութի նորին: Եւ այս բան թէ և զԴաւթին իմն գծագրէր, որ զերեքմասնեան հարուածն աստուածեան առաջի եղեալ ընտրեաց ինքնին կամաւորաբար զդատակնիք մահուն սատակման՝ իբր զկենդանի Քրիստոսի հաւատոցն յաճախութի, քան զերկունս ևս այլ փոքրկունս՝ որք տանջեն և ոչ ողորմին. սակայն և իմս օրինակութիւն բանիս պատկերի ճարակեցելոյ հնարս կենաց կորուսեալս անձին՝ ոչ է այլայլեալ յարմարութենէ. զի ոչ եթէ զփրկեալն նուաստացուցանեմ ՚ի մատենի այսր ողբերգութեան, առանց որոց ոչ է մատչել առ տէր, այլ զփրկողին անուն պսակեմ, և զնորհ նորին առ ամենեսին բարեհաչակեմ, և զբնաւին բարձունսն ՚ի թռիչս վարուց խոստովանիմ բանիս պայմանաւ յաւէտ կարօտեալ ողորմութեանն զեղոյ:

Դ. Եւհա դու կեանք, դու փրկութիւն, դու բժշկութի, դու անմահութիւն, դու երանութիւն, դու լուսաւորութի. արա ինձ անդորր ՚ի մեղացս աշխատութեանց, զի և քեզ վիցի հանգիստ ՚ի մշտադատս հեծութեանց՝ ձանձրացուցիչս թախանձանաց. որ ոչ այլ իւրք, քան թէ փրկութի մարդկան պարարիս, օրհնեալ յաւիտեանս, ամէն:

ԲՆՆ • ՀԱ

ՎԵՐՍՏԻՆ ՅՅԻԵԼՈՒՄԾ ԿՐԿԻՆ ՀԵՃՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱԿԹԱՆԱՅ ԲԱՆԻ

Ի ԽՈՐՈՑ ՍՐՏԻՑ
ԽՕՍԻ ԸՆԴ ԱՍՏՈՒԾՈՅ

Ա . Եւ քանզի երջանիկքն և փառաւորեալք սրբոցն պարբ , յորոց ոմանք դոյզն ինչ գթեցին և յաճախագոյնս հաստատեցան , փոքունս սասանեցան և մեծագոյն վառմամբ նշուլից հոգւոյն մաքրութբ լուսաւորեցան . յորոց մինն զզանգուածոյն յայտնէ զհասարակաստեղծն տկարութիւն , իսկ միւսն զգերագանցն քան զբնութեանն օրէնս . վարս և առաքինութիւնս հրեշտակականս : Եւ արդ նոքա որ օրհնեալքն են յամենիշխան բերանոյ աստուածութեան հօրն Քրիստոսի , ընտրեալքն տօնեալքն խնկեալքն և բարեբանեալքն , իբրև զանդամս Քրիստոսի պաշտեցեալք , և իբրև զօթեանս հոգւոյն սրբոյ յարդարեալք , յորս չիք ինչ նրումարանք և կամ գիւտք խաւարի , այլ ամենեւին անկեղծութիւն և լուսաւոր արդարութիւն , և որքան մարթ է զմարդն անձն մանեցուցանել : Երեսք պարզք և անպատկառելիք , կրօնք բարձունք և անխոնարհելիք , կեանք զգաստք և անստոգտանելիք , պաշտօն առ անձ կարծր և անխոխարկելի , ընթացք արիականք և անկասելիք , ճշմարտութիւն միատարր և անցնդելի , գիմագրաւութի զօրեղ և անհերքելի , տեսաւորութիւն պայծառ և անապշելի , իմաստասիրութի վերնական և անկոխել , պատկեր մաքուր և անաղարտելի : Օ որոց կերպարանս և զյիշատակս անուանցն աղաչել անձ իսկ վարդապետեաց , և նոքօք հաճութիւն ՚ի մէջ խառնութեանն արարչիդ բան լուսաւորեաց :

Բանք պանծալիք հաշտեցուցիչք աստուծոյ :

Բ. Մ. Ես անպիտանս յամենայնի , և որքան բան զօրէ պարսաւեալս , որ մինչդեռ արթուես եմ՝ նիրհեմ , մինչդեռ զգատ երեւիմ՝ թմբրիմ , ՚ի բարեպաշտելս իմում գայթաղիմ , մինչդեռ աղօթեմ՝ և վրիպիմ , ՚ի յընթանալս իմում և կասիմ , յարդարանալս իմ և մեղանչեմ , ՚ի խաղաղանալս իմում ամբօսիմ , մինչդեռ արշաւեմ՝ առ ՚ի յետոյսըն հակամիտեմ , ՚ի չուելն իմում՝ ընդ կրուենկն դառնամ : Ինդ լուսոյն մասին և խաւար յարեմ , ընդ քաղցրութեանն ճաշակ՝ օշինդք խառնեմ , ընդ կուզս բարեացն՝ չարիս հիւսեմ , ընդ կանգնելն և կրկին գլորիմ : Օտղկիմ և ոչ պողաբերիմ , ասեմ և ոչ առնեմ , խոստանամ և ոչ կատարեմ , ուխտեմ և ոչ վճարեմ , կարկառեմ և անդրէն ամբօսեմ , ցուցանեմ և ոչ ընծայեմ , մերձեցուցանեմ և ոչ մատուցանեմ : Ի ճարակել խոցուածոյս անդրէն վիրաւորիմ , ՚ի հաշտեցուցանելն՝ վերստին խառլեմ , զուր հանդիսանամ և իրաւամբք պարտաւորիմ , գրիմ և խիոյն եղծանիմ , նաւեմ և ՚ի գիծն թուլանամ , սկսանիմ և ՚ի հանգիստն ոչ ժամանեմ : Կարգիմ և դարձեալ սասանիմ , ընանիմ և կրկին հեղում , շարունակիմ աստ՝ և անդ ՚ի ստորեւ հօսիմ , բարդիմ և անդէն տոչորիմ : Զիմն արկանեմ և ոչ գլխաւորեմ , սակաւ վաստակիմ և բիւրս վատնեմ , գոյզն գանձեմ և անթիւս սպառեմ , զայս խրատեմ և ես ինքն անփորձ եմ , միշտ ուսանիմ և երբէք ՚ի ճճմարտութի գիտութեան ոչ հասանեմ : Օ շիջեալ չարիսն նոյնչափ արծարծեմ , սուղ ինչ քաջալերիմ և առաւելադէս լքանիմ , լարիմ և իսկ և իսկ առ նմին մեղկիմ , զայս կարկատեմ և զայն պատառեմ , խլեմ զեղիճն և տատասկ տնկեմ : Ինդ ամբառնայն և այսրէն բերիմ , մտեմ ՚ի բոյնն աղաւնի և անտուստ ագռաւ ելանեմ , գամ սակաւ մի սպիտակ և սրանամ դառնամ բնաւին սևացեալ , ասեմ զիս քեզ դաւանել և սպանողին նուիրիմ , ընդ յանդիման լինելն և թիկունս դարձուցանեմ : Մարբիմ

և այլ մրձոտիմ, լուանիմ և նովին զագրանամ, կերպարանիմ
 զԴաւթին և գործք զՍաուղայն կատարեմ, շրթամբք
 ճշմարտեմ, և ստեմ երիկամամբք, աջովս մատակարարեմ և
 ահեակ կողմամբս աւերեմ: Ի նդ երկրագործութե ցորե-
 նոյն որումն սերմանեմ, ՚ի բարձրագոյն իմաստիցն վայր
 իջեալ, ես ինքն գտանիմ: Հրեշտականամ յերեսս և ՚ի խոր-
 հուրդս դիւանամ, ՚ի յոսս հաստատիմ և ՚ի միտս տատա-
 նիմ, սուտ ձեանամ և իրօք խոտորիմ, կեղծաւորիմ արդար
 և արդեամբք ամբարշտեմ: Դասիմ ՚ի պարս հեզոց և ընդ
 այսս կարաւեմ, ՚ի մարդկանէ գովիմ և ՚ի տեսողէ պարսա-
 ւիմ, ՚ի հողածնեցոցս երանիմ և յորդուոցն լուսոյ աւաղիմ,
 հաճոյանամ յետին ուսակին և թագաւորիդ մեծի յաչաց
 ելանեմ: Օտտեանն գատաւորին թողեալ, խառնակրօնիցն
 աղերսեմ. հերքեալ ՚ի վեհիցն, սոսկականացն սպրդիմ. մարմ-
 նովս արտաբուստ պճնիմ, և անձամբս երգինիւ ճային ճա-
 նաչիմ. հպաւորիմ դաշն հաստատել, և ուխտակորոյս ար-
 տաքս մերժիմ: Եւ յօր մաքուր հոգեկիր, և վաղիւ մոլի
 խելագար. զտէրունի պատուէրն լքեալ, թեւադրութեան
 օձին հետեիմ. արիանամ զօրապէս, և վատթարագոյնս ըն-
 կրկիմ. զծանրութիւն աւուրն բառնամ, և ՚ի ժամ վարձուն
 անմասն ելանեմ. ՚ի բացուստ ճոռոմս խօսիմ, և ՚ի պատաս-
 խանատուութեանն պահու պսպանծեալ կարկիմ. ՚ի յերս
 արեուն հարուստ երեիմ, և ընդ երեկս ունայն դեգերիմ:
 Ի յաթոսս ձերոց բազմեալ, և խելայեղից կցորդիմ. ննջեմ
 խելիւ, և արհաւրօք զարհուրեալ զարթնում: Անդաս-
 տանս կամացս չարաչարս հերկեմ, փոյթ խնամով ՚ի չարիս,
 միշտ անառակ որդիս, անգարձ տարագրեալս, անզղական
 զառածեալս, անմխիթար տրտմեալս, ինքնագրաւ գերեա-
 լս, մահու և ապականութեան ծառայեալս, անողորբի
 տանջեալս, անփրկելի մասնեցեալս, անպատուաստելի հատ-
 ուածեալս, անարժարձելի շիջուցեալս, անկազդութիւն խոր-
 տակեալս, անհանդերձելի կործանեալս: Եւ եթէ պարտ է
 զսաստիկն աստանօր ասել անօրինեալս անձին նախատինս,

ահա գրեմ գրեմ և ոչ անխայեմ զխորուս նիւթեալ գե-
հնինն: Ստացուածս նախանձու նորոյս Ադամայ երկնայ-
նոյ, որպէս և լայեհնն առաջին հնոյն և հողեղինին . որ ու-
նիմ զբնաւն աստուստ ՚ի յանձին զնշանակ ամբաստանու-
թեանս, ոչ զնչոյս տուրեւառուի, այլ զբանկիցս կշտամբուի:

Գ . Եւ արդ ուր իցեն իրկութիւնքն , ուր սկզբնահայրն
հաւատոց ՚ի յուսահատութեանն վայրի զանգթութենն իմ
չարիս կրկնէ , մեծն մարգարէից քարամբք բանկից կոչկոճէ ,
արին բարեփառ աշտէին նիզակաւ ՚ի մահ սատակէ , պատ-
կեր ճշմարտին ընդ Աքարու համայնիւ ջնջէ , աստուածար-
եալն վեհից՝ յարագողացն վրիժուց մատնէ , մարգարէածին
տեսանողն՝ ընդ ամաղէկացւոյն առաջի տեառն սպանանէ ,
նախանձաւորն նոյ երկնատեղաց բոցոյն վատնէ , ստուերին
լրումն և նորոյս սկիզբն՝ հեծանոցին ընտրութեամբ հոսէ ,
պետն առաքելոց ընդ Սափիրայի ՚ի կենաց զրաւէ , զար-
մանալին քննութեամբ հողւոյն՝ բուրումն ինձ մահու ընդ
կենացն քարոզ խառնէ : Արդ անաչառք և ինձ կաճառք
երջանկացն , և ուժգնութեան հրամանի վերնոյն արի սպա-
ռազէնք . ընդ հրեշտակացն և մարդիկ , ընդ տիեզերաց երկ-
րի և տարերք , ընդ անզգայիցն և շարժողականք , որովք
գատեալ միշտ լինիմ տուժիւք լիկանաց յօրինակ և յիշա-
տակ սոսկալեացն սպազայից . իբր հողմով փոթորկի ալեաց
յաւէտ մրրկեալ կենացս վտահութիւն , մնայ անկայուն
՚ի հաստատութեանց : Օ որ եթէ դք իմաստութեամբ ՚ի
քննին առեալ խուզեսցէ զլուղակացն բազմատեսիլ զանա-
զանութիւն , զմանունս փոքունս ընդ մեծամեծացն դաս-
եալ , որ առանց թուոյ և քանակութեան համարոյ թինդս
առեալ անբաւ երամոց եռան զեռան սլանան ՚ի մարմնիս
ձոյու , վկայեսցէ և հաստատեսցէ ճշմարիտ լինել զասա-
ցելոցս բանագրութիւն :

Դ . Այլ դու ինքն օրհնաբանեալ անմահ թագաւոր
բարի երկնաւոր մարդասէր Քրիստոս , նոյ կենդանւոյ միա-
ձին որպի , հզօր բարձրեալ անքննին անձառ քաւիչ ահա-

ւոր , սաստեա ՚ի ձմեռն ամբօխեալ ալեաց ողւոյս ծփա-
նաց , արձանացո զծարաւս մոլեղին շարժման սրտիս խոռ-
վութեան , ընդօտնեա ՚ի սանձս կապոյ երասանաց ըմբռն-
ման զցնդեալ մտացս վայրագութիւն : Աղիցի խաղաղու-
թիւն հրամանաւ մեծիդ ամենալարան բքոյս սասանման ,
ստտակեա խափանեա զբազմագլխեան անդամս ուրուա-
կանս դաղտնեաց ամօթոյս երկրակենցաղս հինից : Վրեացես
աղօթս մտամտոյցս զայս նորընծայ տառ ողորմաղերս
թախծագին ձայնի ողբերգարկութեան այսր մատենի . հան
՚ի խորոց մահուս անդնդոց չքնաղ ապրեցեալ ընդ մարդա-
րէին փրկելոյ . ընկալ զխոստովանութի անձնադատ բանիս
՚ի հոտ անուշից . շնորհեա մխիթար դառնութեան վշտաց
ուժգին հեծութեան յուսահատելոյս : Աւքեղ ընդ հօր
հոգւովդ սրբով փառք պատիւ և իշխանութիւն յաւիտ-
եանս . ամէն :

ԲԱՆ • ՀԲ

ՎԵՐՍՏԻՆ ՅՅԻԵԼՈՒՍԾ ԿՐԿԻՆ ՀԵԾՈՒԹԵԱՆ ԿՈՐԻՆ ՀՍԿՈՂԻ
ԱՌ ԿՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍԻ ԸՆԴ ԱՍՏՈՒԾՈՅ

Ա . ԱՅԼ ահա ձեզ ասեմ , ոլ եկեղեցիք միանձանց և
աշակերտութիւնք կրօնաստանաց , որք մերկամարմին մա-
տանցդ ձեռօք առ ակնկալութի յուսոյն պարզեաց բար-
եացն անբաւից տեառն զինուորեալք , որոց զայս սեղան
հանդերձանաց խորտկաց բանից ընծայեցուցի , ընկալարուք
զայս աւանդութիւն խոստովանութեան ՚ի շինուած փրկու-
թեան հոգւոց : Աններուք սովիմբ զմարմնոյս պարտու-
թիւն , յիշեցէք զմարգարէականն ընդ առաքելականին առ-
եալ մեզ ՚ի խրատ , զի մի պարծեցի ամ մարմին սուսջի

աստուծոյ , և զոչ որ է արդարն և ոչ մի : Օտերուհականն մի մոռանայք , ՚ի կատարածն իսկ պատուիրանին զոգջիք զձեզ ծառայս անպիտանս . մի եղիցի լինել ձեզ որսք խաբողին . զգուշացարուք և զրոյն , թէ կերակուրք նորա ընտիրքն : Քանզի և ես իսկ , որ զայս նուազու թիւն մասնաւոր պտղոյ ձեզ ջամբեցուցի , վկայեալ զանձնէ կամաւորական սողտանք բիւր բամբասանաց անբժշկական մեղանաց , ՚ի սկզբնահայրն սկսեալ մինչև ՚ի սպառումն ծննդոց նորա՝ կամայականն յանձնառութեամբ հաստեցի եղի զիս ամենայնիդ պարտական չարեաց :

Բ .] ուայ յումեմնէ ոչ պարտաւորէ , և ոչ հաճեցայ , ՚ի յասելն նորա անյարմարապէս առ այն , որոյ սուաջի ոչ է արդարանալ մարմնոյ երկրածնի , թէ ոչ երբէք շնացայ , ոչ պոռնկեցայ , և ոչ զաշխարհիս ինչ համբուրեցի ճաշակս մահու : Այլ ոչ ընդհատ ինչ յանօրէնութենէ . թողցէ նմա տէր աստուած զայսոսիկ . թէ և ճմարտիւ իսկ գրեցաւ , ոչ ընթացաւ , որքան թէ գթեաց , ՚ի յասել զանյարմարսն ՚ի դիմաց Ժողովրդեանն Իսրայէլի բանիւ Չաբարիայ , օրհնեալ տէր , և մեծացաք . որ է վարիսեցւոյն ձայնի կերպարան : Բայց ես քանզի դիտողին աստուծոյ մատնեալ եմ դատաստանի , որ զկիրս աներևութիցն մտաց ՚ի կշիռս եղեալ՝ համարի դատել զիս նորօք ամենիրաւ հատուցմամբք , ոչ կերպարանեցայց տեսողին , ոչ կեղծաւորեցայց քննողին , ոչ ստեցից զոչ գործեցեալսն նկատողին , ոչ խաբէութիւն ընդ միտ ինչ մտից մեծին , ոչ ՚ի տեսիլ բարւոյ ցովութեան զչարս քողարկեցից , ոչ ՚ի պատկեր ընտանի զապիկարս երբէք յարգեցից , ոչ խենշեցայց ՚ի զարդ օտարտոի , ոչ պրճնեցայց այլով պայծառութեամբ , ոչ պաճուճանս յարմարեցից տգեղութեանս գեղոյ : Այլ որ մեղաւոր իբրև զիս , ոչ որ անօրէն , ոչ որ ամբարիշտ , ոչ որ անիրաւ , ոչ որ չարագործ , ոչ որ վրիպեալ , ոչ որ սխալեալ , ոչ որ մոլեգնեալ , ոչ որ խարդախեալ , ոչ որ շաղախեալ , ոչ որ ամաչեցեալ , ոչ որ գատապարտեալ , ես միայն եմ և այլ ոչ որ , ես ամենայնն

և յիս ամենեցուն: Ոչ հեթանոսք, զի ոչ գիտէին. ոչ հրեայք, քանզի կուրացան. ոչ տղէտք և խառնիճաղանջք, քանզի յիմարք էին իմաստից: Պետ վարժից կոչեցայ յանձինս դատախազ. ուարբի ուարբի անուանեցայ, և զգովեստն առ աստուած եղծի. բարի ասացայ առ եղիլութեանն ժառանգութիւն. սուրբ վկայեցայ ՚ի մարդկանէ, որ եմ անմարուր առաջի աստուծոյ. արդար դաւանեցայ ամենայն իրօք ամբարիշտս. հեշտացայ ՚ի գովեստ մարդկան, զի ծաղր եղէց յատենին Քրիստոսի. յաւազանէ կոչեցայ Արթուռն, և ես ՚ի բուն մահու ննջեցի. ՚ի փրկութենն աւուր Հսկող յորջորջեցայ, բայց զգաստութեանն աչս կափուցի: Ահա դատաստան, ահա յանդիմանութիւն, ահա նոր կշտամբանք և հին դատապարտութիւն, ահա ամօթ դիմաց և տաղնապ հոգւոյ, ահա խնդիրք փոքունց և կշիռք մեծամեծաց:

Գ. Այլ դու միայն տէր ան մարդասէր, անոխակալ և երկայնամիտ, համարեաց մեղապարտս անձին ընդ վերջին պարտաւորութեան աւուրն ահաւորի զայս կսկծեցուցանող ինքնաբանական նախատինս: Սի լուայց ՚ի բէն զայստիկ, զթած, փոխանակ զի ես ինձէն անձինս գրեցի: Արդ բարձցես և վերացուցես զպահ պարտաւորութեան կանունիս ընդ բեզ կապելոյս տենջանօք հոգւոյս: Հան զնախատինս պատկառանաց խայտառակութեանս, ծածկեա աջովդ կարողութեան զտղեղ տեսակ մարմնոյս մերկութե, մատոհանգստեան զթոպեալս ուժգին մեղացս բեռամբք, կարդեա ինձ սահման հետոց բարութեան առ ելս կենացդ, պահեա յիշատակ ինձ ողորմութեան և զկնի մահու կեանք ամենեին, օրհնեալ յերկինս և գովեալ յերկրի, բարեբանեալ միշտ յամենայնի՛ յաւիտեանս յաւիտենից. ամէն:

ՎԵՐՍՏԻՆ ՅԱԿԵԼՈՒԱԾ ԿՐԿԻՆ ԼԵԾՈՒԹԵԱՆ ԿՈՐԻՆ ՀՍԿՈՂԻ
ԱՌ ԿՈՅՆ ԱՂԵՐՍ ՄԱԳԹԱՆԱՑ ԲՆՆԻ

Ի ԽՈՐՈՑ ՍՐՏԻՑ

ԽՕՍ-Ք ԸՆԴ ԱՍՏՈՒԾՈՅ

Ա. Թ. ԱԳԱՒՈՐ բարձրեալ հզօր ահաւոր, օրհնեալդ միայն տէր Յիսուս Բրիտոս, քո է փոխարկել յանակնկալս կենաց յուսահատութեան զսատակիչ անէծս առ կեցուցանող օրհնութիւնս, զպարսաւանս վհատութեան առ զուարթացուցիչ գովութիւն, ընդ ամօթոյն՝ համարձակութիւն, ընդ պատկառանացն՝ պատիւ, ընդ տարագրութեանն՝ յոյս բարութեան, ընդ բաժանմանն՝ ակնկալութիւն միութե, ընդ սպառնականացն բանից՝ ողորական սիրփանս, ընդ միանդամ դատապարտութեանն կրկին ազատութիւն:

Բ. Ողորմեա, տէր, մահու մեղապարտիս յաւուր արձակման շնչոյս կենդանութեան, մինչ աչացս ողորմադին հայեցուածս ՚ի բարձունս կողկողիցի, զբազմարկածեան ուղւոյն զանգերձ ընթացիցն զանկախչելին ճանապարհ յաչս բերելով մտացս տեսմամբ ամենայնիւ վտանգեալ. և ՚ի յերգրնակութեան յարկիս նկատեալ յելիցն շաւիղ, թշուառացեալ կիսամեռութեամբ, դիմօք այլայլութե, տատանմամբ մատանցս, կարկամ հառաչմամբ, նուաղ հեծութք, նրբական ձայնիւ, յոգի թախծութեան յոքնամասնեայ տարակուսանաց՝ ՚ի խորոցս աներևութից զգործեցելոցս ողբալով հառաչեմ ի կարող ես, բարեգութ, և անդ հրաշագործել յաւէտ զօրեղութեամբ ասելով, թէ ողջ եղիջիր յոգւոյդ խորտակմանէ, և կամ թողեալ լիցին քեզ մեղանք քո, կամ թէ երթ ՚ի խաղաղութիւն սրբեալ ՚ի մեղաց: Եւ զոր յայնմ ժամու ոչ ժամանեցից պաղատել, այսօր ընկալցիս մարդասիրապէս, ոլ երկայնամիտ բազմաչնորհ ամենակեցոյց: } որժամ, որ այժմս բանապաճոյճ խորխտաձայն սի-

գացող բարձրասպարանոց , անկեալ զնիմ դի անկենդան , կարկեալ ՚ի խօսից , կաշկանդեալ ձեռօք , Լքեալ անդամօք , խփեալ շրթամբք , կափուցեալ աչօք , տախտակ անշարժուն , կոճիկ կխայրեաց , արձան անզգայ , պստկեր անբարբառ , գոյութիւն անշունչ , ողորմելի տեսիլ , աշխարելի կերպարան , ողբալի օրինակ , եղկելի դէմք , արտասուելի նմանութիւն , լուեցեալ լեզու , ցամաքեալ խոտ , թօթափեալ ծաղիկ , ծորեալ գեղ , շիջեալ ղամբար , դատարկ կոկորդ , խոտանացեալ սիրտ , աղիտեալ ազդարան , սպառեալ աղբիւր , թալկացեալ մարմին , ժողխեալ որովայն , բակտեալ տաղաւար , կոտորեալ ոստք , բաժանեալ յօղք , հատեալ ծառ , սղոցեալ արմատ , թողեալ տուն , հնձեալ արտ , ստուրխուզեալ բոյս , օտարացեալ բարեկամ , մոռացեալ պահեստ , թաղեալ գարշուի , մերժեալ ատելի , բարձեալ խեթ , անարգեալ կմախք , և իբր զանպիտան առ ոտն կոխեալ : Կարօտեալ այլոց մաղթանաց , որք զհաւատոյ թշուառիս ձայնիւ նուազեալ աղերս հառաչման , ցողով արտասուաց բարերարիդ գթութեան ՚ի բարձունս տարածանեն : Օ առքեզ դարձն յեղանակեն յարգահատելով , զոր օրհնեմ . ըզնշան խաչիդ փրկութեան , զոր երկրպագեմ . զյարութեանն ճշմարտութիւն , որում հաւատամ . զփառացի բո յայտնութիւն , զոր փառաւորեմ . զդատաստանիդ ահաւորութիւն , զոր խոստովանիմ . զբանիցդ յանդիմանութիւն , յորմէ զարհուրիմ . զհոգւոյդ սրբոյ ինձ ուղեկցութիւն , զոր պաշտեմ . զօճմանդ տեառնազրութիւն , զոր և համբուրեմ . զթագաւորելն ընդքեզ , տէր Յ՛ս , որում պաղատիմ : Արդ Լքաւ մերժեցաւ բարձաւ տրոհեցաւ փախեաւ սրացաւ տեղեւտ կցորդութիւն զուգութեան կենցաղոյս կենդանութե , և յուսոյդ որ ՚ի բէն պարզեմ մնացական և անշնչական յշատակարան պահեցաւ :

Գ . Տէս ողորմութեամբ ՚ի տարակուսանս վտանգելոյս , միայն բարեգութ փառաւորեալ որդի աստուծոյ , բաւել բժշկել կենագործել պաշտպանել նորոգել նկարել կանգնել

հաստատել , վերստին ստեղծագործել յերջանիկն անարատութիւն . քո է կարողութիւն , քո է վրկութիւն , քո ողորմութիւն . չիք քո անկարութիւն , այլ ամենեւին զօրութի , բարձրութիւն , իշխանութիւն , անխաճան թաղաւորութի , իսկութիւն , ինքնութիւն , ամենատեղի բացարձակութիւն , բարերարութիւն , լուսաւորութիւն . փառաւորեալ տիրապէս , անպակաս և անյաւելուած , խնկեալ խորհրդով անթարգմանելեալ յերրորդութեանդ սրբում , գոհաբանեալ յաւէտ և ևս առ սմին ՚ի նոյն պաշտօն հաւասարութեան միապատիւ զուգականութեան , երէկ և այսօր և յաւիտենից յաւիտեանս . ամէն :

ԲԱՆ . ԷԴ

ՎԵՐՍՏԻՆ ՅԱՒԵԼՈՒՅԸ ԿՐԿԻՆ ԷՆԾՈՒԹԵԱՆ ՆՈՐԻՆ ԼՍԿՈՐԻ
ԱՌ ՆՈՅՆ ԱՂԵՐՄ ՄԱՂԹԱՆԱՅՑ ԲԱՆԻ

Ի ԽՈՐՈՅ ՍՐՏԻՑ

ԽՕՍԻ ԸՆԴ ԱՍՏՈՒԾՈՅ

Ա . ԲԱՆ Երկնաւոր , տէր բոլորեցուն , առ ամենայն բան յամենայնի միշտ երկայնամիտ , աստուծոյ կենդանւոյ անքննին որդի : Ահա անդ է ողորմելն իսկապէս , յորում հատաւ ակնկալութիւն վաստակոյն . անդ է բարեգործելն , յորում տեսութիւն իմաստիցն խափանեցաւ . յայնմ ժամու է մարդասիրելն , յորում տկարութենն վտանգ պաշարեալ տիրեաց ներքոյ և արտաքոյ . անդանօր է բժշկութի անձային քո ձեռինդ , յորժամ բնաւ անդամոցն տեղի ետ կենդանութիւնն . այն վայր է այցելութեան , յորում ելք հնարից ոչ գոյ : Այն է քո մեծութիւն , յորժամ գլուսահատութե վէրն ողջացուցանես . այն է հարսզատ քումդ ազգակցուն , եթէ յանակնկալն ժամու սրուեստաւորեսցես վրկութի . այն է հանդիսարան քում յաղթանակի , եթէ զփակեալն

մուտս կենաց ՚ի սպառումն շնչոյս բացցես , այն ենք շնորհք վայելչականք , եթէ զչարեացս իմոց մուտցեալ՝ զբարեացդ քո յիշեսցես : } այսմ ես անոխակալ , եթէ ապախտաւորիս ընդ երախտաւորացն խնամարկեսցես . ՚ի սոսին ծանեալ գիտացից՝ եթէ նայեցար ՚ի նուէր բանիս նախնի գթութից , եթէ զսովորութիւն չարեացս բարձցես :

Բ . } աղագս այսորիկ հիւսին բանք և եղանակին նուագերգութիւնք , յորժամ տէրն բարի՝ չարն ծառայի զբարեգործացն պարգևեսցէ . որ մինչ իրաւամբք մնասցէ բանտի , նա յարքայական ապարանս զնա հանգուցէ . մինչ հրաւիրեալ է ՚ի գուբ տղմոյ , նա ՚ի բազմականս ամենապատիկս գահուց զրդեցուցանիցէ . մինչ բրելոյ զաչսն դիտեսցէ , նա ՚ի բարձրութիւն բերկրութեան հայեցուցանիցէ . մինչ ծայրատութեան մատանցն սպասէ , նա մատանի համարձակութեան մատուցանիցէ . մինչ հայի հարուածոց գանից , նա գթոց գիրկս արկանիցէ . մինչ պատրաստեալ յուսայ կորստեան , նա երևելի տեսողաց բազմաց առնիցէ . մինչ ակնունի սատակման մահու , նա ընդ կենացն և փառս ընծայեցուցէ . մինչ հատման դիտոյն նայեսցի , նա զնոյն պսակաւ պայծառացուցանիցէ : Մյս պտուղք օրհնութե , գթած , սքանչելարմատ քում շառաւիղաց . այս արդասիք՝ կենաց արարչականդ քո հրամանաց . այս իղձք խորհրդոց խոստովանեալդ քո տենջանաց . այս նշոյլք լուսոյ ամենաստիճազ ճառագայթից . այս ախորժութի՛ ճաշակաց բարեբանեալդ քո քաղցրութեան :

Գ . Քո միայնոյ են այսոքիկ , տէր . ՚ի բէն ազդեցաւ զրելինձ զտոսին . ահա զբոյսդ յատուկ աղերս աղաչեմ , օրհնեալ , ՚ի բոյոց այտի պարգևեալ շնորհեա . բաց , տէր , ըզգանձս քո բարիս , ըստ աղերսանաց առակին : } ՚ի խառնեսցես ՚ի համբարս բարեացդ քոց ՚ի չարեացն իմոց . մի շտեմարանեսցես զատելիսն քո՝ որ են ոխութիւնք և ցասմունք , ընդ սիրելիսն քո՝ որ են գթութիւնք և ողորմութիւնք . մի սրահեսցես ՚ի ստացուածս քո սպաշտելիս զանախորժելիսն

քո՝ որ են մթուծիւնք և դաժանութիք, և զիմ վնասելիքն՝ որ են մեղք և թշուառութիք: || Ի գրեցես աջովդ օրհնութեան Ի մատենիդ կենաց զմուրհակ պարտուց իմոցս անիծից . այլ զանհնարաւորսն ինձ համարեալս՝ մեծացուցես կրկին առաւել զանունքս . քո տէր Ի նոսին, ցուցանել զդոյն ինձ դիւրինս և հեշտականագոյնս: Հատ են իմ պարտիքս և անդրքան զթիւ, այլ ոչ այնքան հրաշալիք իբրև զքո զողորմութիւնդ . բազում են մեղանքս, այլ յաւէտ են նուազեալ առաջի քոյդ ներողութեան. յաճախ են չարութիւնքս, այլ յաղթական են համայնից, հզօր ամենակալ, քոյդ մարդասիրութիւն. ինձ են անհամար իմոյս անձին բիծք, այլ քեզ յոյժ գրաւեալ են ընդ սահմանաւ: || Է են այնքան զօրաւորք առ կենդանութիւն զէնք մեղանաց պատկառեցելոյս պողաբերութեան, որքան յիշատակ մահու կենդանոյդ առ վանումն կործանողին բռնութեան: () Ի՛նչ ազդեսցէ փոքր խաւար՝ աւուրդ աստուծոյ, զիմորդ բաւեսցէ դոյզն ինչ աղջամուղջ՝ մեծիդ ճառագայթից . զիմորդ համբարձցի կշտեսցի ընդ խաչի քո կրից՝ խակութի հեշտութե մարմնոյս տկարութեան: () Ի՛նչ երևեսցի յաչս ամենակալիդ քոյ առատութեան՝ կոյտք մեղանաց ամենայն տիեզերաց . ահա կոշտ մի հողոյ դիւրափխրելի Ի կարծրութենէ բախման վանեցեալ, իբր զպղպշակ անձրևոյ բազմազեղ հոսմամբ քո կամացդ չբացեալ պայթեալ անդատին: () Ի՛նչ պիտոյ են քում զօրութեանդ ամենահնարդ կարողութեան ժամանակաց առաւելութիւն առ յանցուածոց իմոց քաւութի . ոչ քթթել մի ական, ոչ խուն մի տեսութի ածանցական, ոչ սակաւ մի նայեցուած փոյլական, ոչ կիսամասնեայ յամբութի, ոչ փութացելոց ոտից յեղեղումն, ոչ յերկց բարձրութենէ միոյ կանգնոյ կաթի ակնունելոյ, ոչ զիծ մի չափոյ մտաց հետեւցելոյ, ոչ նշուղից արագութի, ոչ շնչոյ տուրևառութիւն, ոչ ինչ յայսմ յանգոյ և յանտպաւորական նմանութենէ անձև օրինակաց յաւէտ անկայից՝ այնքան առ ժամայնք կամ հարևանցիկք, որքան եղծմունք, ցնդմունք

և հարմուհիք մեղացս սառնամանեաց պահեստի՝ քումից զօրութեան, աստուած ամենայնի տէր Յիսուս Քրիստոս, որդի անքննին կենդանւոյդ աստուծոյ: Որ տաս պարզեես արև քաղցրութեան՝ չարաց ընդ բարիս, և անճրեես երկաքանչիւրոցն անուշառապէս: Կշուես սահմանես իրաւամբք և զվտանգս՝ կրիցն հաւասարաբար. որոց մեծ է հանդիսոն առ ակնկալութիւն պարզելին, փոքր խթանաւ փորձութեան զսակաւութիւն պարտուցն աստէն վճարես. իսկ որ զերկիր ընտրեցին, ներես ողորմութեամբ, տալով և սոցա դարման ընդ նոցա՝ միշտ առ քեզ դարձին սպասես: Լուքեզ փառք ամենազօրիդ առ ամենայն հրաշագործութի բարեխնամօղ երկայնատութեան, օրհնեալ յաւիտեանս. ամէն:

ԲԱՆ • ՀԵ

ՎԵՐՍՏԻՆ ՅԱԻԵԼՈՒՅԺ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ ԱՌՆՈՅՆ ԱՂԷՐՍ ՄԱՂԹԱՆԱՅՑ ԲԱՆԻ

Ի ԽՈՐՈՅ ՍՐՏԻՅ ԽՕՍԻ ԸՆԴ ԱՍՏՈՒԾՈՅ

Ա. Եւ արդ ընկզմեալ զմայլեալ և իսպառ ծածկեալ ՚ի յանձառութենէ՝ առաւելութեան բազմամանեայ յաճախութեան մեծիդ երախտեաց, որ ամենառատ լրմամբ աննուազելեալ յաջմէ և յահեկէ՝ ՚ի դիմաց և ՚ի թիկանց համբարեալ կան անբաւութիւնք:

Գարձեալ առ նմին կրկնապատիկ երկրորդութի՛ն աստուածային հոգւովն ազդեցեալ, որ ինչ յառաքելոցն սահմանեցաւ աւանդութիւն՝ առ ամենայն լուսաւորութիւն եկեղեցւոյ դաւանութե՛ն՝ մեկնապէս եղեալ աստանօր: Էւ որ առ անչնչականս նիւթեղէն ցուցանի երանաւոր կերպարութիւն անձառելի:

Բ. Ս՝ աստուցանեմ ընծայեմ դարձեալ աստանօր աւանդողովեստի դաւանման ճշմարտականի, Օ ՚ի որպէս երբեմն:

հերժուածականին չարափառութեամբ ամենապատիրն խաբէութիւնն եննգողին կարծիւն հատուածեալ 'ի բաց հերքեցայ՝ ելեալ 'ի դրախտէն , արդ միաւորականաւս այսու ուղիղ ամբժուութեամբ՝ 'ի յաւանդ իսկապէս շնորհի անդրէն միւսանգամ համբարձեալ սովիմբ՝ 'ի թախս թևոց լուսոյ ահա յերկինս ժամանեցից հետևեալ :

Գ . Ա . Քանզի յարգանդէն՝ յորում յղացայ հոգևոր երկամբք ծնիցեալ , զմեծ և զերջանիկ դշտոյ անարատ՝ ամենից կուսից իսկուհի՝ զպանծայլ մայրն իմ գովելի պարտէ կանոնաւ սահմանի բանի արձանագրել յայսմ մատենի . զի ծանիցի ցուցցի և այլոց ևս ապագայիցն ազգաց պատմեսցի որքանութիւն փառաց խնկելոյն , արժանապէս պաշտմամբ պատուեալ իբր մաքուր մարմին ընդ գլխոյ մարդեղութեան բանին աստուծոյ , 'ի յիշատակ ճառխ հաւատոյ Երրորդութեանն դաւանութեանն : Աւ արդ 'ի յայս օրինակ հոգենկար պատկերի բանի , որ զխորանէս լուսոյ յարմարի , ընկալ զիս , գթած օրհնեալ , քաւեցեալ և սրբեալ 'ի սինն : Հան սովաւ 'ի հոգւոյս զնախատինս մեղացս , անմեղս և անբիծս ընդ հովանեաւ սորին բազմեցո , յաւել զտկարս 'ի տունն Դաւթի , և անտուստ փոխեալ 'ի տունդ աստուծոյ , ըստ մարգարէին ձայնի՝ որ 'ի բեզ Յիսուս ակնարկի : Ա՛ի սոսկ զմտիցն , և մի անօգուտ զելիցն հետևութիւն արասցես . մի զհաւատոյս ջերմութիւն ցուրտ համարեսցիս , և մի զհամբոյր ողջունիս անկարգ ինչ վարկանիցիս , մի զպաշտօնն ապաշնորհ գրեսցես , և մի զերկրպագութիւնն անխորհուրդ լքցես . մի անպտուղ լիցի տեսականութիւն պատկերին , և մի աննշոյլ՝ կերպարանին սքանչելութիւն , մի անհուր ողջակիզին սպանդ մեռցի , և մի պատարագ ուխտի այս ճառի՝ արտաբոյ ցրեսցի . մի ճաշակդ լուսոյ ինձ մահու լիցի , և մի բաժակ քո կողիցդ արեան՝ 'ի դատապարտութիւն եղիցի :

Դ . Ա . Ղաչեմ գբեզ , տէր Յիսուս միդ յեութենէդ , որով զգիտութիւն հօր քո և հոգւոյդ սրբոյ ճաշակեալ ծանեաք .

քանզի ՚ի քէն իսկ վարդապետեալ զամենապարզև կարգս եկեղեցւոյ, և ՚ի սմին աղօթանուէր լուսարան կենաց փրկու թեան բարեաց, տարածեալ զսիրտս ձեռաց համբարձմամբ զայս կնդրուկ բանի բնակողիդ ՚ի սմա տիրողիդ բընաւից երեքսրբէնիդ մատուցեալ յաւէժ ընծայեցուցանեմք այսու բարբառով բարեշնորհութեան:

Ա. որ ՚ի Նիկիայն սահմանեցաւ բան, այլ իմն խորհրդածութիւն աստուածային աւանդութեան:

Ե. Փառաւորեմք վերածայնեալ նուագօք օրհնութեան երգոց ՚ի հաւատ պաշտաման բանի զբարեհրաման պատճառն եղելոց զԵրրորդութիւնն անկիզբն՝ անհամեմատ բարձրութիւն, անհասական խորհրդոց և անբնութիւն իմաստից, անզննելի զգայութեանց և անբերելի եղելոց, քանակութիւն վերնականն երկնի և անսահման ներբնային խորոց, լրութիւն սպառմանց և նախադրութիւն սկզբանց, մի յերից անշիտթ կերպից, և երիս՝ ՚ի միոյ անհատուածելի խկութեանց, ՚ի վեր քան զմտաց անարգելութի յարածգեալ ամենայն ուրեք բովանդակ: Մնիտիտս բարի, անսասանելի ուղղութիւն, անխառն կերպարան սիրոյ, մեծութիւն անյաջորդ, բարձրութիւն անխոնարհելի, անվատնելի տեսականութիւն, բարերարութիւն աննուագելի, կամք կայուն, հրաման կենդանի, ակնարկութիւն փրկչական, երանութիւն ճշմարիտ, ակնկալութիւն հաւաստի, խոստումն անստելի, աւանդ արդասաւոր, ստոյգ աւետիս, վերամբարձութիւն անձեռնարկելի:

Զ. Ս ՚ի հայր միայնոյ որդւոյ՝ միական հոգւովն պատուեալ, ամենահարուստ բարութեամբ ամենեկին ունայն ՚ի չարէ, օրհնածայն զոհաբանութեամբ անքննին ներբողիւ գովեալ:

Է. Ս ՚ին բարձրեալ ահաւոր անուն՝ համապատիւն կցորդութեանց, անպատումն ազգականութեանց, եռալուսեանն զուղակցութեանց, անյաւելուածն լրակա-

նութեանց, ինքնիշխան կամաւորութեամբ պատուասիրեալ
 առ հայրն հանգուենաւիպ՝ գործակցութիւն հոգւոյն սրբու-
 թեան խոնարհեալ իջեալ ՚ի յերկնից, աննուազ գոյով ըն-
 տանի փառացն, հաճեցաւ մտանել յարգանդ մայրենի
 աստուածածին կուսին մայրութեան. յբում աճեցոյց ըզ-
 բոյն օրհնութեան ՚ի լուսասահման անդաստանին անարա-
 տութեան. ընդ ամենակատարն էութեան համասնեալ յա-
 նանջրպետ միականութիւն, թափանցական խառնութեամբ
 յաստուածութեանն ողի բաղկացոյց զգոյութիւն շնչոյս
 հրաշապէս: Արով անստամբակելի երասանաւ սանձաց կրո-
 թութեան զստահակութիւնս իմ հանդարտեցոյց, և կամաւ
 ընծայեալ իաչին՝ ամբարձաւ ծաղիկն պտղոյն կենաց ՚ի
 ծայրս լութեան անմահականն տնկոյ. ՚ի մահ վիրաւորեցաւ՝
 աստուածութեն անընդմիջելի ՚ի մերասերն մարմնոյ, որով
 կենացոյց զգործին պարտեաց, արարչութեանն իսկութեան
 ՚ի նմին յաւէտ անբաժանօրէն ընդ նիւթական մարմնոյն
 վշտացեալ: Վջեալ ՚ի վայրս խաւարային դժոխոց, եհան ըզ-
 կապուտն իւրաստեղծ ՚ի կապանաց օցտողին. և իբր ՚ի նիրհ-
 մանէ քնոյ զարթուցեալ, յինքն նահանջեալ զգիմեցումն
 մահու, կանգնեցաւ կենդանացաւ աստուածապէս՝ ելեալ
 ՚ի յերկրէ հացն կենաց և հովիւն հօտից բանաւորականաց:
 Հաւատարիմ եղև յաշխարհի, և երևեցեալ նոյնութեամբ
 ամենն ին աննուազելի, որպէս եկն համայն, և համբարձաւ
 բովանդակ բազմեցաւ նստաւ ՚ի գերունակն գահոյս նախ-
 նականին պարզութեան արարչական փառաւորութեամբ:

() որ խոստովանիմք աստուած բարերար և տէր բոլորից, որ
 դատի զամենայն երկիր արդար ընտրութեամբ յաւուրն
 մեծի, որ ինքն է մկիզբն և ինքն կատարած, նոյն առաջին
 և նոյն առ յապայ, անպակաս բովանդակութեամբ թագա-
 ւորեալ ՚ի լոյս անմատոյց:

Ը. () օրհնաբանեմք ընդ հօր և որդւոյ և զանբաժանե-
 լի բղիտումն՝ նոցին փառակից հոգւոյն տէրութեան. որ
 ստեղծ զբնաւս և կենդանածնէ զամենայն, որ անդասին

խակ ՚ի բնէ համապարփակ մթութեան աշխարհակալն միգի շրջէր նկարէր և կերպարանէր ամէնունակ ջուրբքն անբաւութեան երկրատարածն ծովու՝ ՚ի կատարումն արդեան խորհրդոյս՝ զսուրբ աւազանն լուսոյ: Ասի արար և այժմ՝ դործէ, գոյացոյց և միշտ կատարէ արուեստս, սքանչելիս, նախատեսութիս սրբաննելոց, ազդմունս աստուածօրէնս, զօրութիւնս զարմանաւորս, մարդարէս, առաքեալս, վարդապետս վարժողս կրթութեան հանձարոյ: Օ սրբարարն մատուցման արեանն Քրիստոսի յարդարեաց, քաւութիս անձանց, առողջութիւնս մարմնոց, ըստ նմանութեան Քրիստոսի ողորմութիւնս հրամայեաց: Ս՝ կրտեաց և գեր քան զջուր, ինքեան միայն բաւականութեամբ նորոգեաց լուսաւորեաց. հանապազ նովին բարեգործութիւնս զօրանայ: Ս՝ կայեաց միածնին աստուածութեանն ՚ի հոսանան Յորդանանու, օրինակաւ տեսութեան ամպոց ցուցաւ ձայնիւ հօր ՚ի լերինն թափօրականս: Ի նոյն տիպ նմանութեան հովանի եղև յակորեան տոհմին ՚ի յերլն Եգիպտոսի. յուղէգնացութիւն զօրաւարութեանն Մովսէսի՝ հողմով սաստկութեան զՓարաւոն ընկզմեաց: Քահանայս կատարագործէ, իմաստունս կազմէ, թագաւորս զօրացուցանէ, քաւութիւնս ընձեռէ, կեանս շնորհէ մահացելոց ՚ի նորոգութիւն յարութեանն: Այն ինքն է օծումն մարդացելոյն աստուծոյ. մշտնջենաւոր հաւատարութեամբ ընդ հօր երկրպագեալ՝ ՚ի պատիւ մեծութեան որդւոյ, անսահման փառաւորութեամբ օրհնեալ յաւիտեանս. ամէն:

*Նորին ասացեալ ՚ի խորհուրդ սրբոյ եկեղեցւոյ, ընդդէմ պիղծ աղանդաւորացն թողորակեցւոց, նոր մանիքեցւոց:

Թ. յաւանեմք ՚ի հաւատ ուղիղ և անխոտորնակ ամբրւծութեան՝ համբուրիւ շրթանց ողջունեալ զկառուցեալս խորան յանչնչական արձանաց՝ աստուածային բնակութեան կեկեղեցւոյս շինուածոյ. որ գերազանց դտաւ և երկինի ամենազարդ բարձրութեամբ, որ ՚ի նոցին իսկ յառաքելակա-

նացն դասուց հիմնեցաւ, յաշակերտաց վերնոյն խնկեցաւ, ՚ի սպասաւորաց բանին պաշտեցաւ: Վկիզըն առեալ կենացս այս դանձու ՚ի վերնայարկն սրահէ, խորհրդակատարն վայրէ, զոր հոգին աստուծոյ լցոյց, վայլեցուցեալ ՚ի նմա զօրութի յաւուր մեծի պենտակոստէին. նախ զտունն բարետեսիլ՝ յօրինակ սրբութեան կատարման շնորհի այսր եկեղեցւոյ կանխամեծար առաւելութեան, յորում ապա և ՚ի նմին բնակչացն տուաւ լուսանորոգ բարեփառութիւն: Աստի արիւն հզօրին աստուծոյ բաշխեալ մատուցանի՝ յաւեա քան զՀաբելին մահու գուժարկու, մեծաւ բարբառով՝ ձայնի բերկրութեան կենդանութիւն անմահութեան ՚ի սմա ազդելով: Քանզի ոչ է կար զօրութեան ուրուք ընդ երկնաւ յանդիման արեգական ՚ի սպասաւորութիւն խորհրդոյ այսր ահաւորութե ձեռնարկել, եթէ ոչ ընդ թեօք սորին պահեսցի. նա զի ոչ երկնիւք բաւականնայ այս նըւէր տէրունի մարմնոյ, եթէ ոչ զայս ձեղուն օրհնութեան ծածկոյթ ունիցի. վասն զի մահու անիծիւք հերքի այր ըստ օրինին, որ արտաքոյ խորանի այս վկայութեան զանձային պատարագն մատուցանէ. մանաւանդ զի պարտաւոր արեան կոչեսցի, որ ոչ զանձինն օրինակ արիւն յայս նուիրան ընծայեցուցէ: Սի ՚ի սմա լուացումն ՚ի մահն Քրիստոսի, զի մի յանդէտս անարգեալ աստուածութիւնն՝ ՚ի ծանուցելումն զնախնին կրեսցէ. մի ձեռնադրութիւն ՚ի պատիւ օծութեան լուսոյն, զի մի յամբծութիւնն խաբէութիւնն խառնեսցի. մի և շնորհօք քան թէ ապաշխարութեամբ քաւութիւն, զի մի ճմարտութիւնն կերպարանօք խորամանկեսցի. մի յընտրութիւնն ապառնի՝ հաւատ, զի մի սպառնալիք հատուցմանն զրոյցս ինչ օտար համբաւոյ գրեսցի. մի երկաքանչիւրոց գոյութեանց մերոց իրաւամբք կշտամբութիւն, զի մի կխամասնեայ առ մարդն ներքին և առ արտաքին՝ չարի և կամ բարւոյ փոխատրութիւնն կարծիցի յանմահ զօրութիւն արքայական որդէգրութեանն, զի ընդելութեամբ երկրայնովս առաւելութիւն վերնումն

Թագաւորութեան յայտնապէս ճշմարտեսցի . մի յոյս կեն-
դանութեան առ անեղծութիւնն սրբոց , զի աներկեանութիւն
խոստացելոցն՝ ՚ի միտս ունկնդրացն ծանուցեալ
հաւատասցի :

Ժ . Լ . յս դշխոյ պաշտելի անշնչական եկեղեցի տայ կեանս
և մահու իշխէ , ըստ օրինակի աղամեան պողոյն յարմարա-
պէս ճաշակելի . գերազանց քան զբանականս յանշնչութեն
հրաշագործէ . մինչ զի կատարումն ընծեռէ և նորոգ հաս-
տատէ , վերստին նկարեալ ՚ի մեզ զկերպարանն փառաց
լուսոյ : Ղրեալ ևս է տեսակ մեծութեան վերնումն կամա-
րին սկզբնաւոր յառաջակառոյց քան զբնակիչս հոգեղինացն
՚ի նմա զօրութեանց : Աոր իմն ընծայէ թռիչս մարմնոց
ընդ թեթևութիւնս հոգւոց , պատուականին հարստու-
թեամբ զանարգն յարգաւորեալ : Աջ ինքնակիր մեղօք
զազրանայ , եթէ ոչ ՚ի մարդոց չարաց և կամ յանհա-
ւատից կոխիցի : Տիպ իմն է զարմանաւոր յաղթող ի-
մաստից մերս տեսութեանց . անբանն ՚ի բանաւորէն կա-
ռուցեալ , նմին օժանդակեալ իբր վեհագոյնն յաւէտ նը-
ւաստի : Ս՛եծ է քան զմարդ , որքան ընտրեցելոյն Մովսէսի
ցուպն յաղթողական . առաւել քան զբանաւոր , որքան
զԱհարոյն գաւազանն խորհրդական ծաղկեցեալ . գերա-
զանց քան զմտաւոր , որչափ զԵղիաս և զԵղիստոս գետա-
հերձ մաշկեակն նքանչելահրաշ փայլեալ արուեստիւ : () Գ-
նութիւն պարզ և է կրկին ամենակատար սրբանեալ ձեռաց
մաքրաբար , քան թէ զինապէս . մարմին նիւթական քարի
և հողոյ , գոյակից հարազատ զգայականաց և սրբոց : Իբր
զվէմն անմահ կենդանի ՚ի կործանումն է և ՚ի կանգնումն .
որպէս զբառաւորն ամենից հոգւոց հանդիսանայ հրաշա-
պէս ազգամամբ յանէծս և յօրհնութիւնս . իբրև տեսող
աներևութից զոմն հրապարակէ և զոմն տածէ . առ ինքն
կոչէ՝ գրեալ յանուանէ իբր զտիրող հրամանատար էիցս :
Իբր զլեառն յաւիտենական անհարուածելի է ՚ի դիմամար-
տից . ըմբռնէ զհոգևորս իբր զհնարագրութի մեծին ար-

ոււեստի . անմեղս և անվիրապուծիւնս ըստ Քրիստոսի հետոյն
ընթանայ , բարձր ճոխութեամբ անպատկառաբար համար-
ձակապէս զօրէն գովելոյ դլուխ ամբառնայ :

ԺԱ . Վ . յիբան մեծ ունի սրբութիւն , մինչ զի զորս ըստ
պատկերի աստուծոյ եղեն , կանոնաւ խտրէ : Քեա յոգունց
ընտրութեց փորձից՝ թէ համարձակեացի մարդ ոք սխալ-
եալ ՚ի գաւիթս նորին մտանել՝ ոչ պղծի , այլ ընդ անպատ-
րաստիցն թերութեանց դժուարի . ոչ նզովի , այլ տեղի տայ
ոչ գիտողացն զնորհին զչափ . ոչ լքանի ինքեամբ պարտա-
ւոր իւրովն գտեալ , այլ ՚ի մերոց դործոց խրթնանայ . ոչ
թողայուցանէ երկիցս մատչել յըմբռնումն ոտիցն կեն-
դանատուաց , ըստ տիրական անձառ խորհրդոյն . ոչ կրկին
յաւուր զնոյն ցուցանէ , զի մի անընտրաբար նուիրանն խայ-
տառակեացի : Վ շտակցէ կարեաց զօրապէս իբր անախտակիր
ապականութեանց որ ՚ի մեզ շարժմանց . առանց բարբառոյ
տիրապէս հրամանաւ դատի :

ԺԲ . Վ , ա զի և տապան իմն է մաքրական , կրկին երջան-
կական , ՚ի հեղձմանէ կենցաղոյս ալեաց պահապան . ոչ բազ-
մօք անբանիւք զազանաց դասուք և սակաւ մարդկամբ ,
այլ ընդ երկրայնոցս և զվերինն յինքն հաւաքէ . ոչ ալիս
խառնութե բերի , այլ ՚ի բարձրութին երկնի համբառնայ :
Իբր զաշակերտ հրահանգեալ հոգւոյն աստուծոյ փախչի
՚ի նենդութենէ . ոչ ՚ի բողոք մահու մարմնոյ հարուածոց ,
այլ ՚ի կենացն աւետիս ըմբռնեալ ածէ . ոչ Նոյիւ ձեռնար-
կեալ գործի , այլ հաստողին հրամանաւ շինի . ոչ Մովսէս
ընդ Բեսեթիէլ , այլ միածինն աստուծոյ հոգւովն սրբով զսա
հանդերձէ . ոչ յարաշարժ հանապազափոխ , այլ մշտակա-
ռոյց հիմամբ անսասանելեաւ զսա հաստատէ : Վարձեալ
իբր զտապանակն անխօս փայտեղէն մածեալ տախտակօք
առանց զգայութեան տեսողականաց մեզ առաջնորդէ .
որպէս կերպարան անքանակ Էլին յառաջ հետեւեալ ՚ի
հանդերձանս լուսոյն կենաց տեղի պատրաստէ : Վնդ Ողի-
էլի անտուտ սատակէ , եթէ ոչ խաչապէս յոգի բերիցի :

սպանանէ վատնեալ վաղլաղակի առժամայն . եթէ անաս-
նայինն լճակցութեամբ երկրասիրաբար գեանակոխ սայլ-
իւք՝ իբր զանօթ ինչ ձեռնազննին բարձեալ տանիցի: Աչ
լեզուաւ մարմնոյ, այլ բանիւ հրեշտակաց խօսի. ոչ ունկան
դոյականութիւն, և արագապէս մտառեալ լսէ. ոչ ձայն
կերպաւորական բարբառոյ, և զպատգամս գործոցն Յօթի
համօրէն ազանց պատմեալ հռչակէ. ոչ խաղալեաց շարժա-
կանութիւն, և աստուածայնով իմն կենդանութեան հա-
գագաւ ազդէ: Աչ ոսկերաց և ջլաց յօդուած, և երկուք
հազարօք կանգնօք լայնութեամբ՝ իբր զգունդն անհամար
բարձրեալն աստուծոյ՝ զկենդանական զօրուն գումարտակ
հերբայական վառեալ ամբօխին, և այժմ ընդ նոսին իբր
զանմայքուրս ՚ի սրբութենէ՝ զոմանս ակտիւ մեղանաց ջեռ-
եալս հատուածեալ յինքենէ հեռի, ուղեկցէ ապրեցելոցն
՚ի տաժանաւոր աղիւսարկութեանցն: Այն իսկ էութիւնն
աստուծոյ մարմինն եղելոյ՝ անուամբ այս վիմի նշանակե-
ցաւ, պատառմամբ կողին զքնաւս արբուցեալ: Աչ արեան
երակաց ընթացք, այլ լուսոյ վերնոյն շառաւիղք թափան-
ցանց մութեամբ զսոյն կենդանացուցեալ նորոգ պաշտ-
պանէ. ոչ Սողոմօն կամ Զորաբարէլ մահկանացուաց ոստի-
կանութիւն, այլ ամենից ունողին իմաստ զսա զծագրէ. ոչ
աննուիրական հասարակաձաշակ իւղով առ ՚ի Յակոբայ պա-
րարի, այլ ահաւորին արեամբ և փառօք մեծին օծանի:
Աչ տուն երկրային նիւթոյ՝ քան թէ մարմին երկնային
լուսոյ աստուծոյ զսորին որդիս կնքեալ ձեռնադրէ. ոչ կեն-
ցադոյս յերկրէ յղացմունս, այլ արբայութեն երկնից ժա-
ռանգս կրթէ. զ՚ի ծոց իւր զբոգեալսն գողոյն Աբրահամու
ընծայեցուցանէ: Վեսայ հարսնութե սորա որդին աստուծոյ
կենդանուոյ, օրիորդք ինծոյից սորին հայրապետացն գումարք:
Այն ինքն մոռացումն առնէ այսակիր բարձանոյն կռամու-
լութեան, զի զերկնայնոյն նոյ ունի զճանօթութիւն. օտա-
րութիւն ամենայնիւ դիցն դրօշերոյ, զի ՚ի համօրէն քարինս
սորա Քն երկրպագի. քակտումն է յայտնապէս ուրուական

ըղձիցն անտառաց , զի 'ի բնաւից մայրից աշխարհի նմա-
նու թք կենացն փայտի 'ի սմա տէրն նուիրի . խորտակումն
է համայն դիւապատիր յու թիցն արձանաց , զի քարն
գովեալ կարկէհան ակամբք և վիմօք կենդանեօք այսրէն
հաստատի .

ԺԳ . Մ. յաբկ չքնաղ և աստուածընկալ ազատ է միան-
գամայն 'ի յամենուստ ծառայութեան . ոչ օրինակ վերնոյն
Սիօնի , քան թէ ճշմարտութիւն նմին ճանաչի . ոչ կոա-
պաշտութեն կապաւ բազին և կամ լծով օրինին տեղի պար-
տաւորութեան , այլ տէրունի բարերարութեանն պարգե-
ւարան 'ի մէնջ համբուրի : Ոչ ասանի երբէք յայլ իմն
կերպարան ձեոյ փոխարկեալ , այլ 'ի նոյն շուք փառաց մե-
ծապէս ընդարձակի . սոյն ինքն և երկին երկնի յերկրի լու-
սապայծառ կերպիւ հռչակի : Որպէս չէ առանց հօրն Բի ,
և ոչ առանց այսր մօր արգանդի յողի կատարիլ : Մտուն
շրջի անբովանդակելին , եթէ ոչ 'ի սմին տան տաղաւարես-
ցի . ոչ ունի տեղի գլխոյն հանգստեան տէրն բոլորից , եթէ
ոչ 'ի յայս կայարան կենաց մտեալ ազանիցի : Բան 'ի կամար
վերնայինն երկնի 'ի յայս հիւթաւոր բնակութի առաւել
պարծի . անբաւութի աստուածեան լուսոյն , որպէս զդէմս
մարգարէին և զօրինակս սորին ծածկեցին , որպէս փախեան
'ի փառաց երեսաց նորին , և նմանութեան սորուն՝ որ 'ի տա-
ճարին՝ ոչ հանդարտեցին , 'ի տօն հանդիսի մեծի գովեստի ,
և 'ի բնականացս դասուց խմբեալ նուագի . աստ օրհնի
կրկին բաղձանօք , քան 'ի դրախտն վայելչական :

ԺԴ . Մ. յմայր հոգևոր երկնաւոր լուսաւոր , քան թէ
երկրաւոր շնչաւոր մարմնաւոր , զիս դգուեաց որդի . կաթն
ստեանց սորա արիւնն Բրիստոսի : Եթէ անձանին իսկ
պատկեր զսոյն ոք գրեսցէ , ոչ անօրինի : Իբր զնշան խաչին
փրկութեան զօրութիւնս զարմանազանս և արուեստս բազ-
մօրինակս կատարեալ հրաշագործէ . բեմ ահաւորին ատենի՝
'ի սմա հաստատեալ տեսանի . սովաւ խորթաբարոյիցն հերձ-
ուածողաց մոլեղնաճառ բերանք կարկին : Ունի և քարինս

իմն իմանալիս և բանաւորականս, որով զգազանամիտս անմաքուրս բացուատ ՚ի բաց հալածեալ տարադրէ: Նմանի և աստուածս ոմանս եղականս՝ պատկերս մաքուրս միոյն ւնցքիստոսի: Ունի և զդիրն իւր ընդ արևելք՝ ՚ի տեղի խոստման բնակութեանն մերոյ առաջնոյ. ձեռամբ իմն ցուցանէ յայտնապէս զգալտեանն աստուծոյ շաւիղ, զփայլականն առակ տիրական ՚ի դէմս բերեալ մեզ վարդապետէ, զփրկութիւնն ՚ի յելից անտի ծագման արուսեկին քրիստոսեան երեւմանն ՚ի վերջնում աւուրն արարածոց երկրի թարգմանէ: Յաւս հալածէ, ակտաթէտս բժշկէ, դիւաց բռնութեանց զօրէ: Արգանդ որովայնի սորին աւազանն կենդանարար. ՚ի պար հարսանեաց սորա դասք առաքելոցն: Այնքան ճոխացաւ բարգաւաճեալ երանութեամբ, մինչ զի նոյն ինքն փրկչին անուամբ վայելչապէս յորջորջեցաւ. տիրամօրն լուսոյ կոչմամբ ՚ի մերձաւորաց միածնին ձայնեալ կնքեցաւ: Օփելոց մեղաւորաց նաւահանգիստ հանդարտութեան, խրախճանարան վերնոցն դասուց, բժշկարան անսխալելի տարակուսեալ պարտաւորաց: Արրորդութիւն անպատում ՚ի սմա փառաւորի օրհնեալ յամենայնի:

ԺԵ. Իսկ եթէ որ ձեռն չարութեան ՚ի վերինն արքայութի յանդգնաբար համբառնայցէ, և գիւտ ինչ մարմնաւոր և կամ հնարք մարդկային և կամ արուեստ երկրակենցաղ զտահմանեալ աւանդութիս առ ձեռակերտս եկեղեցի վարկանիցի, և ոչ պարզե առաւել կենաց և ակնկալութիւն աստուածային և հոգւոյն սրբոյ յայտնեալ լուսանորոգ նախագրութիւն և երախտեաց բարձրելոյն ամենատուր լիականութիւն և կամաց արարողին խնկաւորեալ խորհրդարան և առաքելոց ձեռքինն աջոյ բարեհանձար հիմնարկութիւն, և միանգամայն ասել՝ դուռն երկնից և քաղաք ւնց կենդանւոյ և մայր կենդանեաց ազատ ՚ի պարտեաց և ճշգրիտ տեսակ կերպի երեւակիս բանականի, իմանալին՝ խորհուրդ հոգւոյս, և շօշափելին՝ պատկեր մարմնոյս, և սրբութեանցն անդանձատ ից դերազանցեալ նոր սրբութի և քրիստոսեանն

նշանաւ պայծառապարծ պսակեցեալ, զայնպիսի ոչ խոստովանողան մերժէ յերեսաց իւրոց հայրն ամենակալ 'ի ձեռն բանին իւրոյ էակցի, բարձեալ 'ի նմանէ և զաւանդ շնորհի հոգւոյն փառակցի. փակեցէ զդուռն կենացս այս առաջաստի յանդիման նորին: Իսկ մեք զորս գրեցաք՝ սմին և վկայեմք, հաւատացեալ որում կարգեցաքս, յանուն և 'ի փառս ամենակալ Երրորդութեանն և միում աստուածութեանն, յաւիտեանս յաւիտենից. ամէն:

Այն իմ հաւատ յԵրրորդութիւնն, և այս 'ի մայրն իմ լուսափառ խոստովանեալ զաւանտութիւնս

ԲԱՆ . Հ.Օ.

ՎԵՐՍՏԻՆ ՅԱՒԵԼՈՒԱԾ ԿՐԿԻՆ ԷԵԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍ-Ք ԸՆԴ ԱՍՏՈՒԾՈՅ

Ա. ԱՍՏՈՒԱԾ ողորմած, բազմադութ, հզօր, ահաւոր, մարդասէր, օրհնեալ, կենդանի, անձառ, որ ոչ ելանէ երբէք ըստ բան քո իր անձեռնարկելի, որ և մտաց է անհնարաւոր. քո է հատուցանել պտուղ քաղցրութե՛ն ընդ փշոց խտութե՛ն, սկզբնահայրդ այսմ նորոգ և զարմանաւոր կանոնաց կենաց. քանզի բարի առնել ատելոյն և աղօթս 'ի վերայ հալած չին, և փրկութի՛ն հայցել խոցողին, և սպանողին ներումն խնդրել՝ 'ի բէն ընծայեցաւ պտուղս այս հրաշից. որոյ քաղցրութի՛ն անձառ է քան զօրինակ և բարեբանեալ կամաց քոց ախորժելիք և գովեալ շրթանց քոց ճաշակելիք. հոգի երեսաց և զօրութիւն գեղոյ մերոյ տէր Քրիստոս օրհնեալ 'ի բարձունս: Այլ մարդք երկրածինք և ամենավրէպք՝ և բարեմատոյց ձեռաց չարիս դարձուցին. իսկ դու լոյս և տուիչ լուսոյ ոչ լսես անէծս, ոչ ասորժես չար, ոչ

կամիս կորուստ, ոչ ըղձանաս մահ, ոչ յուզիս ՚ի խռովութիւն,
 ոչ տիրիս ՚ի ցասմանէ, ոչ հարկիս ՚ի բարկութենէ, ոչ մթա-
 նաս ՚ի սիրոյ, ոչ այլայլիս ՚ի գթութենէ, ոչ փոփոխիս ՚ի
 բարութենէ, ոչ թիկանց շրջումն և ոչ երեսաց անդրադար-
 ձութիւն, այլ ամենեկին լուսաւորութիւն և նկատումն
 փրկութեան:

Բ. Եթէ քաւեսցես, կարօղ ես . եթէ բժշկես, զօրաւոր
 ես . եթէ կենդանացուցանես, բաւական ես . եթէ շնորհես,
 առատ ես . եթէ ողջացուցանես, հնարաւոր ես . եթէ պար-
 գես, ամենալի ես . եթէ արդարացուցանես, ամենար-
 ուեստ ես . եթէ մխիթարես, ամենիշխան ես . եթէ նորո-
 գես, ամենակալ ես . եթէ հրաշագործեսցես, ամենաթա-
 գաւոր ես . եթէ վերստին հաստատես, արարիչ ես . եթէ
 կրկին գոյացուցանես, աստուած ես . եթէ հոգաս ընդ մեր,
 ամենատէր ես . եթէ կորցես ՚ի մեղաց, այցելու ես . եթէ
 չարժանեացս ընձեռես, օրհնեալ ես . եթէ յորսողէն զեր-
 ծուսցես, փրկիչ ես . եթէ զեղցես ՚ի քոյոցդ ՚ի մեզ, հա-
 բուստ ես . եթէ նախ քան ՚ի մէջ խնդրելն դու կարկա-
 ռեսցես, անկարօտ ես . եթէ լայնես նեղութեանս, անդոր-
 րիչ ես . եթէ զվերջացեալս կոչես, խնամակալ ես . եթէ ըզ-
 սասանեալս հաստատես, վէմ ես . թէ պասքելոյս արբուցա-
 նիցես, աղբիւր ես . թէ զձածկեալսն երևեցուցանես, լոյս
 ես . թէ զօգտակարսն իմ ծանուցանես, բարի ես . թէ ըզ-
 բիծան անտես առնիցես, երկայնամիտ ես . թէ ընդ փոքուս
 ՚ի դատ ոչ մտանիցես, բարձրեալ ես . թէ ծառայիս ձեռն
 մատուցես, ստացող ես . թէ աջովդ քո պաշտպանեսցես,
 յանձանձիչ ես . թէ վհատելոյս դարման մատուցես, կե-
 րակրիչ ես . թէ զանդէտս պարարեսցես, վարդապետ ես .
 թէ զգիմեալս առ քեզ ընկալցիս, ապաւէն ես:

Գ. Եւ արդ քո են այսքիկ, տէր ողորմութեան, ոչ միայն
 գրեալ, այլ կատարեալ և գլխաւորեալ, նախնի նահատակդ
 համբերութեան վկայից, որ վասն իմոյ փրկութեան հան-
 դիսացար զօրսպէս յասպարիսի ճակատուն, զի կտիրեսցես

զկարծիք բռնութիւն մարմնոյս գողողութեան վարժմամբ
կրթութեան չարչարանացն վտանգի . և յանպարտակիրդ
մարմին չտփեալ զբնութեւս մերում զտաժանականն տագ-
նապ տուժի , զի զգթութիւնդ որ առ մեզ՝ արդեամբք
ցուցցես ՚ի քեզ օրինակեալ , օրհնեալ յաւիտեանս . ամէն :

ԲԱՆ . ՀԷ :

ՎԵՐՍՏԻՆ ՅԱԿԵԼՈՒՅԺ ԿՐԿԻՆ ՀԷԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԻ ԸՆԴ ԱՍՏՈՒԾՈՅ

Ա . Եւ քանզի օր է օրհնաբանեալ և լուսանորոգ կրթ-
ութեան երկուց ընտրութեանց արարածոցս սասանուէց՝
յեղանակելոյ յայլ իմն հուժիւն երկնակենցաղ անփոխադ-
րելի , ամբարձելոցն խոնարհութեան և կործանելոցս վեր-
բերութեան , սարսափելի Ուրբաթու մեծի Պասեքիս , յու-
րում եկն և հաս ժամ բարեպատեհ գրել ինձ զայս նուազ
ձայնի հեծութեան զուարճախառն երկիւղիւ , ահա ըզձալի
համարիմ ասել աստանօր ՚ի քոյոց այտի՝ զոր ընդ իմ կրե-
ցեր , աստուած բողոքից :

Բ . Կացեր յատենի բում ստեղծուածոյն իմոյս կերպիւ ,
ոչ խօսեցար տուիչդ բանի , ոչ բարբառեցար հաստիչդ
լեզուի , ոչ ձայն արձակեցեր սասանիչդ երկրի , ոչ մանչեցեր
ամենազդեցիկ փողդ մեծութեան , ոչ երախտեօքն քո յան-
դիմանեցեր և ոչ չարեօք նոցին բմբերանեցեր , ոչ մասնե-
ցեր ամօթոյ զմատնիչան զքեզ տանջանայ մահու , ոչ ՚ի
կապելն զքեզ դիմադարձեցեր և ոչ յապտակելն դժուա-
րեցար , ոչ ՚ի թքնուլն թշնամանեցեր և ոչ ընդ կռիւնն եր-
բէք խռովեցար , ոչ ընդ կատակնն սրտմտեցար և ոչ ընդ
խաղ արկաննն երեսս փոխեցեր : Ս՛ երկացուցին զզեսս

պատմութեանն իբրև ՚ի տկարէ , և դարձեալ ագուցին իբր անփրկանաւոր ըմբռնեցելոյ : Եթէ ոչ էր արբեալ կրկնակի քացախ զանդեալ ընդ լեզուոյ , ոչ էր հեղեալ մազճն իմ մթերեալ նախնի դառնութեանն . ճաշակեաց վհատութիւն և արգել անդէն տարակուսանօք , առին մոլեգնաբար և դարձեալ մատուցին անպատկառապէս : Կանիւ հարուածոց յետին անարգութեան ՚ի մէջ խառնիճաղանջն ամբօխի դատապարտեցին , ծուներ կրկնեցին նախատանաց և պսակ եղին արհամարհութեան :

Գ . Ոչ ետուն հանգիստ կենդանարարիդ , եթէ ոչ զգործի մահուն կրելքեզ պատրաստեցին . ընկալար իբր երկայնամիտ , առեր իբրև զհեզ , բարձեր սրպէս համբերող , ստանձնեալ իբր զպարտական զփայտն վշտաց . որպէս զճաղիկ շուշանաց հովտաց՝ ուսով բերեալ զգէնն կենաց , զի յարհաւրաց գիշերայնոց զխրակերտս գահաւորակս մարմնեղէն դոյութեանս պահպանեսցի : ՚ի դատապարտութեանն վայրի իբր ՚ի խրայիճան խնճոյից : Հանին արտաքս իբր զողջակէզ . կախեցին իբր զխոյն Սաբեկայ ձդեալ զեղջերացն , տարածեցին ՚ի սեղան խաչին իբր զպատարազ , բեռեցին որպէս շարագործ , պնդեցին իբր զապստամբ , զխաղճութիւնք երկնաւոր իբր զաւազակ , զանկապուտ մեծութիւնք իբր զտառապեալ , զառ ՚ի բրովբէից պաշտեցեալդ իբր զբամահեալ , զսահմանդ կենաց իբր զարժանաւոր սատակման մահու , զաւետարանիս նկարիչ իբր զհայհոյիչ օրինին , զտէր և զկատարումն մարգարէից իբր զհամառօտիչ գրեցելոցն , զճառագայթդ փառաց և զկնիք անբնին խորհրդոցդ հօր իբր զներհակ ճնողիդ կամաց , զօրհնեալդ խկապէս իբր զտարադրեալ , զկապոյ օրինին լուծիչդ իբր զայր ՚ի նզով գրեալ , զհուրդ ծախիչ իբր զհեբբեալ իմն կալանաւոր , զահաւորդ երկնի և երկրի իբր զհաւաստի պատժաւոր , զի լոյս անմատոյց ծածկեալդ իբր զհողածին ըմբռնեալ :

Դ . Ո՛վ քաղցրութիւնդ և երկայնամիտ բարեբարութիւնդ ողորմածիդ գթութեան , որ փասն ապախաւոր և անօրինեալ

Ճառայիս տէրդ բողոքից զայս ամենայն կամաւորապէս և հաւանողական հաճութեամբ տարեալ մարմնոյդ միութեամբ ՚ի քեզ ընկալար , և մինչև ՚ի քնարան շիրմին տապանի անպակաս ՚ի լուծենէ ամբողջ նոյնութե աստուածանքննին՝ զնոյն կրեալ նախատինս անձառ համբերութե , յարեար կենդանի ինքնիշխան բարձրութեամբ լուսոյ , աննուազ մարմնով և անթերի աստուածութեամբ : () Ըհնեալ փառօք , զովեալ գթութեամբ , բարեբանեալ միշտ ոլորմութեամբ , յաւիտեանս յաւիտենից . ամէն :

ԲԱՆ . ՀԸ

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ

ԽՕՍԻ ԸՆԴ ԱՍՏՈՒԾՈՅ

Ա . Պէտք արդ անկեալ յերեսս հողանիւթ կերպիւս , ՚ի վայր խոնարհեալ ծնրադրական երկրպագութեամբ , զբարեգործիլ ողորմածութեան զկենդանարար ոտս համբուրեմ , զայս օրինակ մաղթանաց մեծիլ ընծայեցուցեալ :

Բ . Ղաչեմ զքեզ , միայն խնամակալ , մարդասէր , վրթած , կեցուցիչ , հօգոր , այցելու , պաշտպան , մի ունայնասցի վաստակք աշխատութեան փրկականդ կրից մարդացելոյդ վասն իմ աստուծոյ , մի սոսկ եղիցի քրտանցն կաթուած խառնեցեալ արեամբ ՚ի մատնութեանն աւուր գիշերին . մի լիցի ստուերացեալ լուսոյդ երախտիս , զոր ձրի և առանց փրկանաց թշուառացելումս ինձ պարգևեցեր . մի ջնջեցին շնորհացդ աւետիս , զոր կողից քոց կայլակք նորոգեցին . մի անշահ եղիցին կրիցդ պտուղք , զոր կարօտութեա իմում մատուցեր . մի պարծեսցի բանասարկուն վանեալ՝ զքո ըստացեալս իւրացուցանել . ահա յաղթեսցես կամօք . բո՛ւ ըլլ

ձից չարին , վերստին ապշեսցի միանգամ զարհուրեալն , կրկին պարտեսցի խաբառ դատեցեալն . մի անխայեր զազատարարդ քո բան , որ զստեղծեալս քո քեզ ընծայեալ՝ վերստին առ քեզ դարձուցանէ : Օ անձառն արարեր բարերարութիւն յանակնկալ ժամուն յուսահատութե , յոր ժամ բնաւ իսկ կտրեալ և օտարացեալ էր կենդանութեն շարժողութիւն . մեռար անմահդ և զմահացեալս նորոգեցեր . եթէ զկանոն համաձեռութեան օրինին փոխեցեր , արդ զդիւրինն և զհեշտականն և զևս հնարաւորն մի արգելցես , սկզբնաձիր ողորմածութեան բարեգութ օրհնեալ և երկայնամիտ թագաւոր : Այդ երա բանիւդ ամենազօրաւ , որ զգոյութիւն լուսոյն ստեղծեր 'ի նախնու մն աւուր , և վաղ վաղակի փոփոխեալ գտայց 'ի լաւ անդր . և փոխանակ զլեւս ոչ խնդրեցի հետեւել լուսոյդ , դու ելցես ինձ յայց՝ ձառագայթ ծաղման հայրենի կերպիդ , և կոչեցայց առաջի քո ծառայս վնասապարտ՝ ողորմեալ շնորհեալ առ 'ի քէն . ոչ է ժամանակ յերկարաձգութեան առ 'ի զպարտսն հատուցանել , ահա շնորհեա ինձ տառապելոյս զերեսս քո՝ լոյսդ 'ի խաւարի սրտից վհատելոց : Արդեւ և կնքեա զընթացմունս ելիցն , որ միշտ զեղուն բարիքն հոսեալ 'ի յուշոյս իմ տեսութենէ . պահեա ինձ զշնորհ ամենապայծառ գանձուցդ մնացականաց , որով պատուական գտեալ՝ քո անուանեցայց , պաշտպանեալ 'ի քէն , անսահման բարի :

Գ . Ահա ողորմեա ինձ , գթած , աղաչեմ զքեզ ողորմեա ինձ , հզօր , կրկին ողորմեա : Ա՛ի փոխարկեր երկունս ցաւոց ընդ չարեաց իմոց , բարիդ ամենե ին . մի բառնար 'ի վտանգելոյս զառ 'ի քէն պարգևեալդ շնորհ , մի կապտեր զփշու մն ամէնօրհնեալդ հոգւոյ , մի լուծաներ զխնկեալ զկնիք արքունական պատկերիդ : Ա՛ի յայտնեսցին փուշք մեղանացս 'ի սրբութիւնս մտացս . մի խզեր զկապ միութեան զընդքեզ սիրոյն պնդութեան , մի մերժեսցես զարուեստ զօրութեան լեզուոյս յարմարութեան , մի պակասեցուցաներ զաջողուած աջոյս առ 'ի զլուսոյդ մատունս բաշխել : Ա՛ի գրեր

՚ի դպրութեան կենաց մատենիդ զմահուն պարտիս, մի պահեր, մի ինձ համարիր, մի յիշեցուցաներ, մի ամաչեցուցաներ, մի նախատեր, մի ոտն հարկաներ, մի արձանացուցաներ զմեղկութեանցն, մի ամբարեր զկորստեանցն, մի իբր սողտեալ իմն ամբաստաներ: Ս՚ի յարուսցես ընդ իս զժառնանիծից, մի արձակեր ՚ի յիս զսաղարթ վնասուցն, մի ընծիւղեր զծաղիկ մեղացս, մի բերցես ընդ առաջ զնամակ պարտուցս, մի արտաբերեր զէութի պտղոյն: Ս՚ի թուեսցես ՚ի ճիւղս երկրաստեղծ մատանցդ զգիւտս դործոցս, մի մատուցես բան ընդդէմ ահեղ զանօրէնութիւնս իմ յիշատակել, մի մատնեսցես իմոցս կամաց զաւանդս հոգւոյս վարել ՚ի գերութեան, մի աստէն զիս փառաւորեր՝ զեանտանօր դատապարտեսցես, մի նուազութեամբ այսր անցաւորի զյաւիտենական բարխան տուժեր, մի ՚ի սակաւում այսմ ժամանակի զանվախձանելի զփառան չափեր, մի ընդհովտիս վշտաց հեծութեան զանախտական զկեանսդ գրաւեր, մի ընդ ստուերի այսր մթութեան զանձառելիդ լոյս փոխանակեր, մի զերասանակ մտացս լքցես՝ ըստ արտուղի հետս հետեւել, մի զկամուրջ կենցաղոյս դրեսցես ինձ հանդստեան բաւականութիւն. մի զհովտ հանձարոյս ստուերական պահեր ՚ի հանդերձեալսն ինձ հրապարակել: Աթէ ամբարես զառանց համարոյ դործոցս իմ չարիս, մեռայց կենդանւոյն. եթէ շտեմարանես ՚ի սրտի, աստտին կիզեալ անբոց այրեցայց. եթէ բննեսցես զանօրէնութիւնս, առանց յանդիման բեզ լինելոյ իսպառ հալեցայց. եթէ տնկակից ինձ թողցես զմեղսն, ՚ի նոսին վատնեալ մաշեցայց:

Դ. Ակնարկես, միշտ զօրեղ ամենակարօղ, փախնուլ չարութեանցս որ յիս, զի բարիդ քո եկեալ փոխանորդեսցել. հրամայեա, գթած, խնամակալ, դովեալ, լոյս անշիջանելի, զօրութեամբ անսահմանելեալ, զի նոր հաստատեսցի գոյութիւն բնութեանս մարմնեղէն յարկի անդամոցս. յորում հանդուցեալ անլքանելի բնակեսցես բազմեալ ախորժ տնչանօք՝ միութեամբ հոգւոյս իմ ընդ բեզ. զա-

պականութիւն մեղացս մերժեալ իսպառ՝ յանարատութի
զիս պատրաստեսցես ամենակեցոյց թագաւոր անմահ տէր
Յիսուս Քրիստոս, օրհնեալ յաւիտեանս. ամէն:

ԲԱՆ . ՀԹ

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ԼԵԾՈՒԹԵԱՆ ՆՈՐԻՆ ՀՍՅՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՑ ՍՐՏԻՅ

ԽՕՍԲ ԸՆԴ ԱՍՏՈՒԾՈՅ

Ա. ԵՅԻՇԵԱ տէր, տէր գթութեանց, սիրող իրաւանց,
աստուած ճշմարիտ, նայեա վերստին ՚ի բնութեանս կեր-
պարան միշտ սխալական. զննեա ինձ դարձեալ զամէնրն
թաց տարածմունս ելից արեանս շարժողութեան. բժշկա-
պէս մատիր տեսանել, զի մարդ եմ հաստատեալ մտօք խա-
կութեան թերի խորհրդոց յայն ինչ, զոր դու իսկ վկայե-
ցեր տեսողդ ոչէից՝ միայն դու անմասն ստուութեան խա-
ւարի: Այս իրաւունս է գրել ինձ ընդ մեղուցեալսն մարդ-
կօրէն վրիպանաց սխալմամբ պարտեալ կրկին իբր զերկրա-
ծին մահացու մարմին, քան բանիդ քում սուտ երևել.
քանզի արդարև գիտակ իսկ ես, թէ չար է արարն և ըն-
դաբոյս չարութիւնն մեր, և ոչ փոփոխին խորհուրդք մեր
յաւիտեան, ըստ հոգեհանձար իմաստնոյն կանխազեկոյց
առակի:

Բ. Թեթևացո զաստկութիւն տանջանացն, որ պատ-
րաստեալ և մնայ ինձ՝ արկանել զորդիս գեհէնին զարդ
մահուն յաւիտենականի. բարձ զամօթոյս պարտիս, որ պահ-
եալ է յայտնել թշուառականիս յետին ատենին յանդիմա-
նութեան: Իւրատ խաղաղութեան յառաջապարզև ողոր-
մութեամբ քո ընծայեցո. զի մի անտանելիքն ահաւորու-
թեան ՚ի ցոյցս ինձ եկեալ կերպարանեցիմ, անոյս ապշուի

ընդ կենաց զղջման առաջի կարգեալ, դատատանն ահա-
 ւոր, անկաշառ և անխաբելի դատաւորն, ամօթն սոսկալի
 կշտամբանքն սարսափելի, յանդիմանութիւնն անփախչելի,
 տագնապն անճողոպրելի, պակուցումն անխրախուսելի,
 դողումն անլճարելի, լալումն անսփոփելի, կրճումն ա-
 տամանցն անբժշկելի, ասրկանութիւնն անողջանալի, ա-
 նէճքն սարսափելի անձային քո բանիդ, փակումն դթոյն և
 արգելումն ողորմութեանն: Ար ընդ դալարելն երկնի և
 ընդ երկրի զղղկելն ընդ կարծրութիւն յատակիս, ըստ կու-
 տակելոյ կոհակաց խռովութեան ծովու իբր փախստեան
 կերսլ ցուցանելով, մի զմիոյ հետս խափանեն կասեալ յեր-
 կոցունց . և տատանեալ սասանեալ լայնատարած գեանոյս
 թանձրութեան ՚ի հիմանց անտի, ընդ ուժղնակի բախման
 թնդելոյ ներքնային խորոց հարթէ զլերինս, և հալեալ հր-
 դեհին բնութիւնք վիմաց և ամենայն տարերաց գոյից . այ-
 լայլին երկինք յանեղձ փոփոխութիւն, և յեղանակին արա-
 բածք տարերօք իւրովք ՚ի նորոգ նմանութիւն: Օսած կու-
 թիւնք գործոցս հրապարակին և աներեւոյթք կրից մեր
 յայտնին . վարք կրօնից ներգործեցելոց ՚ի մարմինս մեր նը-
 կարին . թագաւորն երկնից յատենի նստի, վճիռ հատուց-
 մանն ՚ի ձեռին իւրում: Եհա վայ ինձ եօթնիցս անգամ
 կրկին եղկութեամբ, ըստ չափոյ կշռութեւ այսր համարոյ,
 որ զանբաւութիւնս թուոց պարագրէ: Օ ինչ գործեցից
 ողբալիս հոգի յայնմ մեծի աւուր վտանգի . քանզի սաստիկ
 է յիշատակն իսկ յառաջեալ քան զհանդիպումնն . զոր ոմն
 մարգարէ զօրինակին նմանութիւն ՚ի դէմս բերելով, զճեպ
 տագնապի անդերձ փախստեանն նշանակէ ասելովն . զոր-
 օրինակ եթէ փախնուցու որ ՚ի ձեռաց առիւծու և պա-
 տահեսցէ նմա արջ, և փախնուցու յերեսաց արջոյն և մտա-
 նիցէ ՚ի տուն և յեցուսցէ զձեռն իւր ՚ի յորմ, և խածանիցէ
 զնա օձ . և դարձեալ կրկին սաստկացուցանէ առ նոյն կեր-
 պարան իրի զտեսիլն քստմնելի . ոչ սոցաքէն, ասէ, խաւար
 է օր տեւան, օր խաւարոյ և մթոյ, օր ամպոյ և մառախոյ:

Գ. Յորժամ հրեշտակն պահպանողական կենակից հզոր ստիկան իրաւամբք ամբաստանեսցէ, և հատուցանողն ահաւոր արդարութեամբ յանդիմանեսցէ, սպասաւորք թագաւորին առանց խնայելոյ խուճապեն, զոմանս ՚ի կեանս հրաւիրեն և զոմանս յամօթն դատապարտեն. կիսոց դէմն լցեալս ծաղու ցուցանեն, և ինձ ահարկուս և քստմնելիս երևեցուցանեն. ոմանց պակս լուսապաճոյճս մատուցանեն, և այլոց կորուստ մահու բողոքեն. արդարոցն ձայն աւետեսաց, և ինձ դոյժ անլախճան վշտաց: Յորժամ առ բարիսն՝ մահու յաղթութիւն իսպառ մեռանի, և ինձ չարագործիս կրկին յարակայի. ուր դրանն բաղխել ոչ ինչ ազդիցէ, վճար եղեալ զթուծեանն առ իս: Յորժամ դպրութիւնք հրաշիցն զարմանալեսաց, որ են ծածկեալքն յայժմուցս հասարակաց վարուցն տեսակք մարդկային բնութեանս գործոց. յաղագս որոյ եղեն գոյութիւնք ամենայն էից, յիրաքանչիւր մարմինս անպակաս գրութեամբ խկոյն երևին. և խորութիւնք անձառիցն կնքեցելոց յիմաստից աստեացս առաջի աչաց մերոց կերպարանին: Աւր այժմ շահալաճառութիւնք ողբոց և արտասուաց զերկինս գրաւեն, և անդ իբր զայաժաման ընդունայնութիւք արհամարհեալք լքանին. հառաչմունք հեծութեան ոչ կանխաւ աստի առաքեալ, չէ երբէք գտանել անդէն. ողորմութիւնք ճշդով սերմանեալ, ոչ պայծառ վառմամբ գնան առաջի: Աւր տապանն նախայանցիցն և կտակարանն տիրանարդիցն և նշանն ահաւոր այժմուցս՝ յանդիման եղեալ մեծաձայնս դատախազեն. յորում ստակալի վայրի ոմն զուխտն կցորդութեան հայրենի և ոմն զխորանն վկայութեան անտեսիցն և ոմն զարիւն մեծին աստուծոյ ամբաստան իմն իրաւացի առաջի իմ տարածանեն: Օ տանջանարանն բազմապատիկս անձամբ անձին աստէն իսկ պատրաստեցի, զհարդ մխիթարեցայց համառօտեալս յուսոյ. զի եթէ զօրքն լուսոյ՝ դասուք արդարոցն, որ փառաւորեալքն են երանութեամբ, սարսեն դողալով, ոչ բաւեն բերել զահաւոր տեսիլ երևաց մեծ

դատաստանին, ես եղկելիս՝ աւանդակորոյս սատակման որ-
դիս ո՛ւր երևեցայց . որ ոչ միայն չեմ պսակելոց, այլ և պա-
տուհասն իմ անտանելի և կորուստն անսպառելի:

Դ . ԼՂ արագեա, ամենապարզ և զօրութիւն անճառ ,
ձեռն վրկութեան ՚ի կորուստ գերելոյս . զի օգնեալ ՚ի քէն՝
դարձայց միւսանգամ ՚ի դրանց դժոխոց, ամենապատրաստ
հանդերձեալ ամենեկին անվտանգելի պրծեալ ՚ի պատժոց .
աստանօր տեսեալ մտայս իմաստիւ զապագայիցն դիպուա-
ծքս, բաւականացեալ ՚ի լուր երկիրդին ՚ի տազնապէ տան-
ջանաց՝ ահին համբաւով, կամօք քո բարեաց զերծեալ
ապրեցայց . և մի մատնեցայց կորեանցն առիւծուց, որք
ինդրենն ՚ի քէն զիս ՚ի կերակուր՝ ծախել ատամամբքն դա-
ղանութեան . զի զորովայն մահուն լցուցեալ՝ զաստուստ
պարարեալս անդ ձգեալ հալեն, ուր անսպառ պահի մնաց-
ուած մթերիցն ՚ի ծախումն յաւիտենից: Օ ՚ի դու միայն
բաւես կորզել ՚ի ժանեաց սատակման ՚ի կեանս և յերա-
նութիւն, բնաւից ապաւէն թագաւոր լուսոյ տէր Յիսուս
Քրիստոս, օրհնեալ յաւիտեանս . ամէն:

ԲԱՆ . 2

ՎԵՐՍՏԻՆ ՅԱԻԵԼՈՒՍԾ ԿՐԿԻՆ ՀԵԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՄԱՅՐԻՆ ԵՐԱՆՈՒԹԵԱՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍՔ ԸՆԴ ՏԻՐՈՒ ՀԻՈՅՆ

Ա . ԼԳ արդ ՚ի վերայ այսբանեաց յուսահատութեանց
և ահարկու սրտաբեկութեանց, պակուցանողական սաստ-
կութեանց աստուածային բարկութեց, տազնապետալ ողբով
թախսութեան իսպառ, աղաչեմ զքեզ սուրբ անձամբն .
հրեշտակ ՚ի մարդկանէ, մարմնատեսիլ քերովբէ, երկնաւոր
արքայուհի, անխառն իբրև զօղ, մարուր ուղ լոյս, անշաղախ

ըստ նմանութեան պատկերի արուսեկին բարձրութեան , գերազանց քան զբնակութիւն անկոխելին սրբութեանց , երանաւոր խոստմանն տեղի , Եղեմ շնչական , ծառ կենացն անմահից , բոցեղէն սրոյն պարունակեալ , ՚ի բարձրեալն հօրէ զօրացեալ և հովանացեալ , հանդասեամբ հոգւոյն հանդերձեալ և մաքրագործեալ , բնակութեամբ որդւոյն յարդարեալ և տաղաւարեալ . միածինն հօր և քեզ անդրանիկ , որդի քո ծննդեամբ և տէր արարչութեամբ . ընդ անաղտ մաքրութեանդ և անբիծ բարի , ընդ անարատ սրբութեդ և խնամակալ բարեխօս : ՚նկալ զմաղթանս այսր աղերսանաց քում դաւանողիս , և մատո ընծայեա ընդ սմին խառնեալ զբանն իմ նախնի մեծիդ ներբողի ՚ի քոյդ պաղատանս . հիւսեա միացո զմեղուցելոյս դառն հեծութիւն ընդ քումդ երջանիկ և խնկաւորեալ հայցուածոց , տունկդ կենաց պտղոյն օրհնութեան . զի ՚ի քէն միշտ օգնեալ և բարեգործեալ , և ՚ի մաքրական քո ծնելութիւնդ ապաւինեալ և լուսաւորեալ , կեցից Բնի որդւոյ քո և տեառն :

Բ . () Ժանդակեա թեոցդ աղօթիւք , խոստովանեալ մայրրդ կենդանեաց , և ելիցն իմ յերկրէս հովտէ , առանց լիկանաց հետեւել ՚ի կեանս օթեանացդ պատրաստութեան . զի թեթեասցի կատարածն իմ ինձ ծանրացելոյս անօրէնութիւն : Մրասցես տօն ինձ բերկրութեան զօրն իմ տաղնապի , ողջացուցիչ երկանցն Եւայի . բարեխօսեա խնդրեա աղաչեա , զի ըստ անձառելի մաքրութեանդ և ահա զբանիդ հաւատամ զընդունելութիւն : Մրտասուօք օգնեա վտանգեցելոյս , գովեալդ ՚ի կանայս . ծունր խոնարհեցո առ իմ հաշտութիւն , ծնողդ աստուծոյ . ընդ իմում թշուառիս հոգա , խորան բարձրելոյն . ձեռն տուր անկելոյս , տաճար երկնային . փառաւորեա զօրդիդ քո ՚ի քեզ՝ աստուածօրէն ինձ հրաշագործել քաւութի և ողորմութի , աղախինն նյ և մայր . բարձրացցի պատիւ քո ինե և ցուցցի փրկութիւն իմ քե :

Գ . Վթէ զիս գտցես՝ տիրամայր , թէ ինձ ողորմեսցիս՝ սրբուհի , թէ զկորուսեալս շահեսցիս՝ անարատ , թէ զհար-

Թուցեալս յանձանձեցես՝ երջանիկ , Թէ զամաչեցեալս
յառաջ մատուցես՝ բարեշնորհ , Թէ յուսահատելոյս ինձ
միջնորդեցես՝ միշտ սուրբ կոյս , Թէ զմերժեալս ընտանե-
ցուցես՝ մեծարեալդ աստուծոյ , Թէ յիս ցուցցես զդ Թա-
ծու թիւն՝ լուծիչդ անիծից , Թէ զժփեալս հաստատեցես՝
հանդիստ , Թէ ՚ի խռովութեանցս յուզմանց փոխեցես զիս՝
խաղաղարար , Թէ վրիպելոյս ինձ հնարաւորեցես՝ դովեալ ,
Թէ վասն իմ մտցես ՚ի հանդէս՝ մահու նահանջիչ , Թէ ըզ-
դառնութիւնս իմ անուշեցես՝ քաղցրութիւն , Թէ զբա-
ժանմանն իմ խորոց քակեցես՝ հաշտութիւն , Թէ զան-
մաբրութիւնս իմ բարձցես՝ եղծման ընդոտնիչ , Թէ զմատ-
նեալս մահու փրկեցես՝ կենդանի լոյս , Թէ զըսկեացս ձայն
հատցես՝ բերկրութիւն , Թէ զխորտակեալս կազդուրեցես՝
դեղ կենաց , Թէ ՚ի կործանեալս յիս ակնաքկեցես՝ հոգե-
լից , Թէ ողորմութիւն ինձ պատահեցես՝ կտակ նուիրեալ
() րհնեալդ միայն ՚ի շրթունս անբիծս լեզուաց երջանկաց ,
ահա կաթիլ մի կաթին քումդ կուսութեան յանձն իմ
անձրեեալ՝ կենաց ինձ զօրէ , մայրդ բարձրելոյ տեառն
Յիսուսի արարչին երկնի և բնաւին երկրի , զոր անձառա-
պէս ճնար բովանդակ մարմնովն և համայն անձութեամբն ,
որ փառաւորեալն է ընդ հօր և հոգւոյն սրբոյ էութեամբ
և անքննութեամբ մերոյին բնութեամբս միացելով , ան և
յամենայնում , մի յերրորդութիւն . նմա փառք յախտնից
յախտանս . ամէն

ԲՆԵ . ԶԼ

ՊԵՐՄՍԻՆ ԵՍԻՆԼՈՒՄԾ . ԿՐԿԻՆ ՀԵՏՈՒԹԵԱՆ ՆՈՐԻՆ ՀՍԿՈՂԻ

ԱՌՆՈՅՆ ԱՂԵՐՍ ՄԱՂԹԵՆՆԵՑ ԲԱՆԻ

Ի ԽՈՐՈՅ ՍՐՏԻՑ

ԽՕՍՔ ԸՆԴ ԱՍՏՈՒԾՈՅ

Ա . ԲՆԳ աստուածածնին մաղթանաց՝ ահա և զվերնոցն անմահ հրեշտակացն լուսակերպից զաղերս հայցուածոց , որ վասն իմ դռնն առանց լուելոյ հանապազորդեան արդահա- սուլթեամբ մարութ բերանոց , ընկալ բարեգուլթ . որք են բարիք բարեգործեալք ՚ի բարերարիւդ անկիրթք չարեաց , հաստեալք յամենիշխան հրամանաց էիդ , զօրուլթիք հզօրք ակնարկուլթն բարձրելոյդ , սուրբք , մարութք , անարատք , օրհնեալք , վայելչականք , յաղթողք և անպարտելիք , և ըստ ընթացից տեսուլթեան մտաց արագուհիք :

Բ . Այլք և պտղակորոյս անկոյ թղենւոյն եռամեանն դա- տարկուլթեամբ , որ զընաւ յաւիտեանս պարունակէ ժամա- նակն՝ զանցեալն ընդ ներկայիս և ընդ ապառնւոյն , յամայր յամբուլթեամբն յերկարաճելոյ , յայդի աշխարհիս արմա- աացելոյ , սին սաղարթիւն պաճուճելոյ՝ զրկեալ ՚ի պտղոց , որ է ճշգրիտ պատկեր թշուառ մարդկուլթեանս , սոքա բա- բեխօսք , հանդերձիւք , այլ և խնամակալք . որ զեղերին հա- նապազ առ մեզ՝ ընդ մերում կրիցս կարեկցելով , բարեմաս- նուլթեանն մեր սպասեն . և յաւիտենականն կենդանուլթիք փրկուլթենն մեր աղօթենն՝ զայս բան ասելով , զգործս ձեռաց քոց մի անտես առնելու . Քանզի արդարեւ մեր են այս ա- զաչանք ՚ի բարերարիւդ աստուծոյ վասն մեր կարգեալ առ նոսա . զի նոքա բանիւ են տեղծեալ , և մեր ձեռօք ներ- գործեալ : Այլք և զաչոց են ընդ միածնիդ վկայք ստկայի դատաստանին հատուցման , ճշմարտաբան դատախազք յանցաւորուլթեան երկրայնոցս , յահաւորին ատենի յայտ- նիւք իրաւամբք զմատակարարուլթիւնն որ առ մեզ . որ և

անտանօր կարեկցեն ազդեալ հառաչմամբ զմշտանուէրն նուազ ձայնի , ողորմեա՛ դու ստեղծեր , մի՛ կորուսաներ :

Գ . Արդ ընդ գոհարանութեան ձայնիցն խնդրուածոց անմահականացն վեհից՝ և ՚ի մեր հեծութիս հոտոտեսցիս , բնաւից արարիչ , որ յաղթես գթութեամբդ քո վերնոցն և ստորնայնոցս . քանզի քո է բարերարելոյ առ մեզ և առ նոսին : Արդ վասն բարեզարդութեան անախտականացն , հրաշատեսիլ հրակերպիցն , անշաղախ մաքրոցն , անմեղիցն , բոցանիւթիցն , հոգեղինացն և անվանելեացն , ամենաճեցուն առաւելութեամբ ՚ի բարձրն ընտրականութիւն գերափայլ յաճախ գիտութե՛ք՝ անցուրտ ջերմութեամբ ջեռուցանողք ինքնաբուն տապովն աստուածսիրութե՛ք ըստ ինքեանց զմերս սառնասէր սրտիցս անբորբոք շիջումն , այրիլ անաղօտ ՚ի մեծախորհուրդ սրբում սեղանիս՝ որ ՚ի խորանիս , առանց նիրհելոյ և դանդաղանաց սպասել հրամանաց երանականաց կեցուցիչ կամայ ամենաստեղծիդ , բրովբէօրէն առաքինութեամբ յաստուած միացեալք անբաժանելի : Արք երկնաւոր պետութիւնք են մեծք , և զինուորութիւնք անբիծք , ահաւորք , երկնաւորիդ աստուծոյ ազատագնեայ պաշտօնեայք , ՚ի յամպոյդ լուսոյ ցոլք նշուղից :

Դ . Արովք և ինձ մեղաւորիս հոգեղինի մարդասիրեսցես ողորմել , Յիսուս , աղաչանօք իմոյն հրեշտակի , դարձուցանելով զիս , տէր , ՚ի բարիդ քո հետս լուսոյ . զի զաւանդ հոգւոյս իմ պաշտպանութեան , զոր հաւատացեր նմին տեսչութեան , զընկալեալն ՚ի քէն ՚ի կենցաղ աստեացս՝ ուրախութեամբ սրտիւ յիս բերկրեալ , անմեղադրելի առ ՚ի քէն օրհնեալ խնդալից դիմաց զուարճութեամբ քեզ , արքայ բարձրութեան փառաց անհասից , ՚ի խրախճանս կենդանախումբս բերկրեցելոցն պարուց մատուցեալ ընծայեցուսցէ , գովեալ ողորմած : Աւքեզ անքննին ընդ հօր անհասի՛ թըւակցութեամբ հոգւոյդ անճառի վայելէ փառք պատիւ և երկրպագութիւն , յաւիտեանս յաւիտենից . ամէն :

ԲԷՆ . ԶԲ .

ՎԵՐՍՏԻՆ ՅԱՒԵԼՈՒԹԵԱՏ ԿՐԿԻՆ ՀԵՃՈՒԹԵԱՆ ՆՈՐԻՆ ՀԱՊՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍԻ ԸՆԴ ԱՍՏՈՒԾՈՅ

Ա . ՏԷՐ ան բարերար , բազմապարզ և թաղաւոր , կե-
նաց պատասպարան , լուսոյ կերպարան , լայնատարր հանգըս-
տարան . որ յաղագս մեղուցելոյս եկեալ մարմնացար , դոր-
ձեցեր զանպատումն և հանդերձեցեր զհրաշալիան , մինչև
կատարեցեր զառեցեալն ընդ ամենալիւ անութեանդ :

Բ . Ըրդ վասն առաքելոցն սրբոց յերկնաստեղծ քո ձե-
ռացդ ձեռնադրելոց և հողւովդ սրբով օժեւոց , զորոց զգո-
վեստն արժանաւորութեան ըստ խնում կարի՝ առ ՚ի փառս
քո , տէր ամենայնի , յայլում բանի պաշտեցի , և ինձ ողոր-
մեցիս յիշատակաւ սիրոյ նոցին ընտրութեան : Հաւիղ ինձ
եղիցի նորօք և հանդերձեցես յերանութիւնն փափագելի .
ձայն բարի հովուութե՛ն նոցին ՚ի յողջոյն ինձ կենաց քաղցր
լուիցի : Ա՛սան կարայց ՚ի յանեղծութիւն փրկութեան տօ-
նեցեալ յուսոյն՝ ընդ առաջնորդացն կենաց , սկզբնաշնոր-
հիցն պատուոյս , փառաւորեալն դասուց , գեոտցն բանա-
կանաց , աւետարանչացն բարձանց , իշխանացն պանծալ-
եաց , լուսապայծառ թաղիւ պճ՛ներոցն , ՚ի զարդ անկա-
պուտ զօրութեան շնորհին պայծառացելոց , իւղովն զուար-
թութեան տիրական լուսոյն կատարելոց :

Գ . Ի՛նդ աշակերտաց մեծիդ հրամանի բարձրեալդ նոյ
Քրիստոսի՝ և մարտիրոսացն ընտրելոց նահատակութեամբ ,
որք մահացու և վշտաչարչարն մարմնով , վտանգաւոր և ա-
մենակիրն անդամօք , երկրաւորական և հողաշանդուածն
բնութիւն մարտուցեալ ընդ տարր գոյից ամենայն նիւթից՝
պսակեցան բարձրացան և կենդանացան հողեպէս . տրիա-

բար ելեալք ՚ի յերկրէ , ըստ մարդ արեւին , վկայք ճշմարիտք ամենափորձն մահու , իմանալեացն անտեսիցն և ծածկելոց աներկբայ բարեացն յուսով տեսելոցն աստէն նկատիւք . աշակերտք առաքելոցն և չարչարակիցք նոցին . որ հաւասարեալ գործովք ընդ նոսին , կատարեալ լրմամբ անպակասելեալ պարեն ՚ի խրախճանս անկէտն երանութեան . որոց հաճոյական և ընդունական մաղթանօք , արիւնընձայ վաստականուէր քրտնակնդրուկ աղբրսիցն յարգմամբ՝ ընկալ զիս նորոգ ըստ նոցին մասին անեղձ փրկութեամբ ՚ի քեզ արձանացեալ :

Դ . ՚Ինչ խաղացեալն հուրք և սուսերք արեամբ ներկելոյն և ձգնաւորացն սրբոց հարցն միանձանց և քեզ հետեւելոցն , որդի աստուծոյ , անպարտելի քաջութեամբ և անպատիր զգաստութեամբ , ընդ դժնեայ դողողի մարմնոյս բռնութեան արխալէս մարտուցեալ , սովիմբ վանեցին զանմարմինն բելիար . և մշտամարտ հանդիսիւ յասպարիսի կենցաղոյս առանց զգուանաց ծանրաբեռնութեան ՚ի լայնածաւալ ծփանաց աշխարհիս ծովու տապանակաւ մարմնոյս թանձրութեան զթեթեութիւն հոգւոցն թռուցեալ ՚ի նաւահանդիստն կենաց հասին . և իբր սիրողք վերնում վեճակին առանց յետնոցն մտածութեան , զթաղն յաղթուե՛հ համարձակապէս պայծառ ճոխութեամբ պճնեալ իսկապէս ՚ի գլուխ կապեցին . վասն նոցին արժանաւոր մաղթանաց և նուիրական հայցուածոց և զիս զմեղաւորս ՚ի պատժականաց ընկալ ընդ նոսին :

Ե . ՚Է ահա խառնեալ զանմաքուրս բան ընդ նախազրեալ երջանկացն փառատրական աղբրսարկութիւն , որ վասն իմ գոչեն քեզ ՚ի հաճութիւն , և ես ընդ նոսին իբր դառնութիւ եղեալ ընդ քաղցու , կամ տատասկ ընդ ողորկութեան , տգեղութիւն . ընդ վայելչութեան և տիղմ ընդ գեղեցիկութեան մարդարտի , կամ հող ընդ յստակութեան ասկւոյ , և քարինս անարգս ընդ պայծառութեան արծաթոյ , բացասութիւն ընդ ճշմարտութեան , կամ աւազ ինչ ատամ .

ճառու ընդ կակղութեան զանդուածոյ հացի . արդ լուր ,
հզօր , հնարաւոր , գովեալ , զնոցայն վասն իմ և զիմս ընդ
նոսին 'ի նոցին գովեստ , 'ի վրկութիւն իմ և 'ի փառսքո ,
ամենագութ , բարեբար , օրհնեալ , երկայնամիտ , կարող ,
անքնին , անճառ , անեղծ և անստեղծ : Քո են պարգևք ,
քո են շնորհք . դու սկիզբն և պատճառ բարեաց ամենայնիւ
Ոչ ես գատապարտիչ , այլ ազատիչ . ոչ ես կորուսիչ , այլ
գտիչ . ոչ ես մահացուցիչ , այլ կեցուցիչ . ոչ ես տարագրիչ ,
այլ ժողովիչ . ոչ ես մատնիչ , այլ ապրեցուցիչ . ոչ ես ընկրղ-
միչ , այլ վերածիչ . ոչ ես գլորիչ , այլ կանգնիչ . ոչ ես անի-
ծիչ , այլ օրհնիչ . ոչ ես վրիժառու , այլ շնորհիչ . ոչ ես թըշ-
ուաւացուցիչ , այլ մխիթարիչ : Ոչ եղծանես , այլ գրես . ոչ
սասանես , այլ հաստատես . ոչ ոտն հարկանես , այլ սփո-
փես . ոչ պատճառս յօդես մահու , այլ հնարս խնդրես կե-
նաց . ոչ ես 'ի կամս շարժեալ սատակման , այլ 'ի վրկութի
ողորմութեան : Ոչ մոռանաս զայցելութիւն , ոչ լքանես
զբարի , ոչ արգելուս զգթութիւն , ոչ բերես վճիռ կորս-
տեան , այլ կտակ ազատութեան : Ոչ թշնամանիս յառա-
տութեանց , ոչ բամբասիս 'ի շնորհաց , ոչ հայհոյիս 'ի պար-
գևաց , ոչ նախատիս 'ի ձրի ձրից , ոչ անդոսնիս յերկայնմը-
տութեանց , ոչ եպերիս 'ի ներութեանց , ոչ բանսարկիս 'ի
բարութեանց , ոչ անպատուիս 'ի քաղցրութեանց , ոչ քա-
մահիս 'ի հեղութեանց , ոչ առաքին այսոցիկ տրտնջմուռիք ,
այլ անլռելի գոհաբանութիւնք : Բարձ զմեզ իմ , հզօր .
լոյծ զանէծս իմ , օրհնեալ . քաւեա զպարտիս իմ , ողորմած .
ջնջեա զյանցանս իմ , գթած . մատո մատն այցելութեան ,
և անդստին իակ կատարեցայց . զի՛նչ քեզ , տէր . քան զո-
սին դիւրագոյն , և կամ զի՛նչ ինձ պարտաւորիս կարևորա-
գոյն : Այլ կենդանագրեա , բարեխնամ , քոյնաստեղծ պատ-
կերիս փչումն կրկին 'ի շունչ նորոգման լուսաւորութեան
մաքրական շնորհի զամենամեզս ոգի պաշտպանեալ :

Զ . Ս 'ի աներ , ողորմած , ինձ օր տարաժամ 'ի հասա-
սօսս երբի՛ անթոշակ ապաճեանութեամբ ընդ անկատար

ուղին հետևել, մի մատուցաներ բաժակ դառնութեան ՚ի ժամ ծարաւու . մի փակեր, գթած, իմ հանդէպ դաջողուած հողեոր օգտիս, և մի իբր յանկարծադէպ հինից ասպատակ դիշեր մահուն ինձ պատահեցէ . մի տապ տօթոյն յանպատրաստ պահուն զարմատս հատեալ ցամաքեցուցէ, և մի լուսնական դիպուածք հասեալ գաղտնեօք վնասեցեն, մի պահեցի ինձ սառն մեղացս, և մի հոսանք ուղից կենցաղոյս զիս ողողեցեն: Ս'ի հանգիստն մահ բերիցէ, և մի ննջումն ՚ի սատակումն յառաջեցէ . մի բունն ինձ կորուստ լիցի, և մի նիրհումն ասպականութիւն գործեցէ . մի վախճանն անյարմար ՚ի վերայ իմ արշաւեցէ, և մի շնչոյս վերարձակութիւն ըմբռնեալ ՚ի խոնարհ լքցի:

Է. Դու ես տէր, դու գթած, դու բարերար, դու երկայնամիտ, դու ամենակարող, առ ամենայն բան անհասութեան անձառ զօրաւոր, քաւել փրկել կենադործել լուսաւորել, վերստին հաստատել, ՚ի ժանեաց կերչաց գաղանաց և կամ յատամանց վիշապաց ՚ի կեանս կորզել, ՚ի խորոց անդնդոց ՚ի լոյս բերկրութեան ածել, և ՚ի հեղձմանէ ծփանաց մեղաց ընդ արդարս երջանկաց փառօք բազմեցուցանել: Մենայն օգի բեղ ակնկալեալ յուսով սպասէ, կարօտեալ բուժիչ շնորհաց, եթէ երկնայինք և եթէ երկրաւորք, եթէ անկաճն մեղօք և եթէ ամբարձեայն արդարութեամբ, եթէ տէր և եթէ ծառայ, եթէ տիկին և եթէ աղախին . և ՚ի ձեռին բռէ շունչ կենդանական բոլորեցուն: Եւ բեղ ընդ հօր և հոգւոյդ սրբոյ փառք յաւիտեանս յաւիտենից ամէն:

ԲՆՆ · 29

ՎԵՐՍԻԵ ՅԱԻԵԼՈՒՄԸ ԿՐԿԻՆ ԷԵՏՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍՔ ԸՆԴ ԱՍՏՈՒՃՈՅ

Ա. Ի ԱՐՁՐԵԱԼ անբնին, զօրութիւն ասեղ, տէր արա-
բածոց, թագաւոր երկնի, տոեղծիչ հրեշտակաց, գոյարան
մտաց, հաստիչ հրեղինաց, պետ բարի հոգւոց, աջ ապաւի-
նութեան, անդորրութի հանգստեան, տեսարան լուսաւո-
րութեան, պայծառութիւն բերկրութե՛ն, ճանապարհ երա-
նութեան, պատճառ կենդանութեան, առիթ բանաւորու-
թեան, փրկութիւն առանց չարութեան, առաջնորդ խա-
ղաղութեան, պարիսպ ամրութեան, պատուար պահպանու-
թեան, ցանկ բոցոց մեծի օրհնութեան, սահման անոխա-
կալութեան, յիշեա յայսմ ողբերգութեան մատենի բանիս
խոստովանութեան և զօր ՚ի մարդկային ազնե թշնամիս մեր՝
՚ի բարի, և արա կատարեա նոցին քաւութիւն և ողորմուիւ-
մի բարկացիս նոցա վանն իմ, տէր, իբրև զսուրբս բամ-
բասողաց՝ առ յաճախ սիրոյդ որ յիս, այլ որպէս զարս կը-
տամբողաց և իբաւամբք նախատողաց՝ ներեա յանցանաց
նոցա: Եւ արդ մատուցեալ երկարանչիւրոցս առաջի բո,
արդարադատ, ոմանք առ մեզ մնասակարադոյնք սակաւութք,
թերևս և յիրաւի բամբասելոցս, և ես առ քեզ, ամենա-
պարզ և, անթիւս և անկշռելիս բազմօրինակ ուխտազան-
ցութիւնս:

Բ. Մ. քդ յիշեա զբո մեծութիւնդ, տէր, նայեցեալ ՚ի
յիմն անարգութիւն. և ընդ խնդրելն իմ ՚ի քէն բարի խնոցն
ատելեաց, և դու առ քոյս ըստ բուժմ մեծութեանդ անձա-
ռելիս հրաշագործեցես: Մի սատակեացես զիմն խածա-
նողսն, այլ փոփոխեցես խելալ զխոտանս բարս երկրաւորս,

զբարիսն արմատացուցես և յիս և ՚ի նոսին: Մանաւանդ զի դու լոյս ես և յոյս, և ես խաւար և յիմար. դու խսկութեամբ բարի գովելի, և ես համայնիւն չար ապիկար. դու տէր ստորիցս և երկնից, և ես անիշխան շնչոյս և հողւոյս. դու բարձրեալ ՚ի կարեաց զատեալ, և ես տաժանաւոր և վտանգաւոր. դու ՚ի վեր քան զկիրս երկրիս, և ես կաւ անարդութեան դարշութեան. դու ըստ մարգարէին մնաս յաւիտեան յանբաւ բարձրութեան, և ես միշտ կորնչիմ ըստ նորին բանին. ՚ի քեզ ոչ է՝ մթուօրւած կաս սօսութիւն, և ես բովանդակն իսկ եմ՝ որ զաւանդն իմ ոչ պահեցի: Հան զիս ՚ի բանտէս, արձակեա ՚ի կապանացս, զերծ ՚ի շղթայիցս, փրկեա ՚ի խեղդմանէս, ազատեա ՚ի տագնապէս, քակտեա ՚ի յերկաթիցս, լոյծ ՚ի պաշարմանցս, արտաքսեա յերկմտութեանցս, սփոփեա ՚ի տխրութեանցս, հանգո ՚ի նեղութեցս, փարատեա ՚ի վշտացս, հանդարտեա ՚ի խռովութեանցս, ապաքինեա ՚ի լալոյս, մերժեա ՚ի հեծութեանցս, հեռացո ՚ի յողբոցս, կազդուրեա ՚ի կականմանցս: Մտուած ողորմութեան և պարդեատու քաղցրութեան, մի զգրուեալս արեամբ հղօրիդ անտես արարեալ ընդ վայր կորուսաներ. կանգնեա զհասեալս յափն մահու ՚ի բազմավտանգ հիւանդութենէս:

Գ. Մհա բարդեցան կուտեցան շրջանակք ամացս ընդունայնութե, յորմէ հետէ յայտնեցեալ ցուցայ յոչ պէտս երեւեալ, ՚ի յանդաստանէ մօրն իմոյ սենեկի փուշս դժնկի մեղաց շառաւիղի. մի լինիր ինձ խայթոց խոցոտիչ՝ որպէս անդ տոհմին Յուդայի, և կամ զաւակին Եփրեմի: Եւ քանզի բուսուցեալ տնկեցի յոգիս փոխանակ ցորենոյն բարեսերմութեան խոտս խայթողականս ինքնաթոյնս ընդարմացուցիչս, ըստ դրոյն բանի՝ որ երէցն է քան զաւետիսն, զիմորդ ոչ կոչեցից զանձն իմ գարշելի անդաստան անիծաբեր վրշովք մեղաց հեղձեալ: Ոչ սերմանեցի արդարութիւն, ըստ բանին Ռիսեայ, և զիմորդ հնձեցից և ժողովեցից զկենաց պտուղն: Մեկաւ ստինք կուսութեան անձնս մարբութե,

ըստ մարդարէին բանի՝ որ առ Իսրայէլ, կարող ես տէր ՚ի նոյնն հաստատել: Այնեցի ընդարձակեցի ըստ մովեկան բարուցն Յուդայի զանկողին կամացս՝ դիւացն հոմանեաց, ՚ի ձեռս քո է ամփոփել զարձեալ ՚ի նոյն զգաստութիւն: Եթէ մարմնապէսն կցորդուածիւն ընդ տեսանողին անարատ գործեաց զպոռնիկն, իսկ դու փրկուածիւն հոգեպէս միացեալ ՚ի յիս՝ կրկին մաքրեսցես. եթէ արեգակնս այս անկենդան ստեղծեալ առ ՚ի քէն երկրիս մատակարար, և զկարակումն մօրից ցամաքէ և զտհասս պտուղս հասուցանէ, իսկ ստացողը ամենից՝ հոգիդ նշ արբան զօրեսցես զտիզմ՝ չարեաց աղտոյ և զթարախ պղծութեան մեղաց մթերից իսկոյն սպառել: Այսն այսր կանխաւ իսկ ժամանեցի հայցել առ ՚ի քէն բարի՝ առեւեացն իմոց ՚ի կարգ այս բանի, զի զհերքեալ վնասակարս պարտուց մահու յամենախնամ աչաց հզօրիդ մի մերժեսցես, օրհնեալ դթութիւն. արդ կենագործեա զիս զամենամեղս անդամօք մարմնոյս ընդ բնութեան հոգւոյս խորհել միշտ զքոյսդ: Իսկ բարեգործացն խնդրել բարիս, բնութեան են օրէնք՝ անբռնադատ կրիցն յարակցապէս առ սոյն բերումն: Քանզի արդարեւ առ միդ այդ պատուէր ամենայն հասակ զօրանայ, իսկ միւսոյդ երկրորդի առաջնովդ խնամով հանդիպել՝ աստուածականիդ է նմանութիւն. յաղագս այսր իրի նախնի դասեցի զթշնամեացն իմոց աղերսանս քան զերախտաւորացն բարիս:

Դ. Առ արդ յիշեա զնոսա կրկին ընդ միոյ, որ ՚ի քո անուն բարձրացեալ զանարժանս զիս բնկալան. և տուր նոցա, տէր ամենառատ բարերար և անոխակալ, վարձս արդարոյ և մարդարէի, թէ և ես յաւէտ թափուր իցեմ յարժանեաց, ըստ հաւատոց նոցա և առ յոյս նոցին ակնկալութեան, որ առ պարսաւոր գերիս ողջամիտ կամօք ակնարկին, որպէս թէ ՚ի մասանցդ քո կեցուցչաց ՚ի պահպանարան հոգւոյս ծածկութի լիով ունիցիմ: Առ զպատժաւորս անամլոփելի ՚ի քոց տեսութեանց և անխաբելի ՚ի յուղիդ կշռութեց՝ քաղցր դթութեամբդ անսահմանելեաւ մերձեցեալ առ իս

մարուր արասցես , անխայտառակելի պահելով 'ի տիեզե-
րական յանդիմանութեանն : Կը որպէս շուք իմն վայելչա-
կան դնել ակորժեն ինձ անարժանիս սիրելիքն քո վասն քո ,
նայեցեալ 'ի կրօնս զգեստուս բարեկերպութեան , չգիտելով
զբիծս գաղանեացն՝ երջանիկ կարդան եղիելոյս , և դու հը-
նարաւոր ամենապարզ և օրհնեալ մարդասէր՝ առ բնուս
ողորմած , վասն ամենաթշուառիս հեծութեան հաշտեաց
ընդ նոսա բոս հաւատոց նոցա . ընծայեալ նոցին մատո պար-
գևեա զանեղծ մեծութիւնդ և զանթառամելի զտակդ
յահաւոր աւուրն յետնում հատուցմանն ամենափորձ ընտ-
րութեանն :

Ե . Օ 'ի դու ես գրաւ փրկութեան . մեծութեան ան-
վասնելի և անծախ դանձուց սորկիս և սովեցելոյս , 'ի վա-
ճառ վերնային շահու օգտութեան՝ բանիւդ որ 'ի քէն'
յարգեալ ճոխանամք : Կառո ինձ սահման ջրոյ հանդստեան .
արձանացո , անխոխիս , պատրաստական վտահութիւն .
կարգեա , օրհնաբանեալ , անկեղակարծ յուսոյ ամբութի ,
տուր , ամենախնամ դու անաչառ պաշտպանութիւն , սա-
սանեցելոյս բարեաց անդորրութիւն , տարակուսելոյս լուսոյ
ապաւ ինութիւն , աշխարելոյս մեծ երջանկութիւն , վհատե-
լոյս կենաց օգնութիւն , լքելոյս անգայթագիւղի օժանդա-
կութիւն , նահանջելոյս անսայթաք վերընթացութիւն : Օ 'ի քո
է բնաւդ և 'ի քէնէ ամենայնդ , և 'ի ձեռն քո բաշխին հաս-
տատութիւնք պիտանայուաց համայնից կենաց : և քեզ
վայելէ փառք յաւիտեանս յաւիտենից . ամէն :

ԲՆՆ · 21

ՎԵՐՍՏԻՆ ՅԱՒԵԼՈՒՍԺ ԿՐԿԻՆ ԷԷԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՍ ՄԱԿԹԱՆԵՑ ԲԱՆԻ

Ի ԽՈՐՈՅ ՍՐՏԻՅ
ԽՕՍ-Բ ԸՆԴ ԱՍՏՈՒԾՈՅ

Ա. ԲՆՆ երկնաւոր, թագաւոր բարձրեալ, տէր բո-
լորից, ամենից ակնկալութի, ստեղծող տեսականաց, հաստիչ
իմանալեաց, պատճառ եղանութեց, կազմիչ հանդերձելոց,
տուիչ լուսոյ, առիթ առաւօտու, պատրաստիչ վաղորդայ-
նի, երևեցուցիչ երեկորի, տարրիչ խաւարի, արուեստաւոր
բարեհնար, իմաստութե գործօնեայ, քաւարան օրհնեալ,
հալիչ մեղանաց, հալածիչ ցաւոց, քակտիչ դառնութեց,
պահպանարան հանգստեան, հնարք նիրհման, յարմարիչ
քնոյ, պարգևիչ ննջման, շնչոյ յարակարգութիւն, զգայուե-
տեղութիւն, ցրիչ ցնորից, յեղանակիչ անբոց, փոխարկուի
զարհուրմանց, այլայլութիւն տխրութեց, խափանիչ խիթ-
մանց, ընդարձակիչ կարծեաց, համադրութիւն ծփմանց,
ահագնութիւն խարդախմանց, հարուածիչ դիւաց, վա-
խուցիչ ակտից, ընկզմիչ դայթագղութեանց:

Բ. Պաշտպանեա երկնաստեղծ ձեռամբդ, զօրացո բարձ-
րացեալ քո աջովդ, ամփոփեա ամենակալդ թեօք, ծածկեա
աստուածեան խնամօքդ, ամրացո վերակացութեամբ վե-
րայնոցդ, շուրջանակի պարսպեա գումարտակօքդ անմահից,
ի յամենուստ պարփակեա կցորդութեամբ հրեշտակացդ,
վանեա զընդդիմամարտն իմ զինուորութիւն զուարթնոցդ,
պատսպարեա զսասանեալս՝ աստուածածնիդ մաղթանօք,
զբանակս անդրանկացդ բարեկարգեա ինձ պահապանս Բաց
ընդ աչացս դիմաց և զմտացս իմ տեսանելիս, զգաստ արա
ընդ ոգւոցս և զճանրաբեռն կրիցս դանդաղութի, վերացո,
տէր, ի զգայութեանցս զմածեալս յիմարութիւն բարձ,

միայն բարեգործ , զպատրուակիս թանձրութիւնս ՚՚նդ սկզբան բերմանս լուսոյ՝ զողորմութիւն քո ծագեալ , ընդ ելից արևուն՝ արդարութեան արեգակնդ ՚ի յանձկութիւն սշտիս մտցէ . ճառագայթ քո փառացդ ՚ի յիմաստիցս խորհրդանոց ջահեսցի . խաչիդ տեսանագրութիւն ընդ շունչս և ընդ մարմինս համաստիս տարածեսցիս { }անձն առնեմ քեզ յաւուրս զքո յարմարեալ տաղաւարս պահպանաւ ողւոյս՝ որ ՚ի սմինս : Օ ՚ի դու ևս աստուած անբնին , առ ամենեանն բաւական և յամենայնում բովանդակ , օրհնեալ յախուեանս . ամէն :

ԲԱՆ . 28

ՎԵՐՍՏԻՆ ՅԱԲԵԼՈՒՄԸ ԿՐԳԵՆ ԷԼԵՈՒԹԵԱՆ ՆՈՐԻՆ ՀՍԿՈՂԻ
ՍՈՒ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԲ ԸՆԴ ԱՍՏՈՒԾՈՅ

Ա . ԽՕՍԿ արդ վասն զի արթնականն մեր զուարթութի քեզ նեջու մն իմն է համարեալ , խկ ՚ի խոր թմբրութիւն լուելն՝ վասն ուղիղ հաւատոյն ՚ի քեզ՝ անթարթափ բացութիւն աչաց , ուղղեա հոգւոյդ քո իմաստութիւն զյաջողուած ձեռննս գործոյ ընդ հեծուէ ձայնիս մաղթանաց : Օ որացո , տէր , ՚ի հանդէս բարի ճղնաւորական արի վաստակոյ , կցորդ լեր կարեացս տկարութեան , թեթեւ կացո զաշխատութեանս այս սկիզբն . արագեա , միշտ կարող , զյառասջարեալ ձեռակերաս , դիւրաւորս ընթացո ՚ի յաւարտումն լրմաննս ՚ի վախճան իրին բերկրութեամբ զիս հաստ , ժաման կացուցես ՚ի հանդիսումն յուսոյն , կցորդ լեր ուղւոյն ճանապարհիս ընթացից , ՚ի թախչս ամբարձման փութացուցես յօգտակարն , ընդ աջմէ իմ լիցիս ՚ի վասնդ ՚ի ծանրութեան , զձայն քո լուո ՚ի յանձկութեանն պահու :

ձեռամբ .քո կեցո՛ր ՚ի կորստեանն ժամու , մատամբ .քո ազգեա
 ՚ի սահմանին անձկութեան , հարթեա զխորոց ամենաչար
 խտրանմանն , հոգեղինին առարմամբ ըստ Ամբակու մոյ ինձ
 հնարեա , բան ինձ շնորհեա ՚ի յատենի բաղմութեն , իմաս-
 տութիւն յիս անկեա ՚ի հանդիպման քննութեանս Ամգով
 կամաց .քոց հովանացիր հրաշապէս , հանդարտեցո փայտիւղ-
 կենաց զժողուս մրրիկ , սանձեա զաստեայ կենցաղոյս պատ-
 կեր .քոյին հրամանաւղ . քանզի թէ աստ ողորմութիւն .քո ,
 տէր , կամեցի , այս լուծութիւն կոհակաց կարծրէ քան
 զլէմ . և թէ ՚ի ցամաքի անտես առնիցես , իբր զանկայուն՝
 պնդութիւն յատակիս ՚ի ներքոյ աստի հոսեալ սասանի :

Բ . Արդ՝ ընկալ , Յիսուս , զարդատանացս ձեռնարկութի
 բեղ ՚ի հաճութիւն , և արա ինձ զամենակարծն զայթաղ-
 դութիւն մեծ վտահութիւնս Արդէս ՚ի ջրահեղձոց ամե-
 նակործանն դարու , որք ՚ի հարթ տարածման գեանի առանց
 երկիւղի յանհոգս կէին , յողորմութենէդ ամայի մնացեալ
 կորուսան . իսկ ընդ հովանաւոր մածուածով ըստօրն յոգ-
 նատատան հիմանն հայթայթանօք յանուն գթածիդ յեց-
 եալ պահեցան . ընդ որս և զաղաչողս մշտատատան ՚ի նա-
 ւահանդիտան խաղաղութե մարդասիրապէս պրծեալ ազ-
 բեցո . վարձս ՚ի .քոյոցդ ընդ իս բերելով հոգևոր շահից , զու-
 տորաբերս այս ստուարութիւն պարտուցս լքեալ բանիդ
 առակաւ , ՚ի բեղ տէր անկայց միացեալ խաղառ անբաժա-
 նելի , օրհնեալ յամենայնիս Աւ կգորդելով այսմ մաղթա-
 նաց հոգեղէնքն ամենամաքութեք ընդ հողեղինացն մարտի-
 ըտաց , որք ջրով և հրով փորձեցան . և յելից զերձմանն ընդ-
 մեր ինդրեցին , և մեզ յիշատակ թողին օգնութե , սասացն
 ընդ մեզ համաբանաբար զուգամասնութիւ՝ եղիցի եղիցի :

ՎԵՐՄՍԷՆ ՅՅԻԵԼՈՒՍՏԻ ԿՐԿԻՆ ԼԵՏՈՒԹԵԱՆ ՆՈՐԻՆ ԼՍԿՈՂԻ
 ԵՌ ՆՈՅՆ ԵՂԵՐՍ ՄԵՂԹԱՆՅՑ ԲԱՆԻ

Ի ԽՈՐՈՅ ՍՐՏԻՑ

ԽՕՍԻ ԸՆԴ ԵՍՏՈՒՏՈՅ

Ա. ԻՆԴ այսր հառաջանաց թախծութեան ողբոց ՚ի
 բազմաց կերպից շարակարգելոց, և ամենից հոգւոց ողոր-
 մեա, գովեալ և երկայնամիտ թաղաւորս Նա և այնոցիկ
 առաւել որոց հատեալ է ակնկալութիւն փրկութեան կե-
 նաց. որք ննջեցին անորատրատարար շիջեալ լսպտերօք
 իւղոյն պակասութեանս Մհա յիշեա, տէր իմ գթութեան,
 և ՚ի յայս ևս պատճառ իրաւունս ինձ գրեաւ Քանցի թէ
 և ՚ի փառս ահաւորութեան սքանչելեաց մեծիդ՝ հա-
 կառակօքն հանդերձեցեր զկազմած մարդոյս, զոմն ծանր
 և զոմն թեթեւ, զմին զով և զմիւսն հրային զի գիմադրու-
 թիւնն ՚ի հակառակացն հարթ պահեցեալ՝ արդար կոչես-
 ցուք հաւատարիմ հաւասարութեամբն. և ՚ի յայտմ ՚ի դար-
 ման առաքինութեան վերաբերեալ ընդ ամբարձելոյն, զխո-
 նարհութիւնն առ կաւն զխոման անմուաց պահեալ՝ պսակ
 ընկալցուք ճգնաւորականս Մլ քանցի յայտմ կանոնէ ուխ-
 տի փրկեցար, և անասնարար սահեցմամբ ըստ հոյոյն զիջ-
 ման ընդ երկիր մաճար, այլ ոմն ախարս և այլ ոմն ան-
 գթութեամբ, միւս մասն մոլութեամբ ամենարագձ կե-
 րակրոց իրր դազան մշտարոյժ յարակաց կապեալ ընդ բնու-
 թեանս Վսկ ՚ի բառ իցս ոմն անբժրոնելի և անողբելի սրաց-
 մամբ ՚ի բաց ոստուցեալ՝ վայրենապէս ամբարտաւանէ.
 Եթէ ջնոնումք տապով սիրոյն որ ՚ի բեզ՝ նշխարաւ բոցոյն
 որ ՚ի մեզ, ցուրան ստընթեր կենակից նմին զնոյն կասե-
 ցուցեալ բարւոյն ընդ միջէ. Եթէ օղականաւն հրեշտակա-
 նոյն յառիցիմք ՚ի բեզ, ծանրութիւն թանձրու անդրանիկ
 նիւթոյս այս հոյոյ ՚ի ստորե քարշեալ խափանէ:

Բ. Եւ արդ յամենուստ պարտեալ ե խողառ լքեալ՝ իբր զապիկար հաշմեալ հերքեցայ կորեայ վանեցայ, վասնեալ ՚ի բազմաց ՚ի մահ գրաւեցայ. վասն որոյ ՚ի սրարգեականեան զրկեցեալ՝ յողորմութեանն կողմ նայիմ, ե պատկառեալ դիմօք համայնից ունողս զբնաւից ազերասբանեմ զմեռելոցն՝ քեզ կենդանեաց. քանզի կարող ես յաւեա հնարիւք ե կորստականացն ըստ իս մեռելոցն. ամենայն ինչ քեզ զօրելի է. նա՛ զի ե ընդ անակար կարելոյդ ե կամելոյ է ակորժելի:

Գ. Երդ այսց երկուց բարդաւաճ՝ շնորհաց նորոգչաց առ միմեանս եկեալ՝ կարելն ընդ կամելն, բարձեալ եղիցի ե յուսահատութեն վհատութի ազգաց մեղաւորաց, ե ժամանեալ հասցէ աւետեացդ լոյս հողուոց բժշկութե բուժի հրամանի, տէր ամենայնի, օրհնեալ յախտեանս. ամեն:

ԲԱՆ 21:

ՎԵՐՍՏԻՆ ՅՅԻՆԷԼՈՒՅԾ ԿԻՒՆ ԷՆԾՈՒԹԵԱՆ ԿՈՐԻՆ ԷՍԿՈՐԷ
ԱՌ ԿՈՅՆ ԵՂԵՐՍ ՄԵՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍԻ ԸՆԴ ԵՍՏՈՒԾՈՅ

Ա. Եւ արդ քանզի ՚ի գլուխ կատարման հասեալ սաւառամանեաց կտակի այսր ողբերգութեան, արա, տէր, փոխձան դադարման առնուլ ընդ այսց բանից մայլմանաց ինքնանախասա կշտամբութե՛ն ե որ յիս կրին չար սոլորուիք: Որ քեզէն կարգեցեր սահման աւետեաց ակնկալութեան գատասարտելոյս՝ ասելով, ոչ են կամք առաջի հօր իմոյ՝ եթէ կորնչիցի մի որ ՚ի փոքրկանցս. ե դարձեալ, այս են կամք հօր իմոյ՝ զի զամենեւին ինձ յանձնարարեալան ոչ կորուսիցս:

Բ. Եւ զա օրհնեալ ես ՚ի գթութեան, բարեբանեալ միշտ ՚ի քաղցրութեան, խոստովանեալ յերկայնմասութեան, ծաւ

Նուցեալ ՚ի յայցելութեան, քարոզեալ տէր ՚ի փրկութե, ներբողեալ դու յառատութեան, պատուեցեալ ՚ի պաշտպանութեան, փառաւորեալ ես ՚ի փրկութեան, երկրպագեալ յանբաւ բարձրութեան, պաշտեցեալ ՚ի յանքննութեան, գովեցեալ միայն ՚ի յաղթութեան, վերաձայնեալ ՚ի մեծ զօրութեան, խնկաւորեալ յողորմածութեան, համբուրեցեալ յանձառ հեզութե, ճաշակեցեալ ՚ի խոնարհութեան: Ընդքեզ և ճնողդ քո երկնաւոր անդբոլորից մխթարութեան. ըստ որում հոգիդ քո սուրբ բարութեան, որ զանկեալ զգրաստ թշնամոյն և զդայթագղեալ մարդն անբանութե՝ կանոնեցեր ոչ անտես առնել: Արդ երախտիս հզօրիդ ՚ի յիս, և առաքինութիւն մեծիդ ՚ի բարձունս տօնեալ անդադար յանվախձան փառաբանողաց. որովք զայս ձայն աղերսական յարեալ ընկալցիս մարտիրոսացն պաղատանօք ՚ի հոտ հաճութեան բուրման անուշից: Եւ այսու փրկանօք հաշտարար բանի՝ զնախնեացն պարտս և զաներևոյթ վերս միջնովքն և վերջնովքն մահացուցանողօքն զանձն և զմարմին բժշկեա, ամենակարող, զներբինս և զարտաբինս, զտիպքն և զգիծքն և զխարանս հարուածոցն, բարձեալ և մաքրեալ դեղովք ողորմութեանդ զկտեալ խածուածս բազմագունիս, որք զարշելիս ընդախորժելեացն քեզ ցուցանեն զէութիւն բնութեանս:

Գ. Եւ եթէ հասից յամս ճերութե քեւ առաջնորդեալ արժանիս մահու, մի թողցես զտկարութիւնս, մի անարգեր զալիսն, մի կորացուսցես զկործանեալն, մի զիջուսցես ըզկքեալն, մի վայրաբերեր զխոնարհեալն, մի շնչման հողմոյ մատներ զառկայծեալն, մի ընդ պահկեցցես զգեղևեալն, մի անվերարկու առներ զսառուցեալն, մի անդարման լիցի տագնապեալն, մի առանց տածելոյ յարկն խարխալեալ, մի անպատիւ պատկերն հնացեալ, մի պարարտութիւնն անհամեալ, մի շուք շնորհին անարգեալ, մի հնութիւնն քամահեալ, մի նաւ հոգւոյս ալեկոծեալ, մի երկարութիւն յուսոյն կտրեցեալ, մի ըսր շաւիղին խցեալ, մի ուշ լմաս-

տին բարձեալ, մի գոյին կազմած զեղծեալ, մի ամբարձ-
մանն թեք փետտեալ, մի զուարթութիւն գեղոյն տգեղ-
եալ, մի ճաճանջ նշուլին քաղեալ, մի պատուհանք աչացս
փակեալ, մի լուսաւորութիւն նորին խափանեալ, մի պատ-
կերն խօսուն անկեալ: Եւ հա աղաչեմ զքեզ, բարեգութ,
ամենայն սրբոյք պաղատիմ, լուր սոցին ինձ կանխաւ, զի
զանազանն մի մոռացիս: Եւ առաջնորդեցեր ինձ ըստ
սաղմոսողին և ապրեցուցեր. հան, տէր, ընդ երգողին և ՚ի
կարծեացն կասկածանաց, յորմէ երկնչիմ: Եւ ևս չեմ ար-
ժանի ՚ի քէն և ոչ հասարակական կերակրոյն վարձու, այլ
դու կարող ես սովորաբար և առ զըլացողս բարեգործել:
Եւ են զարմանալիք անճառից բարեաց, միայն հրաշագործ
առ ամենայն երկայնատութիւն, ընդ հօր և հոգւոյդ սրբոյ
օրհնեալ հանապաղ յաւխտեանս յաւխտենից. ամէն:

ԲԱՆ • 21,

ՊԵՐՍԻՆ ՅԱԻԵԼՈՒՅԺ ԿՐԿԻՆ ԷԵԾՈՒԹԵԱՆ ՆՈՐԻՆ ՀՍԿՈՂԻ
ԱՌ ՆՈՅՆ ԱՂԵՐՄ ՄԱՂԹԱՆՅԱՅ ԲԱՆԻ

Ի ԽՈՐՈՑ ՍՐՏԻՑ
ԽՕՍԻ ԸՆԴ ԱՍՏՈՒԾՈՅ

Ա. Եւ արդ ջուր կամաց և կաթ արտասուաց՝ բեկու-
թեամբ հոգւոյս մտացս լքմամբ՝ խորտակմամբ սրտիս հեղ-
եալ առաջի, զմարգարէին յիշեցուցանեմ զարամաթացւոյն
Սամուէլի, զոր առեալ եհեղ ՚ի սկաւառակէ յանդիման քո,
ամենատես, առ ժողովրդեանն օրինակութիւն զանձն ար-
կանելոյ խոստովանութեամբ և հնազանդութեամբ կենդա-
նարարդ գարշապարաց:

Բ. Եւ արդ ընկալ զայս հիւսուած բանի աղիողորմ հե-
ծեճանաց, և հոտոտեսցիս յայս նուէր բանի անարիւն զու-
հի, թաղաւոր երկնի. և օրհնեալ սրբեա զտառ մատենի

այսր ողբերգութեան , և գրեալ գրոշմեցիս յարձան յաւ-
 շիտեան ընդ հաճոյականացն սպասաւորութիւնս Կացցէ
 առաջի . քո մշտնջենաւոր , և յիշատակեսցի 'ի լսելիսդ . քո հա-
 նապաղ . բարբառեսցի շրթամբք ընտրելոց . քոց , և խօսեսցի
 բերանովք հրեշտակաց . քոց . տարածեսցի հանդէպ աթոռոյ
 . քոյ , և ընծայեսցի 'ի սրահ սրբութե . քոյ . խնկեսցի 'ի տաճար
 անուան . քոյ , և բուրեսցի 'ի սեղան փառաց . քոյ . պահեսցի
 'ի գանձարանի . քում , և համբարեսցի 'ի ստացուածս . քո
 Պատմեսցի 'ի յականջս ազգաց , և քարոզեսցի 'ի լուր ժո-
 ղովրդոց . նկարեսցի 'ի գրուես իմաստից , և տպաւորեսցի 'ի
 սեւամս զգայութեց . իբր կենդանեօք զիմս պատմեսցէ խոս-
 տովանեալ զանօրէնութիւն . և թէպէտ վախճան ընկալայց
 իբր զմահացու , այլ յարակայութեամբ բանի այսր սփերի՝
 զրեցայց կենդանի : Մնացէ սա անեղծ 'ի կամս . քո , տէր ,
 ինձ պատժապարտիս համբարձեալ միշտ անդուլ դատիչ ,
 անաչառ կշտամբիչ , անպատկառ յանդիմանիչ , անանխայելի
 դստովիչ , անողոքելի պարտաւիչ , անհամբոյր ծանակիչ , ան-
 մարդասիրելի մատնիչ , անփրկելի տանջիչ , անկաշառ կառա-
 փիչ , անխնամելի յայտնիչ , ապառում հրապարակիչ , աշխար-
 հալուր բողոքիչ : Փողով մեծութե ազգման առանց լու-
 թեան և կամ դադարման զիմոցս պարտեացս խոստովանեսցի :

Բ . Սոյն զիր իմով ձայնիւ իբր զիս ընդ իմ աղաղակես-
 ցէ , տարածեսցէ զձածկեալսն , հռչակեսցէ զղաղտնիսն ,
 կականեսցէ զկատարածն , հնչեսցէ զմոռացեալսն , յայտ-
 նեսցէ զաներևոյթսն , բարբառեսցէ զբարուրսն , քարոզես-
 ցէ զխորոցն , պատմեսցէ զմեղացն , մերկացուցէ զանտեսի-
 ցրն , ցուցցէ զկերպարանս թագուցիւրոցն : Շօշախեսցին սո-
 վաւ որսքն , գտցին զայթագղութիւնքն , յանդիմանեսցին
 անձառքն , քամեսցին չարեացն մնացուածքն : Եւ թագա-
 ւորեսցեն կեանքդ շնորհաց ողորմութե . քո , Բրիստոս , 'ի
 գանձս պահեստի ոսկերացն ցամաքելոց . որով 'ի ժամանակս
 կենդանականս սկզբնաւոր լուսոյ մտի գարնայնոյն նորոզ-
 ման աւուրն պայծառութե՝ քոյովդ ցօղով յոգի աճեցեալ

այսու վրկու թեամբ անմահականաւ , և անցամաքելի վերամբ
բարձու թեամբ շառաւիղս ձգեալ իմանալեացն բարեաց՝
դարձեալ դաշարեցայց և կրկին ծաղկեցայց ըստ քոյննաշունչ
գրոյն յուսադրութեանս Լւքեզ միայնոյ վրկողի և հոգւոյդ
քում հօր իսկակցի , միասնական տէրութեանդ և անճառ
Երրորդութեանդ խորհրդական դովեստիւ վառք և երկրը-
պագութիւն յաւիտեանս . ամէն :

ԲԱՆ · ԶԹ

ՎԵՐՍՏԻՆ ՅԱԻԷԼՈՒՄԸ ԿՐԿԻՆ ԼԵԾՈՒԹԵԱՆ ՆՈՐԻՆ ԼՍԻՈՂԻ
ԱՌ ՆՈՅՆ ԱՂԵՐՍ ՄԱԿԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԹ ԸՆԴ ԱՍՏՈՒԾՈՅ

Ա · ԼՍՏՈՒՄԸ և տէր , կեանք և արարիչ , ողորմած , գը-
թած , լոյս , երկայնամիտ , անոխակալ , մարդաաէր , ամենա-
դու թ , պարգևատու , վրկիչ , օրհնեալ , գովեալ , բարեբան-
եալ Դարան ամրութեան , պատսպարան վստահութեան ,
առանց նենգութեան բարի , առանց խաւարի ճառագայթ ,
քաւիչ մեղաց , ողջացուցիչ վիրաց , անհասանելեաց հնարք ,
անմատչելեաց հպաւոր , անյուսութեան ելք , անուն քո
խոստովանեալ աստուծոյ որդի . և հօր քո ընդ քեզ հզօրի և
ահաւորի , և հոգւոյդ ամենակալի և ընդ քեզ երկրպագելոյ՝
վառք և պաշտօն դոհաբանութեան յաւիտեանս . ամէն :

ՎԵՐՍՏԻՆ ՅԱՒԵԼՈՒԱԾ ԿՐԿԻՆ ԷՆԾՈՒԹԵԱՆ ՆՈՐԻՆ ԷՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍ-Բ ԸՆԴ ԱՍՏՈՒԾՈՅ

Ա. ԲԱՐԵԲԱՆԵԱԼ անձ երկնաւոր, միայն արարիչ, տէր
ամենակալ, մեծութիւն ասէղ, դժութիւն օրհնաբանելի,
ողորմութիւն խոստովանելի, բարերարութի երկրպագելի,
խնամակալութիւն պաշտելի, մարդասիրութիւն ասնելի,
պահպանութիւն խնկելի, բարձրեալ անքննին, մերձաւոր
կամարար, ապաւէն անկասկածելի, մխիթար սրտից, փարա-
տիչ վշտաց, ապաքինիչ ցաւոց, սպառումն վհատութեանց,
բարձումն պարտեաց, փոխարկիչ կարեաց, կարգաւորիչ կը-
րից, յարմարիչ բանից, սանձարկու լեզուի, շրջագրութիւն
շնչոյ, կացուցիչ հաղաղի, ամփոփիչ խորհրդոց, կրթարան
կամաց, արձանացուցիչ յուզմանց, հանդարտութի մրկաց,
խաղաղութիւն ծփանաց, որ ունիս զթեոց ամէնրնթաց իշ-
խանականիս, և խմատութեամբ նուաճեալ առ քեզ դար-
ձուցանես:

Բ. ԳՈՏԱՔԱՆՆԵԱԼ միշտ երախտաւոր, որ հեղութեամբ
անհպարտութե երկայնամտեալ հանդէս տենչանօք անձառ-
հրաշիւք յանձինս սրբոց: Թագաւոր էից համայնից, ամե-
նայնիւ ծանուցեալ գթած. սկզբնահայր և նախաշաւիղ սի-
րոյն ընթացից. ճանապարհ կենաց, որ առաջնորդես քաղց-
րութեամբ դիմելոյս Ի լոյսդ վերին: Չեռնկալու մեծ վըս-
տահութեան, որ ոչ թողացուցանես գայթաղելոյս Ի վայր
կործանել. յուսոյ կերպարան, ճշմարիտ առ հաւատչէիւ
աղաչողաց մատանց յայտնի երևեալ. ապաւինութիւն հան-
գստեան, որ ոչ երբէք մատնես վտանգի դատապարտուն:
Վըատութիւն շնորհաձիր, որ տաս լիապէս առանց փոխա-
տրութեան փրկանաց. առատութի աննախանձելի, որ քոյնն

իստաւորութեամբ զանարգ նիւթ հողոյս ճոխացուցանեսու
 Պայծառութի անստուեր, որ ճառագայթիւք ահեղ բարձ-
 րութեան պարածածկեալ զԹշուառս՝ կրկին բարգաւաճ
 առնեսու Վաւիչ մեղանաց բազմաց, որ զհերքեալս ՚ի փր-
 կութենէ առաջնոյն պայծառութբ նորոգեալ վերստին
 վայելչացուցանեսու Հնարաւոր դիւրահաս առ ամենայն ան-
 բաւ գերամբարձութիւն յաւէտ յառաջեալ, ելք վստա-
 հութեան առ խոստացելոցն վայելս . երանութի անձկալի,
 յոր զկենդանութի շնչոյս լքանելն է ախորժելի, զի զքեզ
 գտից՝ կենդանիս կամբ անփոխադրելի առ ՚ի բաւութիւն
 գերւոյս զօրացեալ ամենագովելի . անխալելի զեղ կենաց,
 որ և մեռելոց բնաւին եղծելոց առնեսու զսքանչելիս : Ըմ-
 նաստեղծ աներկբայելի, որ զհուրբ կիզեալն և զհողմով
 հոսեալն և զժանեօք դազանաց ծախեալն ՚ի բթթել ական
 նոյին հիւթականութեամբ անպակաս յարուցանեսու : Ըն-
 հաւասար համարձակութիւն, յորում աստուած օրէն պան-
 ծանօք պարծելն է իրաւացի :

Գ. Հայեաց, տէր, յերկնից զուարթ քաղցրութեամբ
 յամենակործան վտանգ նեղելոյս, և արա անդորր հանգըս-
 տական դիւրաւոր ՚ի բազմատապնապս հեծութենէ : Լս-
 զյարուցեալ գումարս աստակչացն, եթէ սպառազէնք սյ-
 սական դժնեայ հնարաւորութեան բուռն մարտակցաց
 պատկանեալ զինուք, եթէ մեղաց տգեղ և քո ատելի կեր-
 պարանք, եթէ ցաւոց և ախտից վատնիչ և կորստական նըշ-
 մարանք, մերժեսցես հանցես հատցես խափանեսցես և հա-
 լածեսցես հեռի սահմանաւ իսպառ տարագրեալ անդարձ
 որոշմամբ վերստին կորստեանն . և կառուցես կացուցես
 նարտակ կենաց և ամուր մահարձան զնշան խաչիս ապա-
 լինելոյս ՚ի քեզ փրկութիւն . և յայսմ անպարտ և անպատիր
 և անվանելի արուեստից ահաւորիդ մեծութեան լուծցին
 որոգայթքն դաղտնածածուկ աստանայականք, կապտեսցին
 մեքենայքն, վատնեսցին գայթաղութիւնքն, խայտառա-
 կեսցին հաղբիցն դրութիւնք, յայտնեսցին երևոյթք որոցն,

գտցին նենգողին ծուղակք, վերասցին վարմին վերարկուք, տոչորեսցին որոմանցն բոյսք, նզովեսցին բռնաւորին չարաբանութիւնք, կտրեսցի լար խաբէութեան 'ի մահ որսողին, պարսեսցին պարտողին բանասրկութիւնք, պակասեսցին զէնք զըպարտողին, անկցին սուսերք մահաբերին, սուղեսցին սաղրողին պատրաստութիւնք, արձակեսցին տոռունք տագնապողին: Այլայլեսցին սուտ կերպարանք կեղծաւորին, տակեսցին խրոխտականացն խիստ յարձակմունք, ցրուեսցին կցորդութիւնք կերչացն, բաժանեսցին ազինք աւազակացն, քայքայեսցին բոյլք բարբարոսացն, քանկեսցին ամրոցք աստամբողացն, արդելցին ամպրոպք յանդգնեւոցն, փարատեսցին փորձողին անձրեք, հալեսցի և ցամաքեսցի եղեսմն աղանդաւորին: Կտրտակեսցի եղջիւր գոռողին, մանրեսցին ամբառնալէք դրօշկն կերպարանաց, փշրեսցին ամբարհաւաճութիւնք հպարտացեւոցն, նահանջեսցին դիմեցմունք ճակատեւոցն, քակտեսցին միաբանութիւնք զօրացն Բելլարայ՝ թէ անմարմինք և եթէ մարմնաւորք, փախիցեն ընդ նոյն ճանապարհ 'ի մի շաւղաց հետոց յեօթն տարակոյս . 'ի գուրն ինձ փորեալ ինքեանք ընկճեսցին: } Եղանակեսցին ձմերունք ձանձրացուցչին, հատցի կապն կցորդութեմշտաջան աւազակին, նողկասցի մտացս կայից համբոյր շողքորթին, ընդմիջեալ մեկնեսցին նետաձգութիւնք նեղչին, կացցէ 'ի տասանման նաւ խարդախողին, խլեսցին յարմատոց անտի ատամունք խածանողին:

Գ . Վ ասն փայտիղ օրհնութեան կենաց՝ յորում պրկեցար աստուածդ անըմբռնելի, յիշատակաւ բւեռացդ որով 'ի գործի մահուն մածուցար արարիչդ երկնի և երկրի, արեամբդ տէրունականաւ՝ որով զվիշապն մեծ կարթիւ անեալ որսացար, լեղւոյն դառնութեամբ՝ զոր արբեալ, զդեղատուութիւն կորուսչին արտաքս հեղեր, պատմարանութեամբ ըղձական ճառիւք կրիցն սարսափեւեաց՝ որով զլրբութիւն հակառակողին ըմբերանեալ ամաչեցուցեր, անուամբդ անհասականաւ ամենայնիւ անթարգմա-

ներւոյդ՝ յորմէ դողան և դատապարտին սոսկացեալ սաստիկ սարսափմամբ բնութիւնք ամենայն երեւութից և աներեւութից, եղիցին այս ամենայն պարզեք շնորհաց խոստովանելոյս ՚ի պաշտպանութիւն, ՚ի բժշկութիւն և ՚ի քառուի: Եւ մահաբեր դառնաթոյն օձին, և որ ՚ի նմա ազդեաց տիեզերադաւ չարութիւնն, ՚ի սատակումն եղիցի նորին. նոյն ինքն ՚ի կորուստ և յանբժշկական հարուած տանջանացն սոխաւ մատնեսցի, կապեսցի և ըմբռնեսցի: Եղիցի ողորմութիւն ստեղծողիդ ընդ իս, և շունչ ոգւոյս իմ ընդ քեզ անբաժանօրէն կապաւ միացեալ ՚ի մի:

Ե. Եւ որ որ ընթերցցի զայս աղերս ձայնի մաղթանաց գոչման աղօթից հայցման ծերոյ և տղայոյ, կուսի և երիտասարդի, և եթէ յաղախնաց որ պաղատեսցի աստուածսիրաբար, հաւասարապէս անաչառութիւն ընկալցին ՚ի քէն մասն երանութեան պարտուց ազատութեան, հաստեալ վերստին յանարատութիւն նորոգ. մաքրութեան, նկարեալ դարձեալ զքոյդ կերպարան անփոփոխելի: Եւ հա տիրապէս հնարաւոր, զօրեղ, անպատում, անհաս, անիմանալի, տեսցես աստանօր ՚ի հառաչանս կողկողանաց այսր հեծութեան, որ ՚ի բոլորից շրթանց ընծայեալ քեզ մատուցանի, վասն հօր քո երկնաւորի և բարերարի, և հոգւոյդ սրբոյ փառակցի և կենդանատուի, աստուածածնիդ բարեխօսութեամբ և խրնդրուածովք ամենայն սրբոց: Օ ՚ի դու ստեղծեր զամ, և ՚ի քէն եղեն ամենայնք, և դու տիրես ամենայնի. և քեզ փառք յամենեցունց, միդ յիսկութենէ անժամանակ Երբորդութեանդ, զուգակցապէս փառաւորեալ յանբաւս, և յաւխտենից յաւխտեանս. ամէն:

ՎԼԲՍՏԻՆ ՅԱԻԵԼՈՒՅԺ ԿՐԿԻՆ ՀԵԾՈՒԹԵԱՆ ԿՈՐԻՆ ՀՍԿՈՂԻ
ԱՌ ԿՈՅՆ ԱՂԵՐՍ ՄՍԳԹԵԱՆԵՑ ԲՅՆԻ

Ի ԽՈՐՈՑ ՍՐՏԻՑ

ԽՕՍԻ ԸՆԴ ԱՍՏՈՒԾՈՅ

Ա. Տէր տէր դթութեանց և նա՞ որորմութեանց, անուն մեծութեան, ձայն ահաւորութեան, կոչումն սասակութեան, լուր անհասութեան, բարբառ դողութեան, հնչումն հիացման, յուսադրութիւն բարերարութեան ամենողորմ քաղցրութեան. յորմէ երկուցեալ սասանին ամենայն բնութիւնք եղելոց ՚ի բո սպառնալեաց ահիդ պակուցման, սաւառնին սերորէք, ամկողին քերորէք, պարուրին պարք լուսակերպիցն, երկնչին հիացմամբ բոլոր պետութիւք վերնոցն, նոյնք ցնծան դողութիւք մեծաւ ՚ի մի նաւակատիս բերկրութեան, զարհուրին դեք, ընկրկին չարուեցն գունդք, պակասին խաւարասիրացն հողիք, անդնդոց մատնին հրեշտակք օտարին: Կապին նշանաւ խաչին յարձակմունք դիմամարտին, փակին ՚ի ստորին բանտի քինաւոր ամաղեկացիքն, անխզելի հանդուցիւք պաշարին խումբք հակառակորդին, արգելին անզերծ զընդանաւ՝ մահազինացն կաճառք, սնդին ՚ի մետաղս ահեղ հրամանիդ այտականացն գումարք, պապանձին կարկեալ ընդ դիմաբանիցն դասակցութիւնք, պարաւանդին հիւժմամբ կորստեան աներևութիցն ժողովք, անլոյծ շղթայիւք նեղին առաքելութիւնք Դերաքրիստոսին:

Բ. Ահա կարկառեմ մատամբք ձեռնիս զտեառնագրութիւն նշանիդ ՚ի ժամ գիշերիս, որ ոչ մթանաս խաւարաւանդիտութեան, ամենեւին տեսականութիւն, քան թէ ՚ի լոյս անմատոց հանգուցեալ բնակես: Ինկալ զաղաչողս վտանգաւոր գոհաբան ընդ պահպանութիւք թևոց հզօրիդ, փրկեա ՚ի ցնորից եկամուտ պղտորութեանց, սուրբ արազգգայարան հայելեաց սրտիս նկատմանց, ամբացս վայտիւդ

կենաց ՚ի տխրական անբջոց , արեամբ քո սրսկեա զչրջարու
կուժիւնս կայիցս , զհետս ելումտիցն կաթուածով կենտարար
կողիդ զծագբեա , երգոցն պահպանարան քառակերպիդ
ձեակերպութի եղիցի , հանդէպ տեսուե աչացս ամբարձման
փրկականդ քո կրից խորհուրդ առդիցի , ընդ բարաւոր յար-
կիս չարչարանաց քոց գործի հաստիցի , զձառոյդ օրհնու-
թեան հաւատք յուսոյ իմոյ կախեսցի : Արդեւ , տէր , սովաւ
զստտակիչն հոգւոց , մտցէ անխաբան պաշտպանն լուսոյ , և
ընդ սաստիկ ծանրութեան ցաւոցս և զբեռն պարտեացս
թեթեացո , զոր ՚ի լուարանի մտացս ամփոփման մահձացս
անկողնի ուշաբերեալ զյուսահատութեանցն դառն պրտ-
դոցն՝ խոստովանիմ ամենագիտիւ զանհամար մասունս գոր-
ծոց չարաչար անօրէնութեանցս :

Գ . Հանգո զվաստակեալս ՚ի բազմամուկս աշխատու-
թենէ , բարձ զտաղնապ տարակուսանաց ոգւոյս կործան-
ման , զդառնութիւնն ընդ մշտացն , զհեծութիւնն ընդ կար-
եացն , զանձկութիւնն ընդ թշուառութեցն , զհառաջմուռնն
ընդ խորտակմանցն , զբեկութիւնն ընդ ապշութեանցն , ըզ-
թմբութիւնն ընդ շրտմանցն , զարբեցութիւնն ընդ յիմա-
րութեանցն , զթերամտութիւնն ընդ խելագարութեցն , զսա-
ռուին սիրոյն և զհրային ջերմութիւն ազուական անտինն :
() Ժանդակ լեր տկարութեան բազմատխուրս տարտամու-
թեան , բարեգործ աջովդ շնորհի , ձեռամբդ նորոգոյի ,
մատամբդ կենսաբաշխի , վառօքդ մշտափայլի , յարակայու-
թեամբդ անեղծի , երեսօքդ զուարթականի , իսկութեամբ
էիդ պաշտելի , բարձրութեամբդ երկրպագելի : Հատո ըզ-
չարաչար հեծութիւն կորստականս խեղդման , զնոր դիւտ
չարին , զհին խարդախութիւն բանսարկուին , զօտար ազ-
դեցմունս ՚ի մահ կրթողին , զանյարմարական երկոյթս հա-
նապագորդեան եղեռնագործին , զառ աչս հնարագրու-
թիւնն դժնդակ դիւին , զողոքական բոցաշնչութիւն ձող
կախարդին : Պահեա ՚ի տեղւոջ հանգստեան մեօօրինակ
այսր դադարման յաներկեոյթ մտածութեանց , ՚ի մասնաւոր

սխալութեց, ՚ի մեծագոյն գայթագղութեց, ՚ի փոքրագոյն
 փանառութեանց, ՚ի խաբեբայ չար ձանձրութեց: Հեռացո
 զանհանդէպ մտածութիւնն ՚ի զգայութեց ծառայիս յան-
 ցաւորի, զկիրս բասրելիս, զվարս թշնամանելիս, զդիպուածս
 պատկառելիս, զհետս վրիպելիս, զպատիրս ձաղելիս, զխոր-
 հուրդս անգոննելիս, զաւելլաբանութիս նշկահելիս: Անսալ
 հոգւով և անշաղախ մարմնով զպաւելնեալս ՚ի քեզ հան-
 դերձեա, ՚ի շնչմանէ հողմոց, ՚ի զարկմանէ բռնութեանց,
 ՚ի բախմանէ փոթորկաց, ՚ի յոստմանէ մրրկաց, ՚ի յարձակ-
 մանէ գազանաց: Ի կափման աչացս հայեցուած սրտիս մի
 ստուերասցի, այլ զուարթացցի պայծառացցի վայելչացցի՝
 ընդ քեզ փայլեցցի, տէր Յ՛ս Բ՛ս, լուսաւոր վառմամբ ան-
 շիջանելեա: Ի անիւ քո սրբեա զպատասպարանս բազմակա-
 նիս ՚ի խորամանկութեց, ՚ի զբաղմանց, ՚ի քո ատելի յիշա-
 տակաց, ՚ի վերնամարտ մտածմանց, ՚ի քրէական մորսու-
 թեանց, ՚ի տիրաննեղ անշնորհութեց, յանձընդդէմ հերձ-
 ուածութեց: Ի նդիւք վերնայնոցդ վերակացու ինձ լիցիս,
 պետութեամբք, իշխանութքք զօրաւորօքն անյաղթականաց
 մաքուր մատակարարաց սուրբ անութեանդ. առաքեալքն
 աւետեաց աւետարանաւն, մարդարէքն կտակարանօքն,
 մաղթանք երջանկացն ՚ի կտտարածի աւուրն ընծայեալ:
 Արովք նիրհեցից երկիւղիւ ըստքեզ տրտմութեամբ, և
 զարթեայց շնորհօք քո կրկին ուրախութք. եթէ վհատութք
 ննջեցից, յարեայց դարձեալ հոգևորական բերկրութք.
 եթէ ընկողմնեցայց մեղանօք, կանգնեցայց վերստին զառ-
 եալ ՚ի խղճէ անաղտ անբծութեամբ:

Դ. Եւ ի ննդրուածոց ամենահառաչ ձայնիս հեծութե,
 միայն բաղմագութ, բարեխօսութք սրբոյ անածնիդ և ան-
 արդարոց և նահատակաց ընտրելոց: Աւքեզ փառք յամե-
 նեցունց իմովս գոչմամբ վերառաքեցեալ սրբովք զուարթ-
 նոցն անմահականաց դասուց, ՚ի գովեստ հօր քոյ այ մերոյ
 և հոգւոյդ սրբոյ բնուից հաստողի և նորոգողի, յաւխտեանս
 յաւխտենից. ամէն:

ԲՆՆ · ԳԼ

Ի ՓԱՅՏՆ ԵՐԶԱՆԻԿ ԲԱՐԵԲԱՍՏՈՒԹԵԱՆ ԺԱՄԱՀԱՐԻՆ

ԻՈՐՀՐԳԱՑՈՒԹԵԱՆ

ԱՂԱՉԱՆՍ ԵԴԵԱԼ ԸՆԴ ԿԵՐՊԱՐԱՆՍ

ԹԱՐԳՄԱՆՈՒԹԵԱՆՆ

Ա. ԴՈՂԱՆԱՄ զբէն, բարեգուծ, միայն մարդասէր, արարիչ երկնի և երկրի, որդի աստուծոյ կենդանւոյ, այն ինչ զարթուցեալ անձկութեամբ սիրոյ քո յիշատակի ՚ի լուծի հնչման փայտիդ հրաւիրման: Արու բախեալ զձայնարձակութեանցն զազդողարան, սթափեցաք կանգնեցաք, ՚ի վեր յարուցեալ ՚ի մեռօրինակս թմբումանէ, ուստի իբր կոչմամբ սփոփանաց բանի բերեալ ձգեցաք ՚ի ժամ պաշտաման օրհնաբանութեան, յանդիման լինել քեզ ուրախութեամբ հանդէպ հատուցմանս բեմի:

Բ. Ահա փառք քեզ, անսահման անուն և անբովանդակելի զօրութիւն, որ այսբանեօք հնարաւորութեամբք ընդ փրկութեան իմում հոգացար. գոհաբանեալ անեղծ իսկութիւն, որ կերպարանեցեր հրաշիւք աստտի՛ն զհանդերձելոցն նմանութի, հանդարտ գործեաւ վայելչականաւ փայտի անօթոյ առ քունս անյարիր սաստիկս որոտացեր. որպէս թէ ընդ ծուլութեանս դանդաղութիւն զյանդիմանութիւն խրատող խառնեցեր, ՚ի հայրենի սիրոյդ հեղութիւն զուժգնութիւն ճայթմանն յարեցեր. յընդոստ զարկուած երկուց միջնորդաց՝ մարդասիրապէս քաղցր անձրեկեցեր. ոչ մեղմութեամբ մեղմական վանդիւ նիրհմամբ ընկղմեցեր, և ոչ անխնամաբար ահաւորութեամբ զտառապեալ հոգիս զարհուրեցուցեր: Օնրադրական երկրպագութիւն ստեղծչիդ բոլորից, որ այժմէն ցուցեր համայն յայտնապէս զօրինակ ահեղ բարբառոյն մեծի աւուրն յարութեան, կենդանացուցեր ՚ի դադարմանէ դժոխական անբանութենէ, ՚ի խնդիր ելեալ կոչեցեր զպակասամիտս ՚ի զինիդ ուրախու-

Թեան . արարեր զոյն լինել հանդերձիչ անարատ հարսինն առ սէր փեսայիդ . երկուցեր փոքր այս խթանաւ զասպարասանին զվիթխարութիւն , լուծ ստուար կրթութեան ստամբակին ուսոյ զայս իր գործեցեր , վարապան վանիչ չարախօսին կզակաց եղեալ կազմեցեր : Փառաւորեալ յաւէտ անբաւ բարձրութիւն մեծիդ նոյ , որ փոխարկեցեր զփայտին պարտիս յազատութիւն շնորհիդ կենաց , իմաստնացուցեր վերատին դարձեալ զյիմարս ցնդեալ՝ հոգեորական հանձարովդ , կարկառ կոճմամբ զանբժշկութիւն հարուածոյ օճին առանց մոռացման միշտ թարգմանեցեր , ընդ Երրորդուէդ դժագրութիւն զկապն երեքկին իմ վնասակարին ՚ի կատարածին սովմբ կրկնեցեր :

Գ . Գովեստ ներբողից բուրմամբ խնկոց վերառաքեմ քեզ , ամենախնամ , զի ՚ի ստապատիր կոոցն բազմաստուածութենէ առաւել յաճախագունիւք որսացար զանձն իմ պարտաւոր ՚ի քո երկրպագութիւն , խրոխտ և ահարկու նուիրեալ փայտիւս զճշմարտութիւնն քարոզեցեր , մեծացուցեր այսր պատճառաւ պատշաճականաւ զնոր աւետարանութեանդ պատիւ : Սոյն ինքն աղաղակ բարձրութեան գոչման սպառազնութեանդ քո , արքայ պետութեց կայսերաց երկրի տէր Քրիստոս . նշան խրախութեան աւարտման հանդիսի մարտի քո , Յիսուս , յորում իմանալին Փարաւօն կապեալ ըմբռնեցաւ , կովիչ հանապազորդեան գրխոյ դադաթան հպարտացեալ չարագործին՝ շերտս այս տաշեցեալ : Սովաւ դումարին ՚ի պատերազմի որդիք Սիոնի ընդդէմ աշխարհակալին խաւարի . տօն իմն աստուածաւանդ կրթութեան կարդեալ ՚ի հեռուստ այս դրօշուած իւղեալ՝ առանց հնանալոյ և կամ խափանման , նշանակիչ ժամանակի սպառաջիցն հատուցման ՚ի բացուստ անդր ծանուցմամբն , ազգակից հանգունանման կենացն փայտի՝ որ ՚ի գրախտիդ աստուծոյ , կոչարան բարեք հաւաքման փոթ ընթացիւք ՚ի յարկն օրհնութեան , պատկեր տեսակի տրնկոյն դիտութեան ՚ի կարգ ընտրութեան բարւոյն և չարի :

յիշատակ մեծ տեսաւնագրութեան յերեսս կերպիս հոգւովդ սրբով զնշան խաչիդ , նախագեկոյց աւետամատոյց փառաց գալստեան ՚ի դշտոյն պահեալ սուրբ թագաւորիդ , յորդորիչ քաջալերական մաքրապարկոյն խրախճանութեան , անխտական սիրարկու անձնահամբոյրն կցորդութեան շքեղաշուք քողընծայ ամենածին կուսին թագուհւոյ , յարդարիչ ծածուկ պճնութեան՝ որ ՚ի հոգին է վայելլութիւն , նմանութիւն պատգամին Աինայ , որ ՚ի տէրունեացն արտաքս առաքիւր . միշտ օրիորդ պանծալի անշաղախ որդւոց մայր անարատից՝ սովաւ փառազարդէր :

Դ . Գերագոյն քան զԵրիքովին փողն եղջերեայ զբռնութին Բեղիարայ սովաւ հարթեալ տապալեցեր , քարինս արձակեցեր պարսիւս այս փայտեայ՝ ընդդէմ Գողիաթու , գայիսոն նորոգ կառուցեր վկայ ահարկու կործանմանն սատանայի , զ ՚ի խոր աճեցեալ արմատս մեղացն մեքենայիւս այսու խլեցեր , զմոռացեալ գործոցս իմ պարտիս՝ այս երախտեօք ընդ իս կապեցեր : Ս որ եթէ այլ իմն ձայն բանիդ աստուծոյ անուանեմ՝ նախապատոււմ եկաւորութեն , ոչ սխալեմ քան թէ ճշմարտեմ . ՚ի տկար ամանս այս նիւթոյ հոգէկրի՝ մեծութիւն գործոցդ Յիսուսի առաւելապէս պատմեալ հռչակի . բիւրաւոր օգնականութիւնս վերնապարգևս և քոյինատուրս ՚ի յայսմ անպատասպար ապաւինութենէ երկրականաց զարմանագրեցեր :

Ե . Խոստովանեալ անուենդ անքննին մարգասիրիդ բարեխնամութեան , խնկեալ խորհրդով սրբամասնութեան , անգծագրելի կերպարան լուսոյ , որ կրկնածիր նշանաւս այսու նետս արձակեցեր հեռաձիգս ձայնատրականս օգաչուս և յարմարաթախս ունողս յինքեան հոգի կենդանի , որով անսխալ հանդիպմամբ զնպատակն խաւարային աղեղնաւորին գաղտնութեան յաւէտ կործանմամբ ՚ի յետս ընկճեցեր : Իբր զպատենչս ամրաբերձ բերդամարտութեան կանգնաւորս անվայրարկելիս՝ աստուատ անդանօր զկտեալ դիպուածս այս փայտի զարկման հրեշտակ կամարար թշնամոյն

ներհակ վեր յուղարկեցերս Բանիւ հրամանի մեծիդ ակնարկութեան, օծութեամբ շնորհիդ արեամբ քո խառնեալ զայս եղջիւր խեթկիչ մոլի գոռոզին իբր զխաչիդ փրկանակ յեսանեալ սրեցեր: Ի մեծ ազդմանէ այսր աղաղակի գերքան ՚ի վերնոցն քանդեալ վերացաւ դրանդն ամբութեան կամաց անվայելուչ և ամէներկչոտ խենեշութեան կարճամոլին, ընդ հրէական սրտին իմաստից և ստուերական տանն կործանութեան:

Զ Քառաբանութիւն քեզ վերընծայեմ, անմահ թաղաւոր, զոր արարեր և հաստատեցեր աջուիդ քո հզօր, աղաչեմ զքեզ, կրկին ներդործեա: Անցուցեր սովաւ հերքեալ առ ՚ի մէնջ զխեթ դժնդակ խորամանկութեան բանսարկուին, զտաժանական տապ մեղաց, զհողմն դառնութեան շնչման խաբողին, զտարր արկածից մահու երկիւղի, զառ ՚ի յօդից ցնդմանէ մխասակար բերմունս տխրեցուցիչս, զայսախառն հեծեծութիւնս թալկացուցիչս: Յրուեա վերստին քոյինադէն հեծանաւս՝ օժանդակեալ թեօք նշանիդ՝ զամբս հրածինս, զորտմունս կարկտաբերս, զցաւագին ցոլմունս հրախաւար կեղծաւորութեան փչման բազմոտանի վիշապին, զսուր սատակման, զճակատամարտ դիմեցման, զյարուցելոցն ՚ի վերայ վայրենական խորհրդոց զգիւացն կաբաւս: Յորմէ զարհուրին յայսմ իրէ փոքուէ՝ տեղի տուեալ մեծաւ դողութեամբ, կիրթ իմն ծանօթութեամբ յայանի գիտացեալ, թէ յայս ազգ ձայնի յառնէ տէր ՚ի դատաստանս: Աւ խրախուսին յոգի արութեամբ զրահեալ պնդապէս սուսերաւ հոգւոյն անձարեալ մարտիկք ամենայն ՚ի ձև կանոնի այսր յիշատակի, որ զամենափորձ հրոյն ընտրութենէ: գոչմամբ անկերպագրելեաւ համօրէն ազանց քաբողէ ՚ի յօրինաւոր սապարէզ երջանկաբար նահատակուե:

Եւ Հարաւ անա փող աւագափող, համբարձաւ սովաւ աստուած օրհնութիւն, պատմեցաւ սովիմբ ամենայն երկրի, հնչեաց ՚ի լսելիս բաժանման հեթանոսաց, ձայն պահապանաց մեծին զօրացաւ, բտ բանին Ասայեայ, և ՚ի նոյն

բարբառ առ հասարակ ցնծացուք: Յնդեցան ջրոյն առա-
կաւ ՚ի ձեռն սորին թշնամիք խաչին, անպատուեցաւ ճա-
շակն պողոյ առաջին փայտին, տօնեցաւ նիւթս այս խոր-
հրդական կենաց անուանեալ, անարդեցաւ երկաթ առ ՚ի
պէտս պատերազմի, իբր զսրբութիւն տեսուն ՚ի սանձս ե-
րկաբին մեծին նշանի այս փայտ կենածայն յարմարագրե-
ցաւ, ամփոփեցաւ օծեալս ցպով հովուին երկնայնոյ սուր
իշխանութեան մարդկային ձեռին: Ոչ դժեաց ՚ի քար տա-
ճարին մուրճ ինչ գործողի. իսկ յաստուածակերտս խորան
փայտս այս նուիրեալ ընդ խաչին թեոց սլացեալ զօրէ: Ոչ
՚ի գլուխս ամսոցն և կամ յեօթնիցս եօթներորդս յորելի-
նիցն՝ յանկեան ուրեք խափանմամբ փողէ, այլ ընդ ծագս
տիեզերաց և ընդ ծիրս եզերաց՝ ՚ի ծոցս ջուրց բաղմութե
ծովուց և կղզեաց նոցա յաճախ սաստկութեամբ անարդել
ճայթմամբ իմն լծայնով հնչեցեալ աւետարանէ: Կրտո-
րեցան սուսերք սատակողին այս փայտի ցուցմամբ, յա-
նօգտակարէ անտի մեզ փոխաձևեալ ՚ի խոփս և ՚ի մանգաղս:

Ը. Ոչ արձագանք արձանաց ՚ի խորոց ինչ գանչութենէ
խիտս առաքեցեալ, և ոչ դժնդակապէս ըստ իմաստակի ու-
մեմն օտարի զօղ վիրաւորեալ, ոչ անխորժ սրութեամբ
ընդ ունկն մտեալ և ոչ զաման ուղղոյն անկամակութեամբ
չար թնդեցուցեալ, ոչ ոսկերցն փուշ խրտուցման յանձն
բուսուցեալ և ոչ մտացն այլայլ ապշութիւն առաջի ար-
կեալ, ոչ զանգակ նիւթոյ պղնձոյ դանդաչեցուցեալ և ոչ
քար ընդ վիրգս սալի առանց քաղցրութեան առ նոյն զար-
կուցեալ: Պարփակարան անխորտակելի նորոյս Սիովնի, մի
սա ՚ի սպասուցն կազմուածոց արարչաւանդիցն գլխաւո-
րաց, զոր եկեղեցականքս քրիստոնէից ընդ ղեռականացն
զգուշաւորապէս բարձեալ յանձանձեն. օրինակ ճայնի հը-
րեշտակին, զոր առակողին բան՝ հաւուն կոչմամբ այսու
տեսակաւ զայն տպաւորեաց. նոր գործի շնորհի նուագա-
րանաց աւետարանին՝ զարթուցիչ հոգւոյն այլառեւելչուց-
առ օրհնաբանութիւն սաղմուտ արձցին կազմուրեալ կամբ

Սկզբնապար նախընթացութեան աղէյարմար ջութակաց բարետաւիղ ողբերգարկութեանց՝ բարացուցական բամբուսն բառացի բարառնութեանց . սրինկ նորոգ այլ իմն տեսակաւ առեալ մեզ ընդ հնոյն փոխանորդութեամբ, ոչ հեթանոսօրէն ուրուածայն հնչման և կամ հրէաբար խակախորհութեան, զոր մարգարէն տէրամբ ազդեցոյց՝ ՚ի բաց արա յինէն, այլ զսա սիրեաց և կրկին պատուեաց մաքրական տածմամբ՝ ահարկու դիւաց և ամ չար պատահարաց:

Թ. Լ. և արդ ընկալ օրհնութեամբ յարգեալ դովեատիւ զայս տուր սրբութեան՝ ինձ պահպանութիւն և բո փառատրութիւն, բո պաշտօն և իմ գոհութիւն, անաղանդարուեստ բարձրութեան արարչական փառաւորութեանդ:

Ս՝ օղբ ձայնդ այդ ամբարեալ ընդ պատուաստ յօղիցս շաղկապութեան, հանել ՚ի հոգւոյս զպատիրս դիւաց և զմուտս անիծից և մեղաց ապականութեան: Արասցես լինել զայս իր նշանակիչ ջնար ջահաւորական, անջրելի նամակ, ջատագով անխափանական տէրունական տնօրինականացդ: Ահա պարգևեա սովաւ, բարեգութ, աղաչեմ, հզօր, կրկին մեզ շնորհեա պահպանութիւն ՚ի դիմամարտից յաներևոյթ և յերևելի: Ինձեռեա մեզ, ձեռն ամենալի, որ բանաս և մատուցանես պատրաստաբար բաշխմամբ ՚ի մատունս բազմապիսիս, օղոց քաղցրութիւն, անձրեաց շահեկանութիւն: Պակասեցին քոյով հրամանաւ այսու բարբառով հողմ տապախուն, շնչումն ցաւաբեր, յարձակմունք հինից չար խարդախութեան. սովաւ խափանեցին ամենայն դիմամարտութիւնք զինուորութեանց դժնեայ մատնչին, հալեցին հատցին և մեռցին յերջանիկ ձայնէ օծեալս այս փայտէ որդն և ուտիչ, և ամենայն նմանք սոցին, որ ՚ի մերոց մեղաց զօրացեալ ընդ մեզ պատերազմին: Արմատացո մեզ սովաւ տունն երանութեան զյուսոյդ ՚ի բեզ մեծ պաշտպանութիւն, ստեղծիչ բոլորից, տէր արարածոց, զայս ծառ Սառնի կանեալ ՚ի դիտակ ոստոյն զաւանդ սուրբ ծաղկեալ քե, Բրիստոս, ՚ի

պտուղ կենաց անմահականաց: Փախիցեն յանհուն հեռա-
տան խորին խաւարի՝ այսր փայտի փառաւորելոյ բարեզե-
կոյց ձայնարձակութեամբ՝ նէսարք ներհակք ստապատիրն
ստորնականաց բազմաձեռնեան խարդաւանողաց: Սեր-
ժեսցին սովաւ ՚ի յանդոց պողատոհմական արօրադրութեց
մերոց սահմանաց և ՚ի քո մշակեալ կենդանի երկրէ՝ վէրք
վատնիչք և հոյլք մորմոքեցուցիչք . կտրեսցին սովաւ յա-
ւելուածք կրկնատղեղ և անվայելուչ պատահմանց՝ ՚ի հնա-
րից չարին ՚ի մեզ յայտնելոց . խակապէս վանեսցի սովաւ,
որք յերկաբանչիւրոց բնութեանցս մերոց վերերևին ինքնաս-
տեղծութիւնք մերձաւոր դաւաճանողաց, յուժնմն օտարին
վրիպակ մտածմունս, և յայլումն դարչ գոյութիւնք անմա-
քուր զեռնոցն սպականողաց: Վրկեա, տէր Յիսուս, աղա-
չեմ զքեզ, փրկեա, բարերար . կարկառեա առ իս զաջդ ա-
մենագով, և օգնեալ ինձ սովաւ՝ զերծո զիս յամենեցունց
ընդդիմացողաց:

Ժ . Խառնեսցի միացի հրաման քո ՚ի սոյն՝ առ ՚ի փոխար-
կել զանգամանդեայ սիրտս յիմարեալ՝ ՚ի քոյին բանիդ ար-
դիւնատրութիւն . հարգես միեսցես զայս նեցուկ հրաչից
քումդ սքանչելեաց ՚ի սիրտս ծորեալս և յոգիս լբեալս, և
հաստատեսցես կազմեալ սնդապէս ՚ի կայումն ուղիղ ան-
սասանելի . իսկ զանընդոտն կակղացուսցես զարթնուլ և
զգաստ լինել յոգի հեզութեան անձաւանդ քո պատուի-
րանիդ, որպէս զՎօղոսն և զՄատթէոսն: } իշեցո՝ մարդա-
սէր, պատուեալս այս փայտիւ զերախտիս խաչիդ, որով
զանձառան ներգործեցեր . բարձ յինէն կեցուցիչ, զվտանդ
պարտեացս պանծալի լծակօք ամբառնալեաց նոր տապա-
նակիդ: Բացցին կամօք քո, հզօր, ՚ի յայս ձայն կենաց՝
լսելիք սրտից յամառեցելոց . լուիցեն յայս մեծի բարու-
թեան ՚ի քումդ ակնարկութեան՝ ականջք խլից . պար-
զեսցին ՚ի ձեռն սորին լեզուք համրացելոց . լուսաւորեսցին
՚ի սոյն տեսարանք աչաց, հայել մաքրապէս ՚ի քեզ պշուց-
եալ անայլայլաբար . զըջացին դարձցին կազդուրեալ կամք

յափրացելոց . ընձեռեւ տացես, տէր, տաղնապելոյս անձրեարտասուեաց: Լղիցի քե սա մեզ լուր ցնծութեան, ձայն ուրախութեան, բարբառ բերկրուէ, նուազ հանգստեան, նիւթ երանութեան, պատճառ փրկութեան, առիթ քաւութեան, մերժումն վշտաց, խզումն խեղղմանց, ընդարձակութիւն նեղութեանց, համառօտումն խեթմանց, չալածումն հեծութեանց, թեթեւութիւն թառաջմանց, յապահովութիւն կարեաց, կարգադրութիւն կրից, սիրովութիւն վհատմանց, բժշկութիւն ցաւոց, տեականութիւն հեղզութեանց, ուշադրութիւն անտեսիցն:

ԺԱ . Ի յայս կամուրջ ցանկալի անխոտոր և անխոտորնակ, և ՚ի վերնաշաւիղ բարձրաբերձ սրբահետ սանդուղ երկնաչու, առ հայր քո օրհնաբան ահաւոր անուն ձգեալ մատուցես, բարերար, հողւոյդ առաջնորդութեամբ միանալ ՚ի քեզ անընդմիջելի . որով և սրբոյ միոյ միայնոյ և միանական տէրութեանդ և անեղծ արարչութեդ ՚ի կենդանեաց և յանշնչականաց հաստելոց վայելչական գոհութիւն փառք և իշխանութիւն յաւիտեանս յաւիտենից . ամէն:

ԲԱՆ . ԴԳ

ՎԵՐՍՏԻՆ ՅՅԻԵԼՈՒԵՍԺ ԿՐԿԻՆ ԼԵԾՈՒԹԵԱՆ ԿՈՐԻՆ ՀՍԿՈՂԻ
ԱՌ ԿՈՅՆ ԱՂԵՐՍ ՄԵՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍԲ ԸՆԴ ԱՍՏՈՒԾՈՅ

Աղօթք թարգմանօրէն վասն սրբալոյս խղոյն Միւռոնի:

Ա . ՍՈՒՐԲ ահաւոր անուն բարձրեալ անպատում, անձկութեան փափաք յարախորժելի, ՚ի սրբերգենիցն փառաւորողաց միշտ սրբաբանեալ բնակեալդ ՚ի սրբում, լի և ամենազեղուն բարութեամբ առատաձեռն աննուազելի, լոյս բարի և ծագումն գովելի, երկրպագեալ փառաւորելի,

անհղ և անզննելի, ամեն և յամենայնումս Աստու բանիւ
գաշամբք յուսոյ ուխտ ընդ քեզ միութեան, հզօր, այո,
ամեն, ալէլուիա. գովեալ թագաւոր հանուրց, աստուած
բոլորից, ստեղծիչ դոյից և տէր կամարար, միայն առիթ
պատճառաւորաց, փրկիչ և օծեալ մշտապաշտելի:

Բ. Աստի մեկնապէս թարգմանեալ ՚ի մեզ զայս գանձ
անվաճառ և հարստութի անփոխադրելի, Յիսուս Քրիստոս
արքայ երկնաւոր, որում դողութեամբ մեծաւ սպասեն ան-
մահականացն անհղից լուսաբերան բոցաշնչութիբ, կրկնեալ
քեզ յօժարութեամբ ՚ի հաճութեան անխոտոր մտաց, ծուկր
գոհութեան ստեղծող էութեանց, որ են ՚ի տեսման և ՚ի
ծածկութեան: Ար եսդ և էիր միայն բովանդակ ամենեկին
անպակասելի, առեր զմերս խկապէս համայն, զի ՚ի լութե
քումմէ լցուցես. օրհնեալ և բարեբանեալ, ծանուցեալ
յուէտ միշտ անքննութեամբ ողորմութեամբ մեզ ՚ի փր-
կութիւն, ՚ի փառս և ՚ի գովեստ անձառ բարձրութեան հա-
ւորիդ բարեբարութեան: Ակզբնաձիր օժմանս շնորհի մե-
ծախորհուրդ հրաշագարդութեան. քանզի լոյս քո մեզ ծա-
նուցեալ ճառագայթ անհաս, ծաղումն անսահման, արե-
զակն անաչառասփռ, ասող սահմանիչ երկակշիռ տար-
րութեց, ճրագ ոտից և լոյս հետեմանց, որով ՚իցոյցս խմա-
տից եկեալ տեսութեամբ բանիս այս յարմարութեան, տո-
նեմբ պարերգութեբ հրեշտակօրին յստակամտաբար փրկի-
չավայելուչ կնդրկաւ խնկեալ զպարգևաբաշխ առատա-
տրութի ամենխմատիդ յիւզ զուարթ անբիծ դաւանման:
Քանզի ՚ի սկզբան անդ կապտեցելոյ ողորմելի տխրակա-
նութեբ ՚ի փշմանէ բարձրագոյն շնորհին՝ հայրն իմ սկզբ-
նաստեղծ՝ և հնացեալ յաւէտ մեղացն գերմամբ ՚ի մահ
գրաւեցաւ, կապեալ ընդ եղծման ապականութեան անզերծ
հանգուցիւ, ՚ի ծառոյն պատճառաւորեալ յանկումն անյա-
րիր ամենակործան դլորման, հերքեալ ՚ի լուսոյ՝ այսբ խա-
ւարին վայրի մատնեցաւ. խկ գու, զթած տէր ողորմու-
թեան, քանզի յաւէտ քան զնոյն ծանեար զր ստեղծեր,

և զի չէիցն ակնկալու թեամբ չեկաց յոր ինչ էրն, որով անկարողանայր իսկապէս տեսանել ՚ի լոյսն վերին անմատոյց գերակայութեան անսահմանելոյդ, ոչ մշտափայլ յարակայ վառմամբ անաղօտելի տարածանեցեր, այլ զիշերայնոյն ոտնալսկիրծ մթին արհաւրաց ձեռնկալութիւն ձիթոյ՝ շարամնութեամբ նիւթոյ պատրուկի ընդ նոյն զանգելոյ՝ յօրինակ քո անաստ միութիւն ընդ մեզ խառնելոյ՝ մարդասիրապէս հիւսեալ կազմեցեր. զի որ ՚ի ստուերս մահու տարագրեալ գտաք՝ կանխակորուստ անկոյն պարտեաց, ՚ի պատճառ իրին ազգակցաւ պտղոյն ջահաւորեցեալ հաւատոյն վառմամբ՝ ՚ի նոյնն դարձցուք խնկաւորութիւն. որպէս և փայտին մահու՝ մածմամբ քո ՚ի նա՝ ածեալ մածուցեր զմեզ, առակաւ մեծի խորհրդոյն միաւորեալ ՚ի փայտն կենաց:

Գ. Եւ արդ որպէս ոչ է օր լումամբ առանց գիշերոյ, և ոչ տնօրէնութիւն յարկի առանց ձիթոյ պիտոյից խնդրոյ. քանզի իբր օրինակն հասարակային ոչ նուիրաւոր՝ զմարմնաւոր աչաց տեսութիւն լուսաւոր առնէ, նոյնպէս և մարմնաւոր քոյինաշունչ շնորհին ընտրութեամբ անխմանալեալ զաներևոյթ հողիս միութեամբ ՚ի մեզ անտեսիդ հրաշափառապէս պայծառացուցանէ: () ի որպէս յիջումն լուսարանի սուրբ աւազանին լուացմամբ մարմնոյն զանձինն հաւատամբ առնուլ սրբութիւն, սոյնպէս ՚ի յօծումն իւզոյն պարարեալ յուսով՝ զհոգւոյն զօրութիւն սովիմբ և ՚ի սոյն համարիմբ ունել ամենայնիւ աներկմտելի: Եւ որպէս հրամանդ տէրուհական օրհնաբանելի զքաւութի մեղաց ակտացելոցն նախալճուէիր, իսկ ոչ հաւատ ունողացն առ այն՝ բժշկութիւն հրաշալի յանդիմանակաց անտուստ առ նմին մարմնոյն տեսակի հաւատարիմ վկայ անդարձիցն հաստատելիր, սոյնպէս իւզս այս փրկութեան լուսով կատարեալ հեղեալ ՚ի մեզ օծանէ զարտաքին խորանս. իսկ զներքին մարդս աներևակ ծածկապէս մտեալ՝ նոր կենդանածնէ:

Դ. Պատկեր պանծալի այս զանգուած նիւթոյ արարչիդ երկնի. քանզի որք զիւզոյն կրեցին օգտութիւն՝ որ յողոր-

մուծենէն շահընծայութիւն , և դու 'ի գովեստ քեզ զայս բան սահմանեալ , թէ ողորմած եմ ես տէր . քանզի որպէս սիրոյն անուան կցորդիս աստուած , նոյնպէս 'ի մասնէ և այսու զիջեալ գծագրիս՝ ըստ տնտեսութենն որ առ մեզ : Վեհագոյն մեծութեան խորհրդոյ յարմարաւոր դիմակերպութիւն այս ճարպ պարարտութեան երկրի թանձրութեան հողանիւթ գոյականութեան . զի որպէս սոյն մասն 'ի կենդանւոյն ոչ 'ի կերակուր հրամայւր անդ ըստ օրինին , այլ արարչութեանդ բոլորովին պտուղ որոշւր , նոյն նմանութեւ ևս և աստանօր իբր զգօրութիւն՝ տեառն մատչելի յայս աւանդ հաճութեան էիդ աստուծոյ վայելչապէս տուեալ նուիրի , հոգւոյս հարազատ զուգածանապարհ , արարողիդ պահեալ և ուխտեալ . քանզի ոչ շունչ արեան և ոչ ճենձեր ինչ զուարթութեան օրինակ հոգւոյս իմոյ և կարոյս ընդ անդամաթիւս մտոյն ծախի , այլ արքայութեանդ վերնում վիճակի տէրունական բազմականին ձօնեցեալ ճաշակ՝ այս նիւթ ջահաւորական մշտաբորբոք անաղօտելի :

Ե . Ոչ էր մատչելի 'ի նախագահութիւն արու անդրանիկ դատիչ քննողաց , եթէ ոչ օժմամբ ինչ նշանակէր . ոչ քահանայութիւն 'ի յանկոխելին տեղի ձեռնարկէր , եթէ ոչ այսու կատարեալ լինէր : (} ակոր զքարն պատկեր Վ իմին , 'ի խորհուրդ երկար՝ խորանին ընտրութե , օժմամբն տպաւորեալ կերպացոյց . առ որ զիջումն անձառ բարձրելոյ տեսութեամբ սանդղոցն յարմարութեան , և զիս 'ի վեր տանելոյն անդուղեկցութեամբն , զարձանն իւղեալ կառոյց նպատակ 'ի ցոյցս ապառնեացն յիշատակիս Մհարոնեան քահանայութեանն պայծառութիւն հրամանաւ մեծիդ նոյ օժմամբն ճոխանայր . որով 'ի գլխոյ անտի 'ի մօրուսն զեղեալ գերապառ իւղոյն զարմանազան կենդանագրութիւն , ըստ սաղմոտողին , զփառաց նախնւոյն առակէր զանդրադարձութիւն և զշնորհիդ կենաց սրբութեան ընդ մեզ խառնութիւն թագաւորութիւն ոչ էր պանծալի անդանօր պատկերաւն ստեղծագործիդ , եթէ ոչ եղջերբ իւղոյն օրհնութե ձեռ .

նտղրեալ՝ պսակաւ պճ՛նութեան թաղին յանուն քո , Ք՛ս , գլուխ ամբառնայր : Եւ զհամրդ զնախնին վեհից մտացայ , զծառայն մեծիդ և զկերպարանն անպարագրելոյդ . ոչ ահա Մեղքիսեղեկ յօրինակ ճշմարտիդ ահաւորութեան ՚ի ձիւ թաստանեաց լերինն , ուր յետոյ ոտք մարմնացելոյդ նոյ զետեղեալ կացին , ՚ի վերնոց անտի հրեշտակաց ՚ի պտղոց տեղւոյն իւղեցաւ . ուստի շիրմի սկզբնահօրն պաշտպան եպիսկոպոսական արքայապատիւ ճօխութեամբ ՚ի քէն հանդերձեալ նստաւ , մինչև յայանեցար երևեալ լրմամբ համայն խիութիւն աղամային կենադործութեանդ :

Ձ . Եւ արդ , քանզի քո են շնորհք և քեզ վայելեն գոհաբանութիւնք , օրհնաբանեալ որդի նոյ , դու ինքն յարմարեա բարենշմար տպաւորութեամբ զաղաչանս իւղաւորականս խնկապատարս զմոսալիրս պատճառ քեզ վառաց , և ինձ մեղապարտիս առթ թշկութեան . մատո , տէր Յ՛ս , վիրացս աներևութից զայս ձէթ լուսանիւթ , և արկ ՚ի սոյն խարանս խոցոյ մահացուի զկաթուած օրհնութեան իւղոյդ փրկութեան անապակ գինեաւ սիրոյդ , միութեամբ արարչականաւ պատսպարեալ պատանօք խնամոց . զի յիշատակարանս թարգմանօրէնս բանիս մաղթանաց՝ վայելչական խնն յարմարութեամբ ՚ի թևս հոգւոյդ զկտրդ իւր գտցէ : Ի վերայ Դաւթի հոգի քո , բարձրեալ , յայնմ օրէ խաղաց , յորմէ օծութեամբն նուիրեցաւ . Սաւուղ յայր յայլ և ՚ի մարգարէս ոմանս անտուտ խկ գրեցաւ , յորժամ օծումն ժամանեցաւ գազաթան նորին . արքայութիւնն ասորեստանեայց օծմամբն դրաւեալ մատուցաւ ՚ի կցորդութիւն տանն Իսրայէլի . կայսերս ոմանս նշանաւօրս վեհս և երևելիս ՚ի խժականաց բարբարոս ազգաց իւղս այս կենացնցուղ ցօղով անձրևեալ իբր կարթիւ որսացաւ ՚ի յրնտանութի հպատակութե մեծիդ աստուծոյ . բանն որ առ Ալուրոս երկնաւորին պատուասիրութեան՝ զօժեալն ձայն նովն մեծ վարկաւ . ձայն տաղժոսողին գեր քան զմարգարէութիւն զօժեալն սնուն նախայարմարեաց , կանոնապակ ընդմիջար-

կութեամբ պատուէր աւանդեալ, մի մերձենայք և մի մեղանչէք . առ Հեղիաս առաքելութիւն անձային հրամանատրութեանն , նշանակ իմն հանելոյ ՚ի պաշտամանէ անտի բահազու , զօծելութիւնն ՚ի Քորեբ ազդեաց Յէուայ և Ազայէլի : Իւղ թափեալ անուն փեսայիդ ՚ի հոգելից բանից իմաստնոյն վերավկայեալ՝ կանխաւ իսկ գրեցաւ . որպէս զի հոգին , նայաւտ պատկեր և նշանակիչ , զ՚ի փոքուս զմեծ գերպաղբութիւն քե նկարագրեալ՝ ընդ քեզ միասցուք առմամբ քո շնորհիդ :

Է . Եւ զի՞ ևս երկարս պատուածօրէնս բացականագոյնս գծագրականս և առակաւորս շարագրեցից առաջի վերնոյդ և ահաւորիդ մաղթողական բանաստեղծութիւնս . տէրդ և կենդանարարդ՝ արարիչդ երկնի և երկրի ՚ի յօժմանէ անտի սկսար քարոզել զաւետարանն արքայութեան , վկայեալ անտուստ ՚ի Յովհաննէ՝ օծեալ և գառն աստուծոյ բարձող մեղաց աշխարհի : Օ ՚ի թէպէտ ընդ օժմանն օրհնութեան հոգին էր քեզ իսկաբար լումամբ և անութեանն խառնութի բովանդակապէս , այլ անունն պաշտի խորհրդեամբ շնորհին հրաշափառապէս ազդելոյ ՚ի սուրբսն . զի զստրկութիւն ադամեան մարմնոյն մեծանալ յաւէտ այսու յորջորջմամբ պատրաստ արացես : Բացեալ զառածս մարգարէութեանն Եսայեայ՝ դու ինքն անութիւնդ մարգացեալ ընթերցար , հաւատարիմ առնել զբան ծառայից քոց , տէր . և իբրև ծանուցեալ եղեր օծութիւնն ՚ի կարգ անդ բանին , թէ հոգի տեսանն ՚ի վերայ իմ՝ որով և օժ իսկ զիս , ապա փակեցեր ՚ի հանգիստափառն օծելութեանէ զորքանութի երկաքանչիւրոցն յայտ արարեալ խորոցաւ սահմանի՝ ընդարձակ հեռաւորութեամբ մեծաւ կնքեցեր , զմերս կաթուածով ինչ շնորհազարդեալ , և զքոյդ իսկութիւնն ընդ հօր և ընդ հոգւոյդ հաւասարութեամբ թարգմանեալ : Ի նախածանօթ մերակերպութեն պանծալի իմն գովեստալ՝ օծեալն կոչմամբ ՚ի հրեշտակացդ փառատրողաց արարածոց երկրի ծանուցար : Օ որ մարգարէն կանխաւ գուշակեաց զ՚ի Յորդանան , և

յրնարեալն լեառն Թաբօրական հայրենի ձայնիւ եկառու
րութիւն , թէ որ պատմէ 'ի մէջ մարդկան զօճեալ իւր .
զոր սաղմոսին ձայն կանխաւ պատմէ՝ հզօրիդ փառաց զայս
պատիւ առ 'ի զառեալդ ձեռնադրելոյ, օժ զքեզ աստուած՝
աստուած քո իւղով ուրախութեան :

Ը . Հոգի երեսաց մերոց տէր Քրիստոս . որ է օճեալ ա-
նունդ իսկոյն , որով զփչումն կենդանութեան 'ի դէմս մեր
լոյս բարերարութեամբդ քո ազդեցեր . իմաստութեամբ
ուսման երջանկի՝ մարդասիրութիւն խոստովանելի , ասելով
առ ոմն , թէ եդ վկայութիւն առաջի տեառն օճելոյն . զնոր
աւետեացս վկայելով , թէ կոչիկս անգամ ոչ առ յ յամենայն
մտեղեաց : Արդոցն երգ իւղեփեցական գինի զաստուծով
ծանուցեալ զխորհուրդն 'ի գովեստ հարսին սուրբ եկեղեց-
ւոյս՝ զմուռս առաքինութեան հանդերձ ամենայն առաջին
իւղովն . և ևս զմուռս և կնդրուկ մաքրութեան վարուց
ամենայն փոշեաց անուշից իւղովքն զանդեալ՝ անդատին և
այսր յառաջաբերեաց : 'Կանիէլ զկենսատու մահու քո ,
Քրիստոս Թագաւոր երկնի , 'ի վեր քան զօրինակ կոչումն
ձայնի զայս անուանագրեալ վկայեաց յայտնի , թէ զկնի
վաթսուն և ինն եօթներորդացն սպանցի օճեալն , և օճեալ
առաջնորդ զքեզ յորջոյջեաց : Արագակիր աշտանակն Չա-
քարիայ Աղղովայ՝ որ 'ի Բարեքեայ իւղոյն բարեբաշխ բա-
ցատրութեամբ 'ի մասունս եօթանց առաջադրութեանց
գնդիցն վառելոց՝ 'ի ջահէ անտի զօրութեամբ անկամտա-
բար վիճակաւորեալ , զ'ի քոյդ լրութենէ 'ի մեզ փրկութի
և օճելութիւն գերաբնապէս նախագեկուցեր : () որ ըստ
օրինին անտուստ գուշակմամբ 'ի խորանին որ 'ի տաճարին՝
ամենընդել իմն կրթութեամբ սովորաբար մատուցեալ
լինէր , պանք բաղարջընծայք և նաշիհք իւղովք խառնեց-
եալք , և զուարակք եզանց իւղարկեալք , և տիրական ան-
ուամբ ձայնեցեալք , և հաւուց ոմանց թաթաւմամբ յազ-
գակից ճարպին 'ի յարիւն , այսր խորհրդոյ առ ձեռն տե-
սակք և նշանակիչք յարմարականք քեզ , միածին ծնունդ

օրհնարանեալ մեծիդ աստուծոյ . միայն դու օծեալ նորոգ
և զարմանալի՝ ինքնութեամբ համայն էութեամբ խկապէս
լրմամբ ամենայնիւ անպակասելի :

Թ . Եւ զի՞ ևս իցէ . բազմապատիկս նշանակել առ այս մեծ
խորհուրդ անհասանելի , և ոչ ճաշակել զքեզ , բաղցրութի .
իմանալ . բէ զայս՝ Թէ զի՞նչ իցէ իւղն , եթէ ոչ զտխրութիւն
ի փայտն պարտեաց սովմբ բժշկեալ , ըստ սաղմոսողին , զը-
ւարթ գործեսցես . և զի՞նչ պարարտութիւնն , եթէ ոչ զկե-
րակուրն մահու սովաւ մոռացուք լցեալ ՚ի սմանէ . և զի՞նչ
օծութիւնն , եթէ ոչ զմխրոյն Թշուառ տեսութիւնն ՚ի
ձեռն սորին փոխարկեսցուք ՚ի պայծառութի յաւէժ ու-
րախութեան , անուամբ քո փրկեալ յոգի զօրութեան՝ հօր
անուանեսցուք . և զի՞նչ արդեօք մարգարէին հոգևոր ըղ-
ձականութիւն ամենատենչ բաղձանացն իցէ իմանալ , որոյ
ծերութիւնն առակի ՚ի ձէ՛թ պարարտութեան , և կամ օծա-
նելն իւղով զգլխոյն վերամբարձութիւն , եթէ ոչ զհին
խարդախութիւն սգոյն սաստկութեան ՚ի մահ կործանմանն
կենագործեալ դեղովս այս կենաց՝ պատսպարեալ օժան-
դակեսցես . և զի՞նչ ճրագին լուսաւորելոյ շնորհակալութի ,
եթէ ոչ ՚ի մէջ իմն անյուսութեան մեղացն միգի և կռա-
պաշտութեանն խաւարի՝ կերպակցապէս միութի՞ ՚ի յիս
Եմմանուէլ . և կամ զի՞նչ մարգարէն աստուածաբանեալ ՚ի
սիոփանս զուարթարարս օրհնութեան՝ նշանակ յայտնի
վայելապէս ոմանց աւետէ , օճցին իւղով ՚ի մրրոյ պարզե-
լոյ . և կամ իմաստունն ՚ի դիմաց հարսինն ասէ օրիորդացն ,
հաստատեցէք զիս իւղով և գեղեցկազարդ խնձորով յար-
կեալ ծածկեցէք , և ՚ի պարտէզ իւղենեաց տածեալ գրգե-
ցէք , եթէ ոչ այսր ահա ընտրական նիւթիւ հոգևովդ քո
լցեալ՝ ՚ի սոյն լոյս տեսցուք զանիմանալիդ ՚ի մեզ բարձրու-
թիւն գովեալ . Եւ արդ քեզ , միայն խնամակալ , պատճառ
բարի բնաւից եղելոյ , ձեռն համբառնամ տարածմամբ
բազկացս , երիկամանցս գործակցութեամբ , սրտիս հեծու-
թեամբ , լեզուիս և ջրթանցս ձայնարկութեամբ . լուր ողոր-

մուծեամբ, տէր, պաղատանացս խնդրուածոց առ քեզ կարգալոյս . շնորհաւորեալ այսու պարզեօք՝ գոհաբանութիւն քեզ վերընծայեմ, հզօր ահաւոր բարձրեալ անքննին, անխակ փափաքամբ միշտ համբուրեցեալ, սուրբ սուրբ և միայն միշտ սուրբ, օրհնեալ հանապազ յաւէժ անդադար երգածայնութիւն (Նձեռեա առաւել բարերարութիւն իսպառ վրիպելոյս . տուր յոյս քաղցրութեան՝ ոչ մասին միոյ մատուցման լուսոյ արժանաւոր ինչ հանդիպելոյս, լայնել քե, բարի, զնրբութիւն ծածուկ խորհրդոյս, գրգռութիւն խառնեալ ընդ աղերս՝ ասել ընդ Դաւթի, ընկալաք աստուած զողորմութիւն քո, և զծածուկս գաղտնեացդ անտեսից՝ իմաստութեամբ քով յայտնի արարեր:

Ժ . Եւ արդ մեծութիւն քեզ, ամենակալ առատածեռն աննուագելի, ամենափոյթ առ ՚ի գթութիւն, մշտայօժար ՚ի բժշկութիւն, զի միացուցեր խառնեցեր ընդ մերձաւոր դիւրագիւտ ընտանի նիւթոյս զհրաչս անձառս քումդ ըսքանչելեաց ահաւորութեան: Վանգի զոր երկին ամենայն բարձանց՝ երկրիս լայնութեամբ և անդնդոց ներքնոց խութեամբ՝ ծովուց բազմութեամբ ոչ զօրէ տանել, այլ իբր զգոյզն ՚ի մեծէ բերի, ՚ի փոքր գոյս տեսականեցեր զօրութեամբ՝ սահմանեալ ճշմարտապէս անհրապուրելի . զի մի նորոգ իմն երևելով յայլ էութենէ՝ առ աչս հարեանցի երևականութի ինչ վարկանիցի, վիրաւորել քան թէ բժըկել անընտրաբար զկարծիս մտաց: Վանգի որպէս մարմին քեզ հաւաստապէս, օրհնաբանեալ որդի աստուծոյ, իսկուի և ոչ օրինակ ՚ի յարդեանցն ցորենոյ արարչապէս միշտ հանդերձեցեր, և կայրակ կողիդ զարիւն խաղողոյ, և արգանդ կենաց հոգևոր ծննդեանն զառատութիւն ջուրց յովութեան, նոյնպէս և զհոգի անմահիդ փշման՝ սովաւ և ՚ի սոյն արդիւնատրեցեր . երկունք կենաց՝ որոյ կերպարան յառաջ եկելոյն և ոչ հեթանոսութեամբ է փոխարկութիւն, որպէս ոչ տեսանագրութեան խաչական փայտի ինչ երկրորդուի, նստելոցս յերկրի խաւարի ըստ նմանութեան քո, տէր,

ծաղեցերս Վանդի յայս կերպարան շնորհի զանպակաս լուծ-
թիւն անհասիդ յայտնեալ յաշխարհի լուսաւորեցեր, զի մի
տնանկն կարօտացի և մի ընչեղն բարձրամտեցէ, ըստ օղոյ
հաւասար բաշխման և լուսոյ արեղական տարածման և ջրա-
կան վտակաց զեղման . զի հաւասարապէս բաշխււր երկ-
րածնաց մանանային զուգամանուծք՝ փոքունցն առաւել
քան մեծամեծացն:

ԺԱ. Իսկ այս նիւթոյ տեսաւորութի խորին խորհրդոյ և ՚ի
բնուստ անտուստ հրաշապէս ունի զթարգմանութի. որպէս
զի ոչ երկմխտ ինչ շութափութք անհաստատապէս զտեղի
փոխէ, և ոչ նենգողաբար զբնակութիւն ինքեան լքանէ .
քանզի ոչ վերջնականօք ածառովք հերքի, և ոչ յընդդի-
մակցէ ումէքէ ողողեալ արտաքս ելանէ: Ա՛սան զի որպէս
պատահումն գունոյ յեութիւն մարմնոյ անփոփոխ իմն և
անհրաժեշտ, որ գոլովն գոյացուցանէ և ոչ գոլովն ապակա-
նէ, այսպիսեաւ իմն յարմարութեամբ իւղոյս զօրութիւն
անդատին ՚ի յիւրոյ անտի կերպարան զառեալն ունողի մի-
ասնական զուգութեամբ ընդ մեզ իսկ կցորդեցեր, տեր
Յիսուս Քրիստոս, ընդ իրին գոյի և զօրինակն լծակցելով .
քանզի զանիմանալին տեսութեան աչաց և մտաց ըզձեց ՚ի
դէմս բերեալ կերպաւորեցեր, ՚ի պողոց երկրի ճ՛նշեալ
մզելով զարմանալեօք հրաշագործութեամբ մատակարարիլ
մեզ պատրաստեցեր: Ա՛սնաւանդ զի ոչ յոլովից խառնից
՚ի մի եկեղոց խմբակցութենէ զանազան ծաղկանց, ըստ
հնոյն և ստուերին բազմաբուրեան սյլսյլութենէ, զայս իւղ
օծութեան հրամանատրեցեր, այլ իբր զօրինակ փոխեալ
զայն առ այս՝ գու ինքն խառնեցար ՚ի սոյն մաքրութիւն
վերնալոյս ձիթոյ: Ա՛ր թէ պէտ անձառ են համեղութիւնք
քումդ անուշութեան, և ընդ օրինակաց իրիք ոչ համեմա-
տի, այլ ծաղիկ դաշտի և շուշան հովտաց և նորդոս ընտիր
և եղեգնախունկ խառնեալ հալուէիւ, յարմարութք հոտոյ
քրքմոյ՝ փթթեալ ողկուզոյ և ազնիւ գինւոյ, ոչ սոսկ քան
թէ իւղոյ միութեամբ պատշաճապէս օրինակեցար փա-

առաջորեալ անուշիկ անքննին, որ զամենայն ընուս, և յիրի իմեքէ ամենեկին ոչ կարօտանաս: Աստի ոչ շփոթելովք ՚ի հակառակաց բռնադատութեանց բաժանեալ կամայ մեկին առակի, այլ ՚ի սիրոյ հաւանութենէ: աստուածապէս ՚ի մէնջ պարարիս, վասն մեր ըստմեզ առ ամենայն վայելչական նմանութիւն օրինակեցեալ. առ որս լոյս բարի և հուր ջեռուցիչ, տապ սիրոյ առանց մասին ինչ շնչման անդթական սառնացրտութեան այս զանդուած նիւթոյ կաթուածոյ ձիթոյ մաքուր մտաց տեսեալ իմանի, որով յիրաւի սովաւ ՚ի յաստուած է միանալի: Ինչ Սողոմոնի օծելոյ որգեգրեցելոյ աստուծոյ երգեմ բերանով հարսինն երկնաւոր փեսայիդ բարեբան գոհաբանութիւն, համբուրեալ ՚ի յիզձս մտաց զհոտ իւղոց քոց քան զամենայն խուռնկս, և իբր զբանս կենաց յաւիտենականաց ունողի, ըստ հոգեւոր բանի իմաստնոյն և աստուածաբան աւետարանչին, զհետքո ՚ի հոտ իւղոց քոց ընթացուք լուացեալ զերեսս ջուրքք կենաց, որ ՚ի վեր է քան զերկին օդոյս այսորիկ, և օծեալ զգլուխս անախտական իւղովդ երկնայնով՝ յանդիման եղէց քեզ ուրախութեամբ, զուարթապէս և ոչ տխրաբար:

ԺԲ. Այս իւղ խնկելի պաշտելի և երանելի, ոչ սոսկ օծումն ուղղոյս սենեկի, և կամ հերաց վարսից դադաթան նրպաստ ինչ մատուցանի, եթէ ոչ տէրունական կենսատու խաչիւղ տեսառնադրեսցի: Այն իւղ զարմանահարաչ օրհնութեւ լուսոյ զհրեայն և զխուժն՝ զհնդիկն և զբարբարոսն՝ զսկիւթացին և զելլենացին՝ զդուժն դժնէաբար և զարհաւրատեսակ շանազլուխն սոսկալիթխար, զտէրն ազատ և զբարուկն ծառայածին՝ քրիստոսեան արարեալ, անուամբ քո կնքէ, և հոգւոյդ սրբոյ ընծայէ, և հօրդ երկնաւորի հարազատ որդի հաստատէ: Իագմօրինակ են սովաւ արուեստից տեսմուք յարմարեցեալք նախ նիւթոյն, ապա զօրութենե Քանգի իբր անօթ փայտեղէն մինչև օծեալ իցէ՝ դիւրաբար հերձի և անօդուտ եղեալ անպատուի, նոյնպէս և մարդ ոչ իւղեալ սովաւ՝ հեշտեաւ խորտակի, և մեկուսի

եղեալ առ ՚ի քէն՝ ոչ լուսաւորի։ Ս՝ատն սա քո, Յիսուս, որով զհրաշարիան զարմանադրես. քանզի իբր անգծելի կազմութեամբ կարծր պահպանակաւ՝ ամենապատրաստն շարժարկութեամբ պաշտպանեալ ծածկէ յայլագունակ խրթնի եկամտից. մինչ զի այսու մաքրութեամբ թաթաւեալն ՚ի սմա ոչ ներկի արեամբ, և ոչ տխրատեսակ երկինիւ այլայլիւ՝ Նա զի և թափանցանց իմն խառնութեամբ հոգեպէս ընդ թանձրութիւն մերոյս գոյութեան մտեալ անցանէ. զի թէ անէ՛ծք սաղմոսողին ձիթոյ առակաւ ընդ ոսկերս չարին համայնիւ բաշխի, որչափ և ս հոգիդ սոյն ճարպով լուսոյ զանեւրեոյթ ներքնոյն տեսակս կենագործեալ ողջացուցանէ, ազդումն տուեալ ՚ի խորոց անտի շնչման հագագին՝ մինչև ՚ի սպառուած ծայրիցն եղբրաց զբնաւն ընկղմէ զյիշատակ մարմնոյ մահուն արկածից. քանզի կենդանական զօրութի քո միշտ ահաւոր, տէր Յիսուս Քրիստոս, ՚ի սմին խառնեցեալ՝ ընդ սոյն իսկ բնակէ։

ԺԳ. Լ՝յս օժումն բարետեսիլ և առ բռնամարտիկ մերկամրցանակ ըմբիշս իբր զօրաւոր հնարից կերպարան ճրգնաւորական անըմբռնելի ձեռաց ներհակին օրինօք պաշտի, դիւսոց և ախտից հզօր ահարկու։ Քանզի յոգնապաճոյճ պճնութիւն բանին Եզեկիէլի առ իմանալին Փարաւօն, հենգնաւոր առակագրութբ ողբականօք շարայարմարեալ, յորժամ եղբր, ասէ, և հանդերձեցար ընդ օժելոյ քերովբէին, ուր արձանքն հրեղէնք հաստատեալ կառուցանէ ()րհնաբանեալ ահաւորութիւն ամենալայր ձեռնկալութեան, որ միշտ անձառ ես բանից և դերազանցեալ քննութեանց, որ աւետարանաւն կենաց խնկիս յարակայ իբր նորածին օժեալ ՚ի քաղաքի Դաւթի, և ՚ի քահանայապետին հարցմանէ, դ՞ու ես օժեալն որդի օրհնելոյն, և յերանաւորն դաւանութենէ Վետրոսի օժեալ միայն որդի եց կենդանւոյ, և յապահաւատ քննողացն, եթէ դ՞ու ես օժեալն, ասեն, ասա մեզ համարձակ. և ՚ի կանոնականացն քոց հաւատամբ յօժեալդ ուսուցիչ և տէր ամենայնի. և Հերովդէս

յառաջ քան զօճեալդ անուն յայտնապէս հարցեալ . և զինորդ գրեն, դու իսկ ասացեր, զօճեալն աստուծոյ զտէրն Դաւթի զանսկիզբն որդի՝ ժամանակաւ որդի: Վանզի այսպէս ընկալաք վայելչաբար զայս թարգմանեցեալ, որ ՚ի մեզ բերի ծայրն կատարման խորհրդական կոչմանն՝ վիճակ քրիստոնէից նախապատուութեան:

ԺԴ . Այնքան ունի ահաւորութիւն միանգամայն և սրբութիւն իւղաւորական խնկաւորութիւն սոսկալի անունս օծութեան, մինչ զի որպէս ոչ է համարձակել ուրուք յերկրայնոցս աստուած անուանիլ՝ այլ աստուածային, նոյնպէս ոչ բերէ մարմին զՔրիստոսդ անուն անձին համարել, այլ զքրիստոնեայն. անտանելի նախնւոյն մեծութեան մկրտչին՝ ջուրք զհոգին հրաւիրողին. քանզի չեմ ես, ասէ, օճեալն, այլ առաքեալ առաջի նորա: Աովաւ շրջէին, որպէս բանն ազդէ աւետարանչին Մարկոսի, առաքելականացն լծակցութիւնք, իբր ազգակից հարազատ ձեռինդ աստուծոյ այսու վարեցեալք. քանզի իւղով օճանէին և առանց մարդկային հնարից անուամբ քո բժշկէին: Այսն զի որպէս խաւար ՚ի լուսոյ և ցաւ յառողջութենէ, գիշեր ՚ի տունջենէ և մահ ՚ի կենաց, այսպէս և ՚ի սոյն իրէ տիրապարգէէ: ամենայն չարին երևոյթք մերժին խափանին և բնաւին ամփոփին: Վանզի որպէս ճանճք զազիրք և փոքր զեռունք սարգից և ունկնամտից իբր ՚ի դեղոց մահու յայս նիւթոյ սպառեալ պակասին, սոյնպէս լրութեամբ շնորհի օրհնութեան սոյն իւղ զօրացեալ և զայսս վանէ և զմուրհակս չարեաց ջրէ և զվճիռ մահու պատառէ: Աչ է աւազան կատարեալ առանց օճման օժանդակութե: Աթէ աւազակացն մահու խոցման զմարդն առաջին, այս դեղ փրկութեան մատուցեալ տուաւ. եթէ անձարակ վիրացն Յակոբայ և Խորայել, սոյն իր պատուական յիշատակեցաւ. այս իւղոյ փափաքեալ Դաւիթ՝ իբր ձիթենի պողպից ՚ի տանն աստուծոյ յուսով յարակայի, լքեալ զթլիատութիւնն՝ անդատին զմկրտուէս շնորհ գուշակէ: Աւ զի է ինձ զայսմանէ ճառել, և համայնին

կարծել հասանել , որ և ոչ վերինքն զօրեն ձեռնարկութի
ինչ բանի զսոյն խորհուրդ ՚ի մասնաւորէ ինչ ճառելով նշա-
նակել , թողում ասել՝ թէ յիսկութենէ :

ԺԵ . Վառք քեզ միշտ և յամենայնի , անմահ թագաւոր ,
՚ի յայժմու երգեցեալ օրհնաբանութեանս , զոր արարեր և
կատարեցեր առ իս , բարեխնամ գթած և երկայնամիտ , հա-
րուստ և առատ ամենայաղթող . անդստին ՚ի հարցն գծադ-
րելով զօրինակն՝ մինչև ՚ի լրումն ամեր զիսկութիւնն ճըշ-
մարտապէս : Վու լոյս իսկ բնութեամբ և արեգակն մշտա-
պայծառ , և զաշակերտայն դաս լոյս անուանեցեր , որով զա-
րարածս ամենայն երկրի ճառագայթիւք երջանիկ շնորհի
նոցին լցուցեր : Մեկալար զիւղն անուշութեան յումեմնէ
՚ի յոտս՝ յօրինակ ընդունելութեան մաղթանաց առ քեզ ,
և ՚ի միւսմէ պոռնիկէ ՚ի գլուխ՝ նշանակ սիրոյ գթութեանդ
առ մեզ . մշտափափաք բաղձանօք անսահմանելիդ ՚ի սոյն հո-
տոտեալ , մինչ զի ուխտիւ անփոխադրելեալ օրէնս յարա-
կայս օրհնաբանելիս՝ քոյնճահրաման պատուէրս կենաց ընդ
համօրէն աշխարհ քարոզել զսակաւածեան իւզոյն յար-
գաւորութիւն , զարմանս հրաշից լսողացն առ ապառ-
նեայն յուսադրութիւն : Վուք օծութիւն ունիք զսրբոյն
ասաց երջանիկն առաքելութեանց , մեկնեալ զխորհուրդն
որ ՚ի մեզ զեղեալ յառաւելութենէ կենդանարարիդ ան-
պակաս բովանդակութեան : Ուստի յաւէտ իմն յարմարա-
ւոր և հանդունատիպ առ ՚ի մասնաւորն նմանութի լուսոյդ
և հոգւոյդ սրբոյ՝ այս կաթուած օրհնութեան ՚ի վերնոյդ
բարեբաստութեանց անսպառաբար սրսկեցեալ ՚ի մեզ , և
ասի լոյս , իբր զնախաթիւ գոլ ստեղծուածոց և արարչու-
թեանդ պատկերակից , որով զխաւար մթութեան մեղաց
հալածես . իսկ հուր , զի յամենայն տարր արարածոց հաւա-
սարապէս ունի զուգութիւն ըստ էականին կշիռ բաշխու-
թեան , ծածուկ և յայտնի , լուեալ և ծանուցեալ . և եթէ ոչ
ընդհարցի ՚ի հակառակէն , ոչ յինքնասաստ յօժարմտութենէ
բաղձայ բոլբոլիլ Վարձեալ և օծումն , զի արքայաբար

որդէ գրեալ ընդ քեզ 'ի ժառանգութիւն հօրդ մատուցես ,
 ողորմութեանդ ազգակցաւ նկարեալ 'ի մեզ անեղծանելի՝
 'ի հանդերձեալ փառսն փայլեսցուք . դարձեալ և հոգի , զի
 մարբեալ զարկածս խաբէութեն՝ որ 'ի բանսարկուին ներ-
 գործութենէ , նորոգ փոփոխմամբ հոգւով և ճշմարտութիւն
 հօրդ երկնաւորի երկրպագեսցուք , բեւեռեալ ընդ քեզ
 յուսոյն հաւատովք , ամենապարզեւ :

ԺԶ . Ահա արդարեւ յաւէտ խկապէս իւզս այս լուսա-
 պատար խնկալիր՝ վերնականիդ սիրոյ տեսութիւն Վասն որոյ
 և Պօղոս իսկ պատշաճ վարկաւ 'ի ճառ գոհաբանութեանն՝
 ասելով յայտնի , որ օժ զմեզ ձեօք հանդերձ 'ի Բրիստոս
 Յիսուս՝ աստուած է , որ և կնքեաց զմեզ և ետ զառհաւատ-
 չեայ հոգւոյն 'ի սիրտս մեր . և դարձեալ , մի , ասէ , տրտմե-
 ցուցանէք զհնգին սուրբ աստուծոյ , որով կնքեցարուք
 յաւուրն փրկութեան : Պատկառելի և անվանելի օծութեւս
 յորջորջութիւն՝ իբր 'ի նորումս յաւէտ քան 'ի հնումս .
 քանզի բանն դաւթեան սաղմոսին զտիրական տնօրինակա-
 նացդ սկզբնաւոր կրկնդ խորհուրդ՝ ճշմարտաբար վերա-
 սահմանէ , ժողովեցան կուտեցան իշխանք ժողովրդոց վասն
 տեառն և վասն օծելոյ նորա : Վարդարէութի մեծ տպա-
 ւորեալ զանսրբելի արեանդ պարտիս հրէախումբ չար մո-
 լեգնութեանն՝ որ 'ի տէրդ յանդգնութի , ո՞վ է որ ձգիցէ
 զձեռն իւր յօժեալն տեառն և քաւեսցի . քանզի թէ և
 յազգայնոյն սպանաւ Սաւուղ , այլ ոչ իսպառ մերժեցան
 յամօթ և 'ի նախատինս ազգաց օտարաց , մինչև արեանդ
 աստուծոյ հաղորդեալ գտան : Գրաւական մեծ յիշատակի
 սպառաշնոյն ժառանգութեան աղօթանուէր աղերսարկու-
 թիւն ասել սաղմոսիւն , վասն Գաւթի սիրելոյ քոյ մի դար-
 ձուցաներ զերեսս քո յօժելոյ քումմէ . և դարձեալ , նայեա
 և տես յերեսս օծելոյ քոյ , և արա ողորմութի ընդ օծելոյ քոյ :

ԺԷ . Ղեռնիդ քո , Բ՛ն , երկրպագեալ պարգևատրու-
 թիւն այս հիւթ լուսակիր . քանզի ոչ այլ մեծ բարձրութի
 յարքայութեանն ճոխութեանէ ասէ մարգարէն 'ի դիմաց

քոց , տէր , քան թէ գտի զՂաւիթ ծառայ իմ և իւղով սրբով իմով օծի զնա : Ուստի կիրթ իմն յիշատակաւ զքոյդ համբուրեալ լուսոյ օծութիւն , տէր Յիսուս Քրիստոս , ծանխցուք զքեզ անխտիտս մշտնջենաւորութիւն , թէ դու ես ամենայն և յամենայնի միայն թաղաւոր թաղաւորութեանց , և ճմարիտ օծեալ իւղելոց , փառաբանեալ երկրպագութիւն երեկ և այսօր : Քանզի զոր օրինակ պատրոյկ թացեալ 'ի ճարպում ոչ երևեցուցանէ ինչ նշոյլ՝ մինչև հուրբ լուցեալ վառիցի , սոյնպէս և այս օծութիւն լուսոյ առ 'ի մեզ հեղեալ 'ի հանդերձեալսն ջահաւորի : Այս է կերպարանին մեկնաւոր բացերեութիւն , 'ի նախնեացն և այսր բերեալ բարենշան իմն յարմարութեամբ՝ հրաշասոյց ծառ երանգաւ դունեալ :

ԺԼ . Արդ այսոցիկ պատճառ վերագոյն մասանց կեցուցչաց աստուածականաց արարչութեդ հարազատաց , առանց որոյ ոչ է գրիլ Քրիստոսեան , և ոչ նազովըցի անուանիլ , և ոչ յիշատակիլ յորդիս Յուդայի , և կամ խրախոյս բառնալ յանուն աստուծոյ Յակոբայ , այս հիւթականութիւն օրհնութեան ձիթոյս , յորում սուրբ Երրորդութիւնդ խառնեցեալ միաւորի , ճառագայթ շնորհաց , շուք մերոց դիմաց , նկարագրութիւն երժսաց , բարեձեութիւն պատահմանց , լուսաւորութիւն աչաց , տեառնագրութիւն բբաց , վայելչութիւն այտից , զարդ կերպարանաց , պահպանարան շրթանց , հանդերձիչ կրօնից , յարմարիչ վարուց , շողկապ հաւաքմանց , զօրութիւն անձանց , ուժգնութիւն դիմեցմանց , խափանիչ յուսութից , քակտիչ հմայեկաց , նահանջիչ ձեռնածուաց , խայտառակիչ կախարդաց , գտիչ աղանդից , բռնախոյեան դիւաց , փարատիչ ցաւոց կատարիչ կնքեցելոց , տենչանք երախայից , անգննին արտաքնոց , հիացումն հեթանոսաց , նախանձարկու անհաւատից , մերկացուցիչ գաղտնեաց , յարգանք յետնոց , փառք ստրկաց , պճնումն կանանց , աճեցումն տղայոց , հրձուանք ծերոց , ձեռնադրիչ նուիրելոց , զգուշութիւն մտքոց , սխակ թաղաւորաց ,

Ճոխութիւն արքայից , յառաջադրութի կայսերաց : Վանդի զոր օրինակ աման ինչ կնքեալ՝ նշանակիչ իմն է ներքնայնոցն մեծագնութեան , նոյնպէս բարձրութիւն շնորհին ՚ի մեզ սովաւ ծածկեցեալ յանուն քո , աստուած տէր Յիսուս Քրիստոս , վայելչական իմն տեսակաւ ծանուցեալ նշանակիչ : Իսկ անունն իսկոյն անդատին ՚ի նոյն յորջորջեալ կոչմամբ , ըստ հոգելից արանց իմաստնոց՝ որ յԵզրիպոսացւոց անտի սկսեալ , ՚ի դէմն ածելով զիբին կերպարան՝ ահաւոր խորհրոյ պատկեր :

Սակս սրբալոյս իւզոյն Միւռոնի :

ԺԹ . Վանդի Միւռոնս այս օրհնաբանեալ , զոր մարդարէն կանխաւ լոյս աչաց դրեթէ զսոյն աղերսեալ խնդրէր , ըստ քերթութեանն բառի որ ըստ խորութեանն Հովերոնի , թարգմանեալ իմանի , ինձ մայր . այսինքն է՝ առ ՚ի յինքն ձգող զմերս բնութիւն զօրապէս , և կայուն հաստատել չքնաղ փոփոխմամբ զջուրց լուծականութիւն առ աւազանին լուսաւորութիւն . և իբրև զգեղ մածուցիչ կաթին ՚ի նոյն ինքն յեղանակել զցնդեալս իմ վայրագութիւն , և զաղբերց հեղեղեալ մշտահոսութիւն : Իսկ մառնամուտ՝ որ և այս Միւռոն , ըստ այլում բառի ցուցանի . այսինքն է՝ մթին , որ և խաւարչուտ գոլ և ծածկեցեալ՝ կամ անտեսական . որ և սոյն կոչումն դիմառութեան չէ օտարացեղ . քանզի արդարև յիրէ անտի անունն նշանակի . վասն զի անքննին է այս խորութիւն յաւեւ քան զամենայն սրբութիւն սրբոց : Օ ի ոչ եթէ ջրոյ օրինակաւ զաղտ ինչ լուանայ , և կամ հաղի բնութեամբ զսիրտն հաստատէ , այլ նորոգ իմն յարմարութեամբ ՚ի մասունս ազգողականացն տնօրինապէս տեսանագրի . սակայն անհասութեամբն վերնականաւ և զանունն ունի անքննին : Վանդի որպէս աստուած իսկ և իսկ ՚ի լոյս անմատոյց ասի , իսկ անսահման փառաւորութեամբն յեղանակաւ իմն անբաւութե ՚ի խաւար անզննին ծածկեալ

իմանի , փակեալ արտաքուստ 'ի ձեռնարկութեանց մերոց
 իմաստից , նոյնպէս և այս ծորումն լուսոյ 'ի լեզուաց ու-
 մանց ճարտարաց 'ի ճահ ճեմութեանց դրականապէս ան-
 ուանադրութեամբ մուայլ առ ձայնի , վասն ոչ զօրելոյ երկ-
 լածին բնութեան զիսկն գիտելոյ , իսկ զերկաքանչիւրս
 անձականացն անդստին յինքեան հարստաբար տիրապէս
 ունի . քանզի 'ի կոչումն անուան բարձրելոյն նմանակերպ-
 եալ՝ կրկին մեծանայ իւղս այս նուիրեալ ամենաբուրեան
 ազնիւ կնդրկաւ . վասն զի աստուած մեր հուր ծախիչ է
 ըստ Մովսէսի , և դարձեալ լոյս է ըստ Յովհաննու . ուստի և
 Եսայի ճշմարտապէս զսոյն ակնարկէ , եղիցի , ասէ , լոյսն Իս-
 ռայէլի 'ի հուր :

Ի . Դարձեալ ոյլ իմն կերպացուցանելով զբանս առ 'ի
 նոյն պատկեր յայտնութեան իրի . վասն զի ոչ մոռանամ
 զիմն նողկութիւն՝ որ 'ի գթութենէ մեծիդ քաղցրացաւ՝
 վերստին գովեստիւ օրհնել . քանզի Մեռայ , որ է դառնու-
 թիւն , այսինքն՝ նշանակ իմն յարմարական չարչարաւոր կրից
 տաժանմանց , որ և Միւռոն ստուգաբանեալ մեկնապէս ըստ
 մեզ՝ մեռելութեան ազգականութիւն : Բանդի այսու օձ-
 մամբ հոգեորականաւ խզեալ կամ հատեալ 'ի սնտրիասէր
 մահակերպարան տաղտկազազրական հեշտութեանց հակա-
 ոակողին , որ օղախոնաւ մեղկութեամբ դքնարս ձայնա-
 արական և կամ զարկուած վերածածկութեան մշնարհեստ
 ուժգնաբարբառ խրոխտահնչական կազմուածոյ թմբկիս
 գործականութեան ջրացիր իմն դիջութեամբ անխայելուչ
 թուլադաշնակեալ՝ 'ի ստորև կորստեան քարշէ զօրինակ
 մերս գոյութեան , կապիմք յուսով վերստին դարձեալ ընդ
 անձառ խորհրդոյ խաչի քո , Բրիտոս , մկրտեալք 'ի մահ
 կենդանւոյդ՝ անխաճան կենացդ սովաւ հաղորդիմք , 'ի
 քեզ իսկ աստուած համայնիւ խրախուսեալ խապառ ամե-
 նեին անհատուածելի :

ԻԱ . Ը , յս իւղ զդրօշեալն քառակուսեան յանունքո , Յն ,
 նշանի բարձրելոյդ հաւասար հաստէ . շորհ բնձեռեալ

զուգափառ և նմանատիպ արեան կեցուցչիդ նոյն անվանելի փառօք պսակեալ մեծաշուքանէ: Քայտ անուանի իւղոյ օրհնութեան, ըստ մարդարէին կանխաձայնութե, զի հասարակաց կազմեցեալ բուսոց անտառաց զօրապէս ուղեալ ՚ի խակութենէ չարին արկածից և օտար կարծեաց ՚ի ստեղծողդ վերաբերեալ առ նոյն նիւթս կենաց հասուն ներգործէ: Օ ի և որ ՚ի մեզ մտիցն պատուհանաց մշտաբացիկ թափանցանցութիւնք՝ յանուն մեծութեան ահաւորիդ զօրութե ՚ի խոհական իմն համեստութի քե տեառնագրեցեալ առ ՚ի յղձակերտ օթեման հոգւոյդ՝ անագղբելի պատրանաց չարին խաւարահոլմ խարդախողին, այսու լուսով զսպեալ ամփոփիմք ՚ի նուազ գոհութե երկրորեան պաշտաման ընդ երկնայնոցն զամբարաց՝ առ օրինակ վառման շնորհիդ որ ՚ի մեզ ՚ի սոյն յիշատակ փրկութե բարեացն սուլաւ տնկեցեալ ծագի, և ծաղկաւէտ եղեալ պողածնի, ՚ի սպաս ընթրեացն պատրաստութեան յետնում գիշերի ՚ի մեծիդ գալստեան. ահա զայս լոյս ճրագի համարեալ ՚ի կիր արկանեմք:

ԻԲ. Վարձեալ ըստ գծագրացն գումարութեան քսան և չորիցն շարագրութեան՝ որ յարխափետաց անտի վերաթուի մինչև ՚ի քսաներորդ երկրորդն կարգի, յորում զայս խորհուրդ խորութեան անտուստ թարգմանեալ՝ ճաշակ հեշտալի որոց հաղորդին ջամբել պատրաստեմք ամենակազմ յարմարութեամբ. քանզի յութաներորդէ անտի գրոյ ՚ի չորեքհարիւրն փոխաբերեալ՝ ստուգաբանօրէն քննութեամբ ընդ ձիթոյն անուան նիւթ ճշմարտադրի. որ է կերպարան արդեան խմորոյ յինքն բերողի զզանգուածն զօրեղապէս. որ ոչ սակաւն ՚ի յոլովէն պարագայի, քան թէ ՚ի նոյն իրն դարձուցեալ, ըստ աւետարանական առակին, զամենայն առինքն վերաբերեալ աճեցուն առնէ:

ԻԳ. Այն իւղ հեզութեան միշտ համբարձման և խոնարհութեան օրինակ և նմանութի, առ ոմն կակուղ պատառամատուցեալ ջամբի, հարթակչիւ և բարեյարմար բանի կերպարան. իսկ համայնիցս լուծականաց հոսանուտ և ստու

րաճորելի նիւթից գերափառ վերաշրջական հրաշափառ խորհրդոյ պատկեր . քանզի և յաման ինչ մորթոյ արկեալ ոչ ըստ գինւոյ ձեոյ և կամ ջրոյ թացութեան մեղկէ , այլ ՚ի սահման պատշաճին պահէ : Այսպէս ընկալեալ զքոյոցդ բարեաց անհաւասար առաւելութի , որդի աստուծոյ կենդանւոյ , զսրբանուէր այս օծելութիւն ՚ի ճակատ դիմացս արեամբ քո գրեմք , և ՚ի բնութի շնչոյս հոգւովքո տպաւորեմք , հաւատացեալ խորհրդով մտացս , եթէ յաւետ յայտնեսցի նորոգ փայլեցեալ բազմաճաճանչ ծայրարձակութեամբ ՚ի տարածումն յողնատեսիլ զարմանահրաշ ընդարձակութեան՝ պտուղ իւղոյ ընծայեալ զլոյս ՚ի փառս ապառնեացն հանդերձելոցն : Այս ճարպ հոգևոր երջանիկ և վերնանշոյլ ՚ի դէմս երեսաց իմս պատկերի՝ քու՛մդ նշանաւ ջահաւորեսցի :

ԻԴ . Եւ քանզի իբր անհաս ոչ ըմբռնական այս մեծ զօրութիւն արագ սլացմամբ ՚ի թևս թեթևս մտաց պայմանի , անդր քան զկարծիս ուշոյ իմաստից անհուն հետեման անհետ փախստեան՝ լայն իմն միջոցաւ խապառ որոշեալ , փակեցաւ յինէն , ոչ օրինակեցաւ կցորդաւ , ոչ նմանեցաւ զուգամասնութեամբ , ոչ սահմանեցաւ ձևակերպութի , ոչ կշռեցաւ ընկերին չափով , այլ ահա ընդ աստուածեան խաչիդ նշանի հաւասարութեամբ արեան կեցուցչիդ հոգիապէս գերազանցեցաւ : Եւ արդ օրհնեա զմեզ , տէր , սովաւ և ՚ի սոյն . ևս և անունդ քո ահաւոր , լուսաւոր , երկնաւոր և զարմանաւոր , ՚ի գովեստ փառաց անձառից մաքրակրօնից բուրխաւ խնկեալ , սուրբ , սուրբ , անբննին , անպատում , բարձրեալ , ողորմած , վերերգեալ , ճշմարիտ , բարերար և սուրբ , արա սովաւ փրկութիւն , տուր և քաւութիւն , պարգևեա բժշկութիւն , հանդերձաւորեա շնորհ , առատաձեռնեա երանութիւն : { օծումն այս ձիթոյ երկնանձրև լուսոյ անարատ գտայց . յիւղեալս այս թեզան բանաւորական մի մտցէ և մի գրաւեսցէ տխրականութի աղտոց մեղանաց՝ շաղախել երբէք զոգւոյս կերպարան :

Լ, ղիցի սոյն ինքն որոյ մատչին օժանիլ սովաւ հարսնապա-
 ճոյճ պանծանօք պճնել գեղայօրէն սուրբ վայելչութեամբ՝
 երջանկապէս յողի զարդարեալ Լ, ղիցի հուրս այս լուսա-
 փառ և աստուածաձիր՝ մերձեցելոցն ՚ի սոյն ընտրութիւն
 մուխ կրկնեռաց և բարեփափաք ջերմութեան այլ յօրին-
 ուածոյ , որով ամենայնիւ ամենապատրաստ պնդութիւ՝ ՚ի
 կարծրականումդ անասան վիմիդ յարակայեցեալ միշտ ար-
 ձանացայց ՚ի քեզ հաստատեալ աներկմտելի Լ իցի նշանակ
 վերնամրցանակ այսր պարզեի սովաւ վառելոցն , ոչ ողողիլ
 ջուրբ , ոչ այրիլ հուրբ , ոչ ցրտանալ ՚ի սառնութենէ , ոչ
 մնասակար հողմով շիջանիլ , ոչ աղտեղիլ յուրուական ինչ
 պղծութենէ , ոչ զպահեալսն՝ չարին մատնել , և ոչ ՚ի ստորե
 ելիցն զմթերս գանձուն կենաց յիմարաբար արտաքս հա-
 նել . ոչ անպատսպար մնալ ՚ի թևոց քոյ օգնականութենէ ,
 և ոչ գէացեալն ՚ի մեզ օժութիւն անմաքրապէս ՚ի բաց
 մերկանալ Լ, յլ եղիցուք քե ՚ի սոյն հրացեալ , սովիմբ պա-
 րարեալ , սովաւ լուսաւորեալ , այսու արդարացեալ ազա-
 տացեալ պսակեալ և թագաւորեալ Լ, քեզ միայնոյ միայն
 օժելոյ յամենեցունց օրհնութիւնք երգոց , ալէլուք լեզ-
 ուաց , հնչմունք ձայնից , յաղթանակութիւնք գովեստից ,
 բարեբաստութիւնք շրթանց , սրբաբանութիւք սաղմոսաց ,
 ընդ հօր և հոգւոյդ սրբոյ յաւիտեանս յաւիտենից . ամէն :

Այն իմ ձեռնարկութիւն ՚ի սրբութիւն , և այս արձանագրութիւն
 ՚ի սրբութեանցն սրբութիւն :

ԲԱՆ . ԴԻ

ՎԵՐՍՏԻՆ ՅԱԻԵԼՈՒԱԾ ԿՐԿԻՆ ԷԵԾՈՒԹԵԱՆ ՆՈՐԻՆ ԷՍԿՈՂԻ
ԱՌ ՆՈՅՆ ԱՂԵՐՍ ՄԱՂԹԱՆԱՅ ԲԱՆԻ

Ի ԽՈՐՈՅ ՍՐՏԻՅ
ԽՕՍ-Ք ԸՆԴ ԱՍՏՈՒԾՈՅ

Ա . ԼՍՏՈՒԱԾ . յաւիտենական , բարերար և ամենակալ , ստեղծիչ լուսոյ և յօրինիչ գիշերոյ , կեանք 'ի մահու և լոյս 'ի խաւարի , յոյս ակնուճողաց , և երկայնմտութիւն տարակուսելոց , որ ամենարուեստ իմաստութեամբ քո զարձուցանես յայդ զստուերս մահու , աննուազ ծագումն և անմուտ արեգակն . քանզի ոչ զօրէ ծածկել զփառս տէրութեան քո խաւար գիշերոյ , որում կրկնի ծուճր երկրպագութեան ամենայն եղելոց երկնաւորաց և երկրաւորաց և սանդարամետականաց . որ լսես զհեծութիւն կապելոց և հայիս յաղօթս խոնարհաց և ընդունիս զլինդրուածս նոցա , աստուած իմ և թագաւոր իմ , կեանք իմ և ապաւէն իմ , յոյս իմ և վստահութիւն իմ , Յիսուս Քրիստոս աստուածդ ամենայնի , սուրբդ հանդուցեալ 'ի հոգիս սրբոց , մխիթարութիւն վշտաց և քաւարան մեղուցելոց , որ գիտես զամ յառաջ քան զլինել նոցա . առաքեա զպահպանողական զօրութի աջոյ քո և փրկեա զիս յերկիւղէ գիշերի և 'ի գիւէչարէ : Որպէս զի զխշատակ սոսկալի և սուրբ քո անուանդ միշտ համբուրեալ շրթամբք հոգւոյ ըղձութեան շնչոյ , կեցից պահպանեալ ընդ այնոսիկ՝ որ կարդան զքեզ 'ի բոլոր սրտէ :

Բ . Լա 'ի դրոշմէ խաչի քոյոյ նշանիդ , զոր աստուածային արեամբ քո ներկեալ նորոգեցեր , և 'ի նոյն շնորհ որդէգրութեան զմեզ մկրտեցեր , և 'ի փառս պատկերի քո նրկարեալ յօրինեցեր , այսու պարզեօք աստուածականօք ամաչեսցէ սասանայ , քակտեսցին մեքենայքն , բարձցին

որոգայթքն , պարտեսցին մարտուցեալքն , պակասեսցին զէնքն սայրասուրբ , մերժեսցի մէզն , փարատեսցի խաւարն , մեկնեսցի մառախուղն : Բազուկ քո հովանասցի , և աջ քո կնքեսցէ . վասն զի զթած ես և ողորմած , և անուն քո կու չեցեալ է 'ի վերայ ծառայից քոց : Եւ քեզ ընդ հօր հողւովդ սրբով փառք և իշխանութիւն յաւիտեանս յաւիտենից . ամէն :

ԲԱՆ . ԴԵ

ՎԵՐՍՏԻՆ ՅԱԻԵԼՈՒՍԾ . ԿՐԿԻՆ ՀԵՃՈՒԹԵԱՆ ՆՈՐԻՆ ՀՍԿՈՒԼԻ
ՍՈՒ ՆՈՅՆ ԱՂԵՐՍ ՄԱԼԹԱՆԱՅ ԲԱՆԻ

Ի ԽՈՐՈՅ ՍՐՏԻՅ

ԽՕՍԲ ԸՆԴ ԱՍՏՈՒԾՈՅ

Ա . ԲԵԳԱԿՆ արդար , ճառագայթ օրհնեալ , լուսոյ կերպարան , փափաք անձկութեան , բարձրեալ անքննին , զօրեղ անպատում , բարւոյ բերկրութիւն , յուսոյ տեսուի , դովեալ երկնաւոր , թագաւոր փառաց , Բրիտոս արարիչ , խոստովանեալ կեանք : Եւ արդ զթերութիւն վրիպանաց բազմասխալ ձայնի եղկելոյս ամենազօրղ բանիւ լցեալ մատուցես յաղերս հաճութե հօր քում բարձրելոյ : Եւ վասն իմ 'ի փորձ եկիր անիծից , կերպարանեալ զիմ նմանութիւն , ամենեկն կենաց օրհնութիւն , վերնոց և ներքնոց բարեխնամող տեսուչ համայնից : Օ ի թէ յանձն առեր մեռանիլ վասն իմ , աստուած և տերղ բոլորեցուն , ճրջալի հաճեսցիս առաւել և այժմ վտանգաւորս կրից կարեկցել , ընդ իմ պարտաւորիս միշտ աղօթելով ազգակցաւ մարմնոյդ առելոյ 'ի մէնջ՝ առ համապատիւղ քո հայր :

Բ . Եւ վասն արեանդ պատուականի միշտ մատուցելոյ 'ի հաճութի կամաց առաքչիդ՝ բարձցին վտանգք մեղուցեալ դատապարտելոյս , թողցին պարտիքն , ապաքինեսցի ամօթն ,

մուսացին պատկառանքն , բարեգործեսցին դատակնիքն , սատակեսցին որդունքն , վերացի լալն , հանդարտեսցէ կրօնուն ատամանցն , սպառեսցին ողբքն , հատցին արտասուքքն , մերժեսցի սուգն , հալածեսցի խաւարն , վատնեսցի հուրն սաստկութեան , հերքեսցին տանջանարանքն բազմօրինակք :

Գ . Լ . կեսցեն զթուծիք կամողիդ և պարզեողիդ կենաց ամենից , ծագեսցի լոյսդ , արագեսցէ փրկութիւնդ , հասցէ օգնութիւնդ , ժամանեսցէ այցելութիւնդ , կանխեսցէ ցօղդ ողորմութեան , յառաջեսցէ արբուսցէ զանդաստանս պասքեալ՝ անկեալ ոսկերացս թշուառութիւնք ՚ի վիհն մահու . ծագկեցուսցէ պողաբերեսցէ բաժակդ երկնաւոր արեան կենարարիդ զերկիրս խնամեալ աւուրն լուսոյ , որ անծախապէս միշտ պատարագի յիշատակ կենաց փրկութեան հոգւոց ննջեցելոց : Օ ի ամենայնիւ մահացեալ հոգիս մարմնովս մեղաց՝ շնորհօք քո , զթած , ՚ի քեզ զօրացեալ քե և նորոգեցայց , զատեալ ՚ի մեղաց անմահ կենդանութիւնք ՚ի յարութեն արդարոց , հօր քում օրհնեցեալք ՚նդ որում քեզ փառք , և հոգւոյդ սրբոյ բարեբանութիւն վայելչական դոհութիւնք , այժմ և միշտ և յաւիտեանս յաւիտենից . ամէն :

Վ Լ Խ Ճ Լ Ն

ՔՍ Տ հոլովման ընթացից ամանակաց յառաջ շարժուէ , որ ըստ լրացատարն նշուլագեղն արփիաճաճանչ լուսակիրն օրակշիռն մղտափարատն ակնապարար ականն արևու՝ ըստեղծականն արուսեկի , որ համբարէ հոլովէ կուտէ ամաց յոլովութիւն ՚ի չափս դարուց շնչասպառ և կենդանանորոգ առուղեկան յաւիտենիս , ՚ի յաւարտումն կատարման իննեբեակ յոբելինին , ՚ի սկիզբն պսակելոյ մտի տասնեկին Յաբեթական տոհմիս տումարի , յետ երկց ամաց անցելոց՝ որ զկնի գալստեան ՚ի կայս և ՚ի կոյս կողմանց հիւսիսոյ դիմաց արևելից՝ յաղթող և մեծ կայսերն Հռոմոց Բասիլ , յորժամ ընդարձակ և մակագաւթիթ կանոնաւ սփիռ տարածէր՝ լիասահման և անխտրոց ՚ի ստուարակարկատ կոթողս կարծր արձանաց՝ ՚ի ձգումն ձեռին և յանխզելի լարս պարանաց երկարագունից՝ անթարթափ ՚ի նոյն վերապրացեալ ՚ի յաջ և յահեակ՝ սեպհականեւ յաւելուլ բաժինս մասանց վիճակաց խմբից աշխարհաց ՚ի ծոց իւր . արդ ՚ի յայնմ անդորրութե միջոցի , յորում եզերեալ ընդոտնեցաւ թշնամիք եկեղեցւոյ , ստացեալ հիմնեցի , կառուցի , կարգեցի , կուտեցի , արձանացուցի , դիզի , բարդեցի , կացուցի , ցուցի , հաստատելով ՚ի հրաշակերտութի միագոյ իրի զբաղմաստեղնեան դրուագս դրութե այսմ սոփերի արգասաւորի , ես Գրիգոր կրօնաւոր քահանայ , յետին բանահիւսաց և կրտսեր վարժապետաց , գործակցութե եղբօր իմոյ ընտրելոյ Յովհաննէս կոչեցելոյ՝ Նարեկայ մեծափառ և բարձրապատիւ ուխտի վանականի . որք իբրև զմի մարմինն բանական ՚ի յերկուց առ մի կերպարան շինելոյ դիմաց կենցաղալարելով , ոչ միայն հարազատք , այլ և միաշունչք միակրօնք համապատիւք զուգահաւանք , ՚ի քառից աչաց առ մի և նոյն շաւիղ խորհրդոյ տեսեալք :

Արդ հայցեմք ՚ի ճաշակողացդ յայսմ սեղանոյ յոգնօրէն և ախորժահամ հանդերձելոյ յիշատակել զմեզ ՚ի մաղթանս ուղիւ զրս և ՚ի պատկանաւոր խնդրուածս , սեռն սիրով ՚ի միտս բարիսորով և դուք եղիջիք գրել ՚ի մատեանս կենաց վերին դպրունն :

ԼՄԵՆԱՓԱՅԼ նշողիւք ճառագայթից շնորհաց հոգւոյն
 աստուծոյ՝ լուսապատար սրայծառազարդեալ՝ հրեշտակն ՚ի
 մարմնի սուրբն Գրիգոր՝ էր Անձեացեաց դաւառէ Վաս-
 պուրական աշխարհին . որդի տեառն Խոսրովու Անձեացեաց
 եպիսկոպոսի . ՚ի ժամանակս կայսերութեան Յունաց Վասիլի
 և Կոստանդեաց . յաւուրս Սենեքարիմայ Հայոց արքայի . և
 ՚ի հայրապետութեան տեառն Վահանայ կաթուղիկոսի . Որ
 սնեալ ՚ի կարգ կրօնաւորութեան ՚ի վանս Նարեկայ, որում
 և եղև առաջնորդ, ուստի և հռչակեցաւ Նարեկացի . Սոյն
 սա երկնահանձար վարդապետութեամբ գերափայլեալ՝
 մեկնեաց զՅրգն երգոց Սաղոմոնի . գեղգեղեաց զՃառ-
 խաչին , և զՆերբողեանս ՚ի սուրբ աստուածածինն , ՚ի հա-
 մօրէն գունդս առաքելոց , և ՚ի սուրբն Յակոբ Մըժբնայ .
 և զԲարոզս գանձից : Լպս բանապաճոյճ պերճամանութիւն
 գրեաց զսոյն զԼԵ բանս աղօթից ՚ի խնդրոյ հայցման հարց
 միանձանց , զոր թողեալ մեզ վերջին ժառանգուի անսպառ
 մթերից՝ փոխեցաւ յաստի կենաց՝ վախճանեալ յերիտա-
 սարդական հասակի , ՚ի թուականիս Հայոց՝ ԴՃԺԲ . և ամ-
 փոփեցաւ ՚ի նոյն վանս Նարեկայ . Իսկ յորժամ Սենեքարիմ
 արքայ փոխեաց զտէրութիւնն ՚ի փոքրն Հայաստան , ապա
 և միանձանցն Նարեկայ դիմեալ մերձ ՚ի կողմանս քաղաքին
 Ակնայ և Տիւրիկեայ , շինեցին վանս յանուն Նարեկայ , ուր
 բերեալ հանդուցին զպատուական մարմինն , թէ և այժմ է
 աւերակ , և կոչի ուխտ Արակայ , յորմէ լինին նշանք բժշ-
 կութեան ՚ի փառս աստուծոյ : Որոյ աստուածախօս մաղ-
 թանաց օժանդակութեամբ արժանասցուք զմայլական տե-
 սութեանն աստուծոյ . որում պատիւ . փառաց ճնրադրական
 երկրպագութեամբ յաւիտեանս . ամէն :

1954

450

27

Ա. ՎՈՒՄԱՐՔԻ խմբից դասուց երջանկացն պատուա-
 փրկեն թուրաբեղուն բանիւք գովեստի զսկզբնալոյսն կենաց
 դոյից 'ի կիցս բանից ըղձաձայնութեանց. և որպէս փողովք
 տաւղօք և քնարիւք զգայական սրտի շարժեալ զգործի՝
 զգերազանցեալն 'ի լոյս անմատոյց ուրախութեամբ վերա-
 դրուատեն: Եւ զանձառ արարչութեան հրաշագործ ամե-
 նաստեղծն տէրութիւն օրհնելով՝ պատճառ փառաբանու-
 թեան խկութեան հաստչին զհաստուածոցս առնուն դոյ-
 ութիւն. որպէս և ճշմարիտն բան ցուցանէ, 'ի ստեղծանելն
 ինձ զայս ամենայն, բոլրք զօրաց դասուց երջանկացն օրհ-
 նեցին զիս մեծաձայն, և ամենայն հրեշտակք իմ գովեցին
 զիս: Եւ արդ եթէ հրափայլ և երազընթացն փառաբանչօք
 վերնաթափչ պատգամաւորօք հողիանիւթ և անեղձական
 կենդանեօքն նա օրհնաբանի. որ թէպէտ և նորա վեհք են
 բնակութիւն կայից ստորիցս, և նշոյլ երկրորդ լուսոյ առաջ-
 նոյն, այլ սակայն յոյժ անտեսաբար տալաւորութեամբ առ
 բնութիւն բարի բանին բարձրելոյ բարեզարդաբար բերկ-
 րանօք բերին. և որ գոհաբանի առ 'ի նոցանէ սուրբ անու-
 թիւնն, լայնաձիգ հեռաւորութիւն և ընդարձակ միջոցաւ
 յաւեւ անջրպետ նշուլիւքն ծածկի 'ի նոցունց:

Բ. Վազ զայն որ զանհասն հրեղինաց 'ի հողեղէն յարկն
 պարունակեաց, և զանձառն 'ի սերովքից զգալի մարմնոյ
 յօդիւն պատեաց, և զկերակրիչն դասուց հրեշտակաց կաթ-
 նասուն ստեամբքն զիեցոց, որ երգ պատկանակիր 'ի ճահ
 գովեստից օրհնեալ պատուեցէ: () մարմնարանն անտեսին
 և զճեմարանն մեծին, զտաղաւարն օրհնական և զխորանն
 անձական, զխառնարանն ճաշակման անապական խրախձա-
 նութեան, զսրբարանն մաքրութեան և զընդունակն զգաս-
 տութեան, զնպատակն կուսութեան և զօրինակն երանու-
 թեան, զհարսնարանն անլուծանելի՝ անժամանակականն փե-

օայլի, զընակարանն հաճութեան կամաց անեղն նձուլութեանս
 Օ այսբան փառազարդ շնորհաց ընդունակն և ոչ նոքին
 աստուածութեանն օրհնառաք հրեշտակացն պարբ որպէս
 պարտն է պատուել ժպրհին, թող թէ մարդ երկրային ՚ի կը-
 շիոս չայիոյ բերանոյ հողազանգուածս հիւթոյ մսեղիս մարմ-
 նոյ քանզի անձառութի անհասականաւ վեհագոյն ամենե-
 ցուն փակեալ գտանի . և ոչ զօրեն երկնայինք զարարչին
 անհաս տնօրէնութեանն զանքննին ծնող արժանապէս վե-
 րաբարոզելէ Վանզի թէ ըստ առաքելական ձայնին Պօղո-
 սի, մարդն անձնացեալ ոչ յուժեքէ պատմի, ապա որ զլրու-
 թիւն բանին էութեան աստուածութեն յղայեալ կրեաց
 ՚ի մարմնի զիմորդ զննեսցէ շարժութեամբ շրթանց լեզու
 մարմնեղէն զնա ճանաչել . Օ ի թէ դասք պետութեանց
 անմահից վեհից վերնոյ բնակութեանն՝ եկեղեցեաւս յայս
 խորհուրդ խորին յառեցան, ապա յայտ է թէ մեծ է առ
 նոսա հիացումն սքանչելի գործոյս այսորիկ, քան զհասումն
 երկրաւորացս բանից պատմութեանս .

Գ . Իայց սակայն երգեսցէ բանս որքան զօրեսցէ ՚ի բաղ-
 ձանաց սրտի փափագման՝ նմին ընծայ օրհնառաք փառաց
 տեսչութեան . նա զի թէ երկինք փառացն աստուծոյ լինին
 պատմաբանք, և յանգրէն դարձ տարագրելոյ տոհմին Յու-
 դայի ժողովք ժողովրդոց տեսին զփառս անեղին, ապա
 այժմ յերևիլ բանին ՚ի մարմնի և լինիլ մարմին աղամեան
 կերպիւ, հարկ է յոյժ ճահողապէս՝ ոչ միայն անմարմնոցն,
 այլ և զգայնոցս արժանաբար ըզձականութի հնչել զձայն
 բերկրանաց բարբառոյ բանից օրհնուէց . Վանզի խոնարհս
 այս երկիր եղեալ տիրակիր, գտաւ լծակից ընդ աստուածա-
 կիր երկինն վերին . վասն որոյ խրախուսեալ հոգևորական
 հրձուանօք երկուցն դասուց ՚ի մի խումբ պարու, տօնս
 տարեկանս փրկչին փայլման կատարեն, զգայական սեռս
 եղականաց, և անմարմն դասք հրեշտակաց . յերևելիս տե-
 սականաց, և յիմանալիս ծածկեցելոց . ՚նդ որս և մեք
 կցորդք այսօր եկեղեցի դուստր վերինն յարկի երկնայինն

առաջաստի, պարեմք հոգեպէս տարլմամբ՝ երգելով քեզ ընդ երկնայնոցդ ձայն սրբասաց:

Դ. Սիլ ամենասուրբ արարչընկալ տիրուհի և անձամբին, որ զանտանեւին երկնի բարձրութեան և երկրի լայնութեան, ծովու խորութեան և անդնդոց անհասութեան, զ'ի.քէն մարմնացեալն իսկութեամբ էութեան յորովայն անձուկ սուրբդ քում սենեկի կրել զօրեցեր: Առ որ հայեցեալ երջանկին Յոբայ՝ պատուաբանեաց 'ի ձե առակաց, զանբաւութի մեծին սքանչացուցեալ, յումեմն դիմաց ասելով՝ եթէ չունիմ գնա, և զայլմէ՝ թէ չէ ընդ ինե: Սրում երգակցեալ վեհին Յովհաննու 'ի բանն Յայտնութեան ասէ՝ հիացմամբ. փախեաւ երկին և երկիր 'ի մի սասանութիւն 'ի դիմաց էին, և տեղի ոչ գտաւ. քանզի արդարեւ յաւէտ անձկութեամբ ամիսիին 'ի բերումն բովանդակութեան արարչական բանին հանգստեան: Իսկ դու ընտրեալ 'ի զարմէ և 'ի զանգուածոց մաքուր զաւակի սուրբ աստուածմին, տարար զնա 'ի.քեզ ակորժ հանգստեամբ կամացն հաճութեան, եղեալ երկիր անձնական բանական բուսոյն, և զգայական անդաստան կենացն հացի, և վառարան բորբոքման անչէջ կայծական, և վայր դալարաբեր հայրական ծոցածին ծաղկին, և ծառ երկնուղէջ անթարշամ խընձորին, և գործարան գոյութեան լուսատու մարդարտին, և լեռոն արձանուենակ երկրալիր վիմին, և այդ արփխասկիզքն աստեղն առաւօտին, և յարկ դիտապետին բանական հօտին, և արքայարան լուսակերտ անմահ թագաւորին, և մայր կաթնամատոց բնաւից ստեղծողին, և հարսն սրբուհի հօրն Բրիստոսի:

Ե. Ինդա և ուրախ լեր ձայնիւ երգոցս օրհնութեան քումդ երանութեան բանադովութեան. խրախոցիր և ձայնիւ ողջունի դաբրիւլեան աւետեացն, բերկրեալդ 'ի կանայս, բնակարան արժանաւոր բանին խոնարհութեան, տնկասազարթ մարմնոց աստուածութեանն խառնարան, իւղարան օծելութեան քրիստոսական անունադրութեան. որ նախ քան

զծնանիլ բանին առ ՚ի քէն անթերի լրականութիւն հրեշտակական թեոցն սքողմամբ ցանգ արկեալ պահէիր անաղտ անբծութիւն : Առ որ հաճեալ հաւանութիւն երրորդական փառք անծութեանն , ճանապարհ արար հանգստեան . քանզի հոգին սուրբ եկին ՚ի քեզ յօրինողն անախտ սրբութեան . և բարձրելոյն հօրն զօրութիւն մօրդ հովնացաւ , որդւոյն պատրաստեալ զքեզ ընդունակ : Առ որ բնակեցաւն էակիցն հօր բարձրելոյ՝ էր անժամանակ . և որ յօդաւոր մարմնով ՚ի քէն ծնաւ՝ սկիզբն ունի էութիւն նախ քան զարուսեակ . ուստի և զյօդաւոր մարմնն միակ՝ խառնեաց ընդ անծական բնութեանն իւր անքակ . և սեպհականեաց զաթոռն հօր իւրոյ Գաւթի յաւիտեան , թաղաւորեալ տանս աշխարհի և երկրիս քաղաքի . արկեալ սոցա ուղ ճանապարհի զփայտակերան դործի՝ հանել ՚ի կամարն երկնից տաճարի . և կանգնեաց զխորանն կործանեալ աղամեան մարմնոյն ՚ի նորոգութիւն շինութեան քրիստոսական ուխտին դաշնաւորութեան : Արդ սյսպիսեաց բազմութիւ և բարձրագոյն բարեաց ընդունակ և մատակարար միայն դու մաքուր կուսութեամբ էին խընկարան տիրուհի օրհնեալ սուրբ աստուածածին . քանզի իբրև զճնշումն խառնութեան խնկոց կնդրկի և զմասի ընդ տաշխին և կասխայի բորբոքեալ հրով մաքրութեան , բարդեցեր զծուխ բուրման անուշահոտ սրբութեան ՚ի հոտոտեղիս աստուծոյ և հօր հաճութեան . վարուք մաքրեալ , բարութեամբ լցեալ , հեղութեամբ արձանացեալ , առաքինութեամբ կատարեալ , քաղցրութեամբ աղբիւրացեալ սուրբ աստուածամայր :

Զ ՚ի նդա և ուրախ լեր յարկ անձառ ծնելոյդ ՚ի քէն անեղդ ան , որ ՚ի նմին յորդւոյն քո խնամոց հրաշագորգ փառօք ամբարձար ՚ի կատար աւարտման վերնայինն երկնի լուսապէս , և թեօք թեթևութեան հոգւոյն սլացեալ յիմանախնն վերաչուեցեր ՚ի կայանս հանգչելու : Աստի և զանհասանելին իշխանականս իմացման՝ զանկապտելին զգայուեարտի նկատման վայելու անտեօիցն անձնապէս հոգիապար-

կեալ, զանեղձին փառաց ճոխութիւն քեզ սեպհականեցեր, սուրբ աստուածածին:

Է. Ներբողեալ ես մաքուրդ փայլումն կրող արարչին առաքինութեան, որ որանչեւարուեստ հրաշիւք ներդործեալ քե ՚ի մեզ զփոփոխումն մեծ արգասեաց փառացն ընդ փորուն յեղանակեցեր. քանզի զանհայն մանուկ մայրդ որդեպէս գերագգուեցեր. և ընբռնեալ բարձողաց ձեռացդ բազկօք զանպարագիրն էակ մարդացեալ՝ ՚ի համբոյր հպելոյ մատուցման շրթանցդ ողջագուրեցեր. որում գտաք մեք ժառանգակիցք արբայ հայր զաստուած առձայնել ՚ի ձեռն քումդ միջնորդութեան, սուրբ աստուածամայր:

Ը. Բարեհամբաւեալ ես մաքրութեան շաւիղ նախնիթաց կուսից, որ զլրութիւն ունողն գոյից կարօտաբար կաթամբ լցուցեր, և աչաց մարդկութեան զանտեսն ՚ի մարմնի ետուր նկատել. վասն որոյ զամենայն բերան դոհութեամբ ստացար քեզ օրհնաբանս անձկով տարփման, սուրբ աստուածածին: Նրանեալ ես դու ՚ի լեզուս անբխիս ընտրական շրթանց ծաղիկդ Յեսսեայ պողոյն մեր կենաց. որ ՚ի դրութենէ խառնութե քառից յեղանակեալ տարերաց՝ անկցորդ մնացեր ՚ի մասնէ հողածնելոցս հասարակաց. ոչ բերող ծանրութեան բնակակիր համաստեղծս կարեաց, այլ քրովբէօրէն հրաբերան բղխող նշուլից: Սուտի երագ ընթացիւք հետոց հեռացեալ՝ ՚ի վայրն անմատոյց յարփին վերին ընծայեցար, սուրբ աստուածամայր:

Թ. Խորխացիր յաւէտ հրճուանօք բերկրեալդ ՚ի կանայս, որ դժուարընտել զաստիարակաւ խաչին վարժեալ կրթեցար. որդւոյ քոյ կցորդակցութիւն միատեակն ժուժկալութեամբ կրելով զերաշխեպ վշտաց ճնիցելոյդ ՚ի բէն տեսան՝ մշտաչարչարն մեռելութիւն անձնատոչոր տօթով խորտակեալ. իբրև զորջ անարատ քահանայական նուիրմամբ ՚ի վերայ սիրոյ սեղանոյդ մատեար, ասրաբոյս և ստեաղխակ դեղմաբարձ մաքուր պատարագ. ՚ի ճգնաւորական վարս ողջակիզեալ, բան թէ ՚ի սրոյ հանդէս խողխողեալ: Ս ան

այսորիկ ՚ի նուէր քոյ զենման հրեշտակացն պարք պաշտպանեալ, ընդ առաքելոցն գումար դասակցեալ, զմիայն արժանիդ պատուեալ գովէին, սուրբ աստուածածին:

Ժ. Խրախացիր համայն տարիանօք բերկրեալդ ՚ի կանայս, որ ՚ի կոյս և յանարօր արգանդէ բան բեղմնաւորեցեր՝ ցաւոց անիծից արմատ օրհնութեան, հօրն Ադամայ որդի բերկրութեան: Ս ասն որոյ շնորհ ունելով քեզ օրհնեալքս ՚ի յորդիդ քո վրկիչ աշխարհի, երանեմք քեզ, սուրբ աստուածածին:

ԺԱ. Խրախացիր անբաւ բերկրանօք հարօն լուսոյ ոսկեզարդ զգեստուք պաճուճեալ, որ յօրէնս երկրայինս աղցաւոր կրից՝ զերկնայինն ամենալ մատուցեր, և զաննմանն նրմանեաց մազանգուած ազգի մարդկութեանս ՚ի չափ հասակի գեղոյ դեղեցիկ զստեղն վայելուչ ՚ի լիբանանէ մեզ պարգևեցեր: Ս ստի զպատկեր նախահօրն ՚ի քէն ստացեալ՝ նորոգ հաստատեալ, գոհաբանեմք զ՛ք տիրամայրդ:

ԺԲ. Խրախացիր յողջոյն նախընծայ երկնային աւետաւորին, տաճար սրբափայլ. որ լուսով անականաւ ուռճացեալ լցար, և երկրաւոր մարմնով երկնայնոյն անթու կազմեցար, և արեգակնապէս հոլովմամբ առ արուսեակն երագընթացար: Ս ասն որոյ բացեալ զբերան պառաւոյն ամլածին որդւոյն, օրհնէր զօրհնեալդ ՚ի կանայս սուրբ անածին: Եւ և դու լցեր զտունն Զաքարիայ բարբառոյն գոհուէ, յօրինակ հանրական եկեղեցւոյ, որ է քո միշտ օրհնաբան. զի երանեն ահա յայնմհետէ քեզ ամենայն ազգք ըստ բանի աստուածազգացիկ քում դաւանութե՛ն. սկզբնարար կուսից անարատութեան, ՚ի բերկրեալ ըզոլս շրթանց զուարթնոց միշտ բարեբանեալ սուրբ աստուածածին:

ԺԳ. Բանդի արդ եկեղեցի դասուց անդրանկաց զ՚ի քէն մարմինն ՚ի բանէն անանջատ համապատիւ հօր փառաւորէ յերիս սրբասացս. առ որ հպաւոր քո դողով ահաւօր խորհրդոյդ տեսող՝ զանձառն ուրախութի յաւէտ վայելես: Ս ՚ի զոր նոքա թեապօղելով դիմաց ծածկութիւ ՚ի բացուստ

ակնարկեն , դու յաւելտ համարձակ նմին կաթնաձիր մայր
ցուցեալ ծանուցար , և ՚ի մէջ դաստակաց ձեռաց որպէս
զմանուկ զծերն հին աւուրց զդուանօք ընկալար , եղեալ
կառք անձնաւոր կայից բազմելոյն յաթոռ քրովբէից : Ան
զի ոչ ընդ քեզ միայն , այլ և ՚ի քեզ . ոչ միայն փարեցաւ
բազմեալ , այլ և բնակեցաւ տաղաւարեալ . ոչ միայն միա-
ցաւ ՚ի զանդուած մարմնոյ , այլ և մարդացաւ՝ առեալ ըզ-
կերպարան ՚ի քէն սկսելոյ . ոչ միայն մի զօղեցաւ Քրիստոս
յերկուց գոյութեց , այլ և ընկղմեցաւ յանուպական անօր
էութիւնն մարմնոյն վերբերումն . ոչ միայն միջնորդաւ ան-
ձրնն ընդ հողոյ միաւորեցաւ դիմակ տեսակօք , այլ եռա-
մասն խառնեալ էութեամբք միաւորեցաւ անշիտթելի : Ա ՚ի
որդի մերովս բնութեամբ յաթոռ հօրն իւր աջոյ յերկնա-
ւորացն միշտ պաշտպանեցաւ :

ԺԴ . { } Պաղարս որոյ և մեք երկրաւորքս զմատակարարդ
և զսպասաւոր մեծս խորհրդոյ երանեմք ըզձական երգօք՝
զանժամանակն էութեան երջանիկդ ճնող . որ զամենայնի և
ամենեցուն պսակեալն հողեշունչ երգօք՝ ՚ի քեզ ընկալար ,
ոչ ՚ի մասնէ , այլ ՚ի լութենէ . ոչ հասմամբ , այլ հաստա-
տութեամբ . ոչ բաժանաբար , այլ ամբողջապէս . ոչ փոփոխ-
մամբ , այլ փոխատրութեամբ . ոչ ՚ի ծիրս սահմանի տեղւոյ ,
այլ ՚ի սենեակ լայնատարր ոգւոյ . Քանզի զբերոյն ՚ի կշիռ
ձեռին զերկիր և զերկին տարար յարդանդի . և ոչ միայն ՚ի
տես նկատման աչոց նայեցար ՚ի նա , այլ և շօշափմամբ
ձեռացդ ծանեար . ոչ միայն ողջունեալ զանհուպն շրթանց ,
այլ և ըմբռնեալ . ոչ միայն զննեալ զհասարակաշէն խորան
մարդացեալ բանին , այլ և անուանեալ կոչմամբ Յիսուս՝
զՔրիստոսն աստուծոյ . ոչ միայն ստեամբքդ անուցեր զան-
ժամանակն ըստ աւուրց , այլ և աճման հասակի զնոյն ըն-
ծայեցեր : Օ որ խոստովանի հանրական եկեղեցի զճնեալդ
՚ի քէն աստուած ճշմարիտ՝ ընդ նախեղակ գոյակն միացեալ
՚ի տեսութենէ իմաստից քննութե մեր փակեալ : { } որոյ տիպն
սպասուցի խաբոյն Յակօր ըմբռնեաց զմարտոյցեալն ընդ

իւր պնդապէս , և զանխուլ խորհրդով զաստուածատեանն
անունն ընկալաւ : Այսպէս և որ 'ի քէն ծնեալդ մարմին 'ի
յարգանդ սրբոյդ սննեկի ընդ աստուած խառնեցաւ . և
խաբեալ զԵդոմն մարդկանն թշնամին՝ մարմնով գերազանց
նմին բարձրացաւ . վասն որոյ ոչ տեսող էյ՝ այլ ճշմարիտ
եւ անուանեալ , զամենեսեան յսրայէլ անուն փոխադրեաց :
Սակս որոյ լի բերանով զպաշտպանդ վրկութէ այսմ մեծս
խորհրդոյ՝ երանեմք զտիրուհիդ սուրբ աստուածածինս :

ԺԵ . Սրոյ տեսչութեամբն էյ նախագիծ 'ի ծովէ քարն
պատուական հրափայլ և սպիտակ մարգարտին մաքուր կեր-
պարան գոյացեալ ցուցաւ . Քանզի արդարև դու ես ակն
պատուական 'ի յաշխարհիս ծովէ ընտրութեան , որ զեւթային
հրոյն տարար կերպարան : Ս'ի սրբան մեծ է 'ի քեզդ աւարտ-
եալ խորհուրդ , սրբուհի . զի թէ առածք մարգարէիցն
հոգեկիր յղացմամբ խորայէլի ճնողք ասացան , ապա դու
որ զբանն եւ՛ անճնաւոր՝ հայրենի բնութեանն հպաւոր՝
'ի սննեկի քում մաքրականի մարմնապէս բացածանուցեր ,
զորպիսի արժանապատիւ գովութիւնս ոչ ընդունիցիս : Ս'ի
շնորհաշուք գեղով արփաւոր ծածկութիւ յանմատոյց գե-
ղեցկութենէն պաճոյճ փաղփաղեալ . ո'վ համեստ հեղութ ,
խոնարհ անբժութեամբ , կերպասիւք լուսոյ 'ի հոգւոյն պա-
րաքողեցեալ . ո'վ զարդուք երկնայնովք ոսկեզօծ սրբութ ,
արծաթափայլ մաքրութեամբ , ականակապ պսակ քեզ փա-
ռաց զբարձրելոյն հովանի 'ի գլուխ ընկալեալ . ո'վ քառեակ
մանեկաւ նշուլափայլ մաքուր ուլանցն յեռմամբ , աստուծոյ
հոգւոյ և մարմնոյ խառնմամբ , 'ի մի էութիւն երիցն հիւս-
մամբ 'ի յորդւոյն լանջք սուրբ քո շնորհօք առլցեալ :

ԺԶ . () Բնեալդ միայն 'ի կանայս շրթամբք քահանայ-
ուհւոյ մօր մարգարէին Յովհաննու , փառաւոր և 'ի դասուց
համազարմ նմանացեղիցս ցանկալի երգօք ներբողականս
տաւղօք : () 'ի թէ բանականս մարդոյ գոյութի պատկեր
աստուծոյ 'ի սկզբանն ստեղծաւ , և այսք աղապաւ ստեղծո-
ղին զշնորհս կալաւ , ապա և ստաւել քեզ պարտական եմք

երկրպագութեամբ ունել շնորհ, տիրամայր, որ աստուծոյ
 ՚ի ծառայի կերպարան ստեղծման եղեր պատճառ. առ որ ՚ի
 լուսն աւարտման մարդարեական կտակն հասանիւր, այն
 զոր ասէ, եղիցի ՚ի վերայ առն ձեռն քո, և աջ քո ՚ի վերայ
 որդւոյ մարդոյ ՚ի քեզ խրախուսելոյ: Աջ և կարողութիւնն
 և բազուկն հօր միածինն ՚ի քեզ հանդուցեալ, և զամենայն
 որդիս մարդկան վկայս և երկրպագուս իւր զօրացուցեալ
 ՚ի յսն նկարագիր և կերպարանն հօր գոյութեան ՚ի քեզ
 բնակելովն, սրբութիւն և արդարութիւն լրման աշխարհի
 ընձեռեաց: Ապա յիրաւի և արժանապէս հոգեշարժ քնար-
 իւք զքեզ բարեհամբաւեմք, սուրբ աստուածամբն:

ԺԷ. Ի մարդկային զարմէ հրեշտակ երկնային, յեղծա-
 կանաց սեռիցս անմահ սերովբէ, ՚ի հողային նիւթոյ ոսկի
 Սոբերայ, ՚ի ծովային բերմանց շնորհալոյս մարդարիտ, ՚ի
 յեսեանն բուսոյ քաղցրապտուղ ծաղիկ, ՚ի յաւուրց նախ-
 նեացն ճիւղ օրհնութեան, ցօղոյն հանդարտի ամպ անձրե-
 ւածիր, արևուն ծագման ակն արփիափայլ, մերկացելոյ
 այգոյն աստղ առաւօտի, գիշերային մթոյն խօսնակ բերկ-
 րանաց, օրինի ստուերին տառ ճշմարտաճառ: Ապա որոյ
 իբր զնիւթ գործօնեայ այսբանեաց բարեաց օրհնեալ ես
 դու ՚ի կանայս, նախաստեղծին մերկացելոյ փառք անկապ-
 տելի, վշտացելոյ անխճապարտ մօրն սփոփիչ քաւութեան,
 որդւոց նոցին խռովութեան խաղաղութեան ձայնատու:
 Աւարդ ո՞ր բան բաղդատելով զանհամեմատ քո մեծ ու-
 թիւնդ լիցի կարող գերահռչակել, արարչին մայր, անհասին
 ծնող, անբաւին զրկարան, ամենակալին յանձանձիչ, փա-
 ռազարգողին զգեցուցիչ, վերօրհնելոյն գրգիչ: Ահա յա-
 զագս այսոցիկ ըստ անսուտ քո բանի յիրաւի տացուք քեզ
 երանի, մայրդ Յիսուսի:

ԺԸ. Անխրհեղի դիտմամբ տեսակ լուսալիր աչօք նը-
 կատեալ, կտակ մակագիծ անեղծ պայմանաւ սրձան հաս-
 տատեալ, սահման յարակայ մեծութեան կցորդութեանն,
 երկուց միութեանն անայլայլականի կսոյ պատկանակիր,

վեհին պատկեր կերպիւ կշռորդեալ, թեթև պարզութիւն հիւթիւ բաղկացեալ, տառ տարբերական տողիւ ձևացեալ, տուժար տենչալի անսխալ դրոշմեալ, մատեան մեծութեան շնորհիւ նկարեալ, նամակ ընտրութեւ բանիւք բարդեցեալ, արձան անձնական իմաստիւք զօղեալ, կնիք մատանւոյ տեւրամբ կերպագրեալ: Օ գեստ լուսանիւթ երկնից արքային, օթոց սրբութեան անմահ բնակողին, յարկ վայելչութեան անեղ շինողին, առիթ մարդկութեան բանի անեղին, գործի մարմնութեան վեհին բնութեան, պատճառ պատշաճից անպատկառ ճգնութեանց, օրինակ ուղղութեւ անայլայլակ վրիպութեան, անպակաս աճելութիւն լրման թերութեան, խոկուհի երկնային կենդանեաց դաւառին, մասնակից շնորհ ընկալ հայրական գթութեանն, անպարտակիրն ազգակցութեան երկնիչ վերստին, անամանակն արգանտի ծանուցող ծննդեան:

Թ. Գու զհօրն լուսոյ զորդի հարազատ՝ ՚ի ստորինս կոյս աշխարհի մայրենի կաթամբ ջամբեալ դիեցուցեր, և որպէս թեովք խնայական պահպանութեամբ զպարունակողն պարփակեցեր: Լու զկենցաղոյս ընթացք ընդ լուսազարդ կենացն շաւիղ ձգեցեր, և ըստ նմանութեւ արագման օդային թռչնոյ ՚ի յանցաւորաց աստի փոխեցար, և ՚ի մէջ դասուց հրեշտակաց ունող աստուծոյ յայտնեալ ծանուցար: Լու լուսարփի ամպով առ ՚ի նոցանէ պատուեալ համբարձար, և հողեղէն հաստուած ՚ի քրովբէից աղի հանգուցար, և ՚ի կանանց ազանցն կերպից արուսեկին տեսակաւ տեսար, և զննելի բնութեամբ մարդկայնոյ յանձառաշնորհ խորհուրդ ծածկեցար, և ՚ի ստեղծողէն քո և համայնից հպատակօրէն ձեով պաշտեցար, և հաստողին ծագաց աշխարհի մայր օրինակ անուամբ ձայնեցար, և մեղուցելոյ կնոջն առաջնոյ առանց յանցանաց զաւակ գովեցար, և ամ անբժաց ընտրութեան պսակ սրբուեւ դու դաւանեցար, և իբրև զհանդարտ երկնջ անարատ արարչաւանդ լծոյն մատուցար, և իբր յաւանակ կամաց անբաւին աստուածութեանն հետևեցար,

և 'ի խորոց ծովէ աշխարհի շուշանական շուղօք ամբարձար ,
 և իբր 'ի դժնեայ վշոց խստութեանց յաշխարհիս զբաղմանց
 ծաղկեցար , և իբր 'ի դառն արմատոց երկրի քաղցրածաշակ
 պտուղ յայտնեցար , և Երրորդութեանն անտես թաքնու-
 թեան խորհրդակից սիրոյ կոչեցար , և ծածուկ հաւաքման
 բանին իբր լուսատու ձորձով պատեցար , և անքակ էին տէ-
 բութեան սահման սկսման վերակարգեցար , և 'ի սրբանեալ
 միջոց քո ստեանց զանկէտն 'ի տաշխին ծրար թաղուցեր .
 և 'ի կուսական քում բարունակէ զանձահարարն ողկոյղ հա-
 սուցեր , և միջնորդ կենաց երկոցունց սքանչելւայէս համար-
 ձակեցար , և համոզիչ 'ի խաղաղութիւն մրբկածուփ շարժ-
 մանց կացուցար , և խրախակից վերնոյն բարձրութեան ան-
 կապտելի անուամբ պատուեցար :

Ի Վրդ յայսբանս և 'ի սոյնպիտիս , և յես ընտրելական
 երգս բանահիւսից գերահռչակեալ ես վսեմական վարուց
 նախընթաց և յառաջաշաւիղ սուրբ աստուածածին Վ ասն
 զի որպէս երևեալն 'ի բէն միածին անդրանիկ բնութեանն
 հօր՝ սկիզբն ասի հետեման խաչունակ մահակիր ճգանց ,
 այսպէս երանեալդ և բարեբանեալդ գերօրինակ ցուցման
 տեսակի աստուածակրօն կարգաց ծագեցար : Բ և զան-
 մատոյց հուրն կիզանող անապական ծասքամբ ծախեցար ,
 քե զարագեալն 'ի թեւս օգայինս 'ի քառընթաց կենդանիս
 տեսար , քե զանկցորդն տեսականաց 'ի մարդկային կերպ
 նկատեցար , քե զգովեալ բարձողն մեղաց իբր զգառն
 ճաշակ ընկալաք , քե դատելոյն 'ի չարագործաց որպէս նյ
 ճշմարտի երկրպագեցար , քե զանձանօթն հօր տէրութիւն
 ազգակցապէս օրհնաբանեցար , քե զմութհակ պարտուց
 անիծիցն 'ի յաւազանին ջուր ընկղմեցար , քե զանտեսն
 աչաց հրեշտակաց տղայական տիօք գգուեցար , քե զան-
 սահման բանին բնութիւն 'ի հասարակածին տիպ համբու-
 րեցար , քե զՎրամն նոր հոգեղէն 'ի չափ հասակի առաջ-
 նոյն տեսար , քե զարեգակն արդարութեան կենցաղակից
 մեր կյոյր ստացար , քե զանժամանակ բանին էութիւն՝

սկսեալ ՚ի Ղաւթայ պատմեցաք , քե զանհամեմատն մարդոց պատկերի մեզ նմանատիպ գործով գրեցաք : Արդ այսքանեաց սրբազնա կանմասանցս ճառեցելոց դու միայնակ պատճառ , անարատ կուսից նպատակ կրօնից , տիրամայր սուրբ աստուածամին :

ԻԱ . Քանզի թէ չէր ՚ի քէն աճեալ ուղէն երկնային , ոչ էր պողաբերեալ զանճաշակելին ՚ի շրթանցն մեր հարդրդութիւն . և թէ չէր երևեալ հօրն արդարութիւն ՚ի յերկնից , չէ էր սկսեալ ճմարութեանն ՚ի յերկրէ . և թէ չէր յղացեալ յանխորձականդ քում արդանդի , ոչ էր մարմնացեալ . և թէ չէր յայտնեալ մերով բնութեամբս , ոչ էր շօշափեալ և ըմբռնեալ անհասն իմաստից . և թէ չէր կրեալ ՚ի դիրկ բարձողաց հողեղէն բազկաց , ոչ էր ծանուցեալ . և թէ չէր համբուրեալ երկրաւոր շրթամբք , ոչ էր ճառեցեալ . և թէ չէր հեռեւեալ ՚ի մարդկան ընթացս , ոչ էր քարոզեալ էակն ՚ի յեիցս . և թէ չէր թափեալ իւղն անապական ՚ի վեհագունէն , ոչ էր զմեզ օծեալ . և թէ չէր խառնեալ զմերս ընդ իւրումն , ոչ էր մկրտեալ . և թէ չէր խրատ խուսեալ մարդն ՚ի յերկնայնումն , ոչ ևս էր սրբեալ . և թէ չէր խոնարհեալ բարձրն ՚ի յննտանի փառացն , ոչ էր վերացեալ ՚ի ստորնայնոցս առեցեալն :

ԻԲ . Բայց մարմնացաւ , որբան մարդացաւ . նոյն և յցտնեցաւ , ըստ որում ծանուցաւ . աւետարանեցաւ , ուստի փառատրեցաւ . իսկ մարբեցաւ , որպէս երդեցաւ . իսկ մրկրտեցաւ , որ և վկայեցաւ . նոյն իսկ պատմեցաւ , որպէս ճառեցաւ . իսկ տնանկացաւ , որով ճոխացաւ . իսկ հնազանդեցաւ , որով պաշտեցաւ . իսկ երկրպագեցաւ , որով խոցեցաւ . իսկ կենդանացաւ , որով թաղեցաւ . իսկ սլատուեցաւ , որով պատժեցաւ . իսկ ամաչեցոյց , որով պատկառեաց . իսկ բերկրեցոյց , որով տրտմեցաւ . իսկ զգեցոյց , որով մերկացաւ . իսկ ողջացոյց , որով բեւեռեցաւ . իսկ կանգնեցաւ , որով վտանդեցաւ . և սլացաւ որպէ վերնային , թռեաւ որպէս հողեղէն , ծածկեցաւ որպէս զանքննին , փախեաւ

որպէս զանհաս , 'ի յամսս երկնից եղ զգնացս , գովեցաւ որպէս միածին , բոսորաբուղիս կայլակօք ներկեաւ , անկից վիրացն խոցով հարցաքննեցաւ , 'ի վեհից անմահ հրեշտակացն հաւատացաւ . յաղթող մրցման և մարտի փառաւորեցաւ , դատաւոր արդարակշիռ յամենայն ազգաց վերապատմեցաւ : Քանզի 'ի քէն հիմնադրեաց զսկիզբն մարդեղութեան անեղն իսկութիւն . և յընտրեալ անպատում շնորհէ զայս ամենայն անխոխանորդելի պարզեական ձիրս ընկալաք . և քե ամենայն այս պատրաստութիւն բարեբաստութեան բազմերանեան յուսոյ հրճուանաց մեզ հանդերձեցաւ : Եւ զիմ փառս երանական լուսոյ նշուլից վերնոց և ներքնոց ծածուկ խորհրդոց բազմագովեստ պայծառ յօրինման նոր արարածոց անձառ շինուածոց սուրբ եկեղեցւոյ , 'ի քէն ծնիցելոյ կերպիս մերոյ և բարձրացելոյ անուանն Յսի ծնկովք կրկնելովք մատուցանեմք : Աստի և քեզ բերկրեցելոյդ զտօլորականն օրհնաբանութի բանիս երկրորդեմք :

ԻԳ . () օրհնեալ ես դու 'ի կանայս , գլուխ նոցին պանծանաց , և պայծառ պսակ : Ասակ կուսութեան մաքուր հարսնութեան , պսակ ընտրութեան անխորձ դովութեան , պսակ անեղծութեան , լուսոյ նմանութեան , պսակ շնորհանորդէին ծնելութեան , պսակ երանական բանին հօր մայրուե , պսակ սուրբ պանծանաց կենացն բարձրութեան , պսակ պայծառափայլ վարուց իմաստութեան , պսակ տիրապատուաստ երկնահանձարն գիտութեան , պսակ պիտանական եկեղեցւոյ գեղեցկութեան , պսակ պաշտելութեան Սիովնի նորոյ զարդարման , պսակ յոգնանկար յարիից եօթանց փայլատակման , պսակ առաջնորդական վերնոցն ազգակցութե , պսակ անբժուութեան շաղագն արդարութեան :

ԻԴ . Արդ ամենեցուն վերակարգելոց թուոցս այսոցիկ բնակարան բաղձալի , և երանելի , և ընդունարան ընտրական կամաց անբաւին զքեզ խոստովանիմք երկրաւոր ծնունդքս ստորաստեղծականն Ադամայ . որոց անհամար և անթիւազանց ամրական և պահպանական պարիսպ կառուցար :

Վրանգի յարժանահայց և յամենազօր քոյ բարեխօսութիդ միշտ ապաւինեալ մնամք ՚ի հաստատութեան, խնամեալք և հանգուցեալք ընդ հովանեաւ պաշտպանութեան ամուր պատուարի սուրբ աստուածածնիդ: Պատուար պճնայօրէն ՚ի զանազան մաքրազարդ ականց յարմարեալ. պատուար հրապարտակ անմատոյց ընդդիմողացն հինից. պատուար բուցանշոյլ անհուպ և անհաս մատուցման դժնեայ դրժողաց. պատուար ամենահրաշ ըստ Եզեկիէլի, որ աղխեալ զմեռ քո ճշգրտապատումն գրեանց. պատուար շրջապարիսպ ըստ Դաւթայ, որոյ հիմն անշարժութեան ՚ի բարձրելոյն հաստատեցաւ. պատուար ամրակառոյց քաղաքին վերնոյ ըստ Պօղոսի, որում զհանուրս բնակիչս արարեր: Վրանգի զանձ ծնար ՚ի մարմնի, և զծնունդս մարմնաւոր Սիովնի որդիս արարեր վերնումն հոգեորի: Արոյ աղագաւ օրհնեցաւ արդարդ քո կուտութիւն ՚ի շրթունս նոցին, և խոստովանեցար յամենեցունց մարմնարան և տաճար հօր իսկակցին:

Ի. Ե. Արով արդարապէս ՚ի քեզ ընծայեալ զբան պատմողին, եղեր մեր օգնական և տուն ապաւինի յուղիսից հեղեղաց յաւուր անձկութե. մաքրութիւն կուսից և սկզբնաշաւիղ դասուց երջանկաց, մայր հիմնադրութեան հաստատութե եկեղեցւոյ, և ծնող անարատ բանին աստուծոյ: () քեզ յաւեռ օրհնութեամբ միշտ պսակեմք ՚ի նուիրեալ տեղիս սրբութեան քում տաճարի, և ՚ի թեւս պահպանութե լայնատարած քումդ մաղթանաց ապաւինելով, զձեռս մեր ՚ի սմա տարածեմք. և աներկբայ յուսով հաւատամք ապրիլ Մրդ աղաչեմք ընկալ զերգաբան օրհնութիւն մերումս լեզուի. և հաճեալ տացես սմա զձիրս շնորհաց Սիովնի և Բեթղեհէմի: Աւստի արժանասցուք ընդունել մասն փրկութեան յաւուր գալստեան մեծի յայտնութեան փառաց անեղծի, փրկչին անմահի, քումդ միածնի, միոյն աստուծոյ, տեառն Յիսուսի: Եւ իբր զպատճառ սկզբնաշաւիղ այսբանեաց բարեաց՝ ՚ի սոյն կամարի գեղապճնելոյ զքեզ պատուեսցուք, անժամանակ էին բարձրացեալ ծնող:

ՊԵՆԱՉԱՆՅ չտիոյ կշուման երկրային բնութեան , և բրտլբէականն նախադասութե եղեալ վեհական . սրբուհի պայծառ առագաստ փրկչին Ք'ի , և նորուն խկ տեսաւորիչ վասն մեր . ծունր կրկնեցի արժանապատիւ քումդ պատկերի . հայցեա վասն մեր առ ծնեալդ ՚ի քէն անձ ՚ի մարմնի ՚Բալէից յոգնութիւ մասանց բերկրութիւն , ազգաց և ազանց արմատդ օրհնութեան . ՚ի ծագմանէ փառացն երկնայնոյ անստուեր նշոյլ տարփայլի շողեալ ՚ի ստորինս տեղի . անորիչ հպմամբ մերձաւոր անմատոյց լուսոյ , անձառ խոստմամբ ապառնեացն յուսոյ ՚ի մահու պարտեացն զերծս զառ քեզ ազատան ծասոյքս քումդ որդւոյ :

Ի յերկրաւոր նիւթոյ մարմնաւոր վարուցն՝ երկնայնոցն կրծից եղեր հպաւոր , Մարիամ առիթ տեսութեան նոցին զանզննին որդւոյն կերպարան : Ուստի տեսին զանկէտն լուկեալ , և երանեցին զարմատդ և զպատճառ . յորմէ և մեք հայցեմք զնորոգութիւն կենաց , և պաշտպան զտիրամօրդ ձեռնտուութիւն :

Վիշաւորեալ սցօօր ՚ի քեզ զիմանային փարթամ մեծութիւն . որ սլացեալ հասեր ՚ի բարձունս երկնից , իբր անընդունակ ապականութեան և մահու լուծման՝ մարմին , յորմէ պատկառեաց ամօթով պարտիքն մահու . և ցուցար բնակիչ արժանապատիւ կենդանեաց երկրին՝ տեսաճդ կենակից սուրբդ տիրամայր , արգահատեա միշտ զոզորմութի որոց պանդխտիք ՚ի վիհս ներքին :

Ունող հրձունեաց անթիւ խրախութեց աստուածային անկէտն խոստմանց ՚ի բուրաստանս անդաստանաց տիրահան տնկոյն , որոյ ստեղծեք շառաւիղացն երկրային հնարից գերազանց . անդր մուծցես զքո դաւանողքս , սուրբ տիրուհի մայրդ Յիսուսի :

Բոտեմք ՚ի քէն աղերսիւ բանի , որ ես քաղցրալուր դրաս աշխարհի , մկայն երանեալ և բարեբանեալ , հօրն հաճութի

Հովանաւորեալ . որդւոյն ճնող , հոգւոյն վերընդունող , Եր-
 բորդութեան փառացն տարող . վերանկարեա զառ յաւա-
 զանէն անախտ արգանդէ զկարդացեալս անուն ՚ի գիր մա-
 տենի վերնում դպրոցիդ : Եւ զերգագրութիւն սակաւա-
 մասնեայ այսր դովեստի՝ արձան հաստատեա միշտ անկոր-
 ծան սրբոյդ առաջի . ընծայեալ մարմնոյս զմրաշարս գիծ , և
 զդայական շնչոյս զպատկեր բանիս : Ս ՚ի իբր ՚ի գոյից եր-
 կուց զուգելոց ՚ի մի խառնութիւն միոյ կենդանւոյ , միշտ
 փառաւորեսցիս դու սովին օրհնութեամբ , որպէս անեղծ
 պաշտօնէիցդ օրհնաբանութեամբ : Թեյս ՚ի ձեռն զօրեղ
 քոյին հայցուածոց լիցի մեզ անդատապարտ համարձա-
 կութիւն յատենի մեծ և ահաւոր սուրբ դատաւորին : Եւ
 դոցուք արժանի անբիծ վարուք , և ուղիղ դաւանութիւն
 հաւատոցն հաստատութեամբ հանդիպիլ և անդանօր ըն-
 ծայիւք բանից քումդ երանութեան . փառաւորել ընդ քեզ
 և ընդ քոյսն յանդիման դիմաց պաշտելի և պատկերի քում
 աստուածափայլ և լուսանշոյլ մեծ պայծառութեանդ զէ-
 ութիւն անբակ և անքննելի սուրբ Երբորդութենն ՚ի միում
 տէրութեան և արարչութե : Երում վայելչական պատիւ ,
 և դովեստ անդադար երգոց այժմ և միշտ և յաւիտեանս
 յաւիտենից . ամէն :

Համառօտութիւն աղօթից եռամեծի և քաջ վարդապետի Միլիթարայ
գոչի խոսակրօն ճգնաւորի և բանիրուն հոգեւորի՝ ասացեալ
'ի սուրբ Պատարագին:

Տէր աստուած իմ Յիսուս Քրիստոս բան հօր և կերպարան, կենդանի և կենդանարար, յոյս և փրկութիւն ամենեկուն որ կարդան առ քեզ: Ար շնորհես առաւել քան զարժանն, և տաս խնդրողացն զպիտոյս կարեաց: Օ ի ոչ միայն արարեր և ստացար 'ի վերստին յանցանելն մեր՝ չարաչարանօք խաչի քոյ, այլև միշտ զքեզ ետուր փրկանս կենաց մարդկան: Վ անորոյ մեծ եղև մինչև յերկինս ողորմութիւն քո, և յամենայն երկրի ցուցաւ փառք քո: Եւ այնքան գերազանցեաց պարգևաց քոց նշանակ, մինչ զի ոչ միայն մարդկայինս հիանան ազգք, այլև երկնային զօրքն և առաւել մերձակայքն. ընդ որս սոսկացեալ փառաւորեն անլուրի ձայնիւ ասելով, սուրբ՝ սուրբ՝ սուրբ՝ տէր զօրութեց. զորս և ուսեալ մեր՝ երգեմք 'ի ժամ անմահիդ զնման կցորդելով անմարմնոցն երջանկաց:

Օ ի զառ մեզ զանձառն տեսանելով զխորհուրդ՝ զօրինակ մահուն ճշմարտի, ընդ մեր եղեալ՝ մարդկապէս ընդ մեզ եղանակեն զերդս օրհնութեան: Օ ի եթէ զօրինակն անգիտանան գովասանութեան՝ միայն զսուրբն կարդան զանուն, ուստի զերեսան ծածկեն և զոտն. մեք զո՞ր ասացուք զօրհնութիւն և զգովութիւն, բայց միայն զքեզ օրհնեսցուք սարսափամբ, և հաւատովք մերձեսցուք յանտեսանելիդ և 'ի տեսանելիդ անձառութիւն:

(Օրհնեմք զհայր՝ զառաքող փրկողիդ:

(Օրհնեմք և զհոգիդ սուրբ՝ զկատարիչ և զսրբիչ զգալւոյն օրինակի:

(Օրհնեմք զանիմանալի զքո խոնարհութիւնդ:

(Օրհնեմք և զմեծ քո քաղցրութեան կամսդ:

(Օրհնեմք՝ որ զկենդանարար մարմին և զարիւն քո սուրբ շնորհիցեր մեզ 'ի բաւութիւն:

Օրհնեմք՝ որ հուր աստուածութեան քո՛յ՝ ոչ կիզու զբընութիւնս հողեղէն:

Օրհնեմք՝ զոր ոչ տանին երկինք ամենայն , այլ տանին նիւթական և նուաստական եկեղեցիք:

Օրհնեմք՝ որ նստիս ՚ի բերովբէս , և բազմիս ՚ի սեղան սրբութեան:

Օրհնեմք՝ զոր ոչ ունին երկինք վերին՝ և իննեակ դասք անմարմնոցն , բառնան մատուցք քահանայից:

Օրհնեմք՝ զոր և սերովբէն ունեւեռք մատուցանէր ՚ի բերան մարգարէին . իսկ աստ ձեռամբ բաշխիս հողեղինաց և մատամբք մատչիս ճաշակողաց:

Օրհնեմք՝ որ ոչ գարշիս յաղտեղութէ՛ մարմնական կրից , այլ մարբես սրբութեամբ քով:

Օրհնեմք՝ որ զպէսպէս յանցանսն անտես առնես զազգի մարդկան՝ որք հաւատով ապաւինին ՚ի բեզ:

Օրհնեմք՝ որ միջնորդութե՛ կենարար մարմնոյ և արեան քո՛յ՝ հաշտեցուցանես զհայր քո ընդ օտարացեալս մեղօք , տալով վճիռ անստելի . ոչ ուտողացն և ոչ ըմպողացն ոչ ունեւ կեանս , և ուտողացն և ըմպողացն զբնակին ՚ի բեզ , և զբեզ ՚ի նոսա:

Վանզի տիրապէս մարմին և արիւն քո սուրբ կատարեալ արձակումն է և ազատութիւն ՚ի կապանաց մեղաց:

Օ ի եթէ սուրբք ամենայն առ հասարակ յիշին , և քոյոցդ բարեաց կարօտին , զիմրդ և ոչ ես անկեալս ՚ի շնորհաց և ունայնս ՚ի բարեզարդութեանց:

Օ ի եթէ այժմ ոչ ողորմիս , յորում բացեալ ես զդուռն անձառ ձրից , ե՛րբ տայցես յայլում ժամու . քանզի անկրէպ յայսմ ժամու է առնուլ ՚ի բէն զինդ իրս , որպէս և սուրբք ՚ի քաղցրութեան ժամանակի:

Օ ի եթէ յորժամ ընդհանուր երկինք և երկիր առ հասարակ բարեխօսեն՝ ոչ լես , այլ յորում ժամու զամենեսան ժողովեցից:

Օ ի եթէ մինչ հիանան անմարմնոցն դասք ընդ առաստու

Թիւն պարզեաց քոց , և զօրհնութիւնս մատուցանեն , ոչ
անուամ . յորժամ 'ի կշիռ դնես՝ զիսորդ ընկալայց :

Օ ի եթէ յորժամ դասք հրանիւթիցն գոչեն ասելով՝
ողորմեա քո արարածոց , մասն ինձ ոչ տացի . ընդ որոց այլոց
առից :

Աղաչեմ զքեզ տէր , մի ունայն դարձուցաներ զիս յամե-
նասուրբ երեսաց քոց , անչափ պարզեացդ իշխան :

Յորժամ յարգեալ է իբրև զգետս 'ի լուսնէնէ ծովու մե-
ծիդ պարգևք , ուստի և ինձ կաթիլ մի բաւական է . զի
սական քո անչափ ունի մեծութի , և առաւելեալ է քան
զխորս ծովու :

Օ ի եթէ 'ի ծաղիլ լուսոյ արեգականդ ոչ լուսաւորիմ , 'ի
զիշերի սրպէս պայծառացայց :

Եւ եթէ ձրի բժիշկդ մերձ ես՝ և զգեղդ կենաց ոչ տացես ,
այլ ուր գտից բժիշկ զի բժշկեցայց :

Եթէ յարուցչիդ պատահեալ մեռանիմ , և ո՞ զիս յարուցէ :
Եթէ բնութիւն ճոխացուցիչդ զաղքատութիւնս ոչ բարձ-
ցես , առ այլ ո՞վ երթայց 'ի փարժամաց :

Ինդ խաղաղութեան աշխարհիս զոր շնորհես , տուր և ինձ
խաղաղութիւն յամբոխից կրից . ընդ հաստատութեան եկե-
ղեցոյ՝ հաստատես և զշարժեալ անձինս :

Ինդ քահանայապետաց և քահանայից՝ սարկաւազաց և
գպրաց՝ և ամենայն ուխտի մանկանց եկեղեցոյ պահպա-
նութեան , զօրութիւն քո և զիս ընդ հովանեաւ քով ամբացու :

Ինդ Թագաւորաց և իշխանաց՝ զօրախորաց և զօրականաց
յաղթող և զիս 'ի վերայ աներևոյթ թշնամոյն արացես :
Ինդ ննջեցելոցն հաւատացելոց յիշեա և զիս տէր զմեռ-
եալս մեղօք . զորս 'ի խորոցն հաներ անդնդոց , ընդ նոսին
հան և զիս 'ի չարին բանդէ՝ միջնորդութեամբ կենարար
մարմնոց քոց և արեան , արժանապէս զոհանալ զողորմութի-
քումմէ :

Գոհանամ զքէն տէր՝ որ արժանի արարեր զիս տեսլեան
սուրբ խորհրդոց քոց :

Ղոճանամ՝ զի զսոսկալին և զհաւորն լուսոյց զօրհնութն :
 Ղոճանամ՝ զի զաստուածախօսութի քո լսել արժանացայ :
 Ղոճանամ՝ որ զհոգիս յուսով լցեր , և զսիրտս ուրախութի :
 Օ որ օրհնութիւն կամ զդոճութիւն քեզ մատուցանեմ՝
 աստուած իմ Յիսուս , զի արժանի եղէ կենաց հայելոյ և
 անմահարար բաժակիդ :

Ղիտեմ՝ զի չար է ինձ մերձենայն չարեօք , և տարակուսանք
 հեռանայն . մանաւանդ զի անսուտ սահմանեցեր , եթէ որ
 ոչ ուտէ զմարմին իմ և ըմպէ զարիւն իմ , կեանս ոչ ունիցի
 յանձին իւրում :

Լ՛հա յայտնապէս խոստովանիմ , զի ես մեռեալ եմ , և քեզ
 է յարուցանելն . զի փառաւորեցից զքեզ ընդ հօր քում
 ամենազօրի , և ընդ ամենասուրբ հոգւոյդ Ճմարտի , այժմ և
 միշտ և յաւիտեանս . ամէն :

Լ՛մենակալ ամենախնամ աստուած՝ յամենայնի օրհնեալ .
 որ յամենայնի ես և ամենեցուն անհա՛ս և բովանդակեալ
 պահես զամենայն արարածս՝ զհոգեղէնս և զհոգեղէնս ,
 զաննիւթս և զնիւթեղէնս . զի մահկանացուաց կեանք ես և
 անմահութեան յարամնացութիւն : Իաց զդուռն ողորմու-
 թեան քոյ՝ գթած , և ծագեա լոյս խաւարելոյս : Օ ծան-
 րացեալս բեռամբք մեզաց՝ թեթեացոյ . զսեպեալս աղ-
 տեղեալ կրիւք՝ ապիտակացո . զսառուցեալս յաստուած սյին
 սիրոյդ՝ ջերմացո . զմթացեալս անասնական սահեցմամբ՝
 զգաստացո : Օ ըմբռնեալս ՚ի ծուղակ որսողին՝ մկկեա և
 ազատեա . զմանրեալս ՚ի ժանեաց կերչին՝ կորզեա և կենա-
 դործեա . և զհոգիս խաւարեալ մեզօք՝ անձառ լուսով բով
 լուսաւորեա , և միշտ առ քեզ հայեցո : Օ զերեալ խոր-
 հուրդս ՚ի գերողէն՝ առ քեզ դարձո . զըմբռնեալ կամս ՚ի
 խարդախողէն՝ զերժո . զյօժարութիւնս՝ քաղցրութեամբ
 ՚ի քեզ միացո . զսանական մասն հոգւոյս՝ խոհեմացո . ըզ-
 սրտմտականն արիացո . զցանկականն ողջատահացո , և առ
 քեզ դարձո . զերբս մասունս՝ սրղարութեամբ ամբացո .
 զնսնմացեալ միտս՝ սրայծառացո :

Օ ներտրամադրեալ բնութի բանիս՝ հողւով քո խառնեա . զարտաբերեալս յօգուտ լողաց՝ շնորհօք քո ներկեա . զզգայարանս կարկառման մտացս՝ առ քեզ հայեցո . զզգայութիւն պատուհանացս՝ ազգմամբ քո լցո՝ Տեսանելեացս՝ ցոյց զողորմութիւն քո . լսելեացս լսելի արա զձայն քո . ճաշակելեացս՝ բաղցրացին բանք քո . հոտոտելեացս՝ բուրեցի հոտ կենաց քոց , միշտ առ քեզ պաղատիլ և աղաչել և երկիրպագանել՝ բաղիմամբ կրծից , տարածմամբ ձեռաց , տատանմամբ մատանց , կականմամբ ձայնից , հառաչմամբ սրտից , հեծութեամբ ողբոց , արտասուօք աչաց , յայտնութեամբ գաղտնեաց , խոստովանութեամբ մեղանաց , և ՚ի քէն ընդունիլ թողութիւն սխալանաց , բաւութիւն յանցանաց , հանդիստ փառաց , և զուարճանալ տեսութեամբ աչաց , և վայելել ՚ի փառս երրեակ անձնաւորութեանդ յաւիտենից յաւիտեանս . ամէն :

Տէր Առաքել վարդապետի ասացեալ ներբողեան ՚ի սուրբ Գրիգոր
նարեկացինս :

Լ՚ՐՓԻԱԿԱՆ լոյս երկնային , Յիսուս Քրիստոս հօր մի-
ածին , Լցեր շնորհիւ քո անբնին , զսուրբ Գրիգոր Նա-
րեկացին :

Բրդխեալ աղբիւր անհիւթական , անձառ հոգևորդ անձա-
կան , մեղուցելոց յոյս փրկութեան , յանցաւորաց ազգի
մարդկան :

Գանձ անսպառ անապական , աննիւթ նիւթով շարագ-
րական , զի ողբ առնուն փարթամանան , շահով երկնից
արքայութեան :

Կեղ խոցելոց ՚ի բանասրկուէն , և անջատումն ՚ի չար
ախտէն , մեզ օգնական լինի և զէն , ընդդէմ այսոց նե-
տաձգողէն :

Երանելի տէր սուրբ Գրիգոր , դուռն բացեր մեզ հո-
գևոր , ռահրս ցուցեր մտաց մոլոր , բանիւ քոյին ար-
դիւնաւոր :

Օ արքայն երկնից աջօք տեսար , զհոգին աստուած սուրբ
ընկալար , հօրն լուսոյ ուռ կաշմեցար , յորթն Քրիստոս
պատուաստեցար :

Լին հրրովն մարբեցար , անտես բոցովն վառեցար ,
ընդ աստուծոյ խօսակցեցար , մեղուցելոց ցուցեր դու-
ձար :

Ընտրեալ ծաղիկս ՚ի սուրբ դրոց , հաւսքեցեր ՚ի մի շա-
րոց , դեղ կազմեցեր հիւանդ հոգւոց , պարգևեցեր ձիր
մարդկայնոց :

Թախանձանաց բանս լալագին , բարբառեցար դու ՚ի
խորին , խորտակեցեր զժանկա չարին , զդիւաց դնդին
Լեզէօնին :

Դամանակաւ յետին ցուցար , քան զառաջինսն պատ-
ուեցար , յերեկոյիս լոյս ծաղեցար , քան զմիջօրեայ պայ-
ձասացար :

Իմաստութեամբ քո անքննին , անբիծ վարուքդ խակ 'ի մարմին , եղեր պարծանք տանս Արամին , Ասքանազեանս
Հայկ Արմենինս :

Եւստուորչին համանրման , Գրիգորիոս արթուն անուան ,
զի որք նուխա 'ի լոյս դարձան , ևս առաւել քե ցըն-
ծացան :

Եւսաչեալ մարմնով ընդ Քրիստոսի , զօրհանապազ միշտ
յաղօթի , Գրիգորիոս լոյս գերարբի , լուսաւորիչ մեզ
'ի հոգի :

Օտաղիկ յաշնան ժամ յայտնեցար , անմահութեան հոտ
բուրեցար , Գրիգորիոս ծառ ծաղկեցար , պշտուղ կենաց
պարգևեցար :

Կեանք մեղուցեալ մարդկան ցուցեր , յուսահատից յոյս
կանգնեցեր , Գրիգորիոս բանս երգեցեր , յանցաւորաց
կանոնս եղեր :

Հաղբըն չարին անխրզելի , որ ընդ մարդկան պատու-
տեսցի , Գրիգորիոս սուր երկսայրի , սուրբ աղօթիւքըդ
խորտակի :

Հայնիւ քոյնն հրսկողական , ասնդարամետքն ահիւ դո-
ղան , Գրիգորիոս դու աննման , հողանիւթեայ բնութեանս
մարդկան :

Ղամբարափայլ ճաճանչ փառաց , 'ի դաւառին Ընը-
տունեաց , քան զարեգակն ընդ աստեղաց , նոյնպէս բան
քո ընդ այլ կտակաց :

Ղրբագ եղեալ յաշտանակի , ըստ հրամանի տեսաւն Յնի ,
Գրիգորիոս մարմնով յերկրի , հոգւով 'ի դասս հրեղէն
դընդի :

Մշտահոսան հոգւովն անձառ , յարմարեցեր բանիւ մեզ
ձառ , Գրիգորիոս մըտօք պայծառ , փարատեցեր զմեղաց
մըտայլ :

Յանեղ լուսորդ լոյս կոչեցար , յաշտանակի մարմնոյդ ե-
ղար , եկեղեցւոյ ջահ վառեցար , խաւար հոգւոց դու
լուսարար :

Վախանձաւոր հարանց վարուց , ճգնաւորաց նախնի դա-
սուց , Գրիգորիոս ցանկ խրատուց , բանս խօսեցար վասըն
նոցունց :

Շառաւիղօք բաբունական , առեր շնորհս և դաւազան ,
քարոզ լինիլ որդւոց մարդկան , կոխելով զօձն անդըն-
դական :

Սւրախանան յաւէժական , ազգըս Հայոց Թորգոմական ,
յորժամ լեն զքո խօսեալ բան , որ դեղ կենաց է փր-
կութեան :

Ղարին յաղթեմք քոյին երգով , և զնա ուժդին խոցո-
տելով , զըսպիս մեղաց մեր մաքրելով , քաղցրանուազ
այու զեղով :

Պարուց վերնոցըն հրակերպեան , եղեր մարմնով համա-
նըման , Գրիգորիոս կանգնեալ արձան , լռըտունեաց
ծովն յանդիման :

Պնջեալ ՚ի մէնջ զազարս մեղաց , սուրբ աղօթիւք քո
յոտընկաց , Գրիգորիոս տեղ պարծանաց , ալըն լուսոյ
Հայաստանեայց :

Սեւին կենաց մեզ կազմեցեր , առատապէս մեզ բաշ-
խեցեր , Գրիգորիոս կոչ արարեր , զքաղցեալս հոգւով
կերակրեցեր :

Սուրբ և մաքուր բանից քոյին , այլասեօից ազգ ցան-
կային , եռափափազ սիրով եկին , և գծագրեալ առեալ
զնացին :

Սըչտացելոց դու մխիթար , և նեղելոց անդորրարար ,
տէր սուրբ Գրիգոր հայր բարերար , այսահարից զեղ
և հընար :

Տաղանդ շնորհաց զոր ընկալար , բաղմապատիկ զայն շա-
հեցար , Գրիգորիոս կատարեալ այր , սատուածութեանն
կամարար :

Րամից ստեղծչին դու խօսակից , ճգնաւորաց աղօթա-
կից , վարդապետաց հանուրց վարժից , Գրիգորիոս պետ
բաղձալից :

Յնձան մանկուհի սուրբ Հաւատոյ , ընդ լուսակիր անո՞
թըս քօ , Գրկոորիտս դու սիւն լուսոյ , Հայաստանեայց
եկեղեցւոյ :

Իլւանդ Հողւոցս մտորկային , բարեխօսեա տեառն Յի-
սուսին , սուրբ աղօթից քոց կցորդին , բանք տիրամօր
աստուածամանին :

Փայտըն կենաց օրբոյ խաչին , և ձայն օրբոյ Սարապետին ,
Ստեփաննոսին՝ սուրբ Գրկոորին , յորդիս լուսոյ զմեզ
ձնողին :

Վե ըզ-Քրիստոս փառաբանեմք , ընդ հօր Հողւով երկրք-
ազազեմք , Երրորդուձեանն փառս վերերդեմք , աստուա-
ծուձեամբ մի դաւանեմք :

ԷՒԵՏԵՐԵՆՔ ԲԺՇԿՈՒԹԵԱՆ

Մերոյ Աւետարանիս Յիսուսի Քրիստոսի որ ըստ Մատթէոսիս

ՏԵՐՆ ՄԼԻ ՅԻԱՌԻՍ ԲՐԻՍՏՈՍ

Եւ շրջէր Յիսուս ընդ ամենայն կողմն Գալիլեացոց . ուսուցանէր ՚ի ժողովուրդս նոցա՝ և քարոզէր զաւետարանն արքայութեան , և բժշկէր զամենայն հիւանդութիւնս՝ և զամենայն ախտս ՚ի ժողովրդեանն : Եւ ել լուր նորա ընդ ամենայն երկիրն Ասորոց , և մատուցին առ նա զամենայն հիւանդս՝ որ նեղեալ էին ՚ի պէս պէս ցաւս և ՚ի տանջանս , և զգիւահարս և զուսնոտս և զանդամարոցս . և բժշկեաց զնոսա : Եւ երթային զհետ նորա ժողովուրդք բազումք ՚ի Գալիլէէ և ՚ի Գեկապոլեաց և յԵրուսաղէմէ և ՚ի Հրէաստանէ , և յայնկոյս Յորդանանու , և բժշկեաց զնոսա :

Եւ իբրև էջ ՚ի լեռնէ անտի , զնացին զկնի նորա ժողովուրդք բազումք : Եւ ահա մատուցեալ բորոտ մի , երկիրպագանէր նմա , և ասէր . տէր , եթէ կամիս՝ կարող ես զիս սրբել : Չգեաց զձեռն իւր և հասոց ՚ի նա Յիսուս՝ և ասէ . կամիմ , սրբեաց . և վաղվաղակի սրբեցաւ ՚ի նմանէ բորոտութիւնն : Եւ ասէ ցնա Յիսուս , զգոյշ լեր՝ մի ումք ասիցես . այլ երթ ցոյց զանձն քո քահանային . և մատո ըզպատարագն , զոր հրամայեաց Մովսէս , ՚ի վկայութի նոցա :

Եւ մտեալ ՚ի Կափառնաում , մատեաւ առ նա հարիւրապետ մի , աղաչէր զնա , և ասէր . տէր , մանուկ իմ անկեալ կայ ՚ի տան անդամարոց՝ չարաչար տանջեալ : Եւ ցնա Յիսուս . ես եկից՝ և բժշկեցից զեա : Պատասխանի ետ հարիւրապետն և ասէ . տէր , շեմ բաւական՝ եթէ ընդ յարկաւ իմով մտցես . այլ ասա բանիւ , և բժշկեցի մանուկն իմ : Քանզի և ես այր մի եմ ընդ իշխանութեամբ , ունիմ ընդին և զինուորս . ասեմ սմա երթ՝ և երթայ , և այլում թէ եկ՝

և դայ , և ծառայի իմուճ թէ արա զայս՝ և ասնէ : Իբրև
 լուա Յիսուս՝ զարմացաւ , և ասէ ցայնոսիկ՝ որ զհետն
 երթային . ամէն ասեմ՝ ձեզ՝ և ոչ յարայելի այսդիսի հա-
 ւատս դոի երբէք : Բայց ասեմ ձեզ , զի բազումք յարե-
 ւելից և յարեմոից եկեսցեն՝ և բազմեսցին ընդ Յերազա-
 մու՝ և ընդ Սահակայ՝ և ընդ Յակոբու յարքայութե երկնից :
 Եւ որդիքն արքայութեան ելցեն ՚ի խաւարն արտաքին .
 անդ եղիցի լալ և կրճել ատամանց : Եւ ասէ Յիսուս
 ցհարիւրապետն . երթ , և որպէս հաւատացերդ եղիցի . բեզ .
 և ողջացաւ մանուկն նորա յաւուր յայնմիկ : Եւ եկեալ
 Յիսուս ՚ի տուն Պետրոսի , ետես զի զոքանչ նորա անկեալ
 դնէր տապացեալ . կալաւ զձեռանէ նորա՝ և եթող զնա
 ջերմին . յոտն եկաց՝ և պաշտէր զնոսա : Իբրև եղև երեկոյ
 մատուցին առ նա զիւահարս բազումս , և եհան զայսն
 բանիւ . և զամենայն հիւանդսն բժշկեաց : Օ ՚ի Լյցի բանն ,
 որ ասացաւ ՚ի ձեռն Եսայեայ մարդարէի . նա զհիւանդու-
 թիւնս մեր վերացոյց , և զցաւս մեր եբարձ : Եւ իբրև անց
 յայնկոյս յերկիրն Գերգեսացոց , պատահեցին նմա զիւա-
 հարք երկու՝ ելեալք ՚ի գերեզմանացն , չարաչարք յոյժ .
 որպէս զի չէր հնար անցանել ումեք ընդ այն ճանապարհ :
 Եւ ահա աղաղակեցին և ասեն . զի՛ կոյ մեր և քո Յիսուս
 որդի աստուծոյ , եկիր տարածամ տանջել զմեզ : Եւ էք
 հեռագոյն ՚ի նոցանէ երամակ մի խողից արօտական : Եւ
 դեքն աղաչէին զնա և ասէին . եթէ հանես զմեզ աստի ,
 հրաման տուր մեզ երթալ յերամակ խողիցն : Եւ ասէ
 ցնտա . երթայք , և նոքա ելեալ զնոցին յերամակն խողից .
 և զիմեաց ամենայն երամակն ՚ի դարէ անտի ՚ի ծով , և
 մեռան ՚ի ջուրն : Եւ խողարածքն փախեան , և երթեալ ՚ի
 քաղաքն պատմեցին զամենայն , և զիրս զիւահարացն : Եւ
 ահա ամենայն քաղաքն ել ընդ առաջ Յիսուսի , իբրև տե-
 սին զնա՝ աղաչեցին զի գնասցէ ՚ի սահմանաց նոցա :

Եւ մտեալ ՚ի նաւ անց յայնկոյս , և եկն ՚ի քաղաք իւր :
 Եւ ահա մատուցին առ նա անդամալոյժ մի , որ դնէր ՚ի

մահիճն . և տեսեալ Յիսուսի զհաւատս նոցա՝ ասէ ցան-
դամալոյճն . Թողեալ լիցին քեզ մեզք քու Լ, և ահա ոմանք
ի դպրացն ասեն ընդ միտս . հայհոյէ դաւ Լ, և ծանուցեալ
Յիսուսի զխորհուրդս նոցա՝ ասէ ցնոսա . ընդէր խորհիք
դուք չարիս ՚ի սիրտս ձերս : Օ ի՛նչ զիւրին է . ասել թողեալ
լիցին քեզ մեզք քո , Թէ ասել արի և շրջեաց : Լ, յլ զի զի-
տասջիք՝ եթէ իշխանութի ունի որդի մարդոյ յերկրի Թո-
ղուլ զմեղս . յայնժամ ասէ ցանդամալոյճն . արի՛ առ զմա-
հիճն քո՝ և երթ ՚ի տուն քու Լ, և յարուցեալ դնաց ՚ի տուն
իւրս Իբրև տեսին ժողովուրդքն , զարմացան . և փառաւոր
առնէին զանձ զտուիչն այնպիսի իշխանութեան՝ մարդկան :

Մինչդեռ նա զայս խօսէր ընդ նոսա , ահա իշխան մի
մատուցեալ երկկրպագանէր նմա՝ և ասէր . դուստր իմ արդ-
ևս վախճանեցաւ . այլ եկեալ զիցես զձեռն քո ՚ի վերայ
նորա՝ և կեցցէ : Յարեաւ Յիսուս՝ և գնաց զկնի նորա
աշակերտօքն հանդերձ : Լ, և ահա կին մի տեսատես երկու-
տասանամեայ՝ մատուցեալ յետոյ մերձեցաւ ՚ի դրօշակ
հանդերձի նորա . Քանզի ասէր ՚ի մօի իւրում , Թէ միայն
մերձենամ ՚ի հանդերձս նորա՝ փրկիմ Լսկ Յիսուս իբրև
դարձաւ և ետես գնա՝ ասէ . քաջալերեաց դուստր , հա-
ւատք քո կեցուցին զքեզ . և փրկեցաւ կինն ՚ի ժամէն յայն-
մանէ : Իբրև եկն Յիսուս ՚ի տուն իշխանին , և ետես զփո-
ղարսն և ամբօս յոյժ , ասէ ցնոսա . ՚ի բաց գնացէք . զի ոչ
եթէ մեռեալ է աղջիկդ՝ այլ ննջէ : Լ, և ծաղր առնէին զնա :
Լ, և իբրև ել ամբօսն ՚ի բաց , եմուտ՝ կալաւ զձեռանէ նր՝
և յարեաւ աղջիկն : Լ, և ել համբաւս սյս ընդ ամենայն
երկիրն ընդ այն :

Լ, և մինչդեռ անցանէր ընդ այն Յիսուս , զհետ եղեն
նորա կոյրք երկու , աղաղակէին՝ և ասէին . ողորմեաց մեզ
որդի Դաւթի : Լ, և իբրև եկն ՚ի տուն , մատեան առ նա
կոյրքն . և ասէ ցնոսա Յիսուս . հաւատայք՝ եթէ կարող եմ
առնել ձեզ զայդ . ասեն ցնա՝ սյո , տեր : Յայնժամ մեր-
ձեցաւ յաչս նոցա՝ և ասէ . ըստ հաւատոյ ձերոյ եղիցի ձեզ :

Եւ բացան աչք նոցա . և սատուեաց նոցա Յիսուս՝ և ասէ .
 զի ոչ կայէք՝ մի՛ որ գիտացէ : Եւ նորա ելեալ համբա-
 ւեցին զնա ընդ ամենայն երկիրն ընդ այն : Եւ յերանելն
 նոցա արտաքս, ահա մատուցին առ նա այր մի՝ համր դի-
 ւահար : Եւ յերանել զիսին՝ խօսեցաւ համրն . և զարմացան
 ժողովուրդքն՝ և ասեն . թէ և ոչ երբէք երևեցաւ այսպիսի
 ինչ յարայէլու Իսկ փարիսեցիքն ասէին , թէ իշխանաւն
 զիւաց հանէ դա զդէս :

Եւ շրջէր Յիսուս ընդ ամենայն քաղաքս և ընդ զիւզս .
 ուսուցանէր ՚ի ժողովուրդս նոցա , և քարոզէր զաւետարանն
 արքայութեան . և բժշկէր զամենայն ախտս և զամենայն
 հիւանդութիս ՚ի ժողովուրդանն : Եւ տեսեալ զժողովուրդսն՝
 զթացաւ ՚ի նոսա . զի էին աշխատեալք և ցրուեալք իբրև
 զոչխարս , որոց ոչ իցէ հովիւ : { } այնժամ ասէ ցաշակերտան
 իւր . հունձք բազում են՝ և մշակք տակաւ : Եւրդ՝ աղաչե-
 ցէք զաւր հնձոց՝ զի հանցէ մշակս ՚ի հունձս իւր : Եւ կո-
 ջեցեալ առ ինքն զերկոտասանեօին աշակերտան իւր , ետ
 նոցա իշխանութիւն այսոց պղծոց հանել զնոսա , և բժշկել
 զամենայն ցաւս և զամենայն հիւանդութիւնս :

Եւ զնացեալ անտի Յիսուս եկն ՚ի ժողովուրդն նոցա
 Եւ անդ էր այր մի՝ որոց ձեռն իւր դօսացեալ էր . հարցին
 ցնա՝ և ասեն , եթէ պարտ իցէ ՚ի շաբաթու բժշկել . զի
 շարախօսեցեն զնմանէ : Եւ նա ասէ ցնոսա . ո՞վ է ՚ի ձէնջ
 մարդ՝ որոց իցէ ոչխար մի , և անկանիցի այն ՚ի խորխորատ
 ՚ի շաբաթու . միթէ ոչ ունիցի և յարուցանիցէ զնա : Իսկ
 այդ՝ որչափ ևս առաւել է մարդ քան զոչխար . ապա ուրեմն
 պարտ է ՚ի շաբաթու բարիս գործել : { } այնժամ ասէ ցայրն .
 ձգեա զձեռն քո , և նա ձգեաց՝ և եղև ողջ իբրև զմիւսն :
 Իսկ փարիսեցիքն ելեալ արտաքս խորհուրդ առին զնմանէ՝
 թէ որպէս կորուսեն զնա :

{ } այնժամ մատուցաւ առ նա դիւահար մի կոյր և համր ,
 և բժշկեաց զնա . որպէս զի համրն և կոյրն խօսիցի և տեսա-
 նիցէ : () պմնացան ամենայն ժողովուրդքն՝ և ասէին . միթէ

սօճ իցէ Բրիտանն որդի Դաւթի: Բայց փարիսեցիքն իբրև լուսն՝ ասեն. ոչ իւրք հանէ դա զդևս՝ եթէ ոչ Բէկզղև բուղաւ իշխանաւն դիւաց:

Լւ ելեալ անտի Յի գնաց ՚ի կողմանս Տիւրոսի և Սիդոնի: Լւ ահա կին մի Բանանացի ՚ի սահմանաց անտի նոցա ելեալ, աղաղակէր և ասէր. ողորմեաց ինձ, տէր, որդի Դաւթի, դուստր իմ չարաչար այսահարի: Լւ նա ոչ ետ նմա պատասխանի. և մատուցեալ աշակերտքն նորա՝ աղաչէին զնա և ասէին. արձակեա զնա զի աղաղակէ զհետ մեր: Լւ պատասխանի ետ և ասէ. ոչ ուրեք առաքեցայ՝ եթէ ոչ առ ոչխարս կորուսեալս թանն Իսրայէլի: Լւ նա մատուցեալ երկիրդագանէր նմա և ասէր. տէր, օգնեա ինձ: Պատասխանի ետ նմա և ասէ. ոչ է բարեք առնուլ զհաց մանկանց՝ և արկանել շանց: Լւ նա ասէ. այո, տէր, քանզի և շունք կերակրին ՚ի փշրանաց անկերոց ՚ի սեղանոց տեառն իւրեանց: Եւ այնժամ պատասխանի ետ նմա Յիսուս և ասէ. ով կին դու՝ մեծ են հաւատք քո, եղիցի քեզ որպէս և կամիս: Լւ բժշկեցաւ դուստր նորա ՚ի նմին ժամու:

Լւ գնացեալ անտի Յիսուսի, եկն ՚ի ծովեզրն Գալիլեացոց, և ելեալ ՚ի լեառն նստէր անդ: Եւ ատենն առ նա ժողովուրդք բազումք որ ունէին ընդ իւրեանս՝ կազս կոյրս համերս միակողմանիս, և այլ բազումս. և ընկերցին զնոսս առ ոոս նորա՝ և բժշկեաց զնոսս: Եւ ինչև զարմանալ ժողովրդոցն՝ որ տեսանէին, զի համերքն խօսէին, կաղք գընային, միակողմանիք բժշկէին, կոյրք տեսանէին, և փառաւոր առնէին զառտուած Իսրայէլի:

Լւ իբրև եկն ՚ի ժողովուրդն, մատերու այր մի՝ ՚ի ծունք թջանէր և ասէր. տէր, ողորմեաց որդւոյ իմում, զի լուսնտի՞ և չարաչար հիւանդանայ. բազում անգամ անկանի ՚ի հոբ՝ և երբէք ՚ի ջուր: Լւ մատուցի զնա աշակերտացն քոց՝ և ոչ կարացին բժշկել: Պատասխանի ետ Յս՝ և ասէ. ով ազդանհաւատ և թիւր, մինչև ցերթ իցեմ ընդ ձեզ՝ մինչև յերթ անասցչեմ ձեզ. ամ զնա առ իս. և ամին զնա առ Յս: Լւ

աստեանց ՚ի նա Յ՛ս՝ և ել ՚ի նմանէ՝ դեն, և բժշկեցաւ մա-
նուկն ՚ի ժամէն յայնմանէ, Եւսեբիոս մատեան աշակերտքն
առանձինն՝ և ասեն ցՅ՛ս. մեք ընդէր ոչ կարացայք հանել
զնաւ Լ, և նա ասէ ցնոսա. վասն թերահաւատութեան ձերոյ
Լ, մէն ասեմ ձեզ՝ եթէ ունիցիք հաւատս քան զհասն մա-
նանխոյ, ասաջիք լերինս այամիկ՝ փոխեաց աստի անդր, և
փոխեսցի. և ոչ ինչ անհնարին լինիցի ձեզ Բայց այս ազգ
ոչ երանէ՝ եթէ ոչ աղօթիւք և պահովք:

Լ, և յերանելն նոցա յերկրովէ, զնացին զհետ նորա ժո-
ղովուրդք բաղումք Լ, և ասա կայրք երկու նստէին առ ճա-
նապարհաւն. իբրև լուան թէ Յիսուս անցանէ՝ աղաղա-
կեցին և ասեն. ողորմեաց մեզ, Յիսուս, որդի Դաւթի Լ, և
ամբօսն աստեանց նոցա՝ զի լռեցեն. և նորա և ս առաւել
աղաղակէին և ասէին, տէր, ողորմեաց մեզ, որդի Դաւթի:
Օ տեղի առ Յիսուս, կուէաց զնոսա և ասէ. զի՛նչ կամիք՝
զի արարից ձեզ Լ, ասեն ցնա. տէր, զի բացցին աչք մեր
Լ, և զթացեալ Յիսուս մերձեցաւ յաչս նոցա, և վաղվաղա-
կի տեսին. և զնացին զհետ նորա:

ՍԵՐՉԻ ԱՆԿԱՐԱՆԻՒՄ ՅԻՍՈՒՍԻ ԱՐԽԱՆՈՒՄ ԵՐ ԸՍՏ ՄԱՐԿՈՍԻ

ՏԵՐԱՄԲ ՄԵՐՈՎ ՅԵՍՈՒՍԻ ԲԵՐՍՏՈՒՄԻ

Լ, մասնն ՚ի Ստեփանոս, և իսկ և իսկ ՚ի շարաթուէն
մատեալ ՚ի ժողովուրդն, ուսուցանէր զնոսա Լ, և զարմանացին
ընդ վարդապետութիւն նորա, զի ուսուցանէր զնոսա իբրև
խիսանութիւ՝ և ոչ սրբէս դպիրքն: Լ, և եր ՚ի ժողովուրդեանն
նոցա այս մի, յորում այս պիղծ գոյր ՚ի նմա. որ աղաղակ-
եաց՝ և ասէ. թող սուր, զի՛ կայ մեր և քո՝ Յիսուս նա-
զովեսցի, և կիր կորուսանել զմեզ. զիտեմք զբեզ՝ ով ես
սուրբդ ասուծոյ: Ստեփանոս ՚ի նա Յիսուս և ասէ, կար-
կեսց և ել ՚ի դմանէ, Լ, և զարկոց զնա այսն պիղծ. և սղա-

զակեաց ՚ի ձայն մեծ, և ել ՚ի նմանէ: Այս զարմացան ասե-
նէքին, մինչև հեծել ընդ միմեանս՝ և ասել, զի՛նչ է այս
նոր վարդապետութի, զի իշխանութեամբ և սցոսց պղծոց
ստատէ՛ և հնազանդին սմառ Այս ել լուր նորա ընդ ամենայն
կողմն Գալիլեացոց:

Այս վաղվաղակի ելեալ ՚ի Ժողովրդենէն, եկն ՚ի սուսն Սի-
մոնի և Անդրեայ՝ Յակոբու և Յովհաննու հանդերձ: Այս
զորանչ Սիմոնի զնէր ջերմացեալ, և վաղվաղակի ասնն ցնա
վասն նորա: Այս մատուցեալ յարոց զնա՝ կալեալ զձեռա-
նէ՛ նորա. և եթող զնա տենդն՝ և պաշտէր զնսալ:

Այս իբրև երեկոյ եղև ՚ի մտանել արեգականն, բերկին
առ նա զամենայն հիւանդս և զգիւահարս. և էր ամենայն
բազալքն ժողովեալ առ դրուննս: Այս բժշկեաց բազում հիւ-
ւանդս ՚ի սէս սէս աստից, և դես բազումս եհան, և ոչ
տայր խօսել զիւացն, զի գիտէին զնա թէ՛ Քրիստոսն է:

Այս ընդ այդն ընդ առաւօտն յարուցեալ ել և զնաց յա-
նապատ տեղի, և անդ կայր յաղօթս: Այս զնաց զհեռ նորա
Սիմոն՝ և որ ընդ նմայն էին: Այս իբրև գտին զնա՝ ասնն
ցնա, թէ ամենեքին ինդրեն զբեզ: Այս ասէ ցնաս. ե-
կայք, երթիցուք և յայլ մօտաւոր գիւղաբաղուքսն, զի և
անդ քարոզեցից. զի յայս խի եկեալ եմ: Այս քարոզէր ՚ի
Ժողովուրդս նոցա ընդ ամենայն Գալիլեացիս, և դես հաներս
Գոց առ նա բորոտ մի, աղաչէր՝ ՚ի ծուկ իջանէր՝ և ասէր.
տէր, էթէ կամիս, կարօղես զիս սրբեր: Իսկ Յիսուս զը-
թացեալ ձիւաց զձեռն, մերձեցաւ ՚ի նա՝ և ստէ ցնա,
կամիմ, սրբեաց: Այս իբրև ստայն ցնա, վաղվաղակի զնաց
՚ի նմանէ բորոտութիւնն՝ և սրբեցաւ: Այս ստատեալ նմա՝
եհան զնա արատքս վաղվաղակի, և ասէ. Օ գոյ լիւր՝ մի
ու մէք ինչ ասիցես. այլ երթ, ցոյց զբեզ քահանային. և
մատու վասն սրբութեան բո պատարագ՝ զոր հրամայեաց
Մովսէս, ՚ի վկայութիւն նոցա: Այս նա ելեալ սկսաւ քարո-
զել յայժ՝ և հռչակ հարկանել զբանն, մինչ ոչ և ս կար
լինել նմա յայտնասիս ՚ի բազալք մտանել: այլ արա

յանապատ տեղիս էր . և դային առ նա յամենայն կողմանց
 Լ, և մտեալ դարձեալ ՚ի կափառնառւմ յետ աւուրց .
 լուր եղև եթէ ՚ի տան է : Լ, և ժողովեցան բազումք՝ մինչև
 տեղի և ոչ լինել՝ և ոչ առ դրանն . և խօսէր նոցա դրանն
 Լ, և դային առ նա՝ բերէին անդամալոյծ մի բարձեալ ՚ի
 չորից : Լ, և իբրև ոչ կարէին մերձենալ առ նա յամբոխէ
 անտի , քակեցին զյարկն՝ ուր էր Յիսուս , և բացեալ զա-
 սաստաղն իջուցին զմահիճսն յորում կայր անդամալոյծն :
 Լ, և տեսեալ Յիսուսի զհաւատոս նոցա , ասէ ցանդամալոյծն .
 որդեակ , թողեալ լիցին քեզ մեղք քո : Լ, և էին ոմանք ՚ի
 դպրաց անտի՝ որ անդ նստէին . և խորհէին ՚ի սիրտս իւր-
 եանց . զի՞նչ է այս՝ որ խօսի սա զհայհոյութիւնս . ո՞վ կարէ
 թողուլ զմեզս , եթէ ոչ՝ մի աստուած : Լ, և գիտաց Յիսուս
 յոգի իւր՝ թէ այնպէս խորհին ՚ի սիրտս իւրեանց , և ասէ .
 զի՞ խորհիք զայդ ՚ի սիրտս ձեր : Օ ի՞նչ դիւրին է . ասել
 ցանդամալոյծն՝ թողեալ լիցին քեզ մեղք քո , եթէ ասել
 արի , առ զմահիճս քո և երթ ՚ի տուն քո : Լ, և զի յատաս-
 ջիք եթէ իշխանութիւն ունի որդի մարդոց ՚ի վերայ երկրի
 թողուլ զմեզս . ասէ ցանդամալոյծն . քեզ ասեմ , արի , առ
 զմահիճս քո՝ և երթ ՚ի տուն քո : Լ, և յարեաւ վաղվաղակի
 առեալ զմահիճսն , ել առաջի ամենեցուն . մինչև զարմանալ
 ամենեցուն՝ և փառասոր առնել զաստուած՝ և ասել , թէ
 այսպիսի ինչ երբէք ոչ տեսաք :

Լ, և եմուտ միւսանգամ ՚ի ժողովուրդն , և էր անդ այր մի՝
 որոյ ձեռն իւր դօսացեալ էր : Լ, և սպասէին նմա՝ եթէ
 բժշկիցէ զնա ՚ի շաբաթուն՝ զի շարախօսեցնն զնմանէ :
 Լ, և ասէ ցայրն՝ որոյ ձեռն դօսացեալ էր . արի , անց ՚ի մէնջ :
 Լ, և ասէ ցնոսա . զի՞նչ արժան է ՚ի շաբաթու , բարի ինչ
 գործել՝ եթէ չար առնել , ոգի մի ապրեցուցանել՝ եթէ
 կորուսանել . և նորա լուեցին : Լ, և հայեցեալ Յիսուսի զնո-
 քօք լի ցամամբ , տրտմեալ վասն կուրութե տրտից նոցա՝
 է ցայրն . ձգեա զձեռն քո . և նա ձգեաց , և ողջացաւ
 ն նորա : Լ, և ելեալ արտաքս վաղվաղակի փարիսեցիքն

Հերովդիանոսըքն հանդերձ, խորհուրդ առնելին վասն նորա՝
Թէ զիւրդ կորուսցեն զնա:

Իսկ Յիսուս աշակերտքն իւրովք զնաց ՚ի ծովերն . և
բազում ժողովուրդ ՚ի Գալիլեացուց երթային զհետ նորա .
և ՚ի Հրէաստանէ, և յԵրուսաղէմէ, և յայնկոյս Յորդանա-
նու, և որք ՚ի Տիւրստէ և ՚ի Սիդոնէ. բազում ժողովուրդ
իբրև լսելին՝ որչափ ինչ առնէր, գային առ նա: Լսեալ
ցաշակերտսն իւր, զի նաւակ թի պատրաստական կայցէ
նմա վասն ամբոխին՝ զի մի նեղեցցեն զնա: Քանզի զբա-
զումս բժշկեաց. մինչ գալ խոնել զնովաւ՝ զի մերձեցցին
առ նա, որք ունին ախտս ինչ: Լսեայք պիղծք յորժամ
տեսանէին զնա, անկանելին առաջի նորա, աղաղակելին և
առեին. Թէ դու ես որդին աստուծոյ. և նա յոյժ սաստիք
նոցա, զի մի յայտնի առնիցեն զնա:

Լսեկն յայնկոյս ծովուն յաշխարհն Գերդեսացոց: Լսե
րնդ ելանելն նորա ՚ի նաւէ անտի, պատահեաց նմա
այր մի ՚ի գերեզմանացն՝ զոր ունէր այս պիղծ. որոյ և բը-
նակուծիւն իւր իսկ ՚ի գերեզմանս էր. և ոչ շղթայիւք որ
ևս կարէր կապել զնա. վասն բազում անգամ ոտնակապօք
և շղթայիւք կապելոյ, և խղելոյ ՚ի նմանէ շղթայսն, և զոտ-
նակապսն խորտակելոյ. և ոչ որ կարէր պարտել զնա. քան-
զի հանապաղ զցայդ և զցերեկ ՚ի գերեզմանս և ՚ի լերինս
աղաղակէր, և կոծէր զանձն իւր քաբամբբ: Իբրև ետես
զՅիսուս ՚ի հեռաստանէ, ընթացաւ և երկիրեպաղ նմա:
Ղազակեաց ՚ի ձայն մեծ՝ և ասէ, զի կայ իմ և քո՝ Յիսուս
որդի աստուծոյ բարձրելոյ. երդմնեցուցանեմ զքեզ յիմ,
մի տանջեր զիս: Քանզի ասէր ցնա. ել այսդ պիղծ ՚ի մար-
դոյ այտի: Լսե հարցանէր ցնա՝ Թէ զի՞նչ անուն է քո. և
ասէ ցնա. Ղգէթիւն անուն է իմ, քանզի բազումք եմք:
Լսե աղաղէին զնա յոյժ, զի մի առաքեսցէ զնոսա արտաքս
քան զաշխարհն: Լսե անդ էր առ լերամբն երամակ մի խո-
զաց արօտական մեծ: Ղաչեցին զնա ամենայն դէքն և
ասին. սա սքեա զմեզ ՚ի խողան, զի մոցուք ՚ի նոսա: Լս-

Հրամայեաց նոցա . և իբրև ելին այսքն պիղծք՝ մաին ՚ի խողան , և գիմեաց երամակն ՚ի դարե անտի ՚ի ծովն . էին իբրև երկու հազարք , և հեղձնուին ՚ի ծովուն : Լս խողա-
րածքն վասխան , և պատմեցին ՚ի քաղաքին և յազարակս ,
և էին տեսանել զի՞նչ իցէ՝ որ գործեցան : Վան առ Յս ,
և տեսանեն զգիւահարն զի նստէր զգեցեալ և զդատաց-
եալ , որ ունէր զլէգէոսին , և զահի հարան : Լս պատմեցին
նոցա՝ որոց տեսեալն էր , թէ զի՞նչ եղև այսահարին , և զի՞նչ
վասն խողիցն : Լս սկսան աղաչել զնա զնալ ՚ի սահմանաց
նոցա : Լս իբրև եմուտ նա ՚ի նաւն , աղաչէր զնա դիւա-
հարն՝ զի ընդ նմա իցէ . և Յիսուս ոչ ետ նմա թոյլ , այլ
ասէ ցնա . երթ ՚ի տուն քո առ ընտանիս քո , և պատմա
նոցա , որ ինչ միանգամ տէր արար քեզ՝ և ողորմեցաւ քեզ :
Լս չոքաւ՝ և սկսաւ քարոզել ՚ի Ղեկապօլիս , զոր ինչ արար
նմա Յիսուս , և ամենեքին զարմանային :

Լս իբրև անց Յիսուս միւսանգամ յայն կողմն՝ ժողո-
վեցաւ առ նա ժողովուրդ բազում , և էր առ ծովեզերքն :
Լս ահա մի ՚ի ժողովրդապետացն դայր , որում անուն էր
Յայրոս . և իբրև ետես զնա՝ անկաւ առ ոտս նորա , ա-
ղաչէր զնա յոյժ և ասէր , թէ դուստր նորա մերձ է ՚ի
մահ , զի եկեալ զնիցէ նմա ձեռն , որպէս զի ասրեսցի և
կեցցէ : Լս զնաց ընդ նմա . երթայր և ժողովուրդ բազում
դհետ նորա , և ներդին զնա : Լս կին մի էր ՚ի տեսաւտեսու-
թեան արեան զերկոտասան ամ . և յոյժ վշտացեալ ՚ի բա-
զում բժշկաց , և ծախեալ զինչս իւր զամենայն՝ և չէր ինչ
օգտեալ , այլ ևս առաւել զայրացեալ : Իբրև լուաւ զՅսն՝
եկն ՚ի մէջ ամբոխին յետոյ՝ և բուռն եհար զհանդերձե-
նորա . քանզի խորհէր ՚ի մաի , թէ միայն մերձեցայց ՚ի հան-
դերձս նորա , փրկեցայց : Լս վաղվաղակի ցամաքեցաւ աղ-
բիւր արեան նորա . և գիտաց ՚ի մարմին իւր թէ բժշկեցաւ
՚ի տանջանացն : Լս անդէն վաղվաղակի գիտաց Յս յանձն
իւր զգօրուին որ ել ՚ի նմանէ , դարձաւ յամբոխն և ասէ :
ո՞վ մերձեցաւ ՚ի հանդերձս իմ : Լս ասնն ցնա սշակերտքն ,

տեսանե՞ս՝ զի ամբոխդ նեղէ զքեզ, և ասես՝ Թէ ո՞վ մեր-
 ձեցաւ ՚ի հանդերձս խմ: Եւ շուրջ հայեր տեսանել՝ Թէ
 ո՞վ զայն արար: Եւ կի՛նն զարհուրեալ և դողացեալ վասն
 որոյ գաղտն արար. քանզի գիտեր զինչ եղև նմա, եկն ան-
 կաւ առաջի նորա, և ասաց զամենայն իրան ստուգութեամբ:
 Եւ Յիսուս ասէ ցնա. դուստր, հաւատք քո կեցուցին
 զքեզ. երթ ՚ի խաղաղութի, և եղիջիր ողջ ՚ի տանջանաց քոց:

Մինչ դեռ նա զայն խօսէր, գան ոմանք ՚ի տանէ ժողո-
 վրդապետին, և ասեն՝ Թէ դուստրն քո մեռաւ, զի և ս աշ-
 խատ առնես զվարդապետդ: Իսկ Յիսուս իբրև լուաւ ըզ-
 բանն ասացեալ, ասէ ցժողովրդապետն. մի՛ երկնջիր, բայց
 միայն հաւատա: Եւ ոչ զոք եթող ընդ իւր երթալ, բայց
 միայն զՎեարոս և զՅակոբոս և զՅովհաննէս՝ զեղբայրն Յա-
 կոբայ: Կայ ՚ի տուն ժողովրդապետին, և տեսանէ ամբոխ
 յոյժ և լալականս, և աղաղակ յոյժ: Եւ մտեալ ՚ի ներքս՝
 ասէ ցնոսա. զի՞ խռովեալ էք և լայք, մանուկն ոչ է մեռ-
 եալ, այլ ննջէ: Եւ ծաղր առնէին զնա, և նորա հանեալ
 արտաքս զամենեսեսան, առնու ընդ իւր զհայր մանկանն և
 զմայր, և զնոսա որ ընդ նմայն էին, և մտանէ ուր դնէր մա-
 նուկն: Եւ կալեալ զձեռանէ մանկանն, ասէ ցնա. տա՛լի՞ծա-
 կումի, որ թարգմանի, աղջիկ դու՝ քեզ ասեմ, արի: Եւ
 վաղվազակի յարեաւ աղջիկն և դնայր, քանզի էր ամաց
 իբրև երկոտասանից. և զարմացան մեծաւ զարմանալեօք:
 Եւ պատուէր տայր նոցա յոյժ, զի մի՛ ոք զխտացէ զայն.
 և ասաց տալ նմա ուտել:

Եւ իբրև անցին յայնկոյս, եկին յերկիրն Գեննեսարէթ:
 Եւ իբրև ելին ՚ի նաւէ անտի՛ իսկ և իսկ ծանեան զնա արք
 տեղւոյն այնորիկ. և ընթացեալ այսր անդր ընդ ամ գաւա-
 ուրն, սկսան մահճօք բերել զհիւանդս, ուր լսէին՝ Թէ անդ
 իցէ: Եւ ուր և մտանէր ՚ի գեօղս կամ ՚ի քաղաքս կամ յագա-
 բակս, ՚ի հրազարակս դնէին զախտածէ՛տս, և աղաչէին զնա՝
 զի գոնէ ՚ի քղանցս հանդերձից նորա մերձենայցեն. և որ
 միանդամ մերձեցանն՝ վրկեցան:

Լ, Ե անտի յարուցեալ՝ եկն 'ի սահմանս Տիւրոսի և Սի-
 դոնի . և մտեալ 'ի տուն՝ ոչ ումէք կամէր յայտնել, և ոչ
 կարաց ծածկել: Եւ յուսեալ կին մի զնմանէ, որոյ դուստր իւր
 նեղեալ էր յայտոյ սղծոյ . եկն անկաւ առաջի նորա Լ, Ե
 կինն էր հեթանոս՝ Փիւնիկ Ասորի յազգէ . և աղաչէր զնա՝
 զի զդէն հանցէ 'ի դստերէ՝ նորա: Լ, Ե Յիսուս ասէ ցնա .
 Թոյլ տուր՝ նախ յազեսցին մանկունք . զի ոչ է բարւոք առ-
 նուլ զհաց մանկանց և արկանել շանց: Աս պատասխանի
 ետ և ասէ . տէր , և շունք 'ի վերանաց սեղանոյ մանկանցն
 կերակրին, Լ, Ե ասէ ցնա . վասն այգր բանի երթ , ել դէն
 'ի դստերէ քումմէ: Գնաց 'ի տուն իւր , և եգիտ ելեալ
 զդէն, և զդուստրն, զի անկեալ զնէր 'ի մահիճս:

Լ, Ե ելեալ միւսանգամ 'ի սահմանացն Տիւրոսի և Սի-
 դոնի, և եկն 'ի ծովկրն Գալիլեացոց 'ի մէջ սահմանացն
 'ի Դեկապոլիս: Լ, Ե բերին առաջի նորա խուլ մի և համր . և
 աղաչէին՝ զի ձեռն դիցէ 'ի վերայ նորա: Լ, Ե առեալ զնա
 մեկուսի յամբոխէ անտի, արկ զմատունս իւր ընդ ականջս
 նորա՝ և եթուք անդր . և կալաւ զնորուէ նորա . հայեցաւ
 յերկինս՝ յողոց եհան՝ և ասէ . եփոխածայ՝ որ է բացիր:
 Լ, Ե նոյնժամայն բացան լսելք նորա , և լուծան կապանք
 լեզուի նորա . և խօսէր ուղիւ: Լ, Ե պատուիրեաց նոցա՝ զի
 մի ումէք ասիցեն . և որչափ նա պատուիրէր նոցա, նորա
 և ս առաւել քարոզէին . և ևս քան զևս զարմանային և ա-
 սէին . զամենայն ինչ բարւոք գործեաց սա, զի խլից լսել
 տայ՝ և համերց խօսել:

Գան 'ի Բեթսայիժմա . և անեն առաջի նորա կոյր մի , և
 աղաչէին զնա՝ զի մերձեացի 'ի նա: Լ, Ե առեալ զձեռանէ
 կուրին՝ եհան արտաքոյ շինին, եթուք յաչս նորա, և ձեռն
 եղ 'ի վերայ նորա . և հարցանէր ցնա՝ Թէ տեսանիցէ՞ ինչ
 Բացաւ՝ և ասէր . տեսանեմ զմարդիկս՝ զի շրջին իբրև ըզ-
 ծասս: Գարձեալ եղ ձեռս 'ի վերայ աչաց նորա՝ եբաց,
 և տեսանէր . ողջացաւ՝ և տեսանէր համարձակ զամենայն
 Արձակեաց զնա 'ի տուն իւր՝ և ասէ . 'ի շէնդ մի մտանի:

ցես , այլ երթ 'ի տուն քո . և յորժամ 'ի շէնն մտանիցես՝
մի ումեք ասիցես 'ի շինինս :

Եւ եկեալ առ աշակերտան , տեսին ամբոյս շուրջ զնորօր ,
և զդպիրսն՝ զի վիճէին ընդ նոսա : Եւ վաղվաղակի ամենայն
ժողովուրդն իբրև տեսին զնա՝ զարմացան , և ընդ առաջ
ընթացեալ ողջոյն տային նմա : Եւ եհարց ցնոսա՝ թէ զի՞նչ
վիճէիք ընդ նոսա : Պատասխանի ետ մի ոմն 'ի ժողովողնէն՝
և ասէ . վարդապետ՝ ամի զորդի իմ առ քեզ , զոր ունի այս
համր , և ուր հասանէ՝ զարկուցանէ զնա . և փրփրէ՝ և կր-
ճտէ զատամունս իւր և ցամայրի . և ստացի ցաշակերտան քո
զի հանցեն , և ոչ կարացին հանել զնա : Պատասխանի ետ
նոցա և ասէ . ո՞վ ազգ անհաւատ՝ մինչև յերբ իցեմ առ ձեզ .
մինչև ցերբ անսայցեմ ձեզ . ամէք զնա առ իս : Եւ ամին
զնա առ նա . իբրև ետես զնա այսն , վաղվաղակի շարժեաց
զնա , և անկեալ յերկիր թաւալէր և փրփրայր : Եւ հարց
ցհայր նորա և ասէ . քանի՞ ժամանակք են՝ յորմէ հետէ այդ
եղև դմա : Եւ նա ասէ . 'ի մանկութենէ . բազում անգամ
'ի հուր արկանէ զգա և 'ի ջուր՝ զի կորուսցէ . արդ՝ եթէ
կարող ինչ ես , օգնեա մեզ տէր՝ զթացեալ 'ի վերայ մեր :
Եւ Յիսուս ասէ ցնա . ստացեր թէ կարող ես . ամենայն ինչ
հնարաւոր է այնմ , որ հաւատայն : Եւ վաղվաղակի ազա-
ղակեաց հայր մանկանն՝ և ասէ . հաւատամ , տէր՝ օգնեա
անհաւատութեա իմում : Իբրև ետես Յիսուս՝ եթէ կուտի
ժողովուրդն 'ի վերայ , սաստեաց պոյսն պղծոյ և ասէ . համար
և խուլ այս՝ ես տամ քեզ հրաման , ել 'ի դմանէ , և այլ ևս
մի մտանիցես 'ի դա : Եւ աղաղակեաց՝ և յոյժ լլկեաց զնա ,
և ել . և եղև սրատանեակն իբրև զմեռեալ , մինչև բազմաց
իսկ ասել թէ մեռաւ : Եւ Յիսուս կարաւ զձեռանէ նորա՝
յարոյց զնա , և կանգնեցաւ : Եւ իբրև եմուտ նա 'ի տուն ,
աշակերտքն առանձինն հարցին ցնա . մեք ընդէր ոչ կարա-
ցաք հանել զնա : Եւ ասէ ցնոսա . այդ ազգ ոչ իւրք ելա-
նէ , եթէ ոչ պահովք և աղօթիւք :

Եւ գան յերկրով . և ընդ երանելն նորա յերկրով : աշա-

կերտօքն՝ և բազում ժողովրդով, որդի Տիմէի Բարտիմէոս
կոյր նստէր մուրացիկ յանցս ճանապարհի: Կբրև լուաւ՝
Թէ Յիսուս նազովրեցի է, սկսաւ աղաղակել և ասել, որդի
Գաւթի Յս՝ ողորմեաց ինձ: Եւ սաստիկն նմա բազումք՝
զի լռեցէ. և նա առաւել ևս աղաղակէր. որդի Գաւթի
ողորմեաց ինձ: Օ տեղի առ Յիսուս՝ և հրամայեաց կոչել
զնա. կոչեն զկոյրն՝ և ասեն ցնա. քաջալերեաց, արի՛ կոչէ
զքեզ: Եւ նորա ընկեցեալ զձորձս իւր, յարեաւ և եկն առ
Յիսուս: Պատասխանի ետ նմա Յս՝ և ասէ. զի՛նչ կամիս՝
Թէ արարից քեզ. սակ ցնա կոյրն. բաբբունի՛ զի բացայց:
Եւ Յս՝ ասէ ցնա, երթ՝ հաւատք քո կեցուցին զքեզ. և
վաղվաղակի բացաւ, և երթայր զհետ նորա ՚ի ճանապարհին:

Արցյ Աւետարանիս Յիսուսի Բրիտտոսի՝ որ ըստ Ղուկասու:

ՏԷՐՆ ՄԷՐ ՅԻՍՈՒՍ ԲՐԻՍՏՈՍ

Եւ ի էջ ՚ի կափառնաում ՚ի քաղաքն Գալիլեացոց, և
ուսուցանէր զնոսա ՚ի շաբաթման: Եւ զարմանային ընդ վար-
դապետութիւնն նորա, զի իշխանութեամբ էր բան նորա:
Եւ էր ՚ի ժողովրդեանն այր մի, զոր ունէր այս դիւի պղզ-
ծոց, և աղաղակեաց ՚ի ձայն մեծ, ասէ. Թուլացո, զի՛ կայ
մեր և քո՝ Յս՝ նազովրեցի, եկիր կորուսանել զմեզ, զիսեմք
զքեզ՝ ո՞վ ես սուրբդ աստուծոյ: Պատեաց ՚ի նա Յիսուս
և ասէ. պապանձեաց ել ՚ի դմանէ. զգեանեաց զնա զան ՚ի
միջի անդ՝ և ել ՚ի նմանէ, և ինչ ոչ վնասեաց նմա: Եւ
եղին զարմանայիք ՚ի վերայ ամենեցուն, խօսէին ընդ միմեա-
նքս և ասէին. զի՛նչ է բանս այս, զի իշխանութեամբ և զօ-
րութեամբ սաստէ այսոց պղծոց՝ և ելանեն: Եւ երթայր
հռչակ զնմանէ ընդ ամենայն տեղիս շուրջ զգաւառաւն:
Եւ յարուցեալ ՚ի ժողովրդենէ անախ, եմուտ ՚ի տուն
Ամոնի: Օ որանչ Ամոնի տաղնապէր ջերմամբ մեծաւ,

և աղաչեցին զնա վասն նորա Ակաց առ նմա՝ սաստեաց ջերմանն, և եթող զնա. և վաղվաղակի յարեաւ՝ և պաշտէր զնոսաւ: Աւ ընդ արևուն մտանել՝ ամենեքեան որոց էին հիւանդք ՚ի պէս պէս ցաւս՝ բերէին զնոսա առ նա: Աւ նա իւրաքանչիւր ումեք ՚ի նոցանէ դնէր ձեռս՝ և բժշկէր ըզնոսաւ: Այլանէին դէք ՚ի բազմաց, աղաղակէին և ասէին. եթէ դու ես որդի աստուծոյ. և նա սաստէր՝ և ոչ տայր նոցա թոյլ խօսել, զի գիտէին զնա թէ Քրիստոսն է:

Աւ եղև ՚ի հասանելն նորա ՚ի մի քաղաքացն, ահա այր մի լի բորոտութիւն իբրև ետես զՅիսուս՝ անկեալ ՚ի վերայ երեսաց աղաչեաց զնա՝ և ասէ. տէր, եթէ կամիս, կարող ես զիս սրբել: Չգեաց զձեռն իւր՝ հասոյց ՚ի նա՝ և ասէ. կամիմ՝ սրբեաց. և վաղվաղակի գնաց ՚ի նմանէ բորոտութիւնս: Աւ նա պատուիրեաց նմա մի ումեք ստել, այլ թէ երթ, ցոյց զանձն քո քահանային. և մատո պատարագ վասն սրբութեան քո՝ որպէս և հրամայեաց Մովսէս, ՚ի վկայութիւնն նոցա: Աւ յորդէր առաւել բանն զնմանէ. և ժողովէին ժողովուրդք բազումք լսել՝ և բժշկել ՚ի հիւանդուէ իւրեանց: Աւ նա խոյս տայր յանապատ անդիս, և կայր յաղթս:

Աւ եղև ՚ի միում աւուրց՝ և ինքն ուսուցանէր, և փարիսեցիքն և օրինացն վարդապետք նստէին. որ ժողովեալ էին յամենայն քաղաքաց Գալիլեացոց՝ և շքատանի և Երուսաղէմի. և զօրութիւնն տեսան էր ՚ի բժշկել զնոսա: Աւ ահա արք բերէին մահճօք զայր մի՝ որ էր անդամալոյծ, և խնդրէին զնա մուծանել ՚ի ներքս՝ և գնել առաջի նորա: Աւ իբրև ոչ գտանէին թէ ընդ որ մուծանիցեն զնա ՚ի ներքս վասն սոբոխին, ելին ՚ի տանիս և ՚ի ցուոցն կախեցին զնա, և իջուցին մահճօքն հանդերձ ՚ի մէջ առաջի Յիսուսի: Աւ տեսեալ զհաւատան նոցա՝ ասէ ցնա. այր դու՝ թողեալ լիցին քեզ մեզք քո: Միսան խորհել դպիրքն և փարիսեցիքն, և ասեն. ո՞ է սա՝ որ խօսի զհայհոյութիւնս, ո՞վ կարէ թողուլ զմեզս՝ բայց միայն աստուած: Իբրև գիտաց Յի զխորհուրդս նոցա, պատասխանի ետ և ասէ. ցնաս. զի խոր-

հիբ 'ի սիրտս ձերս : Օ ինչ դիւրապոյն է . ասել թողեալ
 լիցին քեզ մեղք քո, եթէ ասել արի և գնա : Այլ զի դի-
 տասջիք եթէ իշխանութիւն ունի որդի մարդոյ յերկրի թո-
 ղուլ զմեզս, ասէ ցանդամալոյծն, քեզ ասեմ՝ արի առ ըզ-
 մահիճս քո՝ և երթ 'ի տուն քո : Այլ առ ժամայն յարուցեալ
 առաջի ամենեցուն՝ էառ զիւրև յորոյ վերայ անկեալ դնէր,
 գնաց 'ի տուն իւր, և փառաւոր առնէր զամբ : Օ արմանք
 կալան զամենեսեան, և փառաւոր առնէին զաստուած . լի
 եղին ահիւ, և ասեն, եթէ տեսաք այսօր նոր նշան :

Այլ եղև 'ի միւսում շաբաթուն մտանել նմա 'ի ժողո-
 վուրդն՝ և ուսուցանել . և էր անդ այր մի՝ և ձեռն իւր աջ
 դօսացեալ էր : Այլ սպասէին նմա դպիրքն և փարիսեցիք՝
 թէ 'ի շաբաթուն բժշկիցէ, զի դտանիցեն չարախօսութիւն
 զնմանէ : Այլ նա դիտէր զխորհուրդս նոցա, ասէ ցայրն՝ որոյ
 ձեռնն դօսացեալ էր . արի անց 'ի մէնջ . և նա յարուցեալ
 եկաց : Ասէ ցնոսա Յիսուս . հարցից ինչ զձեզ . զինչ արժան
 է 'ի շաբաթու, բարի ինչ առնել՝ եթէ չար գործել, ոգի
 մի սպրեցուցանել թէ կորուսանել : Այլ հայեցեալ շուրջ
 զամենեքումք զայրագին՝ ասէ ցնա . ձգեա զձեռն քո . և
 նա ձգեաց, և հաստատեցաւ ձեռն նորա իբրև զմիւսն :
 Այլ նորա լցան յիմարութեամբ, և խօսէին ընդ միմեանս՝
 թէ զինչ առնիցեն Յիսուսի :

Այլ իջեալ նորօք հանդերձ 'ի տեղի մի տափարակ . և ժո-
 ղով աշակերտացն նորա՝ և բազմութի յոյժ ժողովրդեանն,
 յամենայն շրէաստանէ և յերուսաղէմէ՝ և յայնմ կող-
 մանէ՝ և 'ի ծովեզերէն Տիրոսի և Սիդոնի . որ եկին լսել
 'ի նմանէ՝ և բժշկել 'ի հիւանդութիւն իւրեանց . և նեղեալքն
 յայտոց պղծոց բժշկէին : Այլ ամենայն ժողովուրդն խնդրէր
 մերձենալ 'ի նա, զի զօրութիւն բազում ելանէր 'ի նմանէ՝
 և բժշկէր զամենեսին :

Այլ իբրև կատարեաց զամենայն զբանս իւր 'ի լսելիս ժո-
 ղովրդեանն, եմուտ 'ի կափառնաումս շարիւրապետի ու-
 բունն ծառայ չարաչար հիւանդացեալ՝ մերձ էր 'ի վախ-

ճաննել, որ էր նմա պատուական: Եւ իբրև լուաւ զՅսէ, առաքեաց զծերան ՚ի հրէից, աղաչէր զնա՝ զի եկեսցէ և ապրեցուցէ զճառայն նորա: Եւ նորա եկեալ առ Յիսուս՝ սղաչէին զնա ստէպ՝ և ասէին, թէ արժանի է՝ որում ըզնորհս զոյս առնես: Օ ի սիրէ զազգս մեր, և զժողովրդաւ նոցն նա շինեաց մեզ: Եւ Յիսուս գնաց ընդ նոսա. իբրև ոչինչ կարի հեռի էր ՚ի տանէն, յղեաց առ նա հարիւրապետն բարեկամս, և ասէ ցնա. տէր, մի ինչ աշխատ լինիր, զի չեմ բաւական եթէ ընդ յարկաւ իմով մտանկցես: Ա՛սան որոյ և ոչ զանձն համարեցայ արժանի՝ առ քեզ գալոյ. այլ ասա բանիւ՝ և բժշկեսցի մանուկս իմ. քանզի և ես այր մի եմ կարգեալ ընդ իշխանութիւն. ունիմ ընդ ինև զինուորս, և ասեմ ամա՛ երթ, և երթայ. և այլում թէ եկ, և դայ. և ճառայի իմում թէ արա զոյս, և առնէ: Եւ իբրև լուաւ զայս Յս՝ զարմայաւ, դարձաւ առ ժողովուրդն որ երթային զհետ նորա՝ և ասէ. ամէն ասեմ ձեզ՝ թէ և ոչ յարայելի սյոչափ հաւատս դափ: Եւ դարձան անդրէն պատգամաւ շորքն ՚ի տուն, և դափն զճառայն հիւանդ՝ բժշկեալ:

Եւ եղև ՚ի վաղիւն երթայր ՚ի քաղաք մի, որում անուն էր Նային. երթային ընդ նմա և աշակերտք նորա և ժողովուրդք բազում: Իբրև մերձ եղեն ՚ի դուռն քաղաքին, և ահա ելանէր մեռեալ մի՝ որդի միամօր մօր իւրոյ, և նա էր այրի. և ժողովուրդ բազում քաղաքին էր ընդ նմա: Իբրև ետես զնա տէր՝ գթացաւ ՚ի նա և ասէ. մի լար: Եւ մատուցեալ մերձեցաւ ՚ի դագաղն. և որք բարձրեալն տանէին՝ զտեղի առին. և ասէ, պատանի դու՝ քեզ ասեմ՝ արիւ կանգնեցաւ և նստաւ մեռեալն, և սկսաւ խօսել. և ետ զնա ցմայր իւր: Եւ ահ կալաւ զամենեկին, և վառաւոր առնէին զաստուած՝ և ասէին, թէ մարգարէ ոմն մեծ յարուցեալ է ՚ի միջի մերում, և եթէ այց արար նա ժողովրդեան իւրում ՚ի բարութիւն: Եւ ել զրոյցս ընդ այս նա՝ Հրէաստան վասն նորա. և ընդ ամենայն կողմանս աշխարհին: Եւ պատմեցին Յովհաննու աշակերտքն իւր վասն ամե-

նայնի այսորիկ, Լ, և կոչեաց առ ինքն երկուս ոմանս յաշա-
կերտացն իւրոց՝ Յովհաննէս, առաքեաց առ տէր և ասէ .
դ՞ո՞ւ ես որ դալոցն ես, եթէ այլում ակն կալցուք: Լ, և
եկեալ արքն առ նա՝ ասեն, Յովհաննէս Մկրտիչ առաքեաց
զմեզ առ քեզ՝ և ասէ, դ՞ո՞ւ ես որ դալոցն ես՝ եթէ այլում
ակն կալցուք: Լ, և ՚ի նմին ժամու բժշկեաց զբազումս ՚ի
հիւանդութեց և ՚ի հարուածոց և յայտոց չարաց, և կուրաց
բազմաց շնորհեաց տեսանել: Պատասխանի ետ նոցա և
ասէ . երթայք պատմեցէք Յովհաննու՝ զոր տեսիքդ և լու-
ւայք . զի կոյրք տեսանեն, և կաղք գնան, բորոտք սրբին,
խուլք լսեն, մեռեալք յառնեն, աղքատք աւետարանին,
և երանի իցէ՝ որ ոչ գայթաղըղեսցի յիս:

Լ, և նաւեցին իջին յաշխարհն Գերգեսացոց, որ է յայն-
կոյս հանդէպ Գալիլեայ: Լ, և ընդ ելանելն նորա ՚ի ցամաք,
պատահեաց այր մի ՚ի քաղաքէն՝ յորում էին դեք. և բա-
ղում ժամանակս չէր հանդերձ զգեցեալ՝ և ոչ ՚ի տան բը-
նակեալ, այլ ՚ի գերեզմանս: Լ, և տեսեալ զՅիսուս, աղա-
ղակեաց և անկաւ առաջի նորա, և ասէ մեծաձայն . զի կայ
իմ և քո Յիսուս որդի աստուծոյ բարձրելոյ, աղաչեմ զքեզ
մի տանջեր զիս: Բանզի հրաման տայր այսոյն պղծոյ ե-
լանել ՚ի մարդոյ անտի . քանզի բազում ժամանակս յափը-
տակեալ էր զնա, և կապէր ՚ի շղթայս, և պահէր յերկաթս,
և խզէր զկապանսն, և վարէր ՚ի դիւէն յանապատ: Լ, հարց
ցնա Յիսուս և ասէ . զի՞նչ անուն է քեզ, և նա ասէ, Լե-
զեոյն . զի դէք բազումք մտեալ էին ՚ի նա: Լ, և աղաչէին
զնա՝ զի մի հրաման տացէ նոցա երթալ յանդունդս: Լ, և
էր անդ երամակ մի խոզից բազմաց արօտական ՚ի լերինն, և
աղաչեցին զնա զի հրաման տացէ նոցա մտանել ՚ի նոսա .
և հրամայեաց նոցա: Լ, և ելեալ դեքն յառնէն՝ մտին ՚ի
խոզեանն . և դիմեաց երամակն ՚ի գահէ անտի ՚ի ծովակն՝
և հեղձու: Երբև տեսին խոզարածքն զիրան որ եղեն՝
փախեան, և պատմեցին ՚ի քաղաքին և յաղարակսն: Լ, և
իրբև ելին տեսանել զգործսն, և եկին առ Յիսուս, և գտին

ղայրն՝ ուստի դեքն ելեալ էին, զգեցեալ և զգաստացեալ նստէր առ ոտսն Յիսուսի, և երկեան: Պատմեցին նոցա որոց տեսեալն էր՝ թէ զիարդ փրկեցաւ դիւահարն: Լա աղաչէր զնա ամենայն բազմութիւնն շուրջ զկողմամբքն Գերգեսացոց՝ գնալ ՚ի սահմանաց նոցա, քանզի անիւ մեծաւ տագնապէին. և նա մտեալ ՚ի նաւ՝ դարձաւ անդրէն: Լա աղաչէր զնա այրն՝ ուստի դեքն ելեալ էին՝ շրջել ընդ նմա. արձակեաց զնա՝ և ասէ. դարձ ՚ի տունքո, և պատմեա՝ զոր միանգամ արար քեզ աստուած. զնաց ՚ի քաղաքն՝ և քարոզէր զոր ինչ արար նմա Յիսուս:

Լա իբրև դարձաւ անդրէն Յիսուս, ընկալաւ զնա ժողովուրդն. քանզի ամենեքեան ակն ունէին նմա: Լա ահա եկն այր մի՝ որում անունն էր Յայրոս, և նա էր իշխան ժողովրդեանն. անկեալ առ ոտսն Յիսուսի՝ աղաչէր զնա մտանել ՚ի տուն նորա. զի դուստր միամօր էր նորա՝ ամաց իբրև երկոտասանից, և էր մերձ ՚ի մահ. և ընդ երթալն նորա՝ ժողովուրդքն նեղէին զնա: Լա կին մի էր ՚ի տեռատեսութեան արեան ամաց երկոտասանից, որ ՚ի բժշկիւ ծախեալ էր զամենայն ինչս իւր. որում ոչ էր լեալ հնար յումեքէ բժշկիլ: Մատուցեալ յետոյ մերձեցաւ ՚ի քղանցս հանդերձի նորա. և նոյն ժամայն եկաց բղիսումն արեան նի: Լա ասէ Յս. ով է՝ որ մերձեցան յառ իբրև ամենեքեան ուրանային, ասէ Պետրոս՝ և որ ընդ նմա էին. Վարդապետ, ժողովուրդք պնդեն և նեղեն զքեզ: Լա ասէ Յիսուս. ոմն մերձեցաւ յառ, քանզի գիտացի՝ եթէ զօրութի ել յինէն: Իբրև ետես կինն՝ եթէ ոչ ծածկեցաւ ՚ի նմանէ, եկն դողալով՝ և անկաւ առաջի նորա, թէ վասն որոյ իրաց մերձեցաւ ՚ի նա՝ պատմեաց առաջի իմ ժողովուրդեանն. և թէ զորպէս բժշկեցաւ առ ժամայն: Լա ասէ. քաջալերեաց, դուստր, հաւատք քո կեցուցին զքեզ, երթ ՚ի խաղաղութի:

Լա մինչդեռ նա խօսէր, գայ ոմն ՚ի տանէ ժողովրդապետին՝ և ասէ ցնա. մեռաւ դուստրն քո, մի ինչ աշխատ առնէր զդառ: Իսկ Յիսուս իբրև լուաւ, պատասխանի:

եւո նմա՝ և ասէ . մի երկնչիր , բայց միայն հաւատա՝ և կեցցէ : Լ,ւ մտեալ ՚ի տունն՝ ոչ զոք եթող մտանել , բայց միայն զՊետրոս և զՅակոբոս և զՅովհաննէս , և զհայր մանկանն և զմայր նորա : Եւ յայն ամենեքեան՝ և կոծէին զնա : Լ,ւ նա ասէ . մի լոյք՝ զի չէ մեռեալ՝ այլ ննջէ : Լ,ւ նորա ծաղը առնէին զնա , զի գիտէին թէ մեռաւ : Լ,ւ նորա հանեալ զամենեսին արտաքս , կալաւ զձեռանէ նորա՝ բարբառեցաւ և ասէ . արի , կաց մանուկ դու : Լ,ւ դարձաւ ոգի նորա , և կանգնեցաւ վաղվազակի . և հրամայեաց տալ նմա ուտել . և զարմացան ծնողքն նորա : Լ,ւ նա սլատուիլէր մի ումեք ասել՝ որ ինչ եղևն :

Լ,ւ եղև ՚ի վաղիւն մինչ իջանէին ՚ի լեռնէ անտի , ընդ առաջ եղև նմա ժողովուրդ բազում : Լ,ւ ահա այր մի ՚ի ժողովրդենն՝ անտի աղաղակեաց և ասէ . վարդապետ , աղաչեմ զքեզ հայեաց յորդի իմ , զի միամօր է ինձ : Լ,ւ ահա այս հարկանի ՚ի նմա , և յանկարծ դոչէ՝ և զարկուցանէ և թաւալեցուցանէ զնա և փրփրեցուցանէ , և հազիւ մեկնի ՚ի նմանէ խորտակեալ զնա . և աղաչեցի զաշակերտսն քո զի հանցեն զնա , և ոչ կարային : Պատասխանի եւ Յի և ասէ . ո՛վ աղգ անհաւատ և թիւր մինչև յերբ եղէց ընդ ձեզ՝ և անսայցեմ ձեզ . մատոս այսր զորդին քո : Լ,ւ մինչդեռ մատչէր , զարկոյց զնա դեն՝ և շարժեաց : Պատեաց Յի այսոյն պղծոյ , և բժշկեաց զմանուկն . և ետ զնա ցհայր իւր : Լ,ւ զարմանային ամենեքեան ՚ի վերայ մեծամեծացն նոյ . և ՚ի զարմանալ ամենեցուն ՚ի վերայ ամենայնի զոր առնէր , ասէ ցաշակերտսն իւր . դիք դուք ՚ի լեռիս ձեր զբանս զայստիկ . զի որդի մարդոյ մատնելոց է ՚ի ձեռս մարդկան :

Լ,ւ հանէր դև մի համր . և եղև յերանել զիւին՝ խօսեցաւ համրն , և զարմացան ամենայն ժողովուրդքն : Լ,ւ ոմանք ՚ի նոցանէ ասեն . բէեղզերուղաւ իշխանաւն զիւաց հանէ դա զդևս : Լ,ւ այլք փորձէին՝ և նշան յերկնից խնդրէին ՚ի նմանէ : Իսկ նորա գիտացեալ զխորհուրդս նոցա , ասէ յնոցա . ամենայն թաղաւորութիւն բաժանեալ յանձն՝

աւերի , և տուն բաժանեալ յանձն՝ կործանիւ Միս եթէ
 և սատանայ բաժանեցաւ յանձնէ , զի ասէք զիննն եթէ Բէեղզեբուղաւ
 իշխանաւն զիւաց հանէ դա զղևս Նթէ ես Բէեղզեբու-
 ղաւ հանեմ զղևս , որդիքն ձեր իւ հանիցեն . վասն այդորիկ
 նորին եղիցին ձեր դատաւորք : Իսկ եթէ մատամբ այ հա-
 նեմ զղևս , ապա հասեալ է ՚ի վերայ ձեր արքայութիւն
 աստուծոյ : Յորժամ հզօր վառեալ՝ պահիցի զտուն իւր ,
 ՚ի խաղաղութեան են ինչք նորա : Իայց եթէ հզօրագոյն
 քան զնա ՚ի վերայ եկեալ յաղթեցէ նմա , զստառագինու-
 թիւնն հանէ՝ յոր յուսացեայն էր , և զաւար նորա բաշ-
 խեցէ : Ար ոչ է ընդիս՝ հակառակ իմ է , և որ ոչ ժողով-
 ընդ իս , ցրուէ : Յորժամ այսն ելանիցի ՚ի մարդոյ՝ շրջի ընդ
 անջրդին տեղիս , ինդրէ հանդիստ . և իբրև ոչ դտանէ , ասէ .
 դարձայց անդրէն ՚ի տուն իմ ուստի ելիւ Նւ դայ դտանէ
 մաքրեալ և յարդարեալ : Յայնժամ երթայ և առնու եօթն
 այլ այս չար և սքան զինքն՝ և մտանէ ընակէ անդ , և լինի
 յետինն մարդոյն այնորիկ չար քան զառաջինն : Նւ եղև մինչ-
 դեռ խօսէր զայս , ձայն եբարձ կին մի ՚ի ժողովդեանն անտի
 և ասէ . երանի է որովայնին՝ որ կրեսայն զքեզ , և ստեանցն՝
 որ դիեցուցին զքեզ : Նւ նա ասէ . նա երանի այնոցիկ է ,
 որ ընն զբանն աստուծոյ , և առնեն :

Նւ ուսուցանէր ՚ի միում ժողովրդանոցացն ՚ի շարաթաւ
 Նւ ահա կին մի՝ զոր ունէր սյս հիւանդութեան ամս ութ-
 ուտանն . և էր կարկամեալ , և ոչ կարէր սովնելն ՚ի վեր
 հայելու Նւ տեսեալ զնա Յիսուսի՝ կոչեաց առ ինքն և ասէ
 ցնա . կին դու՝ արձակեալ ես ՚ի հիւանդութենէ քումմէ :
 Նւ եղ ՚ի վերայ նորա ձեռն , և առ ժամայն ուղղեցաւ , և
 փառաւոր անէր զաստուած : Աստաթանի ետ ժողովրդ-
 դասեան ցասուցեալ թէ ընդէր ՚ի շարաթաւ բժշկեաց
 Յս , և ասէ ցժողովուրդն . վեց օր է՝ յորս արժան է գոր-
 ձել , յայնս եկայք բժշկեցարուք , և մի յաւուր շարաթաւ :
 Աստաթանի ետ նմա տէր՝ և ասէ . կեղծաւորք , իւրու-

քանչիւրոք 'ի ձէնջ 'ի շաբաթու ոչ արձակէ զեզն իւր կամ զէշ 'ի մարտ' և տանի տայ ջուրս 'իսկ այս՝ դուստր Աբրահամու էր . զոր կասկեաց սատանայ ահաւադիկ ութուտասն ամ , ոչ էր արժան արձակել 'ի կապանաց անտի 'ի շաբաթու : Լւ զայս իբրև ասէր , յամօթ լինէին ամենեքին որ հակառակն կային նմա . և եւմ ժողովուրդն ուրախ լինէր 'ի վերայ ամենայն փառաւորութեանցն որ գործէին 'ի նմանէ :

Լւ եղև 'ի մտանելն նորա 'ի տուն ուրումն իշխանացն փարիսեցւոց 'ի շաբաթու ուտել հաց , և նորա սպասէին նմա : Լւ ահա այր ոմն էր անդ ջրգողեալ առաջի նորա : Պատասխանի ետ Յիսուս՝ և ասէ ցորինաւորսն և ցփարիսեցիս . եթէ արժան իցէ 'ի շաբաթու բժշկել : Լւ նորա լուս եղն . և բուն հարեալ զնմանէ՝ բժշկեաց զնա , և արձակեաց : Լւ ասէ ցնոսա . ոյր ուրուք 'ի ձէնջ էշ կամ եզն՝ անկանիցի 'ի ջրհոր , և ոչ վաղվաղակի հանիցէ զնա յաւուր շաբաթու : Լւ ոչ կարացին տալ նմա պատասխանի առ այն :

Լւ եղև մինչ երթայր նա յԵրուսաղէմ , և ինքն անցանէր բնդ մէջ Սամարիայ և Գալիլեացւոց : Լւ մինչդեռ մտանէր 'ի գեող ուրեմն , պատահեցին նմա տասն այր բորտո՝ որք կացին 'ի հեռաստանէ , բարձին զձայնս՝ և ասեն . Յիսուս վարդապետ , ողորմեաց մեզ : Լւ իբրև ետես զնոսա , ասէ ցնոսա . երթայք ցուցէք զանձինս քահանայիցն . և եղև իբրև գնացին , առժամայն սրբեցան : Մի ոմն 'ի նոցանէ իբրև ետես՝ եթէ բժշկեցաւ , դարձաւ անդրէն՝ 'ի ձայն մեծ փառաւոր առնէր զաստուած . անկաւ 'ի վերայ երեսաց իւրոց առ ոտս նորա , և գոհանայր զնմանէ . և ինքն էր Սամարայի : Պատասխանի ետ Յիսուս և ասէ . ոչ տասն սորա սրբեցան , իսկ արդ՝ ինունքն ուր են : Օ ի ոչ գտան դառնալ տալ փառս աստուծոյ , բայց միայն սլազգիս այս : Լւ ասէ ցնա . արի , գնա . զի հաւատք քո կեցուցին զքեզ :

Լւ եղև 'ի մտելն նորա յԵրիբով , կոյր ոմն նստէր առ ճանապարհաւն մուրացիկ : Իբրև լուս զանցանել ժողովրդեանն , հարցանէր՝ թէ զինչ իցէ այն : Լւ պատմեցին

նմա , թէ Յիսուս նազովրեցի անցանէ : Աղաղակեաց և
ասէ . Յիսուս , որդի Դաւթի՝ ողորմեաց ինձ : Լա որ առա-
ջին երթային՝ սաստէին նմա զի լռեսցէ . և նա ևս առաւել
աղաղակէր , որդի Դաւթի , ողորմեաց ինձ : Օտեղի էառ
Յիսուս , և հրամայեաց ամել զնա առ իւր . և իբրև մերձ
եղև առ նա , եհարց զնա և ասէ , զի՞նչ կամիս դու՝ զի ա-
րարից քեզ . և նա ասէ . տէր , զի բացցին աչք իմ՝ և տեսիցե
լա Յսս ասէ ցնա . հայեաց , հաւատոք քո կեցուցին զքեզ
լա առժամայն ետես , երթայր զհետ նորա՝ և փառաւոր առ-
նէր զանձ . և ամ ժողովրդեանն տեսեալ , տայր օրհնութի նշ :

ՄԵՐՅ ԱԷԿԱՐԱՆԻՍ ՅԻՍՈՍԻ ՔՐԻՍՏՈՍԻ՝ ՈՐ ԸՍՏ ՅՕՀԱՆՆՈՒՆ :

ՏԷՐՆ ՄԵՐ ՅԻՍՈՒՍ ՔՐԻՍՏՈՍ

Եւ յետ երկուց աւուրց ել անտի և զնաց ՚ի Գալիլեայ :
Օի ինքն իսկ Յիսուս վկայեաց՝ եթէ մարգարէ յիւրում
գաւառի պատիւ ոչ ունի : Այլ յորժամ եկն նա ՚ի Գա-
լիլեայ , ընկալան զնա Գալիլեացիքն . զի տեսեալ ևս էր
զամենայն նշանն , զոր արար յերուսաղէմ ՚ի տօնին . քանզի
և նոքա եկեալ էին ՚ի տօնն : Եկն դարձեալ ՚ի կանա Գա-
լիլեացուոց՝ ուր արար զըուրն գինի . և անդ էր թագա-
ւորազն մի , որոյ որդի նորա հիւանդ կայր ՚ի կափառնաում
Նա իբրև լուաւ եթէ Յիսուս եկեալ է ՚ի Հրէաստանէ ՚ի
Գալիլեայ . եկն առ նա՝ և աղաչէր , զի իջցէ և բժշկեսցէ
զորդի նորա . քանզի մերձ էր ՚ի մեռանել : Ասէ ցնա . եթէ
ոչ նշանս ինչ և արուեստս տեսանէք՝ ոչ հաւատայք :
Ասէ ցնա թագաւորազն . տէր , էջ մինչև մեռեալ իցէ մա-
նուկն իմ : Ասէ ցնա Յիսուս . երթ՝ որդին քո կենդանի է .
և հաւատաց այրն բանին՝ զոր ասաց նմա Յիսուս , և զնաց :
Լա մինչդեռ իջանէր , ընդ առաջ եղեն նմա ծառայքն նր .
աւետիս ետուն և ասեն , թէ մանուկն նորա կենդանի է :

Հարցանէր ցնտա վասն ժամուն՝ յորում ազարինեսց . և
 ասեն ցնա . երէկ յեթմներորդ ժամուն եթող զնա Ջերմու
 Վիտայ հայրն նորա՝ եթէ յայնմ ժամու՝ յորում ատացն
 ցնա Յիսուս՝ թէ որդին քո կենդանի է . և հաւատաց ինքն
 և ամենայն տուն իւր : Օ այս դարձեալ երկրորդ նշանս
 արար Յիսուս եկեալ ՚ի Հրէաստանէ ՚ի Գալիլեայ :

Եւ այսորիկ տուն էր Հրէից . և ել Յիսուս Երուսաղէմ
 Լ . և էր Երուսաղէմ ՚ի Պրօպատիկէ աւագանին . որ կոչէր
 Եբբայեցերէն Բեթհեզղայ . հինգ սրահ : Եւ անկեալ
 դնէր բազմութիւն յոյժ հիւանդաց՝ կուրաց կաղաց գօ-
 սացելոց , որ ակն ունէին ջրոցն յուղելոյ : Լ . և հրեշտակ ան
 իջանէր ըստ ժամանակի յաւագանն՝ և յուղէր զՍուրն . և
 որ նախ ՚ի շարժումն ջուրցն իջանէր յաւագանն՝ բժշկէր ,
 ոչ ունելով նշան հիւանդութեան : Լ . և անդ էր այր մի , որոց
 երեսուն և ութ ամ էր ՚ի հիւանդութեան իւրում : Օ նա
 իբրև ետես Յս՝ զի անկեալ դնէր , և դիտաց եթէ բազում
 ժամանակք են այնուհետև , ասէ ցնա . կամիս ողջ լինելը
 Պատասխանի ետ նմա հիւանդն . տէր , ոչ զոք ունիմ , թէ
 յորժամ ջուրքն յուղիցին՝ արկցէ զիս յաւագանն . և մինչ
 ես դանդաղիմ , այլ որ քան զիս յառաջագոյն իջանէ : Լ . և
 ցնա Յս . արի , առ զմահիճս քո՝ և դնա : Լ . և ողջացաւ այրն ,
 և յարեաւ՝ էառ զմահիճս իւր՝ և շրջէր . և էր շաբաթ յա-
 ւուրն յայնմիկ : Լ . և նշան Հրէայքն ցբժշկեալն . շաբաթ է՝ և
 ոչ է արժան քեզ առնուլ զմահիճս քո : Պատասխանի ետ
 նոցա և ասէ . որ բժշկեացն զիս , նա ասաց զիս , առ զմահիճս
 քո՝ և դնա : Հարցին ցնա և ասին . ո՞վ է այրն՝ որ ասաց
 ցքեզ , առ զմահիճս քո՝ և շրջեաց : Լ . և բժշկեալն ոչ դիտէր
 թէ ո՞վ իցէ . քանզի Յս խոյս ետ վասն ամբօխին ՚ի տեղուցն
 անտի : Եւ այսորիկ գտանէ զնա Յս ՚ի տաճարին , և ասէ
 ցնա . ահաւաղիկ ողջացար , մի և ս մեղանչելո՞ զի մի չար և ս
 ինչ լինիցի քեզ : Վնաց այրն՝ և պատմեաց Հրէիցն , եթէ
 Յս էր՝ որ բժշկեացն զիս : Լ . և վասն այնորիկ հարածէին զՅս
 Հրէայքն , զի զայն առնէր ՚ի շաբաթու : Լ . և Յս պատաս

խանի ետ նոցա, Հայր իմ մինչև ցայժմ գործէ, և ես գործեմ: 1) ասն այնորիկ առաւել խնդրէին Հրէայքն սգանանել զնա. զի ոչ միայն լուծանէր զչարաթա, այլև հայր իւր կոչէր զաստուած, և հաւասար առնէր զանձն աստուծոյ:

Եւ մինչդեռ անցանէր՝ ետես այր մի կոյր 'ի ծնէ՞ք և հարցին ցնա աշակերտքն նորա՝ և ասեն. ուարբի, ո՞ր վնաս է, սորա՞ թէ հօր և մօր իւրոյ, զի կոյր ծնցի: Պատասխանի ետ Յս. ոչ գորա վնաս է, և ոչ հօր և մօր իւրոյ. այլ զի յայտնի լիցին գործքն նա 'ի դմա: Եւ ինձ պարտ է գործել ըզգործս այնորիկ՝ որ առաքեացն զիս, մինչ աւուր կայ. դայ գիշեր՝ յորժամ ոչոք կարէ գործել: 2) 'ինչդեռ յաշխարհի եմ, լոյս եմ աշխարհի: 3) այս իբրև ասաց, եթուք 'ի դետին՝ և արար կաւ 'ի թքոյն, և ծեփեաց զկաւն 'ի վերայ աչաց կուրին: Եւ ասէ ցնա. երթ, լուա յաւազանին Սելովմայ. որ թարգմանի առսքեալ. չոքաւ լուացաւ. եկն և տեսանէր: Իսկ դրացիքն՝ և որոց տեսեալ էր զնա յառաջագոյն՝ թէ մուրացիկ էր, ասէին. ո՞չ սա էր՝ որ նստէրն և մուրանայրկէսքն ասէին. նա է: 4) յէքն ասէին. ոչ՝ այլ նման է նմա. և ինքն ասէր՝ թէ ես եմ: 5) սեն ցնա. իսկ զիմորդ բացան աչք քո: 6) աս ետ պատասխանի. այր մի՞ որում Յսն ասեն, կաւ արար՝ և ծեփեաց զաչս իմ, և ասէ ցիս. երթ 'ի Սելովմա, և լուայ. չոքայ լուացայ՝ և տեսանեմ: 7) սեն ցնա. ո՞ւր է նա. ասէ ցնոսա. ոչ գիտեմ: 8) ծին առ փարիսեցիսն զնա, որ երբեմն կոյրն էր: Եւ էր շարաթ՝ յորժամ զկաւն արար Յս. և եբաց զաչս կուրին: 9) արձեալ հարցանէին զնա փարիսեցիքն, թէ զիմորդ տեսանես. և նա ասէ ցնոսա. կաւ եղ 'ի վերայ աչաց իմոց, և լուացայ՝ և տեսանեմ: 10) սեն ոմանք 'ի փարիսեցւոցն. ոչ է այրն այն յայ, զի զչարաթա ոչ պահէ: 11) սքն ասէին. իսկ զիմորդ կարէ մարդ մեղաւոր այսպիսի նշանս առնել: Եւ էին հերձուածք 'ի մէջ նոցա: 12) սեն դարձեալ ցկոյրն. դու զի՞ ասես վասն նորա՞ զի եբաց զաչս քո: Եւ նա ասէ՝ թէ մարգարէ է: Եւ ոչ հաւատային Հրէայքն զնմանէ՝ եթէ կոյր էր՝ և բացաւ. մինչև կոչեցին

զճնորս բացելոյն . հարցին ցնոսա և ասեն՝ սա է որդին ձեր ,
 զորմէ դուքն ասէիք , եթէ կոյր ծնաւ . արդ՝ զիմորդ տեսանէ :
 Վատասխանի ետուն նց ճնողքն նր՝ և ասեն . գիտեմք զի սա
 է որդին մեր , և զի կոյր ծնաւ . բայց զիմորդ այժմդ տեսանէ՝
 ոչ գիտեմք . կամ թէ՝ ո՞ եբաց զաչս դորս՝ մեք ոչ գիտեմք .
 ցդա իսկ հարցէք , ինքնին ՚ի չափ հասեալ է . ինքն իսկ խօսեցի
 վասն իւր : Օ այս ասացին ճնողքն նորա , զի երկըն-
 չէին ՚ի Հրէիցն . բանզի ուխտ եղեալ էր Հրէից , եթէ որ
 խոստովանեցի զնա Քս՝ ՚ի բաց կացցէ ՚ի ժողովրդէնէնս :
 Վ ան այնորիկ ասացին ճնողքն նորա , թէ ինքնին ՚ի չափ
 հասեալ է , ցնա իսկ հարցէք : Վարձեալ կրկին անգամ կոչեցին
 զայրն՝ որ կոյրն էր , և ասեն ցնա . տուր փառս ւնյ , մեք
 գիտեմք՝ զի այրն այն մեղաւոր է : Եւ նա ասէ . թէ մեղաւոր
 իցէ՝ ես ոչ գիտեմ . բայց զայս գիտեմ , զի կոյր էի՝
 և արդ տեսանեմ : Վարձեալ ասեն ցնա . զի՞նչ արար քեզ ,
 զիմորդ եբաց զաչս քո : Վատասխանի ետ նոցա . այժմ ասացի
 ձեզ՝ և ոչ լուայք . զի՞ կամիք միւսանգամ լսել . միթէ և
 դուք կամիք աշակերտել նմա : Վորքա հայհոյէին զնա՝ և ասե-
 ին . դու լիջիր նորա աշակերտ . մեք Մովսէսի աշակերտ
 եմք : Վեք գիտեմք՝ զի ընդ Մովսէսի խօսեցաւ ւնձ . զսա ոչ
 գիտեմք ուստի իցէ : Վատասխանի ետ այրն և ասէ ցնոսա .
 այդ իսկ են սքանչելիք . զի դուք ոչ գիտէք՝ ուստի իցէ , և
 զիմ զաչս եբաց : Վտեմք զի ւնձ մեղաւորաց ոչ լսէ , բայց
 եթէ ւնձապաշտ որ իցէ՝ և զկամս նորս առնիցէ , նմա լսէ :
 Ի յաւիտենից որ ոչ լուաւ՝ եթէ եբաց որ զաչս կուրի ՚ի
 ճնէ կոյր ճնելոյ : Եթէ ոչ յնյ էր այրն այն՝ ոչ կարէր առ-
 նել ինչ : Վատասխանի ետուն և ասեն ցնա . ՚ի մեղս իսկ
 ճնեալ ես ամենևին , և դու վարդապետ լինիս մեր : Եւ հանին
 զնա արտաքս : Եւ աւ Զս՝ եթէ հանին զնա արտաքս , և
 իբրև եգիտ զնա՝ ասէ ցնա . դու հաւատամս յորդի ւնյ : Վա
 պատասխանի ետ և ասէ . տէր , ո՞վ է՝ զի հաւատացից ՚ի նա :
 Եւ ցնա Զս՝ և տեսեր զնա , և որ խօսիդ ընդ քեզ՝ նա է :
 Եւ նա ասէ . հաւատամ , տէր , և երկիրեպաղ նմա :

Մ. Ղդուի: Զաքարիայ մրգրէի պապուն անունն է: ՂԳ. 8:

Աղոնայի տէր: Որ ասաուծոյ կրուի. [Թանղըր: ԼԴ. 8:

Ազատազնեայ: Բիշիգատէ: ՁԱ. 3:

Աղդարան: Խապար տրուած տեղ. ԾԹ. 2: կամ խապար
տուող գործիք, որ է՝ բերան, կամ լեզու: ՀԳ. 2:

Ալէլուիք: Օրհնութիւնք, գովասանք. մէտհ: ՂԳ. 24:

Ալէտանջ հողմ: Տալղա հանող հով: ԾԴ. 3:

Ալիափետք: Այբբենին շարքը: ՂԳ. 22:

Ախտարծարի: Ախտը շարժող. մարազ [Թէփրէտիճի: Կ. 4:

Ածանցական: Անցաւոր, [Թէզմը անցնող: ՀԴ. 3:

Ակատ: Նաւու [Թէքնէ, կամ փիեատէ խայելս: ԿԳ. 2:

Ակնայայրատ: Աչքը մտրուող: ԽԸ. 4:

Ակումբ: Ճիւմհիւռ, սիւրիւ: ԻԶ. 1:

Աղարտեալ: Աւրած, խարապ եղած. Ե. 1: և ԻԵ. 2:

Աղաւաղել: Աւրել, փձացընել, եօխ ընել: Բ. 3: և ԿԷ. 2:

Աղէյարմար: Բիրիշով տիւզէնլէնմիշ եղած: ՂԲ. 8:

Աղիւսարկութի: Բէրիլիճճիւութի, [Թուղաճիւութի: ՀԵ. 12:

Աղխեալ ազդարան: Աղպած գոցուած բերան, կամ
լեզու: ՀԳ. 2:

Աղորի ըմբոշնենի: Տէյիրմէն՝ էզմիշ ընելու, որ է ծամելու
ակռաներ: ԿԳ. 2:

Աղու աղանի: Մաղլըմ կէօլէրճին: Բ. 1:

Աղուական: Անուշիկ. միլայիմ: ԿԶ. 4:

Աղուական ախտ: Թաթլը մարազ, որ է ցանկութիւն: ՂԱ. 3:

Աղջութիւն: Մթութիւն. քարա տուման, Զ. 3:

Աղտաղտին: Աղի լեղի. աճը զէհիր: ԼԹ. 2:

Աղօթկեր: Աղօթող, աղօթաւոր: ԾԱ. 5:

Աղօտանալ: Մթննալ, ՚իլուսոյ պակասիլ: Է. 3:

Աճառ: Սաշօն: ՂԳ. 11:

Աճիւն: Մոխիր. քիւլ: Ի. 1: և ԻԳ. 2:

Ամանակ: Եամանակ, ատեն. վաղթ: Դ Զլլապակարանն:

- Ամբարձուղէշ: Բարձր ճիւղ ունող. իւճէ տալլը: Թ. 2:
- Ամենագրաւ: Ամէնը զապդ ընող: Բ. 2: կամ խիստ սաստիկ
զապդ ընող: Ը. 1:
- Ամենապիկար: Խիստ տկար. զայի՛ֆ: ԼԸ. 2:
- Ամպրոպ: Վէլվէլէ: Զ. 3: և Ղ. 3:
- Այտ: Եանաք: ԿԳ. 2:
- Անադան: Կէճտէն կէճ: ԼԹ. 3: կամ վերջինը. սող-
րաբի: ԿԸ. 2:
- Անախտակիր: Այլոց ցաւակից չըլլող: Ծ. 1: և Ծ. 2. 2:
կամ խարէզ չըպահող: Բ. 2:
- Անաղելի՛ խակահուծ: Չի աղուած՝ նոր ծնած բիճ: Ծ. Գ. 2:
- Անարծարծելի: Ա՛լ չի վառ վելլու: Է. 3: և ՀԱ. 2: կամ
ա՛լ չըինվելու: Ի. 2:
- Անբոյժ: Չի բժշկելու. շնդուլմազ: ԾԸ. 2:
- Անդաճմուռնք: Խորուկ մտմտութ: ԻԷ. 3:
- Անդամանդեայ: Էլմապէս պինդ: ԳԲ. 10:
- Անդանձառք: Անդ, այսինքն՝ ՚ի հնու մն անձառելիք. որ-
պիսի էր ՚ի հին օրէնս՝ սրբութիւն սրբութեանցն, որ
անձառելի և անմատչելի էր նոցա. վասն որոյ ասացուա-
ծըս՝ Սրբո՛ւ-Լեանց անդանձառ-ից, իմացեալ լինի՛ Սրբո՛ւ-Լե-
սրբո՛ւ-Լեանցն: ՀԵ. 15:
- Անդասելի: Կարգէ դուրս, նիզամ չի մտած: ԼԳ. 7:
- Անդուլ: Իժիր, տայմայ: ԶԸ. 2:
- Անդուզեկցութիւն: Այն տեղը երթալու ճամբորդութի՛
և եօլտաշութիւն: ԳԳ. 5:
- Աներևակի: Աներևոյթ. կէօրիւնմէզ: ԻԳ. 3: և ԾԵ. 3:
- Աներկեան: Անլախ. շիւպհէսիզ: Գ. 1: և ԿԵ. 3:
- Անընդեղ գազան: Եապանի ետիւղ ճանալար: Թ. 3:
- Անկանել: Տօգումագ: ԿԳ. 2:
- Անկեղակարծ: Անկասկած. շիւպհէսիզ: ԶԳ. 5:
- Անկոխնչ: Շունչը կտրած. նէֆէսի քէսիլմիշ: ԺԳ. 2:
- Անհագագ: Շունչ չունող, հոգի չունող. ճանարզ: ԼԳ. 7:
- Անհամբոյր: Թերպիլէյի չեկող. հէրկէլէ: ԻԲ. 2: կամ

- չի դոցուող, շատախօս: ԻԳ. 2: կամ գարշելի: պէթ: 2Ը. 2:
 ԾԶ. 2: կամ խաթր կէօնիււ չի նայող: ԾԶ. 2:
 Անհամողելի: Խօսք մտիկ չընող. ինատճը: ԾԶ. 2:
 Անհատուածելի: Անբաժանելի, չի զատուելու: ՀԵ. 5:
 Անհրաժեշտ: Անդառնալի. միւհքէմ: ԿԱ. 2: կամ ան-
 խախտ, անզատելի: ԳԳ. 11:
 Անձաւ: Մաղարայ: Խ. 2:
 Անձնամատն: Ինքիր անձը մատնող: ԽԸ. 2:
 Անձուկ: Ներդուկ: Ա. 2: և ԿԴ. 2: կամ քչիկ մը. պիր
 ազաճըք: ԺԷ. 2:
 Անյարիր ջատուկ: Վեր չիլելու նենգաւոր և ցաւա-
 քար: ԾԸ. 2:
 Անշամանդաղ: Չիմթնալու պայծառ. տումանող: Գ. 2:
 Անշուշտ: Անփոփոխ, անխառնակ: ԿԷ. 1:
 Անտպայ: Էյլիկ պիլմէզ. նախտ: ԽԸ. 4:
 Անպատուար: Պատ չուհող. հիտարարգ: ԼԹ. 2:
 Անջրպետ: Բաժանող, զատող. պէօլմէ: ԻԷ. 2:
 Անպուժելի: Էտ չիճդուելու, էհմալ չըլլուելու: ԼԹ. 2:
 Անսողիւտ: Անպակաս. էքսիքսիզ, մահանաարգ: ԻԸ. 3:
 Անվթար: Անխալ. քուսուրսուզ: Ժ. 2:
 Անտարբափակ: Տարերբի տակ չընկնող, նիւթեղէն բանե-
 րէն դուրս: ԺԶ. 1: և ԼԴ. 3:
 Անքատ: Տկար, փոքրիկ. զայիֆ: ԿԹ. 2:
 Աշխար: Ողբ, լաց, սուգ: ԻԷ. 3: ԼԹ. 3: ԽԸ. 2: ԾԶ. 2: և այլն: ԽԶ. 2:
 Աշտանակ: Շամտան: ՀԱ. 2:
 Աշտէ: Խըշտ, մըզըսխ: ԽԷ. 3:
 Ապաքան: Պապանծած, անճրրկած: ԽԷ. 1: և ԿԸ. 3:
 Ապաղէն: Զէնք չուհող. սիլահարգ: ԿԳ. 1:
 Ապաթոյն: Թոյն չուհող. զէհիրսիզ: Զ. 2: և ՀԴ. 1:
 Ապախաւոր: Անշահ. էյլիկ պիլմէզ: Ի. 2:
 Ապահար: Ամսական հայք բանած: ԻԴ. 3: և ԼԷ. 3:
 Ապաձեռն: Օգնական չուհող, խեղճ: ԼԴ. 7:
 Ապաշուք: Անպա տիւ. թիպարսը:

- Ապաջանն: Ջանիք չընող. խայրէթսիզ: Բ. 2:
- Ապառում: Լիրբ. առսրզ: ԺԱ. 3: և ԻԱ. 2: և ԿԴ. 2:
կամ խաթր կէօնիւլ չինայող, անգութ: 2Ը. 2:
- Ապարանջանն: Պիլէզիկ: ԼԳ. 1:
- Ապաւանդակ: Չուան նաւու. բալամար: ԻԵ. 2:
- Ապաւինութիւն խարսխի: Նաւուն մեծ երկաթը. ճան
դուրթարան: ԻԵ. 2:
- Ապաքինել: Փարատել, դադրեցընել, կամ ըռընացը-
նել: 2Գ. 2: և ԴԵ. 2:
- Ապէնիագ: Անկարօտ, միւհտաճ՝ չըլող: ԾԹ. 2:
- Ապիկար: Տկար, խատիր չըլող: Ժ. 1: և ԻԶ. 2:
- Առակայք: Առաջիկայք, առջևը, կամ մօտը եղածները,
կամ քիչ մի ետև ըլլալէքները: ԺԴ. 3:
- Առանցեալ: Դադարել ՚ի ծնելոյ, վախտը անցած: ԼԱ. 1:
- Ասիդած: Գողնոց. փէշտիմալ: Ի. 2:
- Ասկայծեալ: Ճրագն որ մարելու մօտեցած, վերջին կայ-
ծակը հասած: 2Է. 3:
- Ասհաւատչեայ: Չէշի, նուժունէ. կամ փէյ: ԻԵ. 4:
ԿԵ. 2: և ԿԵ. 1:
- Առուղեկան յաւիտեանն Անցաւոր Ժամանակ: ՚ի Յիշ״: Ե
- Առօրինակեալ: Բաղդատեալ, նմանեցուցեալ: Ա. 2:
- Ասուի: Բրդեղէն, չուխայ՝ և այլք նմանք: ԻԱ. 3:
- Ասպականասպաս: Շան կերակրի իւմիտ ընող: ԼԵ. 3:
- Ասպատակ: Բէլէփիրճի, փուտու խըրսրզը: ԿԹ. 2:
- Ասպարէս, կամ Ասպարէզ: Մեծ մէյտան. աթ մէյտանը:
Ա. 2: և ԽԸ. 4: Դարձեալ՝ երկրի չափ է, որ է մէկ միլ-
տեղին՝ ութը փային մէկը: Թ. 1:
- Աստարտէ: Անկան կերպարանքով կուռքի մի անուն է: Կ. 4:
- Ատտիկեցի: Աթենացի, որ ՚ի հնումն այս քաղաքացւոց
զլաւ մարդն՝ խիստ նամտար, և զլատն՝ խիստ պէթնամ
համարէին: ԿԵ. 1:
- Արահետ: Լան ճամբայ. քեօռ եօրու: Թ. 2: կամ շիտակ
ճամբայ. ճատէ: ԽԶ. 3:

- Արամաթացի: Արիմաթացի, ուստի էր Սամուէլ մարդա-
րէն: ԶԸ. 1:
- Արբուն: Կատարեալ հասակ. քեամիլլիք չաղը: Գ. 2:
- Արդահատել: Յաւակցելով միտթարեւ, սիրտ տալ: ԺԲ. 1:
կամ աղաչել, ընկնել: ԺԵ. 1: և ՏԵ. 2:
- Արդասաւոր: Արդիւնաւոր. մէյլէտար: Ի Յէլաստիսն:
Արդարալուկ: Հախ տեղը տանջուող: ԻԹ. 2:
- Արդեան: Հիմակուան, շիմտիքի: ՀԵ. 8:
- Արդվատնական: Հիմակուց թէլէֆ եղած: ԻԲ. 2:
- Արկածք: Փորձանք. պէլայ: Զ. 3: և Կ. 2: և ԿԷ. 2:
- Արձագանք: Ետ դարձող ձայն, որ մաղարաներուն մէջ,
կամ խորունկ տեղուանք՝ կանչողն ինչ որ կանչէ, զայն
կը լսէ: ԴԲ. 8:
- Արուարձան: Քարէ վորած երիկ մարդու պատկերք,
կուռք: Կ. 4:
- Արութիւն: Արիութիւն, կտրիճութիւն: ԻԹ. 3:
- Արուսեակ: Սապահ երլորը, զէօհէ. կամ արեղակն.
կամ սաղայէլ: ԼԶ. 2:
- Արջնաթոյր: Սև գոյն ունող: ԿԹ. 2:
- Արջնատես: Սիեահ կէօրիւնիւշիւ: ԼԱ. 3:
- Արտալած: Ճամբէ դուրս ելած. եօլուղ. կամ սիւրկիւն
եղած: ՏԶ. 2:
- Արտաքնայարդար: Դրսի դիյէն թէմիզ: ԻԷ. 3:
- Արտուղի: Ճամբէ դուրս, ծուռ. եանդլըշ: ՀԸ. 3:
- Արփիացնցուղ: Լոյս տարածող, շաւխ ծագող: Գ. 1:
- Արօտ: Արծուելու տեղ. չայրլըխ: ԻԵ. 3: և Կ. 2:
- Արօր: Չիֆթ քշելու գործիք. սապան: ՏԴ. 2:
- Աւաղական: Ափսոսական, ողբարու: ԻԶ. 1:
- Աւանդ: Էմանէթ: Գ. 1: կամ տուլք. վէրկիւ Թ. 2: կամ
թէմպիւհ, վասիեթ: ԻԷ. 4:
- Աւողական: Բեռի արշմիշ չեղած. աճամի, հէրիկէլէ: ԻԲ. 2:
- Աքար: Պատժուած մարդոյ մի անուն է. (Յէսուայ. 7. 1):
ԻԷ. 2: և ՀԱ. 3:

- Բժժանք: Պիւիւճիի կամ պախըճիի չըխըն: ԿԶ. 4:
 Բիծք բոցակիծք: Արակի պէս կճուած ուռեցներ, ինչպէս՝
 Թախտապիթիէն, կամ սիւրիսինէկէն խածուած տեղ-
 ուանքը: ԿԹ. 2:
 Բողորապտուղ: Ողջակէզ. Թամամ փէշկէջ: Ա. 1:
 Բոսորայ դիակուներ: Արմրագոյն արիւնաթաթախ լէշեր: ԿԸ. 3:
 Բոսորային: Կարմրագոյն, կարմրած. գըղըլ: ԿԳ. 1:
 Բռեալ: Արվայած, կամ պատանայ եղած: ԻԷ. 3:
 Բռնախոցեան: Դէմ ելլող կարիճ՝ ճէնկճի: ՂԳ. 18:
 Բռնամարտիկ: Ատրիճ՝ ճէնկ ընող: ԿԶ. 2: կամ ուժով կիւ-
 չէշմիշ ըլլող: ՂԳ. 13:
 Գահաւորակ: Թահորաւան. քէօչկ: ԻԵ. 2:
 Գաղճնաւոր: Անշահ խտտերով, (կամ այրիս խտտով) լցուած: ԾԶ. 2:
 Գաղտնակուր: Գաղտնի ուտող, ինչպէս պաղըրսախից մէջի
 որդերը: ԿԹ. 2:
 Գայխոն, երկան մըզրախ: ՂԲ. 4:
 Գանչութիւն: Հնչումն, կանչուածք: ՂԲ. 8:
 Գարնանազայր գետ: Գարնան ատենը ազմիշ ըլլող չայ. Թաշղն ըռմախ: ԾԴ. 3:
 Գեղայօրէն: Գեղեցիկ յօրինած. հիւսիւնլու: ՂԳ. 24:
 Գեղմն: Ճերմակ բուրդ. տափաղը: ԾԲ. 1:
 Գերաբնապէս: Բնուէր ատէթէն վեր, հրաշապէս: ՂԳ. 8:
 Գերանակիր: Տիրէկ կրող, կամ տիրէկ ունող: ԻԷ. 3:
 Գերաշխարան: Խիստ ապաշխարող, շատ լացող ողբացող: ԽԸ. 5:
 Գերաշխարհիկ: Ամէնէն պատուաւոր, խիստ իթիպարը: Գ. 3:
 Գերունակ: Ամէն գերազանցութիւն և կատարելութիւն ունող: ԻԷ. 2: և ՀԵ. 7: կամ ամէնէն էվէլ ունող: ԽԹ. 2:
 Գթերլ: Գլորիլ, սխալլլ, չի գիտնալով պակասութիւն ընել՝
 ընկնիլ: ԼԱ. 2: ԾԵ. 4: ԾԷ. 3: և ՀԲ. 2:

- Գժդմնութի: Սրբողելով երեսը ծըռելը. իզգապ: ԽԵ. 2:
 Գժտութիւն: Առիւ. նիզա: ԽԵ. 2:
 Գինդ: Օղ. գիւփէ: ԼԳ. 1:
 Գիշերավար: Սատանայ. շէյթան: ԼԷ. 1:
 Գլխաշուք կտաւ: Գլուխը ծածկող՝ զարդարող լաջակ: ԼԳ. 1:
 Գլխաւորել: Գլուխ հանել, լըմընցընել: ՀԱ. 2:
 Գողջիք: Ասացէք: ՀԲ. 1:
 Գողտրական: Կահուղիկ, փափուկ. նազըք: ԽԶ. 2:
 Գոմոր: Սողոմայ մէկ քաղաքն է: ԾԴ. 2:
 Գոյարան: գոյացնող, ստեղծող. վար է տիճի: ԶԴ. 1:
 Գործականութիւն: Գործելը. իճրա ընելը: ՂԳ. 20:
 Գործնականաց գործի: Գործելու արեաթ, որ է՝ ձեռքն: ԻԳ. 2:
 Գործօնեայ: Գործող փէյտահ ընող: ԶԴ. 1:
 Գումարտակ: Գումարեալ բազմութիւն. ճէմիյէթ, ճիւմ
 հուր: Զ. 3: ԻԴ. 1: ԼԷ. 1: և ՀԵ. 12:
 Գունել: Գոյն տալ, ներկել: ԼԶ. 2: և ՂԳ. 17:
 Գուպար: Պատերազմի զօրք. ճէնկ ասքէրի: Կ. 4:
 Գուրհ: Գուհ. սօխախ: ԿԷ. 2:
 Գրաբանական: Գրով խօսուած՝ զրուցած: ԼԴ. 1:
 Գրաւական: Չէշի. նումունէ: Ժ. 2: ՂԳ. 16:
 Գրգեալ: Զէֆբի սէֆայի մէջ ըլլող: ԽԸ. 2:
 Գրկանք: Սիրով և գթով գրկելը. գուճմագ: ԻԷ. 2:
 Գրուան: Շինիկ, ցորենի էօլէկ: ԼԵ. 3:
 Գօշել: Ասկըմցընել, խըշխըշցընել, սիրտը ցաւցընել: ԺԷ. 1:
 Գաղան: Աբիրօն: Երկու եղբարք էին, որ Մուսէսի դէմ
 կեցան ու գետինը անցան: (Թոոոյ. 16. 1): ԿԸ. 4:
 Գանդալել: Գուրգուրալ, քերօրի պէս շարժիլ: ԺԹ. 3:
 Գանդաշեցուցանել: Երեւոյցընելով չընկրը չընկրը ձայնը
 հանել: ՂԲ. 8:
 Դասակ: Սիւրիւ, պէօրիւկ: ԿԳ. 2:
 Դատակնիք: Աճիւ. սիճիլ: Դ. 1: և ԺԷ. 3:

- Դարաստան: Դրախտ . պախճա: ԽԶ. 3:
- Դեզերեալ ողբայ: Աղլայրպ եաթըյօր: ԻԵ. 2:
- Դերաքրիստոս: Նեռն . թէ՛ ճճալ: ՂԱ. 1:
- Դժնիկ: Փուշ . քարա չալը: ԿԹ. 2:
- Դժուարամղբելի: Դժար անուշնալու . զէ՛հիր թապիւթիւ: ԻԸ. 3:
- Դրժել: Խօսքէն դառնալ, խաւը աւրել: ԾԵ. 4:
- Դիզի . այսինքն՝ դիզեցի: Երդմիշ ըրի: ԻԷ. 3: կամ նիզամը շարեցի: Ի Յիշապսիարանն:
- Դիմագրաւութիւն: Գլուխը օրթան դնելով սէրպէստու-
թիւն, սէրտէն կէ՛տիտութիւն: Կ. 4: և ՀԱ. 1:
- Դիմակ: դէմք, կերպարանք . քիսովէթ: Դ. 1:
- Դիմակերպութիւն: Ուշղունութիւն . մինասիպէթ: ՂԳ. 4:
- Դիմակս դիմակս: Թիւրլիւ թիւրլիւ: ԼԹ. 3:
- Դիտակ: Տեսնելու բարձր տեղ, ինչպէ՛ս՝ կէ՛միին չանախ-
ըխը: ԻԵ. 2: կամ տեսնալու տեղ, ինչպէ՛ս՝ մարդոյ
երեսը: ԿԵ. 2:
- Դիտակ ոստոց: Ճառի ճիւղերուն ծարը: ՂԲ. 9:
- Դիււաճենճեր զոհարան: Սատանայի համար զուրպան ե-
փելու տեղ: ԾԱ. 4:
- Դիւրափխրելի: Խօլայ փշրուելու, փտրվելու: ՀԴ. 3:
- Դուժ: Եապանի միլէթ . խորեաթ: ՂԳ. 12:
- Դատիկոն: Տանը խաթը, կամ վերի խաթը: ԿԹ. 2:
- Դարովել: Քամահրել, սիթեմ տալ: Լ. 3:
- Դրականապէս անունադրութիւն: Ուշղունճա լաղապ դը-
նելը: ՂԳ. 19:
- Դրանդ: Դրան վերի շէմը: ՂԲ. 5:
- Դրուակ, կամ դրուադ: Դրուած, օրինած շինուած:
ԼԴ. 8: և Յիշապսիարանն:
- Դրօշ: Թուղ, սանճախ, խաչալէմ: ԼԷ. 1:
- Դրօշեալ: Փորուած կուռքի պատկերը: Բ. 1: և ՀԵ. 12:
- Լզովմայեցիք: Եսաւայ այալէթին բնակիչները: Ա. 2:
- Լզող: Եզ վարող, շիֆթ քըղղ: ԾԴ. 2:

Եթովպացի: Արապխատանցի. արապ:	ԾԴ. 2:
Ելենացի: Հելենացի, Հուռմ:	ՂԳ. 12:
Եղեամն: Խրրաղը:	ԿԸ. 3: և Ղ. 3:
Եղեռնագործ: Չարագործ. զիանքեար:	Դ. 3: և ՂԱ. 3:
Եղերական Չայլ: Լաղկաններու Թախրմին լացը:	ԿԸ. 1:
Եղևին: Բարձր սէրիի, կամ չամի ծառ:	ԿԱ. 3:
Եղէ գնախուենկ: Պուհուբ դամբը:	ՂԳ. 11:
Եղէ գնախուիւ: Խամբըի կոտրուք՝ եօնկա:	Է. 3:
Եղիճ: Ըսրական օթլուղու:	ՀԱ. 2:
Եմակ: Չոր. տէրէ:	Խ. 2:
Եպերիլ: Բամահրիլ. խթխաբալ օլմագ:	ՁԲ. 5:
Երախայրի: Առաջին պտուղ. Թուրֆանտայ:	ԼԱ. 2:
Երախան: Լաղկաններու սիւրիւ:	ԻԶ. 1:
Երամակ: Սիւրիւ, սիւրէկ:	ԽԶ. 1:
Երասանակալ: Տիգկինը բռնող, դապթ ընող:	ԼԲ. 2:
Երբէք, երբէքի: Ժամանակ. զաման:	ԼԴ. 3:
Երգիճանութի: Սիրտ կսկծցնելու խօսք. սիթէմ:	ԽԸ. 2:
Երևականութի: Երևոյթ. խէյալ կէօրիւնիւշ:	ՂԳ. 10:
Երևիլ: Ծառոց և խոտոց կիւլին է:	ԿԸ. 3:
Երիզապնդեայ: Երկան կտաւով սրխի վաթթած:	ԾԸ. 3:
Երիթացեալ: Յամբած, չորցած:	ԻԹ. 2:
Երինջ: Մատղալ կով. կէնճ ինէք:	ԽԵ. 2:
Երիթով: Սուրբ եէմի սէմթը. քաղաք մի է: ԿԳ. 1: և ՂԲ. 4:	
Երկակշիռ տարրութիւն: Երկու ներհակ բան, ինչպէս՝ տաքն ու պաղը, ցարեկն ու գիշերը:	ՂԳ. 2:
Երկևանութիւն: Ասական, շիւպհէ:	ԺԱ. 1:
Երկնաճեմ: Երկինքը հանող, կէոյէ չքարան:	ԼԲ. 2:
Երկնել: Տղաբերքի ցաւ քաշել:	Ա. 2: և Բ. 2:
Երկուորեակք: Լուծք եզանց, որով չիթթ կը. բշեն: ԾԴ. 2:	
Երկրակենցաղ հէնք: Երկրիս վրայ կեցած մասխարկու Թիւններ, աշխարհիս միւթալիս խախբութիք:	ՀԱ. 4:
Երկրորդութիւն: Թէքրարլամիշ ընելը:	ՀԵ. 1: և ՂԳ. 10:
Երվն: Գոյն. ըուէնկ:	ՀԱ. 2:

- Երկբ: Աշխատանք. զահմէթ, մէշադգէթ: Ի. 1:
- Եւղընծիւղ փայտ: Եղ տուող ծառ, ինչպէս՝ ձիթենին: ԼԹ. 2:
- Օակաախլը. Բէօրի պէս՝ շաշխընի պէս լուէղիլ ըլլալ: Ի. 2:
- Չանդուած: Բանի մը բաներէ խառնուած՝ մէկ խմոր եր-
ղած, ինչպէս՝ մարդոյ մարմինը: Իգ. 2: և ՀԱ. 1:
- Չառածեալ: Մոլորած, ճամբէ ելած: Ը. 1: և ԿԴ. 2:
- Չարհօրատեսակ: Չարհուրելի տեսք ունող. ազիլն չէհ-
րելի: ԳԳ. 12:
- Չարմանութի: Չարմանալիք, թաածիւսղ ընելու: ԽԹ. 1:
- Չեղծանիլ: Ստիլ, խօսքը փուճ ըլլալ: ԾԵ. 1:
- Չըլացող: Երախտամոռաց, հախը ինքեար ընող: ՁԵ. 3:
- Չըմբաղ: Ուրախութիւն. զէվգ՝ սէֆա: ԾԵ. 3:
- Չընդամ զընդանաւ: Չարչարուիմ զընտանով: ԺԶ. 1:
- Չկծեցուցիչ: Սիրտ կսկծցունող, աղիքը կտրտող: ԼԹ. 3:
- Չկծիլ: Հազմ չընելով սիրտը երիլ: ԻԹ. 2: և ԿԴ. 2:
- Չմոսալիլ: Բաղցրահոտ, ասիլպէնտով լցուած: ԳԳ. 6:
- Չոփանալ: Յրտէն դողալ. թիթրէմէք: ԻԹ. 2:
- Չրահն տական: Պօշ պարապ, անպտուղ. մէյվէ սիղ: ԽԵ. 2:
- Չօրէն: Նման. այնի: ԿԹ. 2:
- Րդձութիւն: Իղձ, փափաք. աշղ: ԳԴ. 1:
- Րմբերանեալ: Աբիբերան եղած, հախ չունելով պապըն-
ծած: Բ. 1:
- Րմբոշխնել: Ծամել. չէյնէ մէք: Ե. 2:
- Րմպահանք: Արհամարհանք. րէզալէթ, մէզադ: ԽԼ. 4:
- Րնկլուզեալ: Զրի մէջ պաթմիշ եղած: Գ. 3:
- Րնդակից: Հետը ույլուն, այախտաշ: ԿԱ. 1:
- Րնդարմացուցիչ: Թմրեցնող, սէրսէ մցնող: ՁԳ. 3:
- Րնդգողեալ: Գողմն մէջ ժողուած պահած: ԾԱ. 4:
- Րնդերք: Փորոտիք, փորու միջի աղիք. պաղըրասխ: ԼԶ. 2:
- Րնդ կրունկն դառնալ: Ետ ետ դնալ: ՀԱ. 2:
- Րնդ հատ: Պակաս, հեռու. ֆարգը: ՀԲ. 2:
- Րնդ միջարկութիւն: Օրթայէն իբրու պատ քաշելը. մէօհ-
քէմ թէնպիհ: ԳԳ. 6:

- Ընդմիջել: Փէրտէ քաշել: ԼԷ. 3: կամ էնկէլ ըլլալ՝ զա-
տել: 22. 1:
- Ընդոստնուլ: Վեր ցաթկել. սրչորամագ: Ե. 3:
- Ընդունայնաթոպ քիրտն. սրխէթ տուող պօշ քրտինք, որ է
ասել՝ նաֆիլէ զահմէթ: ԽԸ. 4:
- Ընդպահկել: Երեսէ ձգել, ձեռքէ թող տալ: 2Է. 3:
- Ընկճիլ: Սըմքիլ, տակ ընկնիլ, սինմէք: Լ. 3:
- Ընկրկիլ: Ետ ընկնիլ, ետ փախչիլ, կէրիլէ գափանմագ: ԴԱ. 1:
- Ըստանձնեալ: Շալակն առած. իւքէնմիլ: Ծ. 3: և ՀԷ. 3:
- Ըստ բան քու Բու խօսքէդ դուրս. սէնին սէօղիւնտէն
տըշարը: ՀԶ. 1:
- Թառանչ: Հառաչանք. կէօյիւս կէչիլմէք: ԻԳ. 2: Լ. 1:
և ԽԸ. 2:
- Թատր: Մէյտան օյունու: ԼԱ. 2:
- Թարահատ: Կուռքի անուն է, զոր Թարա հայրն Աբրա-
համու շիներ էր: Կ. 4:
- Թարթափումն: Աչք գոցել բանալը: ԼԷ. 3:
- Թարմատար: Փուճ, պօշ, բան մը չարժող: Ծ. 2: և Կ. 4:
- Թափանցանց: Մտնող անցնող, թէէսիր ընող: ԳԳ. 12:
- Թեզան: Մանած, երկան թել: ԳԳ. 24:
- Թելադիր: Յորդորող. թահրէք էտիճի: ԽԸ. 2:
- Թերափ: Կռպպաշտից գործէք, համայիլ: ԽԸ. 3:
- Թինդս առնուլ: Յաթկտել, լողալ: ՀԱ. 3:
- Թխատիպ: Սեադոյն, մութ գուն. զիֆիրի: Խ. 3:
- Թշուառաքիրտն թոշակ: Մահուան քրտինքով վաստակ.
մէշագգէթի իյրատ: ԽԵ. 3:
- Թողեալ: Չարչարուած, պէրպատ եղած: ՀԲ. 3:
- Թուլադաշնակեալ: Տիւղէնը թուլցած, տիւղէնը աւրած: ԳԳ. 20:
- Ժայթքել: Փրսխել, դուամագ: ԿԵ. 1:
- Ժանիք: Գաղանի ակոսներ: Դ. 1: ԿԶ. 4: և ՀԹ. 4:
- Ժխտող: Ինքեար ընող, հիլէ ընող: Բ. 1:

- Ժողիսեալ: Մարագներով լցուած, հոտած, լիկած: ԶԳ. 2:
- Ի գիծն թուլանալ: Շիտակ ճամբան չի կրնալ երթալ,
թուլնալ ու ճամբան մնալ: ԶԱ. 2:
- Ի ճիւղս մատանց թուել: Մատներուն վրայ մէկիկ մէկիկ
համրել: ԶԸ. 3:
- Իններեակ յոբելինի: Ինն անգամ յիսուն, որ է չորս հարիւր
յիսուն: Ի 31 շաբաթանն:
- Ինքնարգոյ բարձրայօն: Ինք զինք յարգող մեծարող հը-
պարտ: Գ. 2:
- Ինքնոգոր: Ինք իր հետ կռուող: ԾԹ. 1:
- Ինքնօրէն: Ինք իրմէ կէնտի քէյփինէ: ԿԱ. 1:
- Իշանգամ: Իշու անդամի պէս ամօթ ունող: Կ. 4:
- Իսկ անուէն իսկոյն: Բուն իսկական անուէն իսկութեանն .
զաթինին իամի զաթի: ԴԳ. 18:
- Իրաւամբութ: Իրաւունքով մերժուած, միւսթահախօյլ վը-
աընտրված: ԻԹ. 2:
- Լայնատարր հետք: Լան ու արձակ ճամբայ: Ե. 3:
- Լանջք: Կուրճք, կէօյլուս: ԼԳ. 1:
- Լաստ: Նաւուն տակը, կէմիի թէքնէ: ԻԵ. 2: Լ ԶԵ. 2:
- Լաստին դադարք: Կէմիին հանգչելու տեղը . իլիմանն:
ԻԴ. 2:
- Լափիլիզող: Լափելով լիզող, արիւնը ծծող: Ժ. 1:
- Լինիլ: Անամօթ լինիլ, էտէպսիզ օլմադ: ԿԶ. 4:
- Լուծ: Թէրաղիի թաթ: Թ. 1: Կամ պօյունտուրախ: ԻԵ. 2:
- Լուծք ստուարք ամուլից: Կէմիի կէօլէրթէին հաստը գօ-
տինները: ԻԵ. 2:
- Լուղակ: Լողացող, ինչպէս՝ ձկները: ԶԱ. 3:
- Լուն: Լսեցն . իշխթափիլ: ԶԵ. 1:
- Լուսանցոյց երգ: Երգիքէն լոյս մանելու տեղ . պաճա:
ԺԲ. 3:
- Լուսնական դիպուած: Թու թարրխ: ԶԲ. 6:
- Լուտացող: Բամահրող . պէթ սէօյլէյիճիլ: ԺԱ. 3:
- Լպրչեալ: Անամօթ՝ էտէպսիզ եղած: ԾԶ. 2:

- Լճնացեալ: Ճերմըկած , ինչպէս՝ լաւցած եարային տեղը: ԻԴ. 2:
 Լրացատար: Լըման լեցուն . միւնէվկէր: Ի Յէլասոս՝: Լ. 2:
 Լրթադոյն: Մթնադոյն . փէք գարամթը: Լ. 2:
 Լքանել: Դուրս ձգել . բէտտ էթմէք: Բ. 3: և ԻԷ. 2:
 Խաթարեալ: Աւրած , խարապ եղած , փճացած: ԻԵ. 3:
 Խակախորհութի: Խամ իմացմունք , ճահկլուծի: ՂԲ. 8:
 Խաղաւարտ հրակայծակ: Աճած ուսեցք՝ կրակի պէս եւ
 րող՝ կսկծցնող: ԿԹ. 2:
 Խաղբ: Իբրև թէ՛ խիղբ . որ է՝ կապ , կամ կապանք . ըստ
 այլոց՝ հաղբ . որ է՝ որոգայթ: ԼԲ. 3:
 Խայրիք: Պտուղներ . մէյվէլէր: ԼԳ. 1:
 Խառնիճ՝ կամ ջորեակ: Խանաոսրղ չէկիրկէ: ԿԸ. 3:
 Խարան: Եարա տաղլամիշ ընելու երկաթ: Զ. 1: կամ
 տաղլանմիշ եղած խոց: ԶԷ. 2: և ՂԳ. 6:
 Խարդաւանք: Խաբեբայութիւնք . ֆէնտ: Կ. 2:
 Խարխափանք: Քէօռի քալուածք , գուրգուրալ: ԺԷ. 2:
 Խափուցանել: Խափանել . մէն էթմէք: ԿԳ. 2:
 Խելք: Նաւու խը: Խելք շթանց: Խըլին թարաֆի
 քիւփէշտէներ: ԻԵ. 2:
 Խենեշանալ: Էտէպսիզճէ հագուիլ կապուիլ: ԷԲ. 2:
 Խժական բարբարոս: Կոպիտ , խորեաթ եարամագ: ՂԳ. 6:
 Խիզախել: Համարձակիլ , ճիւրահաթ ընել: ԿԸ. 3:
 Խիթ: Խօստուկ , սանձը: Զ. 1: և ԻԶ. 3:
 Խլըտումն: Տեղացը ժաժիլ , թէփրէնմէք: Զ. 3: և Է. 1:
 Խժբիծ: Խառնելը փնտրուելը . արաշորոմասը: ԽԸ. 4:
 Խխայթ . խղխայթ: Պէօճէկ , թըւթըն: Է. 1:
 Խնձիլք: Խնտում . զէվզ , շաղլըք: Դ. 1:
 Խնկաւորութիւն: Օրհներք , գովասանք: ՂԳ. 14:
 Խոհեր: Գարշելի գործք , մուրտառ բան: ԽԵ. 2:
 Խոպանացեալ: Չորցած , աւրած , խարապ եղած: ԷԳ. 2:
 Խորշակ: Տաք հով . սամ եէլի: ԿԶ. 4:
 Խուկք: Չարչարել . էղիւէթ էթմէք: ԿԶ. 4:

- Խուզել: Փնտրել: Թ. 2: և ՏԵ. 4:
 Խուժարութ: Եացանի, ապուռճուպուռ: Կ. 4:
 Խուճապել: Խիստ աճելէնով սխլէթ ընել: ՀԹ. 3:
 Խուն: Սակաւիկ. աղաճըք: ԿԳ. 2: Հ. 2: և ՀԳ. 3:
 Խոփ: Այրորի երկաթ. սապան տէմիրի: ՂԲ. 7:
 Խտրոց: Զատոզ միջոց. պէօլուճիւ սընրա: Բ. 1: և ՂԲ. 7:
 Խրթնանալ: Խոժոռիլ. մթննալ՝ զղուիլ: ՀԵ. 11:
 Խրթնի: Սեցած, աղտոտ. չիրքին: ՂԳ. 12:
 Խօլական ցնորք: Խենթ ու մենթ երագներ: ԺԲ. 3:
 Խօսնականաց շարժողական դարձի: Լեզու. տիլ: ԼԵ. 3:
 Ծայրահոտոր: Ծայրագոյն կոտորող, խիստ ջարդող: ԻԼ. 1:
 Ծերպ: քարերու և ծառերու ծակ. գօլուք: Խ. 2:
 Ծնկեցեալ: Հալած մաշած, խիստ վատութ: ՏԼ. 2:
 Ծորիլ: Մաշիլ, եօխ ըլլալ: ԿԵ. 2: ՀԳ. 2: և ՂԲ. 10:
 Ծործոր: Լեռներու մէջ տէրէ, ձոր: Խ. 2:
 Ծորումն: Վաթելը, վաղելը, բըխալը: ԼԵ. 1: և ՂԳ. 19:
 Ծուկնք: Պատրաստութ, պէզ երութըլարը: ԻԵ. 2:
 Ծուղակ: Որոգայթ. տուղախ, խափանձառ: ԽԶ. 3:
 Ծուր և Ծայթան: Սուր, Սայտա. են քաղաքք Փիւնիկ-
 կեցւոց: (Ելէ՛՛. 28): Բ. 1:
 Ծրդեալ: Աղտեղեալ, պըշկած՝ մրտած: Բ. 1:
 Կաղղուրել: նորոգել, բժշկել խալըսել: Զ. 3: և ՁԳ. 2:
 Կականիլ: Հեկեկալով լալ. էօբիւր էօբիւր աղամազ: ԺԲ. 1:
 Կաղակարծ, կամ կեղակարծ: Շիւպէլի Լ. 2: և ԽԵ. 2:
 Կաղկանձողական: Վնկվնկալով, եալթախլանմիջ ըլլալով: ԼԵ. 3:
 Կայթ: Յաթկոելով խաղ, պար: ԻԱ. 2: և ԼԱ. 2:
 Կայտառ: Վնասակար կենդանի. պէօճէկ: ԽԵ. 3:
 Կայմ: Նաւուն ելլբէն բանալու սէրէն տիրէկի: ԻԵ. 2:
 Կապարան ձգողական: Չուան՝ քաշելու, իւլար: ԽԵ. 1:
 Կապարանք զըտօխ: Նաւու թէքնի երկու կողմի կապե-
 րը, խապուրդանելը: ԻԵ. 2:

- Կապարձ: Նեա դնելու աման. թէլքէշ: ԿԶ. 4:
 Կապուտ: Եղման եղած մալ. թալան: ԺԶ. 1: և ՀԵ. 7:
 Կառապիլիճ: Գլուխ կտրող, սպաննող. ճէլլատ: ԶԸ. 2:
 Կարակում մօր: Մուրտար չամուռ. պալչըխ: ԶԳ. 3:
 Կարակցել: Յաւակից ըլլալ: ԴԵ. 1:
 Կարթ: Որոգայթ. քէմէնտ, օլթա: ԽԶ. 3: և ԿԶ. 4:
 Կարծրերախ: Տիգլինի չեկող, զապթ չըլլուող, ինչպէս՝
 գլուխը սէրթ ձին, ԻԲ. 2:
 Կարկառ: Քարերու երդըն. թաշըխ: ԿԳ. 1:
 Կարկառել: Մատուցանել, երկնցնել. սունմադ: ԺԸ. 2:
 Կարկառ կռճումն: Վէր վերցնելով զարնելը, ԴԲ. 2:
 Կարկեհան: Ճեվահիր քար, որ զիշերը լոյս կուտայ. չամ
 չըրադ: ՀԵ. 12:
 Կարուծիւն: Կարողութիւն. քատրըլք: ԺԹ. 4:
 Կախառնառում: Յորդանան գետի բերանը մեծ քաղաք
 մի է: Բ. 1:
 Կաքաւ: Յաթկելով խաղալը: ԼԱ. 2: և ԴԲ. 6:
 Կեղեքել: Պատռտել, բըզբքտել: ԺԷ. 1: և ԿԸ. 3:
 Կենդանախարոյկ կայծակն: Ելելով մաքրող՝ ողջնցնող
 կրակ: ԼԳ. 5:
 Կենասիրախոյս: Կեանքի ումուտ տուող: ԽԴ. 2:
 Կխայար: Կխկատար տայանմիշ եղած՝ կանգնած: ԼԲ. 2:
 Կխի կորիւն: Մեծ ձուկի եակրու: ԽԵ. 1:
 Կիւրոս: Պարսից թագաւորի մի անուն է: (Ե՞. 45. 1): ԴԳ. 6:
 Կմախք: Մեռելի ոսկորներ: ՀԳ. 2:
 Կնդրուկ: Անուշիկ հոտով ծխանելի պուհուր: Ի. 2:
 Կն. 4: ԴԳ. 8: և 19:
 Կնիւն: Սաղ, որ ջրոտ կեօլ տեղ կը բռնանի: ԼԹ. 2:
 Կշտամբեալ: Յանդիմանած, չեխուած: Բ. 1:
 Կռփող: Իւմրուխով գլխու զարնող՝ ծեծող: ԼԶ. 2:
 Կոթող: Բարձր տնկած քար. տիբիլի թաշ: ԼԵ. 2: և ՅԷ՞.

- Կոհակ: Ալիք ծովու . տէնիզ տալիսար: ԻԵ. 2: և ՁԵ. 1:
 Կողիողանք: Խղճալի կերպիւ լալը՝ աղաչելը: ԻԶ. 1:
 Կոշկոճել: Խիստ չարչարել՝ տանջել:
 Կոշտ: Պինդ հողի կտոր, իւմրու հող:
 Կորակոր գնացք: Ծըռմըռկելով քալուածք: ԿԹ. 2:
 Կտեալ: Զարնուած՝ ետալանմիշ եղած:
 Կտեալ դիպուած: Զարնելու դպչկը . վուրուճու տո-
 քանը: ՂԲ. 5:
 Կրթականութի: Թալիսի մարիֆէթ . հիւնէր: ԽԳ. 1:
 Կրկնադատ անթափելի: Թէքրար սիճիլ եղած՝ որ ալ չի
 ազատուիր: ԻԶ. 2:
 Կրկնակապէն: Երկու անգամ տրուած կաշառք, որ ան-
 դամ մի Յուդային տրուեցաւ, անգամ մի ալ զինուոր-
 ներուն: ԼԶ. 2:
 Կրկնապարոյր կուածագ: Չէնկէլի պէս ծարը ծուռ ինչպէս
 փրէյին կտուցն է: ԿԹ. 2:
 Կքումն: Սըմբիլը, երկու խաթ ըլլալը, խասխաթի միալը:
 ԺԼ. 2:
 Հագագ: Չայն, շունչ սէտա, նէֆէս: ԻԳ. 2: ԽԵ. 2:
 Ղ. 1: և ՂԳ. 12:
 Հալուէ: Անուշահոտ եղ մի է, կամ էօտ աղաճիին էօղը:
 ՂԳ. 11:
 Հաղբ: Որոգայթ . տուղախ: Դ. 1: ԾԳ. 1: և ԾԵ. 2:
 Համարանաբար զուգամանութեամբ: Միաբերան ամէնը
 մէկէն: ՁԵ. 2:
 Համաձեռութեան օրէնք: Ըրածը գտնելու օրէնք . գըս-
 սասա գըսաս շէրահաթը . ինչպէս Մովսիսական օրէնքն
 էր՝ սին ընդ սիան, և այլն: ՀԸ. 2:
 Համառօտ երբ: Կարճ ժամանակ . բըսա վաղթ: ՁԲ. 6:
 Համանեալ յանանջրպետ միականութիւն: Միաւորեալ
 անբաժանելի միաւորութեամբ: ՀԵ. 7:
 Համասփիւ: Ամէն կողմ եայլմիշ եղած:
 Համբարտակ վտտահութե: Սըղընմիշ ըլլալու խուլէ: Գ. 4:

- Հայթայթանայ կրկուտ: Ահլինմէյի համար չարը չբար ,
 Եօնդա: 2. 2:
- Հայթայթումն: Ասդին անդին ընկնիր՝ ճար ընելը: ԺԳ. 2:
 և 2Ե. 2:
- Հանգիտափառ: Նման փայլ ունող. աղբան: ԴԳ. 7:
- Հանգոյց: Աստանք, բայտուպէնտ: ԾԸ. 3: և ԴԱ. 1:
- Հանդերձանք: Յարմար խառնուածք շինուածք: ԻԳ. 2:
 կամ սալթանաթ, թախրմ: ԼԸ. 2:
- Հանդերձաւորիլ: Չարդարուիլ, պատրաստուիլ: Դ. 2:
- Հանի: Մամ, մեծ նէնէ: Հանի Մովարու: Մովարին մեծ
 մարը, որ է Ղովտայ կինն: ԼԶ. 2:
- Հայմեալ: Սախտած, խասխաթի եղած: 2Զ. 2:
- Հասի: Յորենի՝ կամ դարիի գլուխ: ԼԸ. 4:
- Հաստարան: Հաստատուելու կանգնելու տեղ, դաւա-
 դան. տէյնէկ: Գ. 3:
- Հաստուածք: Հաստատուածք. վիճուտ, կէօլտէ: Զ. 3:
- Հատուածեալ: Ատրուած, զատուած: Ը. 2: և ՀԵ. 2:
- Հարեանցի երեականութիւն: Ասլը չեղած երեոյթ. խէյա-
 լէթ: ԴԳ. 10:
- Հարեանցիկք: Երեցող ու թէղ մը անցնող: ՀԳ. 3:
- Հարթուցեալ: Լեզուով ծեծած, թաղիւր եղած: ԺԷ. 1:
 և 2. 3:
- Հեծան: Բիր. սօփայ: Ժ. 2: և ԺԲ. 1: կամ սուրբ խաչին
 պոյճա փայտն, որ է Բրիստոսի զէնքը: ԴԲ. 6:
- Հեծանոց: Հարմանճիներուն մատ մատ քիւրէկն, որով
 յարդը՝ ցորենէն կը զատեն. ետփա: 2Ա. 3:
- Հեղեղատ կեդրոնի: Երուսողէ մի սէմթ գեա մի է: Ա. 2:
- Հեղեղախար: Զուր կոխած տեղ, կէօլ: ԼԹ. 2:
- Հեղիաս: Եղիա մարդարէն: ԴԳ. 6:
- Հեղոյս: Բեւեռ. էքսէր, չիսի: ԻԵ. 2: և ԻԸ. 6:
- Հենգնել: Ծաղը ընել. մեղադ էթմէք: Կ. 4: և ԿԶ. 4:
- Հենուլ: Հինել, հուսել: ԿԳ. 2:
- Ժ. սեա: Օրէնք: դուրս ելող՝ դէմ կեցող: ԼԳ. 4:

- Հերապանձ տունկ: Տերևներով ճիւղերով զարդարուած
 ծառ: Թ. 2:
- Հէն: Չէթէճի, խուրումնա: ԴԲ. 9:
- Հիւղ: Մանրիկ փոշի. հիւլէ: Խ: 2:
- Հմայեկ: Համայիլ: ԴԳ. 18:
- Հմայք: Պախըճիութիւն, տալէթ: ԽԸ. 3:
- Հնարադիր: Տուզախ խուռովիչ ընող: ԾԵ. 3:
- Հողենկար: Հողուով սրբով բէամ եզած. կամ հողեղ
 դրուած: ՀԵ. 3:
- Հոմանի: Պոռնիկի սիրահար: ԶԳ. 3:
- Հոմերոն: Հոմերոս, բանաստեղծ մարդոյ մի անուն: ԴԳ. 19:
- Հովիտ: Չոր. աէրէ: Ա. 2: Խ. 2: ԴԳ. 11:
- Հրաշակերտութիւն: Գեղեցիկ և զարմանալի շինուածք:
 Ի Յիշատակարանն:
- Հրաշեկ: Արակի պէս կարմրած: Բ. 2:
- Հրապոյրս արբուցանել: Թմբեցնող ու խելոցնող դեղ
 խըմցընել: ԿԶ. 4:
- Հրատապ: կրակի պէս տաքցնող: Խ. 3:
- Հօրան ուլուց: Միւրիւ՝ այծու ձագերու. օղադլար սիւ
 բիւսիւ: ԽԸ. 1:
- Չեղուն: Տանը ծածքը, առիք: ԿԸ. 2:
- Չեռնագննին: Չեռքով բռնուելու: ՀԵ. 12:
- Չեռնէրէց լինել: Յանդգնութեամբ ձեռք ձգել. ԷՕՆ
 այագ օլմագ: ԾԸ. 2:
- Չուլածոյ: Տէօքմէ կուռքի պատկերք: ԽԸ. 3:
- Ղօղիլ: Պահուիլ. կիզէնմէք, սադրանմագ: Դ. 1:
- Ղակատիլ: Պատերազմիլ, ճէնկ ընել: Կ. 4:
- Ճայ: Ճայեկ, սևազոյն թռչուն մի է: ՀԱ. 2:
- Ճայթումն: Սաստիկ հնչումն, չաթըտը: ԴԲ. 2. և 7:
- Ճապուկ բոտտա: Ասկուղիկ բարակուկ՝ փորու սօղուլճանն:
 ԿԹ. 2:
- Ճարպ: Փորու եղ. իչ եաղը: Ա. 1: ԴԳ. 8. 17. և 23:
- Ճենձեր: Բեպպալին փրփուրը՝ բէֆը: Ա. 2:

Միատարր: Զուտ, ստոյգ. զաթը, էօզ:	ՀԱ. 1:
Միեդըներու: Ճակատը մէկ պույնուզ ունող քաջ կենդանի մի է, քէճկէրտան:	ԿԸ. 3:
Մղձկիլ: Լալը գալ. տօլու քսու մար:	Խ. 3: Կ ԿԲ. 2:
Մղտափարատ: Մութը հալածող՝ տէ՛ֆ ընող:	Ի՛ Յէլւ՛՛:
Մողոք: Կուռքի անուն է: (ԱՏ՝Վ. 25. 6):	Է. 2:
Մորմոքեցուցիլ: Սիրտ կսկծցնող, խշխշցնող:	ՂԲ. 9:
Մութ: Զուր տուող, զաղըամիշ ընող:	ՂԳ. 24:
Մութհակ: Վճույ գիր. իլամ:	ԽԸ. 2:
Մութձ: Թաշճիլի չէքիչ. քիւլիւնկի	ՂԲ. 7:
Մտել: Մտանել, մտնել. կիրմէք:	ՀԱ. 2:
Մրմնջիլ: Թրմնջալով և էզկիով լալ՝ ողբալ:	ԼԹ. 3:
Մրցանակ: Կտրիճու թեան ճէնկ: Ժ. 2: կամ կտրիճու թեան համար պախշիշ, չէլէնկ:	ԿԱ. 2:
Յարեթական տոհմ: Նոյ նահապետի որդւոյն սինսիլէն է, որ է ազգն մեր՝ Հայոց:	Ի՛ Յէլւ՛ Կարանն:
Յամայր յամբու թիւն: Հատ ժամանակ ուշանալը:	ՁԱ. 2:
Յամբային: Ուշ մնացող, ցալանամիշ ըլող:	ԽԸ. 2:
Յայրատ: Անամօթ. առսրզ, էտէպսիզ:	ԼԳ. 1:
Յայրատատես: Էտէպսիզճէ նայող՝ տեսնող:	ԾԶ. 2:
Յանդաւորութիւն: Լմնալը. թամամլըք:	Թ. 3:
Յանդիլ: Վէրջը հասնիլ, ըմնալ:	ԿԱ. 1:
Յանկաւոր: Ուշուրն, եախըջըխը:	ԾԴ. 2:
Յանձանձել: Պէտ ընել, թիմար ընել:	ԽԹ. 2: Կ Զ. 3:
Յառաջատեսալ: Յառաջ ընկնող. իլէրի սէրփէն:	ԾԳ. 1:
Յարագօղ: Արևին դէմ կախող՝ մեռցնող:	ՀԱ. 3:
Յարգահատել: Յաւակցելով աղաչել, եարլալնալ:	ՀԳ. 2:
Յարկել: Օտայի պէս տեղ շինել՝ մէջը պահել:	ՂԳ. 9:
Յաւակնիլ: Անըրեսու թեամբ լըբու թիւն ընել:	ԼԴ. 7:
Յաւանական. յոնական: Ամբարտաւանական. էտէպսիզ տիւզէնիլ:	Կ. 4:
Յափրադեալ: Տաղակացեալ, պրխամիշ եղած:	ՂԲ. 10:
Յելուզակ: Աւաղակ. հարամի:	Զ. 3:

- Յեղանակէլէ Դարձընել, պաշխայ կերպ ընելէ Բ. 3: ԿԳ. 1:
և ՂԳ. 19: կամ Երգելէ ԶԳ. 3:
- Յեղյեղելէ Փոխարկել, թէպտիլ ընելէ Թ. 2: կամ շատ
կրկնել՝ յիշելէ ԿԱ. 2:
- Յեանելէ Սրել. պիլէ միշ ընելէ ԴԲ. 5:
- Յերիւրումն: Չարդարելը՝ եախը շքիս բերելը: Խ. 3:
- Յէու և Ազայէլէ Երկու թագաւորաց անուանք են:
(Գ. Թ. 4. 19. 15): ՂԳ. 6:
- Յղիացեալէ Խխտ կշտացած. ի շրթ թ տօյմուշ: Ծ. Թ. 2:
- Յօբելեան: Յիաներորդ տարի, թողու թէ տարի: (ՂԷ. 4. 25. 8): ԴԲ. 7:
- Յօրովամեղծ ծուխ Շատ խուրում փէյասահ ընող ծուխ,
խի թիւ թիւն: ԽԸ. 4:
- Յողք գեգերիլէ Գերեկնալ. րէ ճայա մէշողու օլմայ: Ժ. Բ. 1:
- Յոյզ մտաց: Մտմտոք, մտքի պալէրա: Թ. 3:
- Յովանակ: Աւանակ, իշու քուռակ. սրխա: Ի. Բ. 2:
- Յորջորջումն: Կոչումն, անունը տալը: ԼԳ. 3: և ՂԳ. 7:
- Յորայսել: Կռնրկին վրայ գետինը ձգելէ ԼԶ. 2:
- Յուռթի քրտուկ: Առատ քրտինք. քան թէ: ԿԶ. 4:
- Յուռթ: Համայիլ, կամ կռայաշտական հնարք: ԿԶ. 4:
և ԶԵ. 12:
- Յուսոյ ձգարան: Յոյսին թելը, ումուտին չուանը: Դ. 4:
- Յօնիցն յաւակնութիւն: Ընքուիներուն հպարտութիւնը՝
ըբութիւնը. մաղըութիւնք էտէպիդիլի: ԽԵ. 2:
- Նախայանք: Առաջուց մեղանջողք, ջրհեղեղին ժամա-
նակի մեղաւորները: ԶԹ. 3:
- Նախայլք: Առաջին այլք. էլէլէլէլէլք: Գ. 4:
- Նահանգ: Մէմէքէթ. այալէթ: ԼԵ. 1:
- Նահանջեր: Նահանջեցեր արգիլեցիր խասթաթի ըրիր: ԿԳ. 1:
- Նաշիհ: Շարմաղուն՝ խիտ բարակ այուր: ԴԳ. 8:
- Նարդոս: Անուշահոտ ծաղիկ է, նօնօֆար: ԴԳ. 11:
- Նարեկ: Իր վանք կրօնաւորաց՝ ՚ի դաւառին Անձեացեաց,
ուր վանահայր էր վեհափառ այս ժեր Գրիգոր Նարե-

կայիր

Դ 31 շաբաթարանն:

- Նաւակատիր: Տօն, սուրախութիւն. տօնանմայ: ՂԱ. 1:
 Ներգեւեալ: Խեղճ՝ սէֆիլ եղած. տէրտիմէնտ: ԻԱ. 2:
 Ներութիւն: Ներողութիւն, սուչը պատշէլը. ալֆ: ԺԸ. 1:
 և ՁԲ. 5:
 Նեցուկ: Յենարան. տայախ: ՎԷ. 2: և ՂԲ. 10:
 Նէսար: Այս պիղծ, չար դև, սատանայ. ճին: ՂԲ. 9:
 Նժար: Թէրազիլ թաս, թաթ: Թ. 1:
 Նկատ եղանիլ: Նկատել, տեսնող ըլլալ: ՎԸ. 2:
 Նկարագրեր: Նկարագրեցեր, միւսէվէտէն գրեցիր, իմա-
 ցուցիր: ԾԲ. 1:
 Նհանջել, կամ նահանջել: Արգիլել, ետ դարձընել: Բ. 3:
 և ԽԱ. 1:
 Նշաւակել: Յոյց տալ. խորէթ էթմէք: Գ. 2:
 Նշկահեալ: Անարգուած. մէզագ եղած: ԳԹ. 1:
 Նոզկալ: Գարշելի՛ զգուելի ըլլալ: Ղ. 3:
 Նուիրան: Նուէրաբան, վէշկէշ ընծայելու տեղ: ՀԵ. 9:
 Նպատակ: Նշան առնուած տեղ. նշանկեահ: ՂԲ. 5:
 Շաղակրատ: Ապուռնուպուռ խօսող. լաֆազան, պօշ պօ-
 ղազ: ԾԶ. 2:
 Շամբ: Անտառ եղեգանց. դամբըլըզ: Թ. 1:
 Շամբին: Սամարիա, որ Երուսաղէմի մօտ գաւառ մի է:
 (Եւէի՛՛. 16. 46): ԾԴ. 2:
 Շանդ: Վայծակ. երտորում: Զ. 3:
 Շերտ: Փայտ. սօփա, օտուն կառմասը: ՂԲ. 3:
 Շշուկ: Սատանայական աղմուկ՝ վերլելէ: Խ. 3:
 Շուայտութիւն: Յանկական ճիւնտնութիւն: ԽԸ. 3:
 Շութափութիւն: Խիստ արտորալը. աճէլէ: ՂԳ. 11:
 Շուշան: Ծաղիկ է, զամպախ: Կ. 1: և ՂԳ. 11:
 Շուք: Պատիւ, փառք. իզգէթ: ՁԳ. 4: և ՂԳ. 18:
 Շտեմարան: Ներսէ՛ ներս օտայ. սրբ օտասը: Խ. 2:
 Շրջադրութիւն: Էթրաֆը տօնաթմիշ ընելը, կամ պահ-
 պանելը: ԿԲ. 1: և Ղ. 1:

- Երտումն: Եռարումն , անճրբկիլը , շաշմիշ ըլլալ մնալը: ԴԱ. 3:
- Ոգորիլ: Կառուիլ, ճէնկ ընել: Թ. 3:
- Ողիէլ: Մարդոյ անուն է: (Բ. Թագա՞" . 6 . 7): ՀԵ. 12:
- Ողնափայտ: Նաւուն գլխէն մինչև 'ի խըջն' տակի երկան տիրէկն է, որոյ վերայ կողերն շարած է: ԻԵ. 2:
- Ողողիլ: Լուացուիլ, աճուելով ցօղվրիլ: ԴԳ. 11. և 24:
- Ողողակ մթային ոչ ընդ երական: Լողացող քէօր աճամի: ԾԵ. 2:
- Ոողայ, Ոողիբայ: Էին անուանք երկուց թագաւորու թեանցն՝ Սամարիոյ և Երուսաղէմի. զորս եղ մարդարէն: (Եւէի՞" . 23 . 4): ԾԴ. 2:
- Ոսողել: Զլրել, ինչպէս՝ պատճան, ծառը: ԼԷ. 2:
- Ոստայնա կկել: Կտաւ, կամ էօրիւմճէկ գործել: Է. 3:
- Ոստիկան: Վերակացու. քեահէայ: ԾԶ. 2: և ՀԹ. 3:
- Որջ: Գառն. գուզու: ԼԱ. 3:
- Ուղերձեալ: Ծլած ծաղկած, ֆիլիսէնմիշ եղած: ԺԵ. 4: և ԽԹ. 2:
- Ուղէշ: Ծատի ճիւղ. տալ պուտաղ: ԻԳ. 2: և ԿԱ. 3:
- Ունելք: Կրակի մաշա, խըսաճ: ԼԳ. 5:
- Ունկ, ունկի: Յարդի մանրուք. սաման թօղու: ԻԶ. 2:
- Ունկնախօց: Եկանջը խըցած՝ գոցած, խուլ: Ծ. 4:
- Ուշ: Միտք. ֆիքիլ, ֆերասէթ: ԻԶ. 3: ԼԴ. 2: ԾԹ. 1: և ԴԳ. 24:
- Ուտիլ: Յեց. կիւվէ: ԴԲ. 9:
- Ուտճահալ: Յեցէն կերուած, փտտած: ԾԶ. 2:
- Ուրոյնութի ել: Չատութի ըլլալ, զատ զատ ըլլալ: ԼԴ. 7:
- Ուրուական: Գարշելի, փուճ, դիւական: ՀԱ. 4: ՀԵ. 12: և ԴԳ. 24:
- Չարաշուք: Չարութիւն երեցնող, զգուելի. սէթ: ԾԵ. 2: և ԾԸ. 2:
- Չորեքվտակեան առաջ: Չորս մեծ գետ ունող ըամախ, որ էր յեղեմայ բղխած գետն: (Ծնն՞" . 2 . 10): ԿԸ. 1:

- Չու: Բալուածք, յառաջ քայլել գընալը: Բ. 2: և ԻԵ. 2:
 Չբնաղ: Խիստ աղէկ գեղեցիկ: ԺԱ. 1: և ՀԵ. 13: կամ
 փառաւոր, հրաշալի: ՀԱ. 4: և ՂԳ. 19:
 Չբոտի: Նուաստ, փոքրիկ, փուճ. զայլիք: ԿԹ. 2:
 Պակուցեալ: Խիստ վախցած, սիրտը փրթած: Ծ. 2:
 Պահակ: Անկարկայի բռնուած, որ էր Սիմոն Կիւրենացին:
 (Մատ. 27. 32): ԾԼ. 3:
 Պահպանակ: Պահող, պահպանող: Դ. 3: և ԿԵ. 2: կամ
 զըրխ: ՂԳ. 12:
 Պաղպաջուէք: Գեղեցիկ պայծառ քէօշկ: ԻԵ. 2:
 Պաճար: Կովու սիւրիւ: ԾԵ. 3:
 Պայթիլ: Փաթլամիշ ըլլալ, ճաթիլ: ՀԴ. 3:
 Պայման: Չափ. սինոռ: Բ. 3: ԻԶ. 2: և ՂԳ. 24: կամ
 ուխտ, խաւը: ԾԳ. 5:
 Պան: Հաց, սօմուն. էքմէք: ՂԳ. 8:
 Պաշտօնատէր: Խրղմէթ ընող: ԻԱ. 2: ԻԸ. 2: և ԾԳ. 4:
 Պաշտօնատեղ: Աղօթքի տեղ: ԾԱ. 4:
 Պատանդիչ ցանցարկ: Խալուամիշ ընող զապթ ընող՝ խու-
 ոււլմիշ եղած տուզախ: ԾԵ. 2:
 Պատարուն: Լեցուն. սիլմէ՝ տօլու: ԽԸ. 3: և ԿԳ. 2:
 Պատգամ: Խապար, խօսք. քէլամ: ՂԲ. 3:
 Պատնէշ: Թապիյէ, պէտէն, մէթէրիղ: Կ. 2: և ՂԲ. 5:
 Պատուածօրէն: Պըտրտուք՝ տօլաշքը: ՂԳ. 7:
 Պատուաստումն: Ացուիլը, էքլէնմիշ ըլլալը: Լ. 4:
 Պատսպարան: Սըղընմիշ ըլլալու տեղ. սիփէր: Խ. 2: ՁԲ.
 1: ՁԹ. 1: և ՂԱ. 3: կամ տայախ, իբր՝ թէմէլ: ԽԵ. 2:
 Պատրոյկ: Ճրագի ֆիթիլ: ՂԳ. 2:
 Պարս: Սափան, որով քար կը նետեն: ԼԴ. 7: և ՂԲ. 4:
 Պարսել: Իբր սափանով քարոտել, տանջել: Լ. 2: կամ հա-
 լածել, դուրս ընել: ԼԲ. 3: և Ղ. 3:
 Պիծակ: Իշմեղու. էշէկ առըսը: ԿԸ. 3:
 Պիտակ: Լոկ. սալթ, սատէ: ԻԸ. 6:
 Պղպջակ: Ուռեցք, որ ջրին ելեսը բուշտ բուշտ կ'ըլլայ.

սու դասարձրդը:	ՀԴ. 3:
Պղտորարբու թիւն: Պուլանրխ խըմելը:	ԾԴ. 3:
Պձ՛նելի: Զարդարելու, սազելու:	Բ. 2:
Պնդիլ: Ետեէն ընկնիլ՝ վազել:	Բ. 2:
Պուետիկոս: Բանաստեղծ. շայիր, աշրգ:	ԽԸ. 6:
Պուբակ: Օռման, կամ ծառերու երդըն, տէմէթ:	Թ. 1:
Պչրու թիւն: Էտէպսիզ սազուիլը, ինչպէս՝ լիտի կանանց տիւղէնը:	ԽԸ. 4:
Պ շխել: Զաղխել, Զարգել. կոտրտել:	ԽԸ. 4:
Չահաւորիլ: Մաշալայի պէս վառիլ, փայլիլ: ՂԳ. 17. և 23:	
Չահել: Ծագել, ըուսաւորել:	ՉԳ. 2:
Չամբել: Աերցընել, տալ: ԺԴ. 3: և ՂԳ. 22: և 23:	
Չնար: Սանդուռ:	ՂԲ. 9:
Չնել: Զարնել, ծեծել:	Կ. 2:
Չութակ: Սանդուռ, կամ քէման:	ՂԲ. 8:
Չրակարծ: Չրէն կարծրացած՝ սառած, ինչպէս՝ կար- կուտը:	ԿԸ. 3:
Չրել: Չնջել, աւրել. պողմագ: ԼԲ. 3: ԽԸ. 1: ԿԷ. 2: և ՂԳ. 14:	
Չրողալ: Չբհեղեղով տպականած՝ թէլէֆ եղած: Կ. 5:	
Ռեաին: Թիլէմէնթին, որ եարայի դեղ՝ մէհլէմ լինի: ԿԲ. 1:	
Սաբեկ: Է անուն ծառոյն, յորմէ կախեալ տեսաւ Աբրա- համ՝ զխոյն: (Ճնն՛. 22. 13):	ՂԲ. 9:
Սադրել: Մասնել, խամզել. էլէ վէրմէք: ԿԵ. 1: կամ չար ֆիթ տալ:	Ղ. 3:
Սալ: չարկ. վէրկի, խարած: ԽԵ. 1: կամ չափ. հիսապ: ԺԷ. 3: ԽԷ. 2: և Հ. 3:	
Սակաւածեան: Տկար, զայիֆ, նուազ: Գ. 3: և ՂԳ. 15:	
Սահանք ծովու: Ծովու ակընթը:	ԿԳ. 1:
Սահանք յորձանաց: Տէրէ, սէլ տէրէսի:	Խ. 2:
Սաղարթ սևութեան վարօից: Տէրէ՝ սև եափրախներուն, որ է ասել, սև մօրուք:	ԿԳ. 2:
Սամի: Տիւմէնը դարձընող փայտ, եէքէ:	ԻԵ. 2:

- Մառնասէր: Պուզի սոյ, պուզի պէս փառցած: 2Ա. 3:
- Սատեր: Սիկղ, զօլաթա, որոյ գինն էր 88 ստակ: (Մ^ա 17. 26): ԻԵ. 1:
- Սարդ: Մամուկ: ԴԳ. 14:
- Սարտուցեալ: Բաժանուած, երեսէ ձգած: ԽԸ. 2: ԾԵ. 2:
և ԿԲ. 3:
- Սաւառնիլ: Թռչտելով խանաաները վրայ բերել՝ ծածկը
ւիլ: ԴԱ. 1:
- Սափիրա: Պատժեալ կնկան մի անուն է: (Գ^{որ} 17. 5. 9):
ՀԱ. 3:
- Սելով: Խաշաղ-ի-ն, քաղաք մի է: Ա. 1:
- Սեղանանենդ: Սեղանը, կամ տաճարը թալոդ: ԽԸ. 2:
- Սեպուհ: Պէյզատէ, բիշիզատէ: Գ. 2:
- Սեռն: Մաքուր, ուզիղ. հիյէսիզ: Ժ. 2: և Ի 3 լա^ա:
- Սևեռք: Գամուածք, մըխլանմիշ ըլլալը: ԿԶ. 4:
- Սթափիլ: Այրինալ, խելքը գլուխը դալ, արթըննալ Գ. 3:
և ԴԲ. 1:
- Սիգացող: Փոտուլութի ուռեցող, սանմիշ ըլլող: ՀԳ. 2:
- Սիդոնացիք: Սայտացիք, որք նամտար կուռք մի ունէին,
զոր պատուեաց Սաղմոն: (Գ. Թ^ա 11. 5): ԽԸ. 3:
- Սիկ: Անուշիկ հով. խօշ լուզկեար: ԼԲ. 3:
- Սին: Դատարկ, պօշ, փուճ: ԻԷ. 3: և 2Ա. 2:
- Սլաք: Օք տէմիրի, խըշու: ԻԶ. 3:
- Սկախառն: Մուքտառ պուլանըխ, շիրքէֆ: ԾԴ. 3:
- Սկաւառակ: Քեասէ, թաս, աման: Լ. 2: և 2Ը. 1:
- Սկիւթացի: Թաթարաց ազգն է: ԴԳ. 12:
- Սնտիսպատուաստ: Անշահ շինուած, նիզամորդ տիւզէն
միշ եղած: Գ. 1:
- Սնտիսասէր: Պօշ՝ փուճ սէր ունող: ԴԳ. 20:
- Սոսկական: Եսյան: Գ. 3: կամ Ռամիկ, Ֆախիր: ՀԱ. 2:
- Սոսկալիթխար: Ահարկու լէնտուհա, պէտտալի: ԴԳ. 12:
- Սոր: Խորուկ սէլի ճամբայ, տէրէ: Խ. 2:
- Սուզել: Տակը իջեցընել. պաթըրմագ: ԼԶ. 2:

- Սուրհանդակ: Սայի, մէնզիլ: Ծ. 2. 2:
- Սովեր: Մատեան, գիրք. քիթապ: 2Ը. 2: և Ի 3իլապա: Ի. 2:
- Սպանդ: Զոհ. զուրպան: ԽԳ. 2:
- Սպանդարան: Գուրպան մորթելու տեղ: ԽԷ. 3:
- Սպառազէն: Սիլահը, փիււր սիլահ: Ծ. 2. 2:
- Սպեղանի: Դեղ, մէհլէմ: Բ. 3: և ԽԸ. 1:
- Ստամբակ: Նախա, զալըմ, եարամագ: ԽԹ. 3: և ԴԲ. 2:
- Ստգտանք: Մեղադրանք. սիթէմ: Թ. 3:
- Ստորեւէք: Վարէն վեր ելող, կամ ելած: ԴԳ. 24:
- Ստուար: Թանձր, հաստ: ԽԶ. 2: և ԿԶ. 4:
- Ստուարատեղն: Ճիւղը հաստ. դալըն տալը պուպաղը: Թ. 2:
- Ստուգարանեալ: Ուշղուն դալըլ իսպաթ եղած: ԴԳ. 20:
- Ստրուկ: Խեղճ՝ ծառայ. րայէ: Գ. 3: ԴԳ. 12. և 18:
- Ստրջանալ: Ափսոսալ, զղջալ, փիւշման ըլլալ: ԻԹ. 2:
- Սրահի առադաստ: Բակի վերտէն, որ է՝ դուռն: ԽԼ. 1:
- Սրանալ: Թոջիլ, փոխջիլ: Ի. 2: Լ. 4: ԽԼ. 3: ՀԱ. 2: և
ՀԴ. 2: կամ Սիլթիլիջ եղած քէսկինցած: ԻԼ. 3:
- Սրացեալ վարատական: Փախչող հեռացող, տէտրիկին: ԺԱ. 3:
- Սրբերգեան: Սք Սք երգող, ինչպէս՝ Սերոբէքն: ԴԳ. 1:
- Սրինկ: Նէյ. Արիֆ:
- Սրսիումն: Յրցըքնելը, սերվովիջ ընելը: ԾԱ. 4:
- Սփոխանք: Սփոփութիւն, միթարանք. Թէսէլլի: Գ. 1:
ԼԴ. 3: և ԴԳ. 9:
- Սքանչելահրաչ: Հրաշալի. միւճիւղաթը: ՀԵ. 10:
- Սքանչելատես: Զարմանալի դեղեցիկ տեսիլ ունող: ԾԱ. 4:
- Սքանչելարմատ: Զարմանալի դերազանց քեօք ունող: ՀԴ. 2:
- Սպրագասուն: Լեռը մեծցած, ետպանի: ԽԶ. 1:
- Սպրագութիւն: Նապանի կոպիտութիւն. ետլուզուք: ԺԱ. 3: Լ. 4: ՀԱ. 4: և ԴԳ. 19:
- Սանդակապատ: Պարմաթըխ շարած դեղեցիկ քէօք: ԻԵ. 2:


- Վատնիչ: Զայ ընող, թէլէֆ ընող: ԻՉ. 2: կամ փճացընող,
 չիւրիւթմիչ ընող: ԴԲ. 9:
- Վարակեալ: Պաշարեալ, մուհասերէ եղած: ԼԱ. 3:
- Վարանիլ: Վախուն թասայիլ՝ անճրկիլ: ԻՉ. 3: և ԻԸ. 2:
- Վարապան: Վէմ, հալխա, որ գազանի բերան կը կապեն:
 ԴԲ. 2:
- Վարատիլ: Զատուիլ՝ տէտիրկին ըլլալ: ԻԷ. 3:
- Վարմ: Տուղախ, խափանճա: Խ. 3:
- Վարսք: Մագեր, որ թէ մարդոց իցէ՝ փերչէմն է: ԿԳ. 2:
 և ԴԳ. 12: և եթէ ծառոց իցէ՝ եափրախներն է: Թ. 2:
- Վերակացումն: Զապխուլթեամբ ձեռք վերցընելը: Ա. 2:
- Վերակենցաղելը: Վրկին ողջնալ, յարութի առնել: ԼԳ. 5:
- Վերակնարկելը: Վեր նայիլ, դէպ ՚ի վեր ումուտ ընել: ԻՉ. 3:
- Վերնամարտութիւն: Վերինին հետ ճէնկ, որ է աստուծոյ
 դէմ դնելը: ԾԱ. 4:
- Վերնամրցանակ: Երկինքէն տրուած յողթութեան համար՝
 վարձք. չէլէնկ: ԴԳ. 24:
- Վերջին դատակնիք: Ի կորուստն յաւիտենական վճռել, որք
 են դատապարտելոցն դասք: ԻԷ. 2:
- Վերջնական: Ետքինը. կամ խիստ պէթերը: Ծ. 3:
- Վերջնական աճառ: Բէսկին լէքէ սապօնու: ԴԳ. 11:
- Վէս: Հպարտ, ինքնահաւան: Ծ. 2:
- Վիժած անդրելի կոչման: Անցուցած տղայ, որ մարդ չի
 կոչուիր: Ի. 2:
- Վիճ վճից: Խորունկներուն խորունկը: Խ. 2:
- Վիրդ մահու: Մեռցնող ճէնկի քար. կիւլէ: Կ. 2:
- Վիրդ սալի: Տէօչէմէյի քար, գայկան: ԴԲ. 8:
- Վտակ: Ախրնոր, կամ սէլ, ըամախ: ԾԴ. 3: և ԴԲ. 10:
- Վտակ: Վատու ժցնել, չիքինցնել: Ի. 2:
- Վրիժակ: Վճիռ. իլամ, սիճիլ: ԻԷ. 2:
- Վրիպակ: Մոլար, ծուռ: ԺԸ. 2: ԽԸ. 4: և ԴԲ. 9:
- Վրնջողական: Բղջախոհ ցանկութեամբ կատողիլ, ազմիչ
 ըլլալը: ԽԵ. 2:

- Տակաւ տակաւ: Կամացուկ կամացուկ, քչիկ քչիկ: ԾԸ. 3:
- Տաղանդ կամ քանքար: Քէսէ մը ստակ, բիւր քանքար,
տասը հազար քէսէ ստակ, կամ այլ աւելի: ԻԶ. 2:
- Տաղաւարեալ: Բնակելու տեղ ըլլալ: Զ. 1:
- Տնօրէնարար: Գօնագ էթմէք: ԶԵ. 13:
- Տաղտկազազրական: Իբրահ ընելու, մուրտառ: ԴԳ. 20:
- Տաշտ: Քեասէ, թաս: Լ. 2:
- Տատանելի: Տրտմելի, խասակէթ ընելու: ԼԱ. 2:
- Տարազ: Կերպ. թարգ: ԺԸ. 2: և ԺԳ. 5:
- Տարացոյց: Նման էօրնէկ, ույղուն: ԺԵ. 2: և ԽԵ. 3:
- Տարժանելի կամ տաժանելի: Խիստ աշխատելի մէշազ-
դէթի: Ը. 1: և ԿԶ. 5:
- Տարմ: Խանապըններու քիւմէ՝ երզնախ: ԿԸ. 3:
- Տարր: Բոլոր նիւթաւոր մարմիններուն թէմէլը, և է չորս,
չուր. Օղ. Չուր. չող: ԶԲ. 3: և ԴԳ. 15: և զայս բառս՝
պէս պէս նշանակու թեամբ գործածէ սուրբս. զոր օրի-
նակ, Խտարր գոյի: Տարերքէ եղածներուն մէջ, կամ կայ
եղածներուն էօղին մէջ: ԽԱ. 2:
- Տարր ժամանակի: Ժամանակին կայութիւնը, կամ չափը,
որ հիշի մօտ՝ քիչ է: ԾԵ. 3:
- Տարր ժամանակաց: Չորս եղանակն է. Գարուն. Ամառն,
Աշուն. Չմեռն. որք իբր տարիին տարերքն են: ԽԶ. 2:
- Տարր մահու: Մահուան քեօքը՝ սէպէպը: ԴԲ. 6:
- Տարերս սասանել: Բոլոր աշխարհս շարժել՝ դողցնել: ԼԶ. 2:
- Տարր վոգքի: Փոքրիկ ոչինչ իր. շէյճիղէղ: ԿԹ. 1:
- Տեառնագրել: Կնքել, խաչակնքել: ԺԲ. 3: և ԴԳ. 12:
- Տենդ: Չերմ. սըթմա: ԻԲ. 5:
- Տեսական: Տեսանող, կէօրիւճիւ: ԼԳ. 5: կամ երևելի,
կէօզէ կէօրիւնէն: ԼԴ. 3: և ԶԴ. 1:
- Տեսականել: Ասըլ էօզը խըխով մը մէյտան հանել: ԴԳ. 10:
- Տէգ: Մըզըախ, խըշտ: ԽԵ. 3:
- Տիրադաւ: Իր տէրը խաբող՝ մատնող: ԾԶ. 2:
- Տիրադուժ պաշտօնեայ: Իր տէրը ֆէնտով խաբող խըզ-

- մէթքերայ: Է. 2:
 Տիւրոս: Կամ ճուր, քաղաք մի է Սայտայի սէմթ: (Ե" .
 23. 15): ԼԹ. 3:
 Տխրատեսակ Տուր, կամ Էրէն: Մուլթ գոյն, սև ըռէնկ:
 ԼԳ. 8: և ՂԳ. 12:
 Տղմասիդ գուր: Չամուրով լեցուն հոր: ԺԶ. 1:
 Տնտեսել: Պէտ ընել. քէրէմ էթմէք: ԺԵ. 2: կամ յայանել,
 ցուցանել: ԽԸ. 6:
 Տոյժ տանջանաց, կամ լիանաց: Վնաս պատժոյ. գաղէպ
 ճէրիմէսի, սիասէթ: Բ. 2: և ՀԱ. 3:
 Տուն: Չուանէ կապ. իւլար: ԻԸ. 1:
 Տուայտիլ: Չարջարուիլ, ճէֆայէն մաշիլ: ԿԶ. 5:
 Տպաւորագոյն: Էշկէարէ ույղուն, թրպղբ: ԺԹ. 3:
 Տրոհել: Որոշել, բաժանել, զատել. այլրմադ: ԽԸ. 1: և
 ԿԲ. 2:
 Յանց: Սիճիմով հուսուած թու. աղ, տուզախ: Խ. 5:
 Յիռ: Վայրի էշ. եապան էշէկի:
 ԽԶ. 2:
 Յնցուղ: Յաթկտուք. սէրիինթի ջրոյ, կամ հրոյ: Զ. 3: և
 ԿԸ. 3:
 Յուք նշուղեց: Շողջողումն ճառագայթից, շաւխին վայ
 լելով ցաթել: ԶԱ. 3:
 Յոփութիւն: Անառակութիւն, աներեսութիւն. էտէպսիզ
 լիք: ՀԲ. 2:
 Յրիչ ցնորից: Խենթ ու մենթ երազները տաղթմիշ ընող:
 ԶԴ. 1:
 Փագովը: Բէլիէգովը. կուռքի անուն է: (Թ" . 25. 3):
 ԽԸ. 3:
 Փաղանգ: Ճիւմհիւռ. թապուռ. օստուռ: ԿԵ. 1:
 Փաղաքշել: Երեսապաշտութի ընել, խօշամէտի խօսիլ: Ժ. 1:
 Փապար: Ծակ, խօլուխ. չուխուր: Խ. 2:
 Փարաքումն: Բղջախոհ, ցանկութի, էտէպսիղութի: ԽԵ. 2:
 Փթթեալ: Ֆիլիսէնմիշ եղած, ծաղկած: ԳԳ. 11:
 Փղտայիք: Բարբարոսաց և նմ այլազգաց կրտուի: Ա. 2:

- Փոկ: Կաշիէ կապ: ԽԵ. 2:
- Փրկանակ: Փրկուածեան տեղ: ԻԶ. 2: կամ ուսմուտ թերի: ԾԱ. 4: կամ ազատելոյ գործիք: ԿԳ. 3: և ՂԲ. 5:
- Քաղցիկեղ: Մարմինը չիւրիւթմիչ ընող ետրա մի է, կեր-
ցաւ. շիրիփէնչէ: ԺԸ. 3:
- Քամոպս: Կուռքի անուն է: (Գ. Թ. 4^ր. 11. 7): Կ. 4:
- Քայռ: Կերտանըք, կամ լէօֆ: ԼԴ. 1:
- Քանան: Նոյ նահապետի թոռն է, Քամայ որդին: Բ. 1:
- Քանանուհի: Կին մի էր Քանանացի, որոյ զաղջիկն Քա-
րժշկեաց: (Մ. 4^ր. 15. 22): ԼԵ. 3:
- Քանասար: Կատաղի. ետլուզ, զալում: ԿԹ. 2:
- Քանցել: Ճուղերը կոտրուելով փրցնել: ԻԴ. 1: և ԿԷ. 2:
- Քառադիմակի: Է մեկնու թիւն բառին քեանայ, որ երևի
ելեալ 'ի Յունական բառէն 'ի-ժօն, որ թարգմանի քա-
ռակուսի. ուստի քեան՝ քառադիմակի պատկեր, ասել
է՝ չորս երեսով, կամ չորս թարաֆը կուռք, զորպիսի
շինեաց Մանասէ: (Գ. Թ. 4^ր. 21. 5): ԾԱ. 4:
- Քաւարան: Քաւող, մեղքը թողող: ԳԵ. 1:
- Քեղի: Օրթա տիրէկ, թէ՛ մէլ տիրէկի: ԼԲ. 3:
- Քիւմք: Տամախ, կէշնզ: ԻԳ. 2:
- Քինաւոր: Քէն ունող, զարէզ ունող: ԳԱ. 1:
- Քղանց: Հանդերձի փէշ. էթէկ: ԺԸ. 2:
- Քոյինանիւթ: Քու նիւթը: Քոյինանիւթ զանգուած.
քու նիւթից խոորը, որ է իսկ մարմին խորհրդոյ: ԾԳ. 4:
- Քորեր: Արապիստան լեռ մի է, ուր խօսեցաւ աստուած
Եղիայի հետ: (Գ. Թ. 4^ր. 19. 8): ԼԴ. 9: և ՂԳ. 6:
- Քստմնափուշ: Վախցնող՝ մարմինը փուշ փուշ ընող: ԻԸ. 6:
- Քստմնելի: Չարհուրելի, խիստ վախցնող: Ը. 1: ԺԸ. 2:
ԻԸ. 2: ԽԸ. 4: և ՀԹ. 3:
- Քրայ: Խալճիի օճախ: ԺԹ. 1: ԻԶ. 3: և ԿԹ. 1:
- Քրէական: Խիստ մեծ մեղք, որ է նոյ դէմ: ԾԱ. 4: և ՂԱ. 3:
- Քրձագգած լինել: Չուլ հագնիլ: ԻԹ. 2:
- Քրքում: Չափրան չիչէկի, կամ զաֆրան: ԳԴ. 11:

- Օղբ, օրհյ: Ոտից աման, ինչպէս՝ շիզմէ, փապուճ: Խէ. 3:
 Օթոց: Հանդերձ. էսպասպ: Գ. 1:
 Օժանդակել: Եարտըմ ընել, ուժ տալ: Ե. 1: Ժ. 2: ԺԱ. 1:
 ԼԴ. 6: Զ. 2: Կ ԴԳ. 9:
 Օճառ: Ճէնկի թախըմ. սիլահ: ԿԶ. 3:
 Օն և օն: Սանկ ու նանկ. շէօյլէ պէօյլէ: ԻԹ. 3:
 Օշինդր: Լեղի խոտ մի է. փէլին: Զ. 3:
 Օստացի: Յօբ երանելին է, զի էր յՕստեր դաւառէ. որ է
 ՚ի կողմն Արապիստանու: ԽԸ. 6:
 Օտարազն: Օտար ազգէ, այլազգի: ԿԳ. 1:
 Օտարութիւն: Անըմանութի, մինասխպէթսիզլիք: ՀԵ. 12:
 Օրակշիռ: Օր չափող, որ է արեգակն: ՚ի Յիշատակարանն:
 Օր ՚ի յօր յերկարաձգել: Օրէ օր ձգել: ԾԸ. 3:
 Օրհներգ: Երգող օրհնութեան, կամ օրհնութիւն: ԿԱ. 2:
 Գովութիւն, բարեբանութի, որ միայն աստուծոյ վայելէ,
 որ է անսկզբնաբար սկիզբն ամենայն սկսելոց, և անեզրա-
 կան վախճան:



ԱՂՕԹՒՑ



Աղօթք առ աւօտու: ԲՄՆ • Խ • ՉԳ • ՉԵ • ՂԲ:

Աղօթք գիշերայնոյ: ԺԲ • ԽԱ • ՂԱ • ՂԳ:

Աղօթք զղջման: Է • Ը • ԻԲ • ԻԶ • ԻԷ • ՀԱ:

Աղօթք խնդրելոյ զչնորհս և զթողութիւն մեղաց: Դ • ԺԵ • Ի • ԻԳ • Լ • ԼԲ • Խ • ԽԷ • ԽԹ • Ծ • ԾԷ:

Մաղթանք հաւատոյ: Ժ • ԺԱ • ԺԳ • ԼԳ • ԽԳ • ՀԵ:

Մաղթանք յուսոյ և սիրոյ: Բ • ԺԲ • ԼԳ • ԼԷ • ԽԲ • ԽԹ • ԿԷ • ՉԸ:

Աղօթք յառաջքան զպատարագն կամ զհաղորդելն: ԼԳ • Ե • ԻԳ • Դ • ԽԷ • ԾԲ • ԾԳ:

Աղօթք զկնի պատարագին կամ հաղորդելոյն: ԼԳ • Ա • Ե • ԻԳ • ԿԷ • ՉԵ:

Աղօթք Դ սուրբ շարչարանս քրիստոսի: ՀԵ • ԻԸ • ԼԶ • ԿԶ • ՀԶ • ՀԸ • ԽԳ • ԿԷ • ԼԷ • ԾԲ • ԾԸ • Ղ:

Աղօթք առ սուրբ աստուածամայրն: Չ • ԻԶ:

Աղօթք բարեխօսութեամբ սրբոցն: ԼԱ • Հ • ՀԱ • ՉԲ • ՉԶ • ՉԷ • ՂԱ:

Աղօթք առ հրեշտակս և առ պահապան հրեշտակն: ՉԱ:

Աղօթք վանն բարի մահուան: Բ • ԿԶ • ՀԳ • Չ • ՉԵ:

Աղօթք վանն բժշկութեան: Գ • ԺԳ • ԺԷ • ԺԸ • ԻԵ • ԼԵ • ԽԲ • ԽԳ • ԽԸ • ԿԳ • ԿԴ • ԿԶ:

Աղօթք վանն հոգեվարաց յիշատակաւ մահու գերեզմանի յարութեան և դատասանի: Ա • Բ • Է • Ը • Ի • ԻԳ • ԼԲ • ԼԷ • ԼԹ • Խ • ԿԵ • ԿԶ • ՀԳ • ՀԴ • ՀԹ • Չ • ՉԱ • ՉԸ • ԿԷ • ՂԱ • ՂԵ:

Աղօթք վանն ննջեցելոց: ՉԶ:

Աղօթք վանն հարուածոց արտորելոց: Գ • ԿԳ • ՉԸ • ՉԹ • ՂԲ:

